



XLIX

m. 10. f. 2

~~K. X. n.º 14~~

XLIX. m. 10. f. 2.



36. 14. A. 13

8 4 8 B. 18

HIERONYMI II
OSORII, LV
SITANI, EPISCOPI
ALGARBIENSIS,
DE
IVSTITIA CAELESTI
LIBRI DECEM.

AD REGINALDVM POLVM CAR-
dinalem, Archiepiscopum Cantuariensem.



COLONIAE.
In Officinâ Birckmannica, sumptibus
Arnoldi Mylij.
Anno M. D. LXXXVI.
Cum Gratia & privilegio Sacrae Caesaris & Maiestatis.

35 M A 43

HIERONY-
MVS OSORIVS, LVSI-
TANVS, EPISCOPVS SIL-
VENSIS, IOANNI METELLO
SEQVANO, IVRISCON-
SVLTO, S. P. D.
COLONIAM VBIORVM.



*Siquam, amorem me-
um erga te, perspectum
habuisti: potes intellige-
re; quam gratæ mihi fue-
rint literæ tuæ: quas ac-
cepi, postquam in hæc Lu-
sitaniæ paries immigrâ-
ui. Quibus si non statim respondi: non id, obli-
uione amicitiae nostræ factum est. Non enim
fieri potest: ut, tam inuicem consuetudinis
memoriam deponam. Neque negligentia nostra.
Scis enim, me non esse valde pigrum in scriben-
do. Neq; negotiorum multitudinem: quæ licet
sint innumerabilia: nulla tamē negotia possunt
interrumpere iter & officium amoris nostri.
Sed illud fuit, quod in hac mea prouincia fa-
cultatem habere non potui hominis, cui literas*

meas committerem: & expectabam hoc tempus anni, quo mercatores nostri, hinc in Galliam Belgicam commeant, ut notis darem. Ut autem literis respondeam tuis: in quo, me, Algarbiorum Episcopum factum esse, letatus es, animum tuum in me, amoris & officij plenissimum, libenter adgnoui. Sed, utinam, merito letari possis. Hæc enim dignitas, cum deum letandi materiam adsert, cum Pontificis honorem recta muneris, & officij tam sancti perfunctio, cum optato laboris & vigilantia fructu, consequitur. Aliter enim, cum vel ex dissidia nostra Dei offensio concitatur, vel ex studio frustra consumptio, cruciatus exoritur: magis est, ut amicorum vitam, qui hoc honore sunt impliciti, doleamus, quam, ut eis, de parte dignitate gratulemur. De iudicio vero, quo multi homines, mei studiosi, ut quidam ait, cupiunt meam vehementiam, in aduersarijs, Opere de iustitia Cælesti meo, conuincendis, remitti: fieri quidem poterit, ut eorum sententia sit sapientior, ego tamen adduci non possum, ut eorum scelus, leniter exagitem, qui non leniter, Ecclesiam Christi, sed totis viribus, oppugnent. Si mihi priuatim iniuriæ illatæ fuissent, moderatè tulissem: indignas vero

verò in Christum contumelias, moderatè ferre non possum. Indignas verò contumelias iaciunt in Christum, qui Ecclesiam illius, quantum in illis est, euertunt, & adfligunt, omnemq; verissimæ Religionis memoriam tollunt. At, inquiet, eos, lenitate, in viam facilius reuocari posse. Sed is ego sum: qui fieri non posse credam, ut ij, qui sceleris immanissimi principes & authores sunt, à destinata sententia, ullo modo depellantur. Quanam, quæso, ratione, poterit quis eos adducere, qui, superbie radicibus innixi sunt, ut, se errasse, fateantur? Errati enim confessio, est Christianæ modestiæ: quam illi omnibus modis aspernantur. Repete memoria, ea, quæ sunt ab hominibus pijs mandata monumentis, & peruestiga, num aliquis fuerit erroris pestiferi magister, & architectus, qui in viam redierit. neminem repperies. Hos igitur tantum, qui sceleris principes sunt, confingo maledictis: non eos, qui, simplicitate magis, quàm pietatis odio, in errorem induuntur. Quid, inquiet, igitur, in scribendo proficies? Quid proficiam, ignoro. Quid autem moliar, & quid omni contentione pugnem, video. Id autem est: ut homines perduos,

atque profligatos, in iustum odium vocem: quod,
 & simplices, a scelere instituto, deterream;
 & eos, qui adhuc sana mente sunt, oratione mea
 confirmem. Nam de opusculo, quod ad Elizabetham,
 Britanniae Reginam, misi: male quidem,
 meo iudicio, statuunt: qui dicunt, me fuisse,
 in illam, paulo acerbius inuectum. Nec enim
 illam secus adpellavi, quam maiestas Regia
 postulabat. In quo verò eam admonui: ut vitaret
 insidias, & scelera immania coerceret, pietatisque
 patrocinium, animo constanti suscipere, &
 demonstraui, certe, quā essem, studio illius, incensus.
 Quod si aliquis interpretatur; ea flagitia, quae
 literis illis persecutus sum, ad illam pertinere: is,
 mentem suam aperit, non coarguit meam. De spe
 verò, quam aliter ille abiicit: Ecclesiae, hoc tempore,
 constituendae: haud ego certe illi adsentior.
 Curabit enim inflicta vulnera, vnicus ille generis
 humani Medicus: qui, tum vel maxime, salutare
 remedium adhibere solet; cum omnia, deplorata sunt.
 In quo autem tu me, mi Metelle, vocas ad scribendum:
 facis tu quidem id, quod te singularis amor facere
 admonet: ut mihi, eam scribendi facultatem tribuas,
 quam ego minimè adgnosco. Sed intelligis, in quo
 cursu sim; & quam prouinciam

ciam

*ciam sustineam: & quàm multa mihi negotia,
sint conficienda; si velim tanti muneris ratio-
nem; quam debeo; reddere. Totum tamen tem-
pus; quod mihi, à curatione mea vacauerit:
posthac, in scribendi studio, consumam. Tu ve-
rò; me, de omni statu rerum tuarum, certio-
rem facias; velim. Nihil enim mihi gratius
facere poteris. Vale. Calendis Ianua-*

rijs. M. D. L X V I.

*Ex Algar-
bijs.*

✱

4

HIERO.



HIERONY-
MVS OSORIVS RE-
GINALDO POLO CARDI-
NALI, CANTVARIENSI AR-
CHIEPISCOPO,
S. D.



VLLVM ESSE MA-
ius virtute vinculum, ad a-
nimos astringendos, & vo-
luntates amore eximio co-
pulandas, hoc meum erga
te studium facile declarat. Multi nanq;
anni sunt, cum te non solum amare co-
pi; verum etiam, tui videndi mira cupi-
ditate, flagraui. Quauis enim nunquam
mihi licuisset, propter magnum locorum
interuallum, quo disuncti sumus, tua
singulari humanitate frui; &, quod a
multis acceperam, de tua praestanti, exi-
miaque bonitate, non auribus tantum,
sed etiam oculis usurpare: vix tamen di-
ci potest, quam fuerim ipsa fama como-
tus, in studiū tui nominis incitatus. Nec
enim, vt forma corporis; sic animi pul-
chritudo praesentes tantum ad se aman-
dam allicit: sed etiam absentes. Non
enim

enim oculorum obtutu, sed mentis ad-
 spectu percipitur: nec vlllo corporis sen-
 su, sed animi indicio penditur: nec indi-
 get vlla officiorum vicissitudine, cū
 sui tantū admiratione animos ad se
 cōuertat, & rapiat. Cū igitur, ex mul-
 torū literis, atq; sermone, essem com-
 plexus animo, tuam istam in religione
 sanctitatē, in morum grauitate cōstan-
 tiam, in studijs artium maximarum, sa-
 pientiam, in Republica gubernāda pru-
 dentiam, in omni denique officiorum
 cultu diligētiam; & is sim, qui nihil esse
 iudicem vna virtute pulchrius, & ama-
 bilius: fieri certē non potuit, quin, stu-
 dio tui, vehementer incēderer. Magna
 deinde facta est ad amorē accessio, cū
 intelligerem, quātam mihi, testimonio
 tuo, dignitatem, idq; multis in locis,
 attulisses. Scripta namque mea, ijs lau-
 dibus affecisti: vt doctorum hominum
 voluntates mihi valdē cōciliares. Quan-
 tū enim ij, qui bonis artibus dediti sunt,
 tuo de me iudicio tribuendum existi-
 mārint, ex animo meo coniecturā fa-
 cio. Quamuis enim, antehac, mihi mi-
 nimē placuissē: vbi primū intellexi;

me testimonium tuum, fuisse consecutum: ne stultitiæ poenā sustinerē: si opinio mea, à sententia viri sapientissimi discreparet: aliquantulū mihi assumendum, & arrogandum putavi. Non igitur, eo me solū nomine tibi deuinxisti, quòd me ornāsti: sed etiam, quòd animum addidisti, ad maiora quædam molienda. Velim igitur intelligas, Vir amplissime: te, à me, incredibiliter amari. Et, quandiu alia ratione non possum, meum in te animū testificari: decem hos libros, quos tibi mitto: quibus omnē, ut arbitror, de cælesti iustitia questionem complexus sum: velim habeas, quasi huius meæ in te voluntatis & obseruantiaē testes. Eos enim, iam pridem, tibi destinaui: eò, quòd nihil aptius mihi videbatur, quàm, libros de iustitia inscriptos, illi despondere, in quo, mirabile quoddam iustitiæ ipsius lumē eluceret. Is autem tu non es, qui iustitię umbris gaudeas, ipsius autē iustitię summum decus aspernēre: sed qui, dignitatem illius & amplitudinem, omnib. opibus & imperijs anteponas: atq; ad eò omnes res humanas præ studio illius negli.

negligas, atque despicias. Cuius quidem rei magnum documentum omnib. esse debet studium istud in patriam tuam, à qua, laboribus immensis pestem redimis. Pestilentes enim errores euellis: vitiorum licentiã comprimis: virtutis studia incendis: regnum denique florētissimum paucorum scelere perturbatū, in pristinum iustitiæ splendorem, & in antiquam Religionis puritatem, restituis. Qui igitur, numquā, vt tibi ingētes opes comparares, laborem vllū suscepisti: dū pro iustitiæ sanctitate dimicas, nullū vel laborem, vel periculum, recusas. Quid igitur à me fieri potuit elegātius, quàm libros de iustitia illi donare, cuius omne studiū in iustitiæ cultu consumitur? Quamquā, vt verum fatear: in his libris tibi mittēdis, nō magis officiū meū, quàm emolumentum & fructū, secutus sum. Neq; enim: magis vt animū in te meum indicarem, quā vt singulare quoddā munus & beneficium efflagitarem, eos tibi donare constitui. Quod, nam est hoc tantum, inquis fortasse, beneficium? Hoc nempè: vt aliquod tempus, ē summis tuis occupationibus ereptum,

ereptum, horum librorum lectioni tribuas, mihiq; significes, an tibi digni videantur, qui in lucem prodeant. Hoc enim tibi affirmare possum; omne studium meum esse Christo cōsecratum, neque, me vnumquam aliquid moliturum, quod non ad pietatis studium referatur; & ad Ecclesiæ iudicium, quod ego sanctissimum semper habebo, dirigatur. Non igitur tam laboro, ut doctis hominibus placeam; quamquam id etiam mihi magnæ curæ sit, & ea de causa, ancipites scribendi euentus valde reformidem; quàm ne quid insit in scriptis meis, quod meritò hominū piorum animos possit offendere. Cū verò tu, non modò eloquentia, sed diuinarum rerum intelligentia mirabiliter excellas: non dubitabo, quin omnes, bonis artibus instituti, sanctissimæq; Religioni dediti, id sint approbaturi, quod tu neque prorsus incultum, neque parum piū, iudicaueris. Vale. Vlyxip.

pone. Calendis Quintilib.

M. D. LVII.

INDEX CAPITVM, DECEM LIBRORVM HIE- RONYMI OSORII, DE IUSTITIA CAE- LESTI.

Capita libri primi.

P roœmium, in quo de vita humana miseria.	pag. 1. I.
Quid sit iustitia, & quæ eius dignitas & præstan- tia.	pag. 5. II.
De varia fidei significatione.	pag. 7. III.
De duplici sensu verbi, fides.	pag. 14. IV.
De hominis appetitione.	pag. 9. V.
De principio actionum humanarum.	pag. 16. VI.
Sintne homines infideles & iniusti ab Ecclesia segre- gandi.	pag. 19. VII.
De vitiorum natura.	pag. 20. VIII.

Capita libri secundi.

P roœmium.	pag. 23. I.
Lutheri fidei genus in medium adfertur, illudq ³ fal- sum esse, var ³ rationibus conuincitur.	pag. 23. II.
Rationes, quibus Lutherus suam sententiam tueri co- natur: ac earundem refutatio.	pag. 29. III.
Fidei vim in studio legis diuinæ consistere.	pag. 39. IV.

Capita libri tertij.

P roœmium.	pag. 42. I.
De legis fœdere, & sacris.	pag. 47. II.
	An

- III. An antiquæ legis cæremoniæ aliquam vim habeant ad
expiandos animos. pag. 57.
- IV. Legis operibus neminem posse iustum fieri. pag. 59.
- V. Sitne lex diuina perpetua. pag. 61.
- VI. Officium, quod legis metus exprimit, ad quod genus re
uocandum sit. pag. 63.

Capita libri quarti.

- I. Sintne homines illi, qui olim in omni genere laudis ex
titerunt, fidei viribus excitati ad solidam virtutis
effigiem concipiendam. pag. 64.
- II. Sitne opus fide ad perfectam intelligentiam summi bo
ni capiendam. pag. 64.
- III. Neminem, naturæ tantum præsidys firmitatem, posse
Deum, vt summum bonum, amare, & ita iussis illius
omnibus obtemperare. pag. 69.
- IV. Refutatio eorū argumentorum, qui putant natura tan
tum fieri posse, vt homo Deum eximie diligat. pag. 76.
- V. Sintne omnia, quæ h̄ moliuntur, qui quamuis adhuc scē
leribus sint impediti, à ratione interdum reuocati,
multa egregie conatur, vt impura et inquinata re
ficienda. pag. 82.

Capita libri quinti.

- I. Proœmium. pag. 92.
- II. Tota de iustitia quæstio quatuor in partes diuiditur
ac primū quidē, quid iustum sit, explicatur. pag. 93.
- III. Iustitiæ donum opera solius Dei hominibus fuisse imper
titum. pag. 97.
- IV. Iustitia à Deo quibus hominibus sit data. pag. 101.
- V. Differentia fidei & iustitiæ. pag. 102.
- VI. De nomine gratiæ. pag. 104.
- Repre-

INDEX CAP.

Reprehenduntur ij, eorundemq; argumenta refutantur, VII:
q; gratia à ratione vera virtutis discernunt. pag. 105.

Capita libri sexti.

Prooemium. pag. 109. I:

Quanta luce sint circumfusi, qui iustitia culti sunt. II:

pag. 110.

De fructu tranquillissimæ pacis, quo iusti potiuntur. p. 115. III:

Capita libri septimi.

Prooemium, in quo quantis opibus ornatus extiterit I.

primus humani generis parens. pag. 150.

Primus humani generis parens quib. dolis et machinis II:

ex amplissimo atq; florentissimo iustitiæ statu deci-
derit, & Paradisi finibus eiectus fuerit. pag. 133.

Primi parentis morbi vitium, in omnem posteritatem III:

quomodo sit infusum. pag. 135.

Crimen, à primo nostro parente conceptum, in sobolem IV:

deriuari non potuisse. pag. 156.

Quomodo peccatum ex primo parente ad illius propa-

ginem sit deductum. pag. 140.

Quib. gradibus peccatum primi parentis humanum genus VI:

in omnem pestem atq; perniciem deduxerit. pa. 144.

Capita libri octavi.

Prooemium. pag. 157. I:

De hominis libertate. Et, an homines ad omnes res II:

fatali quadam necessitate constringantur. pag. 158.

Lutheri sententia de fatali necessitate. pag. 161. III:

Fatalem necessitatem Sathanam per hæreticos intro-

duxisse. ibid.

Refutatio sententiæ Lutheri de fatali necessitate. p. 162. V:

De bona efficere, mala aut tolerare et sustinere. p. 167 VI:

Refut.

- VII. Refutatio Caluini, adferentis distinctionem inter necessitatem & coactionem. pag. 177.

Capita libri noni.

- I. **P**rooemium, in quò de predestinatione. pag. 181.
 II. Refutatio eorum, qui putant ratum & fixum esse id, quod est cuiuslibet euenturum. pag. 181.
 III. Improbos iusto iudicio damnandos. pag. 182.
 IV. Fidei neque initium, neque progressionem in nobis absque libero consensu voluntatis effici, aut effectum stabiliri. pag. 183.
 V. Deum futura prouidere non posse, nisi quia futura sunt. pag. 187.
 VI. Præscientiam anteire, predestinationem verò consequi. pag. 189.
 VII. Ratio, cur Deus quosdam ab æterno tempore elegerit, & ad immortale regnum destinârit. pag. 189.
 VIII. Iustitiæ disciplinam omnibus esse expeditam & promptam: iustitiæque splendorem & dignitatem tueri, in nobis esse situm. pag. 193.

Capita libri decimi.

- I. **D**e iustitiæ pulchritudine & vtilitate: ac primum quidem de iustitiæ ratione. pag. 195.
 II. De iustitiæ muneribus. pag. 199.
 III. Deum tria à nobis exigere. pag. 203.
 IV. Omnem regiam disciplinam in vna iustitiâ collocandam. pag. 212.
 V. Epilogus. 224.

HIERONY-
MI OSORII LVSI-
TANI EPISCOPI SIL-
VENSIS,

DE IVSTITIA
• LIBER PRIMVS.



QVAM grauis & acerba sit huma-
næ vitæ conditio, quàm multis in-
commodis agitata; nemo poterit,
vel explicando consequi, vel enu-
merando percensere. Vt enim à na-
tali cuiusque die capiamus exordi-
um, omnesq; vitæ partes oratione perstringentes,
tandem ad exitum illius veniamus: horam nullâ
videbimus, aut dolore vacuam, aut labore solu-
tam, aut metu liberam; sed omnem ætatem in fini-
tis difficultatibus affectam, & summis curis & an-
goribus implicatam. Vitæ namq; principium à fle-
tu ducimus, deuinctisq; membris omnibus in ter-
ram abiecti, labores immesos à ploratibus auspi-
camur. Cùm autem reliqua animatiâ, præsidijs na-
turæ tecta, atq; vestita in lucem prodeant, solum
hominem nudum, & ab omnibus rebus inopem
cernimus, atque miserabiliter impeditum, in vi-
tæ primordio vagientem, statusq; sui miseriam in
ipso statim initio lamentantem. Quis autem pote-
rit morborum vim & multitudinem, quæ in illâ

naturam teneram, & imbecillam confestim incurrit, oratione complecti? Quæ cura nutrices, quæ sollicitudo parentes afficit? quæ pericula sint pueris infantibus, primis illis mensibus, intenta? Iam verò, cum ætate progressi, metu & cupiditate magis atque magis turbari incipiunt, omnia mala, quæ minus antea sentiebant, fiunt eis quotidie grauiora. Cum autem ad pubertatem perueniunt, tunc ingens vis tempestatis existit, quæ miseros homines exagitat, nec eos vlllo in loco consistere patitur. Hinc enim acerbi amores inuadunt: inde turbulenta dissidia statum animi cōuellunt. Quid cum amarissimæ voluptates multis doloribus emptæ neruos omnes incidunt? quid, cum dolores ad moti totum hominē impetu prosterunt? quid deinde, cum adulta ætate dominandi libido inflāmat animum? quid, cū inuidia eūdem conficit atque consumit? quid denique, cum variæ, multiplex, & infinita cupiditas omnem vim suam profundit, humanamque naturam omnibus morbis oppressam & impeditam dilacerat? Adde si lubet, nuptiarum molestias, familiæ labores, vitæ sollicitudines, fori contentiones. Adde lubricam amicorum fidem, sociorum proditiones, rerum ciuiliū turbines atque procellas. Adde cædes, insidias, supplicia, dedecus, & ignominiam, & reliqua mala, quibus vita florens, vel momento temporis, quasi impetu quodam turbidæ tempestatis obruitur; vel in summa laborum omnium contentione, tandem omninò consumitur. Quid autem ipsius ætatis extremæ morbos atque molestias, & corporis exhausti deformitatem referam? quid denique cadaueris ipsius horrificam

eam speciem commemorem? Estne aliquid in vita vel odore tetrius, vel aspectu truculentius, vel contagio pestilentius? Sic igitur in summa vitæ breuitate, vis ingens malorum circumquaque volitat. laborem labor excipit: dolor ex dolore necitur: moerorem atque luctum grauior quidā luctus sæpè consequitur: infinitæ curæ, molestiæ, sollicitudines animum peruagantur, eumque frangunt atque debilitant, & de omni statu deiiciunt. Quamuis autem animus aliquando in tantis malis falsa quadam boni specie commotus, inaniter exultet, & futili lætitia intemperanter elatus gestiat: non tamen vnquam solidum gaudium capit. Amittendi enim metu cruciatur: & cum id, quod valde expetendum iudicabat, effluere repente sentit, dolore conficitur, frustra que tandem intelligit, non veram se se, sed falsam & inanem voluptatem fuisse consecutum, & infinitis curis & morbis animi contabescit. Semper itaque breuissimum gaudium, prauis & diuturna ægritudo contaminat. Licet enim mors animantia cuncta populetur, nullum tamen est homine vel pluribus mortis ipsius telis expositum, vel grauiore eiusdem sensu cruciatum. Vnde colligitur, nihil esse in terris homine calamitosius. Huius autem humanæ miseriæ causa tota videtur esse ad duo principia reuocanda: vnum est summæ naturæ imbecillitas: alterū immensa & infinita cupiditas. Vt enim voluptas omnis oritur ex fructu rei alienius vehemētius appetitæ: sic omnis dolor tunc existit, cum non est concessum potiri rebus ijs, quas sitiēter appetimus. Quod significare volētes Poetæ, fingerunt summū illud Tantali apud infe-

ros supplicium. Aiunt enim, quoties ille se aquis, quas mento attingit, ingurgitare properat, ut sitim expleat; toties aquas evanescere, abscessuque repentino conatum miseri hominis ludificari. Hac quidē pœna torqueri necesse est omnes, qui multa cupiunt, ad quæ, propter inopiam & imbecillitatem aspirare non possunt. humanæ autem naturæ imbecillitas tanta est, ut explicari nequeat. Est enim hominis vita imagini similis, & umbræ, atque, ut Pindari verbis utar, cum umbræ somnio comparanda: illius autem cupiditas nullo termino circumscribitur. Semper enim animus humanus eget: semper aliquid cum solitudine inquirit: nec in vno tantum genere diligentiam & industriam suam cōsumit. Expetit enim honores: exquirat voluptates: imperia cōsecratur: in ore hominum cum gloria & dignitate versari desiderat: ad ea omnia comparanda summas opes, ad fruenda vitæ diuturnitatem acerrimè cōcupiscit: & cū ad aliquam partem eorum, quæ eximia putat, pervenire potest, maiore quadam indigentia laborat & immaniore cupiditate flagrat. nulla rerum copia animū illius explere, nulla vitæ longitudo illum satiare potest. Ex quo planū fit, omnes homines impetu quodam naturæ, vim sempiternam, & opes immortales appetere, ipsiusque diuinitatis imitandæ studio ardentissimo concitari: usque adeo, ut in scelestissimis etiā hominibus hic ardor mentis infideat. Omnes enim immortalitatem appetunt, summamque vim atque sempiternam desiderant, eaque de causa, tetra & impura facinora moliuntur. Cū igitur nihil sit homine magis fragile & caducum, & immortales opes ardentè fiat

tiat, & idcirco mortem semper anxie reformidet; restat, vt sint eius spes fallaces, conatus irriti, labores inanes, & ita assiduo & infinito cruciatu torqueatur. Cum enim homines fragiles & imbecilli sint, æternasq; opes atq; diuinas optent, summis infinitæ cupiditatis stimulis incitati, quasi per saxa quædam prærupta feruntur, & ruunt, & passim offendunt, & concidunt, & allisi prorsus intereunt, atq; tandem præcipites in sempiternum exitium rapiuntur. Quid igitur? num asseuerandum est, homines ad infinitam miseriam esse natos, omnemque melioris conditionis spem esse illis penitus abiiciendam? minimè verò: sed illorum furore & amentia fieri; vt, quod magis ad beatam vitam omnibus corporis & animi viribus enituntur, eò magis in vitæ pestem atq; perniciem incurrât. Cum enim Dei similes fieri cupiunt, tunc sese à Dei coniunctione, maximè sciungunt, &, quo propius ad Dei vitam conantur accedere, eò vehementius opem illius repellunt: & sic fit, vt, cū magis obnixè dant operam, vt vim & æternitatem, opesque summas & immortales adipiscantur, tunc vel maximè fragiles & miseri sint, importunoque dominatu mortis vehementius oppressi. Vna siquidem ratio est, diuinæ similitudinis, & cōiunctionis: vna beatæ vitæ via, quæ tota est in iustitia constituta. hanc qui tenent, diuinis opibus affluunt, sempiternoq; imperio & gloria florent: qui eam autem deserunt, infelices & ærumnosi sunt existimandi. Est autem Iustitia diuinus ornatus animi, mentisque status, Dei præscriptione fundatus, diuinisque opibus firmatus & stabilitus. Hanc igitur qui assequuntur, omnia, quæ volunt, facillimè consequun-

DE IUSTITIA

tur. Quamuis enim sit eorum immensa cupiditas, cum ea tamen ad Dei rationem referatur, illiusque sempiterno numine dirigatur, nulla res erit tanta ad quam non admirabili cursus foelicitate perueniat. Iustitiae namque vi fit, ut homo, qui corporis natura fragilis, consilij temeritate princeps, rerum exitu calamitosus est, sit repente inuictus viribus, consilioque diuino praeditus, foelicissimoque rerum omnium euentu in omni aeternitate florentissimus. Ea nanque sanat animos, stabilit vires, illustrat mentes, opes elargitur, voluptates efficit, ad diuinitatem & immortalitatem ducit: ea postremo Deum hominibus deuincit; humanumque genus cum diuina mente, bonorum omnium communione consociat. Huius neque pulchritudo corrumpi, nec voluptas inquinari, nec opes auerti, nec honores imminui possunt: neque, quae sit caelesti praesidio munita, & contra omnia mortis & inuidiae tela, armis diuinis armata. Licet igitur caelum concidat, terra incendio deslagret, mare ardoribus exustum intereat, omniaque tandem, quae intuemur oculis, ad nihilum redigantur: Iustitia tamen semper decus & gloriam retinebit, opibusque diuinis aeterno sempiterno perfruetur. Quis igitur has iustitiae diuitias atque magnificentiam secum animo reputans, non illius studio & cupiditate flagrabit? non omnes vitae curas, & cogitationes ad cultum illius conferet? non denique pra amore illius mori cupiet? Ad illam enim fruendam nati sumus, in illius pulchritudine beata vita consistit: ea denique potest omnem humanae mentis cupiditatem explere, vitamque bonis omnibus refertam, aeternisque gaudijs cumulata efficere. Cum enim omnia vera bona ex

na ex vna iustitia colligata pendeat, qui iustitiam
 obtinet, omnia simul bona consequitur: qui verò
 illius expers est, nulli⁹ boni particeps esse potest.
 Qui igitur illius cōpotes, beatissimi: qui ab illa
 deleruntur, miserrimi sunt, sempiternaque pœna
 cruciandi. Sed quò maior est illius maiestas & am-
 plitudo, eò maius mihi onus proponitur. hoc enī
 suscepi, vt de iustitiæ splēdore, & claritate differe-
 re, illiusq; vim & rationē pro viribus explicare.
 Non sum nescius, tantū esse munus hoc à me sus-
 ceptū, quantum homines doctissimi & eloquētis-
 simi, nec ingenio cōsequi, nec orationis facultate
 sustinere possint; tantum abest, vt ego, qui neq; in-
 genij acumine, neque literarum doctrina, sim cū
 illis comparandus, iustitiæ dignitatem literis il-
 lustrare valeam. Sed par est, eū, qui iustitię decus
 & elegantiam admiratur, omnes ingenij vires ad
 illius explicationē conferre; nō ipsius ingenij cō-
 fidētia, sed illius gratia fretus, qui iustitię sator, et
 altor, & parens est. Cū autē omnis iustitia à Deo tā-
 tum, quasi à quōdam fonte perenni bonorū om-
 niū, emanet, & in illius gratia & benignitate col-
 locanda sit: Dei autē benignitatē nō humanis mu-
 neribus, sed vigenti fide cōsequamur: consequens
 est, vt à fide ducamus exordiū. Quapropter in pri-
 mis de fide, quæ dux est ad iustitiam, differemus;
 veramq; illius rationem aperiemus: & interim eo-
 rum velaniam, quorum sermo impurus increbuit,
 refutabimus, qui perfidiam & impietatē fidei no-
 mine prætexit: tum quātum licebit, fidei ipsius
 vim etiam in priscae legis institutis, atque summo-
 rum hominum exemplis scrutabimur, vt sic tan-
 dem ex fide ad iustitiam gradum faciamus. Vt

autem commodius de fide sermonē instituamus, à
 Christiani nominis dignitate ordiemur. Magnū i-
 gitur nomen est hominis Christiani, magnū decus
 & ornamentum, magnum robur & inuictum, ex-
 cellens in omni genere virtus, atque planē diui-
 na. Quid enim clarius, quàm esse cunctis cœlitibus
 agnatione rerumque omnium societate coniu-
 ctum? quid vel ad vitæ iucunditatem suauius, vel
 ad utilitatem melius, vel ad honestatē elegantius,
 quàm opibus diuinis affluere? quid securius, & ex
 omni parte munitius, quàm armis diuinis tegi, cœ-
 lestique præsidio confirmari? quid postremo cogi-
 tari animo potest altius, aut magnificentius, quàm à
 Deo summo adoptari, illumque præpotentem rerū
 omnium conditorē & dominum, parentem agnos-
 cere? quare nihil esse potest in vita nomine Chri-
 stiano præclarius, cū hoc omnia summæ dignita-
 tis præsidia & ornamenta contineat. Christianum
 verò efficit fides in Deum, innixa Christi iustitia,
 sanctitate, religione, excellentibusque illius om-
 nium virtutum maximarū atque diuinarum meri-
 tis, quibus hominum mentes expiauit: patris nu-
 men humano generi infensum placauit: aditumque
 nobis in cælum patefecit. Fides autem cōtinet om-
 nem religionem, atque pietatem. Omnes enim vir-
 tutes, ex fide aptæ atque nexæ sunt, & cum illa san-
 ctissimo vinculo colligatæ & implicitæ. Non igi-
 tur immeritò omnia diuinę legis instituta, omnes
 ceremoniarum sanctitates atque mysteria, om-
 nia denique præcepta, monita, & consilia, quæ
 sanctis literis continentur, ad excitandam fi-
 dem, opesque illius firmandas & amplificandas
 referuntur. Quid est enim aliud diuinæ legi pro-
 posi-

positum,quàm abstrahere penitus homines ab humanarum rerum confidentia, & ad firmam spem diuinæ benignitatis, ipsius Dei promissis excitatos, incendere? Quid aliud volunt leges præscriptæ, foedera sacrosancta, mysteria sacris integumentis inuoluta, opes ostensæ, terrores illati, bona infidelibus acerbissimè cõstituta; nisi persuadere, omnem vitæ, salutis, atque dignitatis rationem, omnemque beatæ vitæ spem in vno Deo collocandam? Eos igitur, qui vel corporis, vel animi viribus efferuntur, vel abundantiâ pecuniæ, aut principum gratia, aut multitudinis fauore nituntur, qui ad pericula depellenda, non opem diuinam, sed humanam potius implorant; non modo amentes & furiosos, sed miseros & ærumnolos appellant: eosque supplicijs sempiternis mactandos esse prædicunt. Execratur Ieremias hominem qui neglecto Deo spem ponit in homine, humanoq; præsidio cõfidit: eumque facit similem myricæ in loco arido & inculto natæ, quæ neq; fructu, neque vmbra utilis est, nec amœnitatis specie iucunda, nec ad alium vsum, quàm ad ignem & incendium reseruanda. Contrà verò, illum, qui diffidens omnibus humanis opibus, omnem spem rerum suarum habet in Deo positam atq; constitutam, dicite esse similem arbori, prope flumina consistæ, quæ humore è perennibus aquis hausto, radices altissimas agit: æstumque non metuit, cum sit undique vestita frondibus, atq; fructibus onusta salutaribus. Hac elegantissima similitudine describit iuorentem statum hominis fidelis, quæ nec vllus ardor exurit, neque turbo; aut tempestas vlla

conuellit: neque vllum denique tempus, quantum graue atque metuendum reliquis, eum aut honestatis laudibus & ornamentis, aut oportuno fructu virtutis spoliat. Cum enim altissima stirpe nitatur, & nunquam sit munerum diuinorum affluentia destitutus: eueniat opus est, vt non modo salutare fructus atque sempiternos proferat; sed sempiternis etiam laudibus illustretur. Quid enim illi deesse vnquam poterit, vel ad emolumentum & fructum, vel ad decus & honestatem, qui est fonti atque principio omnium bonorum & totius honestatis architecto sanctissimo foedere copulatus? ad hoc autem foedus, quo omnis fidelis numini diuino coniungitur, significandum, videmus sanctis literis matrimonij nomen frequenter vsurpatum. Vt enim matrimonium, si est rite contractum, viri & vxoris animos ita deuincit, vt vnum e duobus efficiat: sic Deus eam mentem, quam sibi copulat, adeo secum diuinarum rerum communione coniungit, vt nihil habeat ab ea seiunctum, quod quidem possit ad illam peruenire. Fit igitur ex utroque quodammodo vna mens, vnum studium, vnus sensus, vna voluntas: Nihil enim cupit animus, amore diuino incensus, nihil aliud studet nihil agit, atque molitur, nisi vt Dei gloria illustretur. Nihil contra Deus statuit, atque decernit, quod non ad suorum vtilitatem & gloriam referatur. Quid est igitur homini hac coniunctione beatius? Coniunctionem autem hanc efficit fides ardens & incitata in Dei studium: Sic enim Deus ipse loquitur apud Oseam, cum mente, quam sibi coniunxerat: Despondi te mihi in fide. Ergo, cum hoc foedus, atque matrimonium fide percussus sit, & in eo omnia bona

bona cōsistant; nihil esse potest incensa & inflam-
mata fide salutaris. Si autem clarius cernere stu-
deas, quantum firmamenti sit in fide ponendum,
cogita, quorsum direxerit Christus omnia, quæ
gessit in vita, in quem finē respexerit, quid in om-
ni loco, vel cum aliquod opus mirabile faciebat,
vel diuina quadam orationis amplitudine & dig-
nitatē differebat, sibi proposuerit: nōnne vt Patri
obediret, & opus cōpleret atq; perficeret, ad quod
efficiendū missus fuerat? Huic igitur vni curæ in-
cubuit: hoc tanquā iucundissimo cibo animū ab
immensis laboribus recreauit: hoc vnū negotium
suscepit, vt patris opus absolueret. Quod autem o-
pus illud extiterit, explicat ipse, dicens: Hoc est
opus Dei, vt credatis in eum, quem misit ille.
Ergo, si ad hoc vnum opus instituendū, & ab-
soluendū, Dei filius humanam formā induit, & à
cæli fastigio delapsus terras lustrauit, atq; cū ho-
minibus vixit; si omnis illius doctrina, omnis so-
licitudo pro nobis suscepta; si labores, quos excep-
pit; dolores, quos pertulit; ipsa deniq; crux, in quā
sublatus fuit; & omnia deniq; supplicia, quæ per-
pessus est, huc spectabant, vt fidem sanciret atque
firmaret: certē constat, omnia præclara munera fi-
dei ipsius gremio contineri. Quod autē hoc vnū
opus esset, quod Christus in vita gessit, illud est
magnum argumentum, omnia illius studia fuisse
ad illustrandam summi patris gloriam destinata.
Gloria autem patris illustratur fide. Cum enim
illum credimus esse præpotentem & optimum,
virtute atque benignitate immensa & infinita præ-
ditum, per omnes mundi partes intētum atq; com-
meantem, omnia intuentem & animaduertentem,
& sin-

& singulis rebus, prout cuiusq; rei dignitas, & conditio postulat, consulentem, & eum ita timemus, vt dominū; &, vt in parente, omnia vitæ præsidia in eo constituendā putamus: tum demum illū honoribus debitis afficimus, atque vt Deum piē & castē veneramur. Pater, inquit ille, ego claritatem tuam insignem reddidi super terram. Quomodo autem patri gloriam tribuerit, paulò inferius ostēdit. ait enim: Manifestum feci nomen tuum hominib. quos dedisti mihi. Quid aut aliud est, nomen Dei clarum & illustre apud homines reddere, quā fide mortales ad Dei cognitionem capiendā instruere? Hac aut notitia, quam fide consequimur, vitam hominū contineri, in eadem oratione planē demonstrat. hæc est, inquit, vita æterna, vt cognoscāte Deum verum, & quem misisti Iesum Christum. Vnde colligitur, vitam æternam in fide consistere: quemadmodum ipse testificatur, dicens: Qui credit in me, etiam si mortuus fuerit, viuet: qui autem viuit, & credit in me, nunquā morietur. Et alibi est apud Ioannem, qui hanc Christi sentētiā multis in locis complexus est: Sicut Moses sustulit serpentem in deserto, ita tolli oportet filium hominis: vt omnis, qui credit in eum, non pereat, sed habeat vitam æternam. & pater diligit filium, & omnia dedit in manu eius; qui credit in filium, habet vitam æternam. Vndē Ioannes idem in epistola prima, omnem legis diuinæ summam in fide sitam esse docet, cū ait: Hoc est præceptū eius, vt credamus in nomine filij eius. Vndē etiā vox illa, cuius horrific⁹ sonus & admirādus, eorū, qui aderant, aures compleuit: Hic est filius meus dilectus, in quo mihi benè complacitum est, ipsum

ipsum audite. Nec enim aliud est Dei filium audire, quàm fidem illius dictis atque præceptis adiungere. Quid hîc Prophetas, quid sanctissimorum hominum scripta commemorem? Nunquid non est hæc omnium vox vna, vt erigamur animis, vt in Deû respiciamus, vt illius fide corroboremur? sic autem futurum denunciant, vt omnibus diuinis opibus atque prædijs mirificè redundemus. Nulla enim re poterit indigere is, qui est, vt diximus, omnium bonorum principio, fœdere sempiterno deuinctus. Sed quò fidei vis amplior est, & maiorem copiam rerum salutarium in se continet: eò est ratio illius diligentius explicanda. Cauendum enim est, nè, quod multis, hac tempestate præsertim, accidere videmus, nominis splendore capti, dum fidem inani studio consecretamur, in perfidiæ scelus incurramus, & ita à vera iustitiæ via propter cæcitatem mentis aberremus. Erit igitur nobis in primis, quæ vis sit huic voci subiecta, diligenter explanandum. Fidei igitur nomen cum multa significet, tum hæc est illius præcipua notio, è qua reliquæ omnes videntur esse ductæ, firma nempe & constans debiti muneris & officij perfunctio. Secundum hanc sententiam, dicimur præstare fidem aut patriæ; aut principibus, aut parentibus, aut amicis, aut socijs, cum debita pietatis, aut amoris, & fœderis officia in illos conferimus. Contra verò, deserere fidem, aut à fide deficere, aut fidem fallere, est officium proderet: quòd sit, cum eos, quibus aliquo iure deuincti sumus, nefariè deserimus, aut fœdus aliquod factum violamus. Item, qui creditoribus satisfaciunt, & in promissis permanent, & creditam pecuniam

ad diē soluant, in fide permanere dicuntur: quia dum veritatem seruant, debitum sanē officium tuentur. Hac autem de causa videtur Ciceroni fidem dictam fuisse, quasi fieret, quod dictum fuerat. Cernitur enim maximē fides in dictis atque promissis omni studio conseruandis; idcirco fidē angustam esse, aut labefactatam esse, aut penitus concidisse dicimus, cū homines ære alieno obstricti, persolvere debitam pecuniā recusant, in quo datam fidem fallunt, & contra officium fraudem nefariē moliuntur. In sacris autem literis hūc huius verbi vsum satis frequentē videmus. Vndē fides, veritas, & officium, apud Hebræos vno verbo declarantur. אֱמוּנָה enim, vel אֱמֶת, & fidē, et veritatem, & officiū significat. Vndē illud, quod est scriptum in Genesi; Si facitis misericordiam & veritatem cum domino meo, indicate mihi. Satis enim constat, hoc in loco veritatis nomen, pro officij nomine positum. Est igitur fides, constans veritatis & officij studiū. Inde fit, vt fideles appellemus eos, qui minimē spem nostrā fallunt: & officio debito fungūtur. Vnde & fideles amicos & seruos fideles eos numeram⁹, qui & amicis & dominis satisfaciūt, nec eis aliquo in loco desunt. Est et alia huius verbivis, qua significamus firmā animi persuasionē, qua rebus nec visis, nec ratione & argumento cōclusis, assentimur. Quamuis. n. interdum fides ponatur ad significādā omnē mentis assensionem, siue illā sit a sensibus orta, siue ratione & argumentis effecta; ad hunc enim modum & aspectus fidem facit, & ratio, & omnis deniq; notitiæ via, qua aliquid animis cōprehensum teneamus: quāuis igitur hanc rerū etiā comprehensio-

nem

nem fidē interdum appellemus, plerunq; tamē fides ab euidētia & opinione distinguitur. Nec. n. tam sensib. & argumentis, quā authoritate cōtinetur. Vim nanq; stabilem & firmā ex eo cōsequitur, quōd de illius, cui credit, veritate, fide, & officio minimē dubitandū putat. Hanc aut faciunt mediā inter scientiam & opinionē, est enim vtriusq; particeps, & ab vtriusq; ratione distincta. Constantia. n. & stabilitate est scientiæ par: cum opinione vero hoc habet commune, quōd euidētia caret. Differt aut à scientia quōd nō argumētis explicatis, & causis à principio cōstitutis, sed sola authoritate nititur. Ab opinione verò, cōstantia & imbecillitate disīgitur. Fides enim est assensio firma, quæ non facilē, postquā animo insedit, conuelli potest. Opinio contrā, est imbecillus assensus animi, varius atq; mutabilis. Secundū hanc fidei sententiam, dicimur habere fidem alicui, aut adhibere, aut adiungere fidē, cū aliquid authoritate cuiuspiam moti absq; dubitatione credimus. Itē, dare fidem: cū aliquid in nos recipimus, quod fixum atque ratum fore pollicemur. Facere præterea fidem, cū persuadenus, nullam in verbis nostris subesse vanitatem. Ut igitur omnia breui complectamur, habemus hīc duplicem huius verbi sensum. Vnus est, cū ponitur pro debiti muneris & officij perfunctione, atque promissorum veritate & constantia: aliter, cū firmam animi persuasionem, nec sensibus nec argumentis effectam, sed authoritate aliqua graui corroboratā significamus. Hic secundus, quamuis à primo differre videatur, est tamen ductus ab illo primo, & cū eodē valde coniunctus. Nam qui officiū

tueri

tueri studet; credat opus est ei, cuius fidem exploratam habet. si enim spectatque probitati diffidat, contra officium faciet. Rursus si fidem habeat recta atque salutaria monenti, ubi primum officij sui ab illo fuerit admonitus, illud statim exequitur. His ita igitur explicatis, consequens est, ut fidem, quam profitemur, ad alterutram huius sententiæ rationem perpendamus, ut sic tandem planum sit, in quo fidei ipsius vis atque natura consistat. Primum igitur fidem ad illud primum sensum referamus, deinde ad secundum veniemus, ut facilius intueri possimus, omnem diuinæ legis cultum, fidei aceri & incitato studio contineri. Cum igitur fides sit summum veritatis studium, atque in seruandis promissis constantia, debitiq; muneris & officij perfunctio; videndum est, ecquod sit nobis munus & officium colendum & efficiendum, ecquæ fœderis religio sit, in qua violanda summo perfidiæ scelere se animus deuinciat. Solent, qui de hominis natura quærent, diligenter persequi mentis humanæ solertiam, ingenij acumen, memoriæ vim, totiusque rationis præstantiam, corporisque formam & figuram, ad rationis imperium aptam & habilem, summum denique dignitatis studium omnium animis ingeneratum. Quibus argumentis ducti concludunt, hominem esse à Deo singulari consilio procreatum, ut in Deum respiciens, omnem vitam illius imitatione conformaret: imperiumque sibi in terris commissum, ex voluntate illius administraret, & ad illum omnia referret. itaque colligunt, hominis officium, & pietate in Deum, & sanctitate iuris inter homines contineri. Vnde sequitur, omne officium esse positum in obedientia

tia illa, qua Deo parere debemus. Nam si videmus æterno diuinæ mentis imperio cælum, terram, maria, vniuersamque mundi fabricam regi; nec eam legem transgredi, quam à principio ipsi naturæ totius naturæ rector imposuit: multò certò magis nos, quorum gratia hæc omnia, quæ cernimus effecta sunt, illi obedire debemus: vel quia soli in omni mundo, quem intuemur oculis, numen illius quoat fas est, mente concipimus: vel quia diuinis ab illo muneribus ornati & instructi sumus: vel quia voti compotes esse nō possumus, nisi nos totos ad ductum illius & imperium adiunxerimus; vel postremò, quod ad ei parendum & obediendum foedere sanctissimo astricti & alligati sumus. Cùm igitur illius imperium detrahimus, multis rationibus contra fidem facimus. Nam & summum Dominum, cùm simus natura serui, contemnimus: & aduersus optimum parentem ingrati sumus: & vitam nostram atque salutem prodimus: & foedus sanctè percussum, sceleratè violamus. Vt autem melius possit intelligi, quantum omnis impia rebellio cum officio pugnet, quàm aduersaria saluti sit, quātis tenebris effectum humanæ voluntatis impediat, quanto scelere mortalium animos astringat, ex hominis appetitione aliud exordium capiemus. Omnes homines natura incitati, ad optimum vitæ statum consequendū summis viribus enituntur. omnes enim natura summum bonum expetunt. plerique tamen, dum, vt id sibi parent, omnes neruos intendunt, quia temeritate & amentia ducuntur, & in quo sit ipsum bonum, nō vident; præcipites in exitium ruunt. Sunt enim multi errores

in vita, sunt multæ infidix mortalibus intentæ; est præterea summa quædam naturæ imbecillitas: ver-
 samur in tantis tenebris atque caligine, agitamur
 tam aduersis tempestatibus, atque procellis; vt
 nemo per se possit vitæ cursum rectè instituere,
 aut institutum ita tenere, vt non tandem flu-
 ctibus obruatur. Aut enim tenebris impediti,
 quem portum petere conueniat non videmus:
 aut certè, si id quasi per caliginem videmus, in-
 gentis cuiusdam perturbationis æstus nos à cur-
 su longissimè diuersos abducit. Sic fit, vt, cùm om-
 nes natura vitam beatam expetant, nemo tamē na-
 turæ tantum præsidio subnixus ad eam aspirare
 possit. Solus enim Deus natura beatus est. Beatitu-
 dinem igitur appetere, est diuinum statum con-
 cupiscere. Diuinum autē statum nemo potest abs-
 que viribus diuinis adipisci, diuinis autem viri-
 bus ij soli fulciuntur, qui se Deo tradunt, illius-
 quæ iussis obtemperant, ita igitur fit, vt nemo pos-
 sit ea consequi, quorum mira cupiditate flagrat,
 nisi Deo obediat. Hoc, vt melius cernamus, sin-
 gamus animis, nos iter quoddam necessarium ex-
 imia cupiditate ardentes ingressos, in multiplices
 & flexuosas repentè vias, easdemque lubricas &
 periculosas incidisse, quarum pleræque viatori-
 bus amoenitatis specie blandiantur: eosdemque
 pauld longius progressos, densis vepribus atque
 dumetis pungant & vulnerent. sint deindè ea
 loca multis latronum latibulis, atque bellua-
 rum immanium lustris infesta. Cogitemus dein-
 de eas tenebras, quæ aspectum rerū omnium adi-
 mant, ita vt nullum exitū omninò reperiāmus; sed
 quò maiore spe salutis in via properamus, eò plu-
 ribus

ribus erroribus atque miserijs implicemur. Hic igitur, cum neque regredi liceat; nec insistere, nec progredi sit absque certa vitæ perniciæ concessu: cum omnia latrones obsideant, & feræ etiam sint ad laniandum acriter incitata; cum sint omnia spinis obsita, tenebris obducta, mortiferisque cincta periculis: fieri non potest, ut is, qui se videt tantis undique malis circumuentum, omniumque opæ destitutum, non sit acerbissimo animi cruciatu confectus. Sed occurrat, eo præsertim tempore, quo iam vel à feris incipit laniari, vel latronibus iugulum dare cogitur, homo potens, qui non modò viam teneat, verùm eas opes habeat, quibus omnem eiusmodi pestem arcere queat. Artem præterea medendi teneat; ut, si quod vulnus sit, antequam ille aduentet, impositum, id confestim sanet. Is, si feras abigat, latrones in fugam conuertat, si vulnus obliget, atque salutarem medicinam adhibeat; si denique omnibus in rebus homini misero benignitatis suæ lucem porrigat, seque ducem viæ, custodem vitæ, salutis atque dignitatis vindicæ præbeat; si, ut animû illius magis confirmet, iuret, se se hominis salutem, si voluerit illû sequi minime defuturum: si tantis opibus intelligat is, qui erat extrema quadam miseria penè consumptus, vitam suam muniri, & ad spem salutis excitari, quòdnam tandem erit officium illius? Vnum profectò, oblatam peropportunè opem gratissima voluntate prosequi, sibi que omnino diffidentem, omnem vitæ atque salutis rationem optimo duci committere. Insistet igitur illius vestigijs, & à via, quam ille monstrat, minime declinabit: priusque omnem humanitatem exuet, quàm tantum bene-

ficij memoriam deponat. Hanc porro similitudinem ad communis vitæ conditionem transferamus. Omnes id iter suscipiendum arbitramur, quod nos in beatam vitam ferat: varijs tamen studijs, atque rationibus ad illam contendimus. Alius enim ambitioni seruit, alius pecuniæ studet, alius voluptates exquirat, alius denique aliam viam ingreditur, qua putat se beatæ vitæ compotem aliquando futurum. Paulò verò progressi sentimus, quàm amara sit ea vita, quam fore suauissimam suspicabamur. Honores enim sunt inanes, & maximis plerunq; ignominie maculis deformati. Pecuniæ cupiditati nullus est modus constitutus; ita, vt semper animus indigeat, & in extrema quadam inopia & mendicitate versetur. Stultorum autem hominum voluptates, cum sint fuitiles atque breuissimæ, nec iudicio, sed furore susceptæ, tum eas summi dolores atque molestiæ consequuntur. Quid, cum amplificata cupiditas animû ita distrahit atque discerpit, vt nihil inconstantius aut miserius fingi possit? Nunc amore furit; nûc odio incēditur; nunc ardet libidine; rursus metu concidit; & alijs eiusmodi pestibus, quasi furiarum tedis agitato, in varias partes impetu quodam rabido concitatur. Sic igitur mens orbata luce, quotidie magis errore completur; & ita de via deducitur, vt nullum omninò exitum in tantis malis inueniat. Ergo & cupiditatibus diripienda, atque tanquam à truculentis beluis dilanianda relinquitur: & hostibus generis humani sempiternis exposita, eorum plerunque crudelitatem satiat. Sic igitur circûfusi tenebris, mortiferisque vulneribus lauciati, nullamque tantorum

rum malorum. alleuationem sentientes, nec vllò in loco sine dolore atque solitudine consistentes, vitam agimus miseram & calamitosam, omnibus summis malis vndique circumuentam. Nec tamen est vllus miseriarum finis in morte: sed omnia, quæ grauia & intolerabilia videntur, leuissima sunt, quasi quædam somnia reputanda, si ad æterna supplicia conferantur, quæ sunt post huius vitæ excessum, stultis atque perditis hominibus constituta. Huic tanto malo quòdnam remedium poterit adhiberi? humanum profectò nullum. Sed præstò aderit Pater ille cælestis, qui res humanas nunquàm neglexit. Is lucem suam diffundit, auxiliumque pollicetur: magnisque vocibus nos ab exitio reuocat, & si illum audierimus, certà spem salutis & immortalitatis ostendit. Feras igitur venenatas extinguit: immanes hostes exterret: vulnera inflicta sanat: viam, qua perueniamus ad beatam vitam demonstrat: seque viæ ducem fore confirmat. Hoc tantum à nobis requirit, vt neque sensus consulamus, à quibus tam sæpè delusi sumus; neque vitam infanæ multitudinis opinione conformemus, quam videmus præcipitem furore & amentia ferri; nec hostibus immanissimis pareamus, qui furentes odio & crudelitate, in vitā nostram incitantur; sed ei tantum, quē immensa sapientia atque benignitate præstantē cognoscimus, & infinita potestate præditū, omnes vitæ nostræ rationes credamus atq; cōmittamus; & vt nos magis securos reddat, nos sibi fœdere iëto filij sui sanguine deuincit, vt illi fidē adhibeamus; eaq; fide & obedientia salutē nobis & immortalitatē paciscitur. Quod est igitur

tur nostrū officium in tāta Dei benignitate, & prae-
 senti illius auxilio miserrimis tēporibus oblato?
 hoc vnum certē, non repudiare beneficium, nō as-
 pernari liberalitatem, non detrectare imperium:
 sed animo gratissīmo illum summū ducem intue-
 ri, illius benignitati vitā credere, vestigijs illius
 statim ingredi. Quod si non facimus, varijs ratio-
 nibus fidem frangimus. Primū enim ostēdimus
 nos minimē fidem verbis illius adiunxisse. Illud
 enim dici nō potest, aliquem esse, qui beatus esse
 nolit, cū omnes in beatæ vitæ studiū inflāmati
 animis rapiantur, & omnia vitæ consilia ad illam
 dirigant. Ergō, si credunt, Deum esse vitæ & salu-
 tis auctore, vitæq; certissimum ducē, quā ad vitam
 beatam perueniatur, si præsidio illius magno-
 perē confidunt, monitaq; illius & consilia non
 aspernantur: certē, cū fuerint ab illo vocati ad
 salutem, ad eū confugient, & viam, quā ille mō-
 strat, inibunt, eūq; summo studio sequentur, spi-
 ritumq; illius sensibus suis longē anteponent.
 Quod cū non faciunt, indicant certē, se non fidem
 sed cupiditatem sequi: deindē Dominum contē-
 nunt, cū in maxima beneficia ingrati sunt: postre-
 mō foedus omni religione sancitum, cum insigni
 temeritate & impudentia rumpunt. Fidem autem
 maxima ex parte esse positā in hoc studio, quo De-
 um ducem sequimur, & à via, in quam nos ille de-
 ducit, haudquaquam deflectimus, Moyses in primis
 author est. Sic enim Hebræorum infidelitatem co-
 arguit: Non credidistis, inquit, Domino Deo ve-
 stro, qui praeesset vos in via, & metatus est vobis
 locum, in quo tentoria figeretur, ostendēs nocte vo-
 bis iter in igne, & die in columna nubis. Via au-
 tem

tem, quā Dominus monstrabat, nō tam erat ea existimanda, qua Hebręi per vastas & incultas regiones Syriam petebāt, quā diuina lex, qua est nobis in gloriā immortalē summo studio properādum. Ab hac qui obstinatē declinant, satis indicant, se parū Deo credere. Ob id idem Moses alibi, cū populum ad fidei studium esset magna contētione cohortatus, quasi declarās, quę vis esset in fide, dicit: Dominum Deum vestrū sequimini, & ipsum timete, & pręcepta illius seruate, & audite vocem eius, & ipsi seruietis, & ipsi adhærebitis. Multis vocibus idem declarantibus vim fidei ipsius insignē facit. Itaque docet, ab eo ritē fidem coli, qui Deū pręeuntem sequitur: quod quidem facit, dū pręceptis illius obtemperat: dum mentem excitat ad vocem illius audiendam: vt, quidquid fuerit imperatum, protinus exequatur: dum postremō beneficiorum memoriam conseruans, illi, à quo tantis ornatus est beneficijs, amore coniungitur. Dauid autem sic Deum loquentem inducit: Instruam te in via hac, qua gradieris: firmabo super te oculos meos. Quā benignē opem nobis ostendit? Quid igitur est nobis faciendū, ne tantum beneficiū repellamus? Hanc tantam clementiam ducis ac monitoris nostri, qui lucem mentis suę se pręlaturum in hac via cōfirmat, firma fide complecti. Quocirca nos statim admonet, ne vocibus illius aures occludamus: ne imperium recusemus: ne nos effrenatis bestijs similes prębeamus: hoc est, vt vno verbo dicam, ne infideles simus. Nolite, inquit, fieri sicut equus & mulus, in quibus nō est intellectus. Idem Vatis alibi, cū homines ad fidem excitaret: hodiē, inquit, si vocem eius

B 4

audie.

audieritis, nolite obdurare corda vestra. Hic certe durities animi, nihil est aliud, nisi contumacis animi rebellio, diuinum imperium repudiantis: quod quidem scelus est fidei oppositum. Fides enim cernitur in animo ad studium diuinæ legis alacriter incitato. Vnde colligitur, duritiæ animi esse mentis errorem & cæcitatem, atque added perfidiam. Quod in eo loco satis exponitur, paucis enim interiectis, inducit Deum his verbis Israelis perfidiam acriter insectantem: Hi errant corde, & non cognouerunt vias meas. Ieremias verò perfidiæ vim & immanitatem luculemter explanat: Consistite, inquit, in vijs, & interrogate de semitis antiquis, quæ sit via bona: & ambulate in ea, & inuenietis requiem animabus vestris. & dixerunt, non ambulabimus, Immane, facinus & execrandum, summi Domini imperiū contēnere: detestabilis quidē furor & amentia, in tantis miserijs optimi parentis beneficium abijcere. Inuitat enim ad fidem, iustitiam verò pollicetur. Ambulare enim in via, quam monstrat ipse Dominus, est fidei munus & officium: inuenire verò requiem, est absolutæ iustitiæ fructu, atque tranquillitate potiri. Illi verò neque munus suum, quod facile fulti diuino præsidio exequi potuissent, exhibere voluerunt, & amplitudinem diuini muneris & beneficij, nefariè & improbè contempserunt. Instat nihilominus ipse Dominus, vt eos, qui benignitate allici noluerunt, timore saltem ab impietate deterreat. sequitur enim: Constitui super vos speculatores: audite clangorem tubæ. hoc est; denuncio per Prophetas meos, dirum & exitiosum bellum vobis imminere, nisi resipiscitis,

tis. Quid illi interim ad hæc? non, inquiunt, audiemus. Hic iam cernitur summus infidelitatis gradus, & ingens quidam mentis stupor, quo oppressos videmus eos, qui nec beneficijs emolliri, nec plagis inflecti possunt; eò, quòd diuturna peccandi consuetudine ad diuinæ legis contemptum obdurescant. Idem inquit alibi: Domine oculi tui respiciunt fidem, hoc est, non placaris ullis victimis atque muneribus; sed obedientia tantum, quam reliquerunt & abiecerunt Iudæi. Adiungit enim: Attriuisti eos, & noluerunt recipere disciplinam. Illud verò quàm præclare, cum eorum infidelitatem exaggerat, ostendens, eos perfidiæ scelerè, parentum scelus & impietatem, quod in simulacrorum cultu suscipiebant, longè superare. Vos, inquit, peius operati estis, quàm parentes vestri. Quomodo tandem? an potest esse quidquã aut mentis cæcitate demētius, aut sceleris immanitate detestabilius; quã diuinos honores ad muta bestiarum signa transferre? potest, inquit: &, quòd nã sit illud tantum scelus, exponit: Ecce, inquit, sequitur quisque prauitatem cordis sui, vt me nō audiat. Hòcne scelestius est, quàm cæsis victimis muta signa venerari? & multò quidem scelestius. Quò enim sacrificium maius est, & Deo magis debitum, eò sceleratior est, qui illud Deo eripit, vt ad alia transferat: &, quò res, cui aliquid sacra- tur, est Deo magis aduersaria, eò atrociorè scelere se obligat, qui illam colit. Nullum sacrificium est fide magnificentius. Vnde videmus apud Prophetas, legis sacrificia à Deo contēni, fidē verò requiri. Nihil est Deo magi contrariū, quã effrenata cupiditas, ad omnia pessima facinora so-

DE IUSTITIA

licitans. Non enim mens diuina cū mutis signis, sed cū improba cupiditate bellum gerit. Qui autē animi sui prauitatem sequntur, Deumq; audire recusant, fidem, quam Deo debent, ad cupiditatem transferunt, & libidinis temeritatem descriptioni diuinę mentis anteponūt. Ideo enim à Deo deficiunt, vt ad nefariam cupiditatem transfugiant, quia credunt à sensibus persuasi, sibi commodius futurum, si voluntati proprię obsequantur, quàm si Deo pareant. Sic fit, vt fidem, qua Deum venerari debuissent, ad animi prauitatem conferāt. In quo scelere quamuis eorum parentes fuissent, cū tamen filij hæreditariam illam perfidiam amplificata contumacia cumulassent, rectè decretum est, illos multò parentibus scelestiores extitisse. Hęc autem est omnis infidelitatis ratio. Vt enim fides sensus repudiat, vt Deum sequatur: sic infidelitas Deum contemnit, vt sensibus adhærescat. Quapropter summus ille fidei magister, dum fidei vim nobis explanat, admonet, vt mentem, quoad eius fieri potest, à sensibus abducamus; & carnis cupiditatem in cruce necemus, omnemque libidinis impuritatem repellamus. Aliter enim denunciat futurū, vt ab illius cōiunctione penitus excludamur. Quis nō accipit, inquit ille crucē suā, & sequitur me, non est me dignus. Alibi verò ait; Si quis vult me sequi, abneget semetipsum, & tollat crucē suā quotidie, & sequatur me. Hoc autē idē est, quod in salutari lauacro profitemur, & hanc fidē Christo damus, nihil nobis cū improba cupiditate futurum. Illo igitur salutari die pactionem cum Christo fecimus, & nos ipsos fœdere sanguine illius icto deuinximus, eiusq; sacris alli-

alligati sumus, ita vt quoties eo neglecto, rursus ad cupiditatem deficimus, fidē, quā dedimus, nefarie violemus. Vnde planē colligitur, omnē fidei vim esse in obedientia collocatam. Ergò, si sensus fidei quā profitemur, est ad illam præcipuam vocabuli sententiam reuocandus, qua docuimus, fidē esse in debito officio præstando constantiam; nemini dubiū esse potest, quin fidē violemus, quoties obstinatē à Dei lege deficimus, & totos nos ad impuritatem conuertimus. Nam & Dominum cōtemnimus, & parentem violamus, & fidē datam prodimus, & Dei filium despiciamus, & bellū denique sceleratum & impium, & omni atrocitate sceleris imbutum, cum diuina mente gerimus. Nunc illam alteram fidei rationem excutiamus, qua ostendimus, declarari firmam mentis assensionem, non argumentis, sed autoritate munitam. Operæ præcium erit igitur, fidei definitionem, quam secundum hanc sententiam Paulus tradit in epistola, quam scripsit ad Hebræos, acutiùs intueri; Fides, inquit, est firmamentum earum rerum, quæ sunt in spe, necessarium argumentum non apparentium. Describit fidem rebus à se inuicem valdē discrepantibus, cum illa tamen fide, quæ Deo nititur, mirificè congruentibus. Quid enim est in rebus humanis, in quo minùs animus humanus acquiescat, quā in spe boni alicuius euenturi? Sūt enim varij casus in vita, qui multis modis spē mortalium fallunt; ita, vt nulla omninò constantia inesse possit in eorum animis, si non prorsus insapiunt, qui spe pendent: præstat hoc tamen fides, vt multò firmior sit animus in bonorū diuinorum spe, quā in humanorū possessione, ma-

ne, magisque futuris illis bonis confidat, quàm presentibus delectetur; securioremque illum red dat expectatio cælestium diuitiarum, quàm terrestrium fructus. Quid est magis occultum, quàm id, quod est procul ab humanorum sensuum cognitione remotum, & nullo argumento aut humana ratione conclusum? efficit tamé fides, ut multo certiora confidas esse, quæ ingenio consequi non vales, spiritu tamen diuino enunciata, ijs, quæ usurpas auribus, quæ cernis oculis, quæ contrectas manibus, quæ ratione concludis. Sensus enim & rationis argumenta fallunt sepius, Deus autem fallere non potest. Est enim ille constans in omni æternitate bonitas & sapientia immensa & veritas sempiterna. Ergo, cum primû aliquid à Deo enunciatum aut promissum fuisse constiterit; tanta fides statim verbis diuinis adhibenda est, ut sit etiam, cum opus ita fuerit, omnis fides sensibus abroganda. Omnia siquidem, quæ videmus, si ad diuinam constantiam atque vim sempiternam respicias, sunt imagines, & vmbræ, & inania quædam visa, quæ multifariam animis illudunt. Solus igitur Deus est, cui rectè atque sapienter confidamus. Illi igitur soli sapientes sunt, qui Deo credunt: non illi, qui freti ingenio argumentis acutè magis, quàm verè conclusis, in varias sententiâs distrahuntur, & perniciosis erroribus imbuuntur. Est igitur eorû summa dementia, qui Christianos stultos & leues existimabant; eò, quod non ratione sed fide niteretur; quasi sit quidquam magis secundum rectam rationem, quàm credere magis diuinę menti, quàm humanę rationi, aut parum perspicaci mente & ratione possint ea, quæ diuino in-

stitim-

stinctu moti credimus esse à Deo designata atque constituta. Quid enim est, quod homo proprio nixus ingenio consequi valeat, quod ad vitâ beatam conducat? scitè quidem Hesiodus:

Optimus (inquit) ille est, qui per se tenet omnia mente,

Quidq; futurum sit tandem magis vtile cernit.

Commodus atq; ille est, qui paret recta monenti:

Qui verò non ipse sibi bene consulit vnquam,

Nec paret rectis vnquam monitoribus vltro,

Vtilis ad nulla esse potest hic munera vita.

RECTE fanè. Sed, cum sim vnus è multis, nec cum sapientiæ gradum affecutus sim, vt alterius consilio non indigeam, libèter quærerem ab hoc Poëta, quémnam illum esse statuatur, cui absque alterius ope veniat in mentem, quid optimum factu sit, vt illius consilio vitam meam instituam. Estne aliquis in vita, qui in vna sententia diu permaneat? qui nō sese singulis horis, si nō est omninò mētis expers, amētia condemnet? ad quem igitur me cōferam? ad Philosophos inquis. Rectè mones. ad quos igitur? Ad Academicosne, qui ingenuè confitentur, nihil esse, quod comprehendere & percipi possit, omnemque veritatem esse penitus abditam atque in profundo demersam? an ad Peripateticos, nomine tantum ab Academicis discrepantes, ratione autem in vtranque sententiam differendi cum illis mirificè congruentes? An ad Stoicos, qui quidem cum vrgentur, negant se aliquem sapientem vidisse? eum tamen, qualis futurus sit, si vnquam in terris extiterit, oratione describunt. In quo tamen sapiente informando, quanta est inter philosophos sententiarum dissensio? quanta ver-

bo-

bonū concertatio? vt facilè appareat, eos nō modò
 sapientes non fuisse; sed ne, quæ vis quidē esset sa-
 pientix, attingere potuisse. Reliquū igitur est, vt,
 si nec ipse meo ingenio consequi possum, quid
 mihi in vita gerendum sit, & eos, qui hoc vnum
 munus in vita susceperunt, vt sapientix stude-
 rent, video in sententijs fluctuare, in eademque
 rerum ignoratione versari, vt desperem omnem
 veritatem, nec in vita mea gubernanda, consilio
 cuiusquam, sed cupiditate, vt plerique faciunt,
 & amentia ducar. Præclare igitur Socrates apud
 Platonem ait, solum Deum esse natura sapien-
 tem: homines autem sapientix studiosos, non
 sapientes appellandos. Qui tamen, cū neq; per
 se possint sapientiam assequi, nec aliorum simi-
 liter dilirantium institutis ad eam peruenire; re-
 stat vt vel spem consequendæ sapientix prorsus
 abijciant, vel ei, qui solus sapiens est, nempe Deo,
 se in disciplinam tradant. Cū igitur summum
 & altissimum illum gradum sapientix, quem pri-
 mo loco ponit Hesiodus, soli Deo tribuendum es-
 se constet, consequens est, vt ad illum alterum a-
 spiremus, Deoque recta atque salutaria monenti,
 credamus, eiusque iussis sine vlla recusatione pa-
 reamus. Is igitur inter homines solus sapiens est,
 quem Deus erudit, hortatur, incendit, clarissima-
 que luce perfundit. Beatus, inquit ille, quem tu e-
 rudieris Domine, & de lege tua docueris eum. Ex
 quo efficitur, omnem verissimæ sapientix discipli-
 nā fidei sanctitate & religione contineri. Est itaq;
 (vt eò redeamus, vnde sumus digressi) hominis sa-
 pientis, hoc est, fidelis officium, ea, quæ à Deo ac-
 cepit, multò certiora putare ijs, quæ aut sensibus,

aut ratione complectitur: & multò magis promissis diuinis, quàm possessionibus humanis cōfidere. sic igitur necesse est, fidelem hominem, quandiu ipsa fide regitur, Deo semper obedire. Hoc intelligi rectius poterit, si vitæ instituendæ ratio, & actionum humanarum principium fuerit explicatum. Humanus animus non potest moueri ad aliquid agendum, nisi priùs aliquod sibi bonum proponat, quod aut verum sit, aut saltem in opinione consistat. omnis enim actio suscipitur gratia alicuius boni. Omnè igitur actionem boni iudicium antecedit necesse est, & tunc agendi studium consequetur. Cū enim animus iudicauerit, id, quod sensibus aut mēte comprehendit, esse naturæ accommodatum, visisque aut veris, aut falsis assensus fuerit: necesse continuò est, vt id amet, consectetur, adipisci velit. Actionis ergò principium, est illa fides, quam animus visis adiungit. si enim nulla omninò species boni pellit animum, nunquam mouebitur animus ad aliquid agendū. sublata igitur boni specie, omnis actio tollitur. Omnem igitur actionem iudicium alicuius boni antecedit opus est, & ità agendi studium necessariò consequetur. Nam, vbi primū boni alicuius species occurrit animo, mouetur statim appetitio. appétitionem verò, si nihil impedierit, proinùs actio consequetur. Cū igitur constet, actionis principium boni iudicio contineri, efficietur planè, vt, quò fuerit iudicium illud constantissimū, & animi assensio firmior; eò acrius impellatur nrmus ad agendū, studiumq; illius multò vehementius incitetur. Ergò, si fides est multò magis electa futuræ felicitatis spe, quàm rerum præsentium possessi-

possessionis, si est omni ratione constantior, omni
scientia firmior, si confidit magis rebus diuinis à
rationis comprehensione remotis, quàm ijs, quæ
sunt obiecta sensibus: consequens est, vt fideles vi-
tam suã, non sensibus, non opinione, non humana
ratione; sed diuina lege moderentur. Credunt e-
nim multò magis Deo, quàm sensibus, quàm ratio-
ni. Deus autem testificatur, ea, quæ plerunq; qua-
si salutaria sequimur, esse non modò fluxa & ina-
nia, sed etiam pernitiola, atque mortifera; omnẽ-
que salutis rationem esse in ea lege positam, quam
ille tanquam certam & directam viam nobis ad
gloriam & immortalitatem muniuit. Ergo cum
salutem & immortalitatem appetimus, & Deo
firmam fidem adhibemus, omne vitæ studium
à rebus terrenis abstractum ad diuinam legem
conferimus. Vitam iucundam tibi proponis?
sensus tibi suadet, vt cupiditatibus obsequare, om-
nesq; voluptates, quantumuis nefarias atque fla-
gitiosas, exquiras. Quid diuinus spiritus? caue, in-
quit, facias. Illa enim voluptatis insidiosa blãdi-
menta vitam tibi amarissimam efficient, dolori-
busque summis infinito tẽpore cruciabunt. Si fide
duceris, & iucunditatem expetendam iudica; ma-
gis certè credes spiritui te à flagitio reuocanti,
quàm cupiditati ad flagitium impellenti: & ita fi-
de cupiditatem frænabis. Cupis te ditissimum fie-
ri: si sensus in consilium adhibueris, pecuniæ stu-
debis, & iuris æquitatem violabis, quoties eam
infinಿತæ tuæ cupiditati obstare perspicies. Quid
spiritus? admonebit te vt inanes opes negligas, vt
manus ab iniuria contineas, vt pecuniam Deo
scenori des; Quod facies, si maximam illius
par-

partem, in egentium inopia subleuanda consum-
pseris. ea namque ratione futurum, vt veras at-
que sempiternas diuitias tibi in cælo congreges,
& in hac vita diuinis opibus affluas, Dei que proui-
dentia facile sustentaris. Si fidem sequeris, eam
sanè præclaram amplificandi patrimonij ratio-
nem esse statues, quæ innocentia & benignitate
continetur: si verò neglecta fide sensus consulis,
stultum & amentè iudicabis eum, qui spe diuitia-
rum, quas non videt, eas, quas domi continet, ef-
fundit. Expetis honores, & dignitatem. si Deo cre-
dis, eam dignitatis viâ inibis, quæ in gloriæ popu-
laris contemptione & despicietia sita est, & ab am-
bitione, tanquã à peste, fugies. secus autem, si opi-
nionibus hominum vitam institueris, tunc enim
omnia ad temerariæ multitudinis opinionem, & in-
anem populi plausum captandum conferes. De-
nique, ne plura persequar, omnibus in rebus po-
teris aut fidei tuæ specimè dare, aut ostentare per-
idiam. Si in periculis constitutus Dei opem non
implores, sed ab hominibus tantùm auxilium pe-
tas; si secundis rebus vtens, bonorum omnium au-
tori gratias agendas nō putes; si postremò vitam
non diuina disciplina, sed humano consilio gu-
bernandam censeas, ostendis planè, te magis ad-
fectum esse sensibus, quàm diuinæ præscriptio-
nis. Contra verò, cùm omnia præ studio legis
diuinæ contemnis, præ te fers firmam illam
fidem, quam Dei verbis adiungis. Obedientia
testatur, & opera in diuinæ legis studio præclare
sita, actionesque cum pietate susceptæ, sunt,
quæ dant veræ fidei significationem. fides enim
mūm continet certam spem. necesse enim est,

DE IUSTITIA

si Deo credimus, ut nihil certius promissis diuinis
 habeamus. spes autem sic animum ad res gerendas
 exacuit, ut maximorum laborum obliuisci faciat,
 omnemque sensum à cogitatione doloris auer-
 rat. Agricola enim frugum expectatione labores
 immensos facile perferunt: milites spe victoriæ
 incensi vulnera non sentiunt: venatores nullos
 imbres & frigora recusant: nemo denique spe-
 rat aliquid, quem non spes illa ad omnes labo-
 res libenter excipiendos excitet. Quod si spes
 incerta rerum caducarum tantam habet vim, ut
 omnem laborem leuem & tolerabilem efficiat:
 quid non molietur animo is, qui certum habet, præ-
 claris factis ascensum in cælum dari? Habet præ-
 terea vicens & incitata fides charitatem sibi in-
 dissolubi vinculo copulatam. Nam si natura excita-
 tur amor, cum insignem aliquam speciem cerni-
 mus, & in illius venustate & pulchritudine notan-
 da defixos oculos habemus; multo certe vehemē-
 tius pulchritudinem diuinam amabimus, mentis
 oculis vsurpatam. Nam nec decus vllum cum de-
 coris diuini lumine, quod fides inspicieundū pro-
 ponit, conferendum est; nec vlla oculorum acies,
 cum fide, diuino splendore collustrata, vlla ex
 parte comparanda. Ergo, cum mens à Deo lu-
 cem accipit, vimque illam splendentem & lu-
 cidam, quam habet, in diuinæ mentis honesta-
 tem atque pulchritudinem intendit, illiusque
 virtutem & sapientiam contemplatur, & benefi-
 cia, quæ ab illa accepit, & quæ se percepturam es-
 se confidit, assidue retractat; fieri non poterit, quin
 illam ardentem amet. Quod si amat, otium pati
 non poterit. nam cum omnis amor sit vehemens &

acer

acer, tū hoc amore diuino nihil excogitari potest ardentius. Itaq; magna quēdam semper molitur, alta & ardua libenter aggreditur, magnoq; impetu ad cēlum tendit. Nihil est, quod ardorem illius extinguat, aut egregios cōnatus frangat, aut pręclarū impetum, aliquo modo reflectat. nec enim laborem fugit, nec periculum metuit, neque mortem reformidat, neque cruciatum exhorret. Si fides igitur est cum charitate coniuncta; charitas autem est ignauix, pigritix, inertix contraria & inimica; efficitur, vt qui fidem ritē colit, sit semper studio diuinę legis incensus. Quoquo igitur modo fidem intelligas, semper eam videbis, pia atq; sancta obedientia contineri. Nam si officio, si veritate, si fœderis sanctitate fidē definias; fidem certē frangit, qui Dei legem contemnit. Sin eam mentis persuationem, qua multò certiora putamus ea quę diuinus spiritus enunciauit, ijs, quę sensibus aut ratione consequimur; cū iudicium semper actionem antecedit, fidei quē iudicium sit multò firmitus omni cognitionis euidētia: necesse est, vt qui fidem sanctē colit, ea fide vitam instituat, & sic illā protinus obedientia consequatur. Vndē fit, vt omnis rebellio, infidelitas in sacris litteris appelletur. Quale est illud; Nec fideles habiti sunt in fœdere illius. Credere item idem est, quod obedire. Idcirco pręceptis, inquit ille, tuis credidi. Paulus verò sæpe numero obedientix nomine fidē explicat; Nō omnes, inquit, obediunt e-
uāgelio. Isaias enim dicit: Domine, quis credit au-
ditui nostro? Hic certē nullum discriminē inter fidē
& obedientiam esse positū videmus. Aliter enim
saia testimonium parū accōmodatum fuisset ad

Iudæorum rebellionem acrius conuincendam.
 In eadem autem epistola inquit: Sicut enim ali-
 quando & vos non credidistis Deo, nunc autem
 misericordiam consecuti estis propter increduli-
 tatem illorum: ita & isti nunc non crediderunt
 in vestram misericordiam, ut & ipsi misericordi-
 am consequantur. Quo in loco animaduertendū
 est, pro eo, quod interpretes reddidit, Non credidi-
 stis, esse apud Paulum *ἠπαθείσατε*, hoc est, obedi-
 re noluisse. Vbi autem vertit, propter increduli-
 tatem eorum: esse apud Græcos *τῇ τῶτων ἀπειθείᾳ*,
 id autem est, per eorum rebellionem. In quo sa-
 pienter intellexit interpretes, idem esse apud Pau-
 lum obedientiam, atque fidem. Contrā verò; inter
 infidelitatem & contumacis animi prauitatem,
 legitimum imperium aspernantem, nullum esse
 discrimen. Ob id igitur rursus eodem in loco
ἀπειθείας nomen incredulitatis nomine declara-
 uit. sic enim vertit: Conclussit enim Deus omnia
 in incredulitatem, ut omnium misereatur. Hic e-
 nim Paulus utitur hoc nomine *ἀπειθείας*, ad infi-
 delis animi improbitatem designandam. quod
 non modò eo in loco facit, sed in alijs quàm plu-
 rimis. Vndè cum infideles nominat, eos sæpè *ὁὗτος*
τῆς ἀπειθείας appellat, hoc est, scelere rebellionis
 alligatos. Ad Corinthios autem scribens ait: Cir-
 cumcisio nihil est, & præputium nihil est; sed ob-
 seruatio præceptorum Dei. Qui dubitat, an Pau-
 lus hîc diuinæ legis obseruationem atque fidem
 idem esse statuat, legat eandem omninò sententi-
 am, patetis verbis paululum commutatis in epi-
 stola, quam ad Galatas scripsit. Nec circumcisio,
 inquit, aliquid valet, neque præputium; sed fides,
 quæ

quæ per charitatem operatur. In epistola autem ad Hebræos id luculenter explanat. Dum enim eos ab infidelitate deterret: dum admonet, nè quisquam se se scelere perfidiæ constringat: dum ijs, qui increduli fuerint, acerrimè comminatur, & exitium sempiternum denunciat: nomen τῆς πίστεως, & ἀπειθείας sæpè confundit. Qui fuerit in Paulo versatus, non modò ex his locis, sed ex alijs quàm plurimis intelliget, fide apud illum obedientiam sæpenuerò designari: perfidia verò, contumacis animi rebellionem, Dei imperium contrectantem. Vndè cum nos ad fidei studium coactur incendere, concludit dicens: Videte ne reusetis de cælo loquentem. Vndè etiam sæpenuerò infideles, non ἀπίστους, sed ἀπειθέωντας appellat. Quod etiam ab alijs factitatum cernimus. Sic enim Petrus ait; Idcirco continet scriptura, Ecce pono in Sion lapidem angularem, electum, pretiosum: qui credit in eum, non dedecore afficietur. vobis igitur erit insignis honor credentibus, nõ obediens autem, lapis, quem spreuerunt ædificantes, idemque caput anguli constitutus, erit lapis, in quo offensi corruent, qui non obediunt. Item apud Lucam scriptum est, vt conuertat, inquit, corda patrum in filios, & rebelles in prudentiam iustorum. sic enim est in Græco exemplari, καὶ ἀπειθεῖς ἐν φρονήσει δικαίων. Ioannes item, vt fidem ab inani confidentia disiungat, ait: In hoc scimus, quòd Deum cognoscimus, si præcepta eius seruamus. qui dicit, se nosse Deum, & præcepta eius non seruat, mendax est. In eo planè fidem inesse negat, qui Deo non obedit, & idcirco in euangelio mortis sempiternæ supplicium illis subeundum

DE IVSTITIA

dum asserit. ait enim: Qui credit in filiū, habet vitam æternā. expectas; dum dicat; Qui verò nō credit, interibit, nō id dicit: sed quod tantundē valet, qui filio nō obedit, nō videbit vitā. consequens. n. est, vt, quemadmodū sempiternæ salutis spes, obedientiæ fideli tantū, quæ fidei nomine significatur, ostensa est: ita eis, qui obedientiā abijciunt, omnis spes salutis sit omninō præclusa. Neq; solum in sanctis literis, verū etiā apud Græcos scriptores, Atticos præsertim, annotare passim licet locos innumerabiles, in quib. *πίστις*, idem omninō valet quod *ὑπακοή*: & *πιστεύειν*, hoc est, credere, esse idē, quod obtemperare. sed nos, cū de sacrarū literarum consuetudine differamus, infinitisq; illarum testimonijs abundemus, minimē necessarium arbitramur, aliundē testimonia sumere. Ex his enim, quæ attulimus, satis liquet, fidē obedientiæ, summoque diuinæ legis studio contineri.

His tamen ita constitutis, relinquitur quæstio sanē difficilis ad iudicandum. Ex ijs enim, quæ adduximus, apparet, omnes homines iniustos & intemperantes, esse ab Ecclesia segregandos. infideles enim sunt. Ecclesia autem est coetus fidelium. contrā tamen, videmus improbos etiam homines in ecclesia contineri. ob id Christus facit eam similem sagenæ missæ in mare, & omne piscium genus congreganti; & nuptijs, in quibus etiam homo sordidatus accubuit; & amplissimæ familiæ, in qua sunt multi serui, domini imperium negligentes; & decem virginibus, quarum pars somno consopita officio functa non fuit. Quæ omnia declarant, versari in Christi ecclesia prauitatem, flagitia, turpitudinē, languorem & incitiā:

homi-

homines autem, qui pertinent ad ecclesiã, sola fides à reliqua hominũ multitudinem secernit. Si improbi igitur possunt in Ecclesia censerì, improbi certè fideles esse possunt. aliter enim nunquam fuissent in Ecclesia conscripti. Hoc vt rectè diiudicemus, videamus opus est, quæ doctissimi homines de vitiorũ natura differunt. Negant sapientem villo pacto peccaturum: omnemq; improbum, stultũ & amentem esse contendunt: quod quidem hac ratione cõfirmant: Nemo prudens sibi malum machinatur. Omnes enim natura bonũ appetunt: & omnia, quæ putant esse mala, & statui suo, quẽ maximè tueri cupiunt, pernitiõsa, summa cõtentione repellũt: Improbi aut sibi summum malorũ omnium machinantur, nullum .n. malum est maius iniustitia & improbitate. Omnes igitur improbi, stultissimi. Quod si contra dicas, esse multos acri ingenio præditos, prudentiẽq; nomine præstātes, qui tamẽ multis vitijs inquinati sunt; respondent, eos à prudentia deferri, cùm peccant. Poterit .n. fieri, vt inquit Aristoteles, vt alteram quidem rationis partem, quæ communior est, atque latius patet, teneat is, qui prudens existimatur: in alterius autem partis iudicio, quæ certis est temporibus atque rebus definita, in quibus perturbatione animi dominantur, cupiditate victus, à mente & à seipso discedat. veluti cùm sic ratiocinatur: Quidquid naturæ cõsentaneũ est, expetendum est. hucusque non est, cur illũ meritò accuses. Recte enim statuit appetendã esse naturæ cõseruationem. Sed si alteram partem ad hunc modum assumat: hæc voluptas, quamuis nefaria, est naturæ cõsentanea; & ita concludat, nefariã voluptatem

minimè repellendam esse: cernere iam licet, quantis tenebris oppletus sit, qui sic argumentatur. Nō videt enim, hominis naturam euerti flagitio & improbitate, quo minus autem videat, impedimento est libido fera & immanis, quæ illum conturbat, ita, vt nequeat ad illum saltem temporis punctū suspicari, quàm amarū sit illud, quod suaue et iucundum putat. Si igitur tūc ad habitum animi longo fortassè vsu comparatum, respicias, illum prudētem appellaueris: si ad admissum tunc dedecus, stultissimum. Attamen quandiu illa rationis scintilla ita viget, vt nō prorsus vitiorum multitudine restinguatur, quamuis interdum aliqua in re libidini cedens, vsu prudentiæ illius priuetur; morbos tamen videtur habere sanabiles. Multa enim facit, etiam cū à mente deficit, cum magna pudoris significatione, &, cū primum effluit turbulentus ille motus animi, eum suscepti flagitij statim pœnitet, atque cupit ad bonam frugem redire. Illi itaque soli penitus deplorandi sunt, qui diuturnitate peccandi pudorem penitus amiserunt. sceleris enim consuetudine animum habent efferatum, & ad omnia facinora propensum. hos ἀνοήτους appellat Aristoteles, hoc est, insanabiles; nempe, qui non facile corrigi & emendari possint disciplina, quos proteruos atque petulantes appellare possumus. Illos verò, qui nondum habent rationem à flagitio deprauatam, ἀκρατῆς, hoc est, incontinentes nominat: qui, quamuis rectè secum de rebus agendis statuunt, cū tamen ad actionem ventum est, iudicium illud suum minimè seruant. fit enim, vt magnitudine perturbatiōis occæcati, sciē-

tia illa, quam habent de rebus singulis, minimè variantur. nam propter libidinis magnitudinem, falsa suauitatis specie commoti, falluntur hi, qui sensus sequuntur, & quandiu in illis dominatur cupiditas, à iudicio deducuntur. quamuis igitur omnes, qui delinquant, stulti sint: sunt tamen quidam, qui habitu ipsius animi prudētes haberi possunt, licet interdum cupiditate victi flagitio succumbant, & ab ipsius prudentiæ præscriptione recedant. Hoc iam licet ad fidei disputationem transferre, Vt enim qui delinquit, à recta ratione recedit, quamuis & antea secum rectè de rebus à se gerendis statuerit, & non omninò, cùm primum in se flagitium admittit, rationis lumen amittat: ita cùm fidelis delinquit, eo tempore à fidei quidem usu recedit, illam tamen fidem non continuò amittit. Quāquā recta ratio, vt postea melius videbimus, à fide secerni non potest. Nam, cùm fides in obedientia maximè cernatur, recta autem ratio nihil sit aliud, quā iudiciū ex diuina præscriptione aptum, atque adeò cum diuina mente coniunctum: sequitur, vt, qui rectæ rationi paret, Deo pareat. & ita colligitur, eum, qui rectam rationem sequitur, non esse à fide prorsus alienum. Præterea, recta ratio tunc est, cùm illustratur lumine diuinæ mentis, eamque sequitur. Lumine autem diuino mentes illæ solum collucent, quæ cum fide viuunt; ita fit, vt fides à recta ratione diuelli nequeat. Quo rectius ea quæ Philosophi de recta ratione statuere, in fidem quadrant. vt igitur ea ad fidei rationē accommodemus, dū animum aliò vocat spiritus ad salutē, aliò trahit cupiditas ad perniciē, & inde spiritus mentē excitat ad di-

DE IUSTITIA

binarum rerum cognitionem, inde cupiditas illece-
 bris voluptatis in fraudem impellit, aut alia quavis
 animi commotione mentis statum impugnat; euenit,
 ut animus in contrarias partes distractus, aliquan-
 do quidem fidei luce relicta, sensus errorem sequa-
 tur; aliquando verò, oppressis sensibus, fide vitam
 dirigat. Cum enim fides diuinis viribus excitata
 contra libidinem strenue decertat; fit ut vigente fi-
 de, coerceatur & comprimatur libido: contra ve-
 rò, cum fides languescit, officiumque suum non fa-
 cit, nec libidini, quantum potest, obstitit; sed qua-
 si sopita conuiet: iacet tunc, ut mortua; vixit au-
 tem atque viget libido. &, quemadmodum si in al-
 tera libræ lance fides, in altera libido esset im-
 posita; sic necesse est, alteram vi & pondere alterius
 eleuari. Nam cum seipsam fides excitat, vimque suam
 intendit, facile eleuat omnes cupiditates: contra
 verò, cum vim suam remittit, nec obuiam it cupiditati;
 tunc ipsa eleuatur immani quodam cupiditatis po-
 dere superata. Sic igitur fit, ut, cum peccant homi-
 nes, eo tempore, quo peccant fide, quam habitu
 mentis habent, minimè vtantur: sed quemadmo-
 dum qui in re aliqua recta ratione non vtitur, non
 orbatur continuo ratione; sic qui aliquid ob vehe-
 mentem animi perturbationem contra fidem fa-
 ciunt, non continuo omne fidei lumen amittunt.
 Multæ enim in illis resident reliquæ, quas si col-
 ligas, facile apparebit, quantum inter illos, & eos
 qui fidem omnino abiecerunt, intersit. Diuina e-
 nim decreta sancta credunt, Christi nomen horret,
 Diuinum iudicium extimescunt, sed, nescio quo-
 modo, propter effrenatæ cupiditatis impotentiam,
 hebescit eorum fides, & acies mentis obtunditur.

Tunc

Tunc igitur velut ij, qui in oras longinquas aspi-
ciunt, & magno interiecto intervallo corpus ali-
quod videt, in magnitudinis iudicio falluntur, ita
ut res etiam breuissimas, si propè sitæ sint, ma-
iores esse putent, quàm montes altissimi: sic cū ex
vehementi aliqua perturbatione æstus existit at-
que caligo; non tanti faciunt homines ea, quæ in
longinquum tēpus dilata sunt, ut propter illa sibi
præsentibus emolumentis atq; voluptatibus carō
dum censeant. Nec enim intelligunt, quantò sit a-
cerbius atque calamitosius, animum crimine ali-
quo maculari, quàm oblata aliqua voluptate & e-
molumento destitui: quod certè non fecissent, si si-
dem ipsam consulissent. Sic igitur fit, ut partim
sint infideles habēdi, partim fidelibus annumerā-
di: infideles, quia & fœdus cum Deo iētum violāt,
& vitam suam ipsa fide non moderantur: fideles,
quia decretis diuinis assentiuntur, & ab illa per-
suasione, qua fuerant imbuti, etiam cū delin-
quunt, non omninò deseruntur. Vndè colligi-
tur, ut partim sint in Ecclesia censendi, partim à
sanctissimo illo cœtu repellendi. si enim per Ec-
clesiam intelligas corpus cælestis Reipub. floren-
tissimum, nullis omninò sordibus inquinatum,
aut maculis infectum, sed purum, ornatum, ele-
gans, splendidum, diuinis opibus exaggeratum
& excultum; si speciem illam tantum animo cogites,
non habentē (ut Pauli verbis utar) vllam macu-
lam, aut rugam; sed ea forma nitentem, quæ maxi-
mè sponsam Christi deceat; dubium non est,
quin toties ab illius societate & communione se-
cludamur, quoties flagitiū & impuritatem susci-
pimus. si autē Ecclesiam illo cōmuni fidei sensu,
& sa-

& sacrorum omnium cōmunionē definias (quod quidem facere necesse est, quando vtrāque Ecclesiā rationem ex sanctis literis didicimus) multos etiam flagitijs infames ea contineri putā. Nec enim continuò benignus atque clemens Dominus, qui calāum quassatum nō conterit, & linum fumās nō exstinguit, vbi primū aliquis per desidiā & imbecillitatem labitur, ab omni Ecclesiā suā cōmunionē repellit. Fieri enim potest, vt non sit superbia inflatus, non impudenti facinore turbulentus, non erroris pestilentis tabe consumptus, non à cōmuni Ecclesiē cōsensu diuulsus; sed idem cum illa sentiat, quāuis illum sensum, in re aliqua vehementius appetita, interdum cupiditas importuna labefactet. ita enim labefactat, vt nō omninò debeat. adhuc igitur is Christi septis tenetur inclusus. Nam & Ecclesiā rectorem veretur: illiusq; leges sanctas existimat: eiusdemq; votis iuuatur & precibus: illoque doloris sensu, qui ad vniuersum Ecclesiā corpus, ex alicuius membri dolore redundat, mirificè sustētatur. Si dolet, inquit Paulus, vnum membrum, simul dolent & reliqua membra: &, quemadmodum in humano corpore, quāuis aliqua pars agra sit, quādiu sentit, secūda non est, (poterit enim faciliē sanitatem recipere; atq; ad naturam suam reuerti) ita, quādiu fidei sensus viget in homine, quāuis eger animo sit, non est ab Ecclesia excidendus, nec illius salus desperanda, nisi suscepta flagitia cōtemptu & impudentia cumulet, & ad extremum vitæ spiritum in improbitate persistat. Vt tamen fatemur, in his, qui delinquant, fidei cōmunem assensionem relinqui: ita defendimus, ab ijsdem eam fidem

dem minimè retineri, quæ præparat animum ad
diuinum iustitiæ solum accipiendum, eandem-
que iustitiam partam auget atque conseruat. Ea
nanque est in officio, in diuinæ legis cultu, in ve-
ræ sapientiæ studio constituta: & ita fit, vt, qui-
cunque deserunt officium, & à Spiritus sancti
descriptione recedunt, & tenebris demersi mise-
riam suam non vident, contra fidem faciant. Vnde
Paulus, auaros à fide penitus auersos esse dicit: &
qui suorum salutem negligunt, esse infide-
les, & infidelium scelestissimos: &
qui sceleris sibi sunt conscij,
fidei naufragium
fecisse.

LIBRI PRIMI FINIS.

HIERO.

HIERONY- MI OSORII LVSIT- TANI EPISCOPI SIL- VENSIS,

DE IVSTITIA LIBER SECVNDVS.



VAE vis & ratio fidei sit, quantam vim rerum diuinarum in se ipsa contineat; quamuis magna ex parte sumus oratione persecuti: postea tamen vberius explanabimus atque docebimus, quomodo adiustitiam, & immortalitatem ducat, & in cælestis hæreditatis possessione constituat. Prius tamen quàm ad hanc tantarum rerum explicationem propius accedamus, operæpretium erit, aliud fidei genus in medium adferre, mirum, & nouum, atq; priscis temporibus inauditum, cuius author est Lutherus. Nam ad hunc diem vir egregius humanum genus lusum putat, seq; diuino quodã beneficio in lucem editum fuisse, vt infinitis erroribus hominũ mentes liberaret. Nec enim is est, qui aliquid timidè & diffidenter in oratione ponat; sed qui, tanquam oracula fundat, ita omnia, quæ censet, admirabili constantia confirmat. Hic igitur, cum variè fidem definiat, vnum tamẽ fidei genus inducit singulare, & à cõmuni fide distinctũ, qua

qua quilibet ita certū statuit, vt nihil ei certiùs esse possit, se esse Deo gratum. Sola enim hac vnica & singulari fide iustitiam, salutem, & immortalitatem comparari cēset. Nihil conferre ad iustitiā actiones præclaras, nihil egregiæ virtutis exercitationem, nihil singulare religionis atque sanctitatis studium: cū omnia, quæ cogitamus, molimur efficimus, ea etiam, quæ cum pietate suscipimus, & ad Dei gloriam conferimus; vt impura, & scelere contaminata condemnet. Nihil enim censet geri ab hominē posse quantumvis insigni sanctitate prædito, quod non sit ex se capitale crimen, æternis cruciatibus vlciscēdum. Iam verò eos, qui ob sceleris alicuius conscientiam lachrymis se dedunt, vel eo solū nomine, quod à se suscepta flagitia lamentātur, nefarios & sceleratos existimat. fas enim esse non putat ei, qui fide firmatus est, aliqua ratione lamentari. Hoc enim putat esse inconstantis & infidelis animi, fidem nefariē simulantis, & anili superstitione obligati. Vult enim, vt sit semper animus celsus, erectus, intrepidus; adeò de salute securus, vt nullavnam molestia, ex sceleris admissi recordatione, conflictetur. itaque solam per se hanc singularem fidem id præstare, vt iustitiam atque salutem consequaris. O mirum iustitiæ compendium, facilem & expeditam salutis rationem, egregiam castitatis & innocentie disciplinam: quæ nec opera à nobis exigit, nec dolorem vllum requirit, nec vllam peccantibus molestiam exhibet, sed vna fide contenta tam benignè, atque cum tanta firmitate, nobis omnia diuinamunera pollicetur. Sed velim, id mihi clarius explanes, homo (vt tuis quidem videris) omnium

doctissimè, quomodo is, qui se adulterio commaculauit, aut cæde inquinauit, ista fide iustitiam affecutus sit? Estne à flagitio & immanitate conuersus ad corporis & animi castitatem, & ad eximie charitatis studium? an manet adhuc eisdem scelerum vinculis alligatus? &, nè longius abeamus, cum tu incestis nuptijs fidem Christo publicè datam fefelleris, cum virginè Christo consecratam, ad consensum effrænatae libidinis petulanter illexeris, cum pestis patriæ, turbo, atque procella religionis extiteris, quæro ex te, quo tandem modo iustus ista fide effectus repenti sis? Num detestatione execrandi connubij, impurissimique matrimonij, quod cum perniciosissimo nefariæ libidinis exemplo, grauissimaque Reip. Christianæ offensione contraxisti? An sola ista fide, quam ad tuum, tuorumque inane solatium commentus es? si execratione proprii sceleris ab instituta impietate resilijsti, animumque tuum ad pietatis & castitatis studium traduxisti, te Christi benignitate iustitiam affecutum confitebor. Omnibus enim, qui scelus admissum detestati fuerint; & ad officium redierint, veniam pollicetur. Derelinquat, inquit Isaias, impius viam suam, & vir iniquus cogitationes suas, & reuertatur ad Dominum, & miserebitur eius. In quo significat, misericordiam, hoc est, iustitiæ claritatem, diuino munere concessam, illis tantum tribuendam, qui recedunt ab impietate, & iniquitatem summo studio repellunt. Ergo & tu ipse cupiditatis tuæ petulantiæ compressisti; & effrænatam istam mentem, quæ te in locum præcipitem ferebat, à cursu sustinuisti; omnesque tuas cogitationes à feritate & immanitate ad

benignitatis & clementię studium reuocasti, & sic altissimum iustitię gradum adeptus es. Non igitur sola fide fuisti hanc iustitię & dignitatis amplitudinem consecutus. Quęro enim, num ista singularis fides, quę iustitiam sola consequitur, charitate informata sit? an potius omni charitate nudata? si cum charitate coniuncta est, & tu per eam fidem ad iustitiam adspirasti; certę charitas ipsa multis se signis indicauit. Ergo antequam esses iustitiam adeptus, cum haberes quodam modo fidę ardore charitatis incensam; quod consequens est, ad odium tui sceleris exarsisti: summumque dolorem ex recordatione illius accepisti: omnemque conatum adhibuisti, vt omnem à te impuritatem propelleres, & fortassę Danielis consilium secutus es; vt animo concepta crimina operibus benignitatis expiares: & hac ratione aditum tibi ad iustitiam aperuisti. Non igitur sola fide tibi iustitiā comparasti, sed dolore iustissimo ex scelerum cōscientia, qui te, vt debuit, vehementer afflixit, sed ardenti castitatis, quam antea violaras, studio; sed opibus, quas obtinere potuisti, in egentibus alendis, & in hominum miserorum alleuatione consumptis. Quid igitur nos decipis Luthere? quid aciem mentis nostrę verborum nouitate perstringis? cur hominibus tuis, qui te tanto honore prosequuntur, illudis? Cum enim lachrymas pias dānares, sapientemque mœstitiam maledictis conscinderes, & omnia opera non inutilia modò, sed pestifera esse contenderes, istamque solam fidę amplecterere; hoc moliri planē videbaris, vt tuos omni molestia liberando, gratiā ab vniuersis inires. Graue enim plerisque videtur esse, dolere, angi,

lamentari, inedia corpus affligere, patrimonij bonam partem in benignitatis studium conferre, flagitiosasque voluptates, quibus diu assueueris, omni contentione respuere. Quare minimè mirū est, tam multos se satis dociles ad istam disciplinam præbuisse, qui non intelligentes, quemadmodum ea à te dicerentur, existimarunt sibi à te omnium cupiditatum licetiam permitti. Cū enim tantū in fide ponerēs, ut in ea solum satis esse præsidij dicerēs: id videbaris ostendere, paratam esse omnibus salutem sine dolore, sine rei familiaris dispendio, sine criminis admissi detestatione. Quin igitur in concionem ascendis Luthere, mentemque tuam aperis? quin errorem detrahis ijs, qui te ut cælestē numen, intuentur? Docce Luthere, docce, inquam, tuos, nullum tibi nobiscum in hac quæstione esse certamen. Nec enim te intelligere, scelestum, quandiu à scelere non discesserit, iustum fieri posse credendo, esse igitur necesse ut prius ipsum scelus exhorreat, & à prauitate vitæ ad pietatis studium conuertatur. Si verò sentis, improbum, quamuis ab improbitate non omnino refugiat; fide sola iustitiam adipisci, quis te fuit post homines natos immanior? quis amentior? An poterit aliquis gratiam ab illa summa bonitate consequi, quandiu improbitatem non oderit? quandiu non impietatem, quæ perpetuum bellū cum æquitate diuina suscipit, à se repulerit? Quotandem modo fieri potest, ut in Dei gratiam recipiar, quandiu in me cupiditas dominatum habuerit, quæ Dei legem odit, quæ illius imperium detrectat, quæ odium in me numinis incendit? Non potest enim lex illa sempiterna, nō persequi odio

sempiterno scelus & improbitatem. Necesse igitur est, vt prius improbitatē odio persequar, quā in illius amicitiam recipiar. Minimē, inquit, sed tantum crede, ea enim fide iustitiā repentē obtinebis. Iustitia verò constituta, tunc & odium sceleris, & studium charitatis existet. Intellego; fides igitur illa, quæ es adeptus iustitiam, à charitate segregatur. Nam si fides antecedit necessariò iustitiam, ipsam verò iustitiam charitas consequitur, nec vllō modo potest ante iustitiam absolutam locum in nobis charitas habere; fides certè illa, quam effingis & efficis, quam iustitiam parere dicis, quam satis ad salutem esse contēdis, est ab omni charitate segreganda. Hoc igitur fateare necesse est, si tibi consentanea dicere vis, eam fidem, quā solam vitalem atque salutarem inducis, esse charitate spoliata. Sola igitur ista cōfidentia quæ improbus & facinorosus homo potest secum statuere, sibi gratiam tribui, quāuis ipse nullū conatū adhibeat ad improbitatē coercendam, gratus erit Deo. Nunquā igitur hortaberē meretricem vt repellat libidinem, & quæstum nefarium detestetur; sed tantum credat, etiam si nullū ipsa studium conferat ad animi puritatem, se esse gratam Deo. Nunquā furem admonebis, vt refrānet cupiditatem; & quæ per iniuriam auertit dominis, à quibus abduxit, ea restituat. Nunquā denique facinorosum hominem à facinore reuocabis; sed, vt hanc solam nudam & inanem fidem omni charitatis studio spoliata, amplexetur; hac enim sola se fore Deo charissimum. Quo quid dici potest absurdius? Egōne quandiu in me id dominatur, quod iram in me diuinam concitat; quandiu sum

DE IUSTITIA

addictus libidini cui semper est celeste nume infensum, quoadiu id viget in animo meo, quod semperiternum cum æquitate diuina bellum gerit; nec solum viget, sed me totum dominatu opprimit, possūne mihi gratiā de benignitate diuina polliceri? Quomodo enim à me pestem deprecabor, si pestem ipsam non odi? si me nullus ex illa dolor attingit? si nullum omnino sensum inflicti vulneris habeo? Aut enim nōdū improbitatē odi, sed adhuc me cū flagitijs meis oblecto; aut improbitatē acerbo quodam odio prosequor. Si nondum scelus odi, sed illi sum libenter alligatus: quomodo tandem aut illud à me deprecabor, aut in Dei amicitiam scelere vigente recipiar? si odi scelus, sum manūque in illo miseriam esse constituo; & ideò supplex ad opem diuinam confugio: hic certè motus animi non est alienus à charitate. Non igitur sola fide moueor, nec sola fide veniam impetro. Cū igitur dicis solam fidem sufficere, non tu mihi viam salutis ostendis, sed aditum omnem ad salutem penitus intercludis. Nūquam enim improbum à scelere reuocabis, sed miserum hominem inanissima spe delusum in sempiternam fraudem conijcies. Quam enim viam salutis ei relinquis, si sensum etiam doloris extorques? Agnoscat, inquit, scelus admissum. Hoc quidē nihil facilius. Angit enim mentem maleficij consciētia, assidueque flagitiorum recordatione sollicitat. Nihil inquit, ampliùs requirat: sed credat tantum, se Christi meritis & gratia repentē sanandum. O singularem amentiam. Credant, me sanitatem recuperaturum, quoadiu non tum ita dolore morbi ipsius stratus atq; perculsus, vt medicinam magnoperè

re-

requirendam putem? quandiu ipsi morbo fauco?
 quadiu me ipsa nequitia delectat? Quod si ita meū
 scelus agnolco, quemadmodum omnes nocentes
 & facinorosi, quorum mens est oppressa & impe-
 dita facinorum conscientia, quos ipsa fraus ani-
 mo suscepta de sanitate atque mente deturbat,
 quamuis interdum in scelere furenter exultent:
 nihil me iuuat ista cognitio. Nam neque Orestes,
 neque Alcæon, neque Lutherus quidem ipse, vl-
 lum ex furijs, quibus exagitati fuerunt, ad iustitię
 sanctitatem fructum ferre potuerunt. Sin autem
 ea est cum improbitatis ipsius odio coniuncta: ita
 vt statim illam à me repellere statuam, & ad eam
 comprimendam opem Dei suppliciter implorem;
 ea cognitio mihi salutem pariet: & non sola fi-
 des, quam prædicas; & tamē in instituta impietate
 perstabis? & tamen istam amentem & sceleratam
 sententiam cum tanta multorum pernicie tuebe-
 re? & tamen, ne à sententia desistas, tantas vbique
 ruinas edes, & quasi turbulenta tempestas, qua-
 cunque impetum dederis, omnia pervertes? Quid
 enim, quæso, habes, cur fides peccatum non sit?
 Dei enim gratiam antegreditur. Omne autē, quod
 est ante gratiam, siue id animo conceptum, siue
 manibus effectum sit, siue quacunque alia ra-
 tione conclusum; in scelere ponis. Nihil enim
 putas vllō modo posse ab homine ante iustitię
 gratiam suscipi, quod capitale facinus non sit.
 Ergo fides ista, qua niteris, est immane scelus at-
 que flagitium: gratiam enim anteit. Quid igitur
 censes? Dei maiestatem sceleribus offensam sce-
 le posse placari? aut ex scelere iustitiam oriri? Hęc
 enim tibi portenta atque flagitia dicenda sunt, si

DE IUSTITIA

tibi consentanea dicere studes. Quodd si hec nō absurda tantum, verum etiam impia, & vehementer execranda sunt: auctor certe tam sceleratæ sententiæ, non modò mentis expertus, verum etiam impurus, & sceleratus est existimandus. Sed demus id, quod nec fieri potest, nec in cuiusquam sani hominis cogitationem cadit; nuda ista, & inani rerum omnium confidentia; atque adeò scelere & impie tate posse aliquem iustitiæ munus obtinere. Sit igitur ita sanè, vt aliquis eo solùm, quod statuit se fore Deo acceptum, statim iustitiæ compos existat. Qualis tandem est ista iustitia? exhibe illius specimen Luthere. Fac vt clarum & illustre iustitiæ istius exemplum in te primùm videamus: vt cū in vitā tua ipsius iustitiæ lumen aspexerimus; intelligamus, quā salutaris ista fides sit, quantumque sit in ea ponendum. Cū enim incredibilia dicas, quo alio modo fidem feceris; nisi in te primùm id verum esse confirmaueris, docens, atque, si opus ita fuerit, iureiurando etiam confirmans, te istam excellentis animi puritatem, nō lamentis & gemitu, non benignitatis studio, non rei familiaris detrimento; sed sola ista fide fuisse consecutum? Quid igitur? num iam nequitiae interitum attulisti? num linguæ maledicentiam cohibuisti? num insanæ mentis elationem, num insolentiam, num amentiam, num præcipitis animi temeritatem compressisti? num deniq; carnē tuam cum ipsius cupiditatibus omninò confixisti? Qui sunt Christi, inquit Paulus, carnem suam cruci affixerunt cum cupiditatibus suis. Fac igitur in signem crucem illam, quam tibi constituisti, quæ nefarias tuas cupiditates elideres. Propone nobis

assu-

assiduam illam mortis commentationem, qua te ab impuritate & flagitio ad Christi similitudinem traduxisti. Doce, inquam, doce, quomodo animum tuum à corporis cōtagio seu ocaueris, & totum ad Christi imitationem contuleris. Quibus studijs illius mansuetudinem & humilitatem, illius benignitatem & beneficentiam, illius excellentem in omni genere sanctitatem expresseris, omnemque vitam in castissimis votis, & sanctissimis precibus, in præclaris actionibus, pro Ecclesiae coniunctione, & Christi gloria susceptis, consumpseris. An par est, cum, qui lucē vniuersis porrigit, seque tanquam solem alterum ostentat, omnibusque se ducem ad iustitiam sapientissimum profitetur; sibi tantum vni iustitiae viam, quam reliquis omnibus aperit, intercludere? Quodd si nihil horum vnquam præstitisti; immò contrà; omnia tetra facinora, cum summa petulantia, cum insigni contumacia, cum temeritate & impudentia suscepisti: si nihil est in te, in quo possimus imaginem Christianae castitatis & integritatis agnoscere; tamen audebis istam tuam fidem ostentare, quæ tibi illius auctoriatque parenti nullum emolumentum attulit? Esto: tu tibi solum inutilis fuisti; & cum alijs iustitiae viam aperueris, tibi vni adiutū ad illā penitus occlusisti. Doce igitur, qui sint illi, quos istius fidei disciplina in iustitiae possessione collocāris. Ostēde inquā, quā multi sint ex ijs, qui tibi operam dant, impotenti dominatu cupiditatis liberi, moribus & vita egregiè constituti, humana negligentes, diuina tantum suspicientes, & ab omni contagio impuritatis abstracti, & in eximiam quādam sanctitatis speciem & in cru-

DE IUSTITIA

cis ipsius studium tota mente conuersi. Quòd si neque ex te, nec ex tuis ullum veræ iustitiæ atque sanctitatis specimen capere vlllo modo possumus; nõne satis liquet, istam tuam fidem esse futilem, & inanem? & qui illam tradit, esse omnium, qui viuunt, amentissimum? Sed illud dicis, nullam in nobis veræ & solidæ iustitiæ rationem inesse; cùm simus ea peccandi necessitate astricti, vt nullò modo possimus importunitatem peccati vitare. Nec enim vllis sacris, quantauis religione atque sanctitate procuratis, insitum scelus elui. Peccatum enim in salutari lauacro non extinguì, sed vires adhuc immanes habere. Idcirco necessariò euenire, vt omnia, quæ sancti etiam homines inflammato in Deum studio moliuntur, sint ex se capitalia quædam crimina, supplicio sempiterno vindicanda. Omnia enim ex insito naturæ crimine profluere, quod nec sacris vllis expiari, neque viribus vllis opprimi, nec virtute vlla deleri vnquam potuit. Esse igitur omnia, quæ homines fide etiam præstantes, aut agitant animo, aut operibus exequuntur, imbuta flagitio, inquinata scelere, & necessariò denique peccati inhærentis contagio maculata penitus & infecta. Quod hoc nouum monstrum, Christe sancte, in terris aspiciamus? quod portentum atque prodigium oculis intuemur? Hic non illudit Christi sanguini? non sanctitatem illius spernit? non sempiternum illius nomen parui pendit? Homo pius atque religiosus, qui cùm præ se ferat mirum quoddam studium patrocinandæ gratiæ diuinæ, quam despectam & abiectam esse conqueritur, eandem gratiam

ore

ore sacrilego conuellit. Quid ais diuinæ gratiæ patrone? cūm dicis Christi gratia non extirpari peccatum; num illius potestati atque numini, an potius clementiæ & benignitati diffidis? si enim Christus omnia peccata non delet in ijs, quos in fidem & amicitiam recipit: id euenit, aut quia non potest, aut quia non vult: si non posse dixeris, potestatem illi atq; numen detrahis: si non velle contendas, non eum tantum clementiæ, sed fidei etiam laude spoliās. Fidem enim violat, & qui promissā non facit; & qui amicos, quos tueri potest, miseros esse patitur. Quoquo igitur modo id tecum statuas, impurus, teter, impius, & sceleratus esse existimandus. Quid enim scelestius esse potest, quā Dei filium aut immensa potestate priuare, aut sempiterna fide & benignitate? Qui enim non potuisse dicit, numini illius, quod Dæmones etiam immanissimi confitentur, execrandum conuitium facit, atque impurissimè maledicit: Qui noluisse confirmat, immensam atque sempiternam illius benignitatem & fidem, indignissima contumelia deformare contendit. Quacūq; igitur ratione sententiam istam tueāre, filium Dei, vt Pauli verbis vtar, conculcas: & sanguinem fœderis, quo sumus aspersi & expiati, sordidum & inquinatum iudicas: & in Spiritum sanctum, qui nos hoc cælesti instituti munere donauit, insignem contumeliam intorques. Quòd quid fieri, aut animo cogitari potest immanius? Cūm enim tanta Dei charitas in hominum genus extiterit, vt illius expiandi & ornandi gratia, filium ad necem tradiderit: cūm potestas illius infinita non possit vllis difficultatibus

impediri, quò minus ea, quæ vult, repentè perficiat: cùm tantam operam posuerit in hominum mentibus peccati tyrannide liberandis: cùm etiã suam olim fidem astrinxerit, fore vt peccata per Christum deleret, & humanum genus execratione deuinctum, omni scelere liberaret: tamen audebunt impuri homines asseuerare, peccatum in illis quos summa illa puritas amore sanctissimo sibi deuinxit, non funditùs euerti? non penitùs excindi? non radicitùs extrahi? non omnes illius fibras extirpari? Proprio filio (inquit Paulus) non pepercit Deus, sed pro nobis omnibus tradidit illum, quomodo non cum illo omnia nobis donauit? si Lutherus vera tradit, Pauli testimonium refutatù planè conspiciamus. Nullù enim in nos magnum beneficium per Christum Deus ipse contulit, si nos in seruitute peccati deseruit, si seruile iugum à ceruicibus nostris, vt fuerat olim pollicitus, minimè deiecit. Nullù adhuc nobis fructum attulit Christi sanguis in cruce profusus. Adhuc enim in summa miseria versamur. non possumus non esse miseri, quandiu peccatis alligati detinemur. Nec enim tã est poena sceleris metuenda, quã scelus ipsum: nec in cruciatibus sempiternis tantum malum est, vt sit cum peccati ipsius malo conferendum. Miseri sunt igitur omnes Dei amici, qui hac luce fruuntur, quamuis, vt homines perdit dictitant, nulla sit eis peccati poena subeunda. Ergò, si Christus in nobis, cùm nos ad illius cultum toto pectore conferimus, peccati regnum nò excindit, tantùm abest, vt omnia nobis donarit, vt maxima ex parte miseros, infelices, & ærumnosos esse permiserit. Nondù igitur nos eripuit de

pote-

potestate tenebrarum, & transtulit in regnū suum. Ergo, nec Paulus vera prædicat, neque gratiæ diuinæ fructus ad nos vnquam peruenit. Quòd si hoc in animum inducere est facinus impurum & execrandum; & illud certè, vndè hoc sequitur, existimare, est detestabile scelus, & execrandum. Qui igitur in sanctis, quādiu statum suum cum fide tuentur, peccatum vigere dicit, primū secum ipse pugnat. Sancti enim esse non possunt, qui peccatis alligati sunt. Deinde eorum dignitatem violat, quos Dei filius secum amplissimè dignitatis communione atq; societate coniungit. Deinde Christi gratiam, quantū potest, impiè labefactat. Postremò Dei gloriam impudenter obscurat. Quòd enim opus à Deo perfectum est illustrius & magnificentius; eò, qui illud editum esse negat, est gloriæ illius acrior aduersarius, ex aduerso constitutus. nullum diuinum opus est in nobis iustitia magnificentius, nullum clarius & illustrius; nullum denique, quod magis homines ad amorem illius inflammet. nec enim aliud est, ad quod ardentius animo contuendum Spiritus sancti vocibus sæpius incitemur. Quantum distat, inquit David, ortus ab occidente, longè fecit à nobis iniquitates nostras. Et asperges me Domine hyssopo & mundabor: lauabis me, & super niuē dealbabor. Isaias item prædixit futurum, vt omnes, qui cum fide in Ecclesia vixissent, sancti vocarentur, cum Dominus spiritu iustitiæ & ardentissimæ charitatis, omnes vitiorum maculas absterfisset. Apud eundem verò dicit Dominus: Ego sum, qui deleo iniquitates tuas: & deleui, vt nubem, iniquitates tuas; & quasi nebulā peccata tua.

tua. Similiter Ieremias ait: In diebus illis, & in tempore illo, ait Dominus, quæretur iniquitas Israël, & non erit; & peccatum Iuda, & non inuenietur. In Ezechiele verò inquit: Effundam super vos aquam mundam, & mundabimini ab omnibus inquinamentis vestris. Micheas item: Projiciet in profundum maris omnia peccata nostra. Porro autem Zacharias perennem illum fontem celebrat, qui erat aperiendus ad omnium sordes eluendas. Illud verò Iohannis Baptistæ testimonium, quàm præclarum? Ecce agnus Dei, ecce qui tollit peccata mundi. Infinita testimonia prætermitto, hanc vnā sententiam confirmantia; nempe, Christi numine crimen extirpari, cupiditatem elidi, libidinem coërceri, humanasque mentes à peccato liberatas diuinam formam induere. Quæ est igitur hæc intemperies? quæ impudentia? quod, tē tantum scelus exagitat? Quod Deus puritati restituit, tu impurum appellabis? quod omni scelere soluit, tu scelere alligabis? quod iustum atque sanctum effecit, tu capite damnabis? certè inquit. Dauid enim testatur, neminem fore, quem non diuinum iudicium sceleris conuincat: & idè Deum precatur, ne se in iudicium vocet. Isaias autem omnem nostram iustitiam similem dicit pannis menstruo sanguine pollutis. Ioannes item mē dacem appellat eum, qui se nullo scelere obligatum esse confirmat. Multa præterea in eandem sententiam colligit, quibus effectum putat, omnes mortales, quantauis fide confirmatos, semper in peccato versari. Sed ad illa omnia vna responsio est; non ibi de iustitia ^{v. 24.} ~~v. 24.~~, sed de humano studio disputari; quod, quandiu non est ad Deum applicatum,

catum, est semper impuritatis contagio pollutum. Nemo enim potest absq; diuina gratia è peccati vinculis emitti, & ad iustitiæ claritatem aspirare. Sic fit, vt omnes, quandiu sunt à diuina gratia segregati, semper sint sceleribus affines. Cùm igitur Dauid orat, ne in iudicium vocetur; id orat, vt illud deleatur, ad quòd iudicandum est iudicium constitutum. id autem est peccatum. Vigente enim peccato, iudicium vitari non potest. Sic etiam Isaias iustitiam humanis studijs absque diuina gratia partam, esse dicit inanem atque fallacem in simulatione constitutam, multisq; scelerum maculis inquinatam. Sic Ioannes eorum amentiam coarguit, qui se iustitiæ nomine ita tumidos inferunt, quasi nunquam vllum in se scelus admisissent, & ita Christi sanguine non indigerent. Hos enim vanos appellat atq; mendaces: illis verò, qui conscijs scelerum ad Christum supplices accedunt, spem certam perfectæ puritatis ostendit. fore enim dicit, si confessi fuerimus peccata nostra, vt sanguis Christi nos ab omni peccato emundet. Qui ab omni crimine nos mundos fore prædicit, nullum profectò crimen excipit, quod sempiternum in nobis dominatum teneat. Non igitur horum testimonia Lutherù adiuuant, cum diuina gratia pugnantes, sed tantum docet, non in nobis, sed in illa omnes vitæ, salutis atque dignitatis rationes ponendas esse. Nam absq; Dei gratia veram iustitiam nullo modo cõsequimur, & sæpenumerò ab ipso gratiæ statu decidimus: ea tamen permanente in nobis, omne penitus crimē in nobis expellitur. Gratia enim illius in hoc maximè cernitur, quòd optimus ille parens & domi-

nus,

aus, homines impuros & sceleratos, ad illum fide
 confugientes, ita sanat, ut non modò purget à cri-
 mine, sed etiam eos insigni & illustri specie diui-
 nę pulchritudinis & claritatis illustret. Hęc au-
 tem tanta dignitas, tam excellens in omni genere
 virtus, qua Deus suorum mentes instruit & exor-
 nat, nullo modo potest cum flagitio & impurita-
 te simul habitare. Nullum enim tenebris est cum
 diuina luce commercium: nulla omninò castitati
 cum libidinis impuritate societas: nulla iustitię
 sanctitati cum iniustitię scelere & improbitate
 coniunctio. nec enim insitę naturę cupiditas ani-
 mum interdum pulsans ratione tamen compres-
 sa, peccatum est in sanctis: sed materia laudis, sed
 sempiternę glorię seges, sed inditię virtutis argu-
 mentum. Satis enim perspicitur, virtutem diuinā
 adesse, cū omnis cupiditatis violentia ratione
 comprimitur. Quocirca difficilè est, de eorum te-
 meritate qui sanctos peccati insimulant, perindè
 atque rei indignitas postulat, dicere. Non enim
 tam sunt in sanctos homines contumeliosi, quàm
 in totius sanctitatis auctorem & principem. Ut e-
 nim, qui ædificium damnat, non tam ædificium,
 quàm architectum vituperat: sic, qui piorum ho-
 minum sanctitatem, quantauis gloria præcellen-
 tem, sceleri semper affinem esse dicit, nō illis, sed
 ipsius sanctitatis effectori contumeliam inurit.
 Quid, quòd huius sceleratę sententię princeps
 secum ipse pugnat; & quòd temerè in principio
 posuit, alia multò magis execranda temeritate dis-
 soluit. Quid ais homo vesane? quid attinebat tan-
 tis laudibus ornare solam istam fidem, si fides in-
 iustitia non liberat? Quęnam est hęc inconstan-
 tia,

tia, vt spem libertatis ostendas, eamque spem rursus totam eripias? vt iustitiæ viam te monstratur? non esse confirmes, & repentinè omnem verè iustitiæ rationem penitus desperandam esse contendas? Vbi est illa noua vita, in qua optimam poenitentiam collocabas? sic fidem præstas, quam dedisti? sic, quod tam largè promissisti, dissoluis? Hucine illa tam magnifica promissa reciderunt, vt, cum magnam in principio tui expectationem commoueres, repentinè desperata iustitia, tuis libertatem atque impunitam flagitiorum licentiam istius fidei obtentu, quam prædicas, largiârè? Promissa enim audiamus. Audite, inquit, audite ciues mei, non commentitias futilesque sententias: non hominem inani superstitione obligatum, & hominum mentes curis & angoribus implicantem: sed ciuem vnum omnium maximè salutarem, minimè ignarum viæ, qua sine vllò errore, aut molestia, ad iustitiam & salutem perueniatis. Primum igitur cauete, nè sermones eorum, qui vobis multis incommodis molestiam exhibent, ad animorum vestrorum sensus illabantur. In maximum errorem, mihi credite, rapiemini, si aures illis deritis. Qui enim dicunt, charitatis officia ad salutem necessaria, vaticinantur & insaniunt: qui preces cum lachrymis adhibendas esse censent, planissimè delirant: qui vel ad ciborum statis temporibus abstinentiam, vel ad castitatis studium, vel ad aliquem cultum religionis in operibus positum, exhortantur, mente capti sunt. Tantum enim abest, vt hæc omnia aliquid momenti habeant ad iram numinis auertendam; vt eos, qui ijs operibus incumbunt, grauiore scelere astringant. Hos igitur om-

tur omnes longè à vestro cœtu remouete. Me igitur solùm intuemini, vestigiaq; mea persequimini. solus enim vobis certam & directam viam monstrabo, qua possitis iustitiam & salutem adipisci. Quamnam tandem est ista via, quam sapiens iste dux antè virgultis interseptam perpurgauit & aperuit? sola, inquit, fides efficiet, vt iusti, vt salui, vt ornati sitis, quamuis nullum omninò conatum ad ipsius iustitiæ studium conferatis. Cùm igitur statueris, non in officio vestro, sed in diuina promissione salutem esse collocandam, & credetis, vos, quamuis sitis omnibus flagitijs cooperti, Deo charos esse: ista fide confestim diuinis iustitiæ ornamentis atque præsidijs mirificè redundabitis. Magnum promissum, & author grauis & sapiens. quare necesse est erigi animos eorum, qui audiunt, & ad spè summæ cuiusdam felicitatis incredibiliter excitari. Agè iam ipsius promissi fidem videamus. Nemo, inquit rursus, iustus esse potest. Insidet enim libido: regnat in nobis immanis & fera cupiditas, cui obsisti non potest. Instat enim & vrget peccatum, & tributum imperat, quod omninò dependendum est. Non est enim ea vis in nobis, vt huic tam immani & importuno tyranno repugnare valeamus. Quare necesse est, vt omnia, quæ agimus, quamuis ea ad Dei gloriam cōferamus, sint per senoxia atque mortifera. proueniunt enim ex animo peccatis oppresso & impedito. O promissi fidem. ô singularem orationis constantiam. Huccine redijt illa orationis magnificentia, quæ summam verè iustitiæ, & solidæ dignitatis expectationem concitasti; vt non modò viam iustitiæ nō aperias, sed animos hominum illius potiundæ despe-

desperatione frangas? Quid enim est iustitia de-
 speratius, si nulla ratio effugiendi peccati à nobis
 viri potest? Deinde, quid est minus cohærens, &
 consentaneum? quid magis repugnat, quàm iusti-
 tiam verbis ostentare, eiusdemque iustitiæ spem
 totam rursus eripere? O populares, inquis, si me
 audieritis, iusti eritis; & tamen nullo modo iusti
 esse poteritis. Mirum acumen. Incredibili enim
 mentis intelligentia opus est, ad tanta mysteria sa-
 pientiæ penitus indaganda. Nemo enim est, qui
 possit assequi ratione, quomodo is, qui est oppres-
 sus peccati dominatu, iustus eo tempore sit, quo
 peccato oppressus est. Imò, inquit, hæc est fidei v-
 nica vis, vt scelestus non deleto scelere, sed adhuc
 spirante, atque adeò vigente, virtute fidei iustus
 existat. Non quòd legem diuinam ritè colat; quòd
 animum ad illius regulæ disciplinam, quã Deus
 nobis tradidit, exactè dirigat. hoc enim fieri non
 potest. Sed illud affirmo, fidem hoc præstare, vt à
 Deo proinde accipiamur, atq; si iusti essemus. Nò
 euellere itaque fidẽ ex animis improbitatẽ; sed ef-
 ficere, vt in ipsã improbitatẽ minimè vindicetur.
 Eã enim misericordiã tribui ijs, qui fide hac, quã
 prædico, fulciuntur, vt inhærens crimen non in-
 ferat exitium; vt eodem crimine penitus inhæren-
 te, Deo tamen grati & accepti simus per Christi
 iustitiam. Hac igitur Dei acceptione & approba-
 tione, qua illi per fidem cõmendamur, & in Chri-
 sti corpus inserimur, iustitia nostra continetur.
 Quid hoc loco dicam, prorsus ignoro. Nullis e-
 nim verbis potest explicari tantum orationis fla-
 gitium, tantum scelus & impudẽtia, tanta deniq;
 serpentis illius antiquæ calliditas. Sic enim Lu-

therum ad perniciem instruxit, ut, quacunq; per-
uaderet, non modò pietatis horrendam stragem
ederet, verùm etiam omnem pietatis spem infrin-
geret. Primùm namque fidei nomine, omne stu-
dium benignitatis extinxit. Benignitatis enim stu-
dium prorsus extinguit, qui nullam in ea vim po-
nit ad obtinendam iustitiã; & omnia charitatis
opera peccati cõtagio polluta esse contendit. De-
inde, cùm mentes hominum ad iustitiæ expecta-
tionem excitaret, eandem repentè iustitiæ viã ob-
iectis molibus intersepsit, atque penitus desperã-
dam esse pronunciauit. Tum vulneribus, quæ in-
fixit, loco medicinæ venenum mortiferum adhi-
buit; cùm persuadere voluit, fieri aliqua ratione,
ut, quandiu sumus in regno peccati, illi sanctissi-
mo Domino placeamus. Dei sapientiã atque be-
nignitatem ore impio criminatur, cùm legẽ à Deo
nobis impositã esse confirmat, quæ seruari nõ pos-
sit. Postremò, filio Dei indignam cõtumeliam in-
fert, cùm ostendit, illius sanctitatem, atque præcel-
lentem bonitatem, impuros & sceleratos, ipso sce-
lere in eorum animis dominãte, sibi bonorum om-
niũ communione deuincire. Quid ais Lutherè?
Vtrũne tandem credere sapientius est, Deũ pec-
cata omninò tollere de animis eorũ, quos statuit
sibi amore coniungere: an potius, manente pecca-
to, quod nos vi & immanitate sua à Dei coniun-
ctione necessariò diuellit; eos, in quibus peccatũ
latè dominatur, sibi amore copulare? Illud enim
est & illius potestati facillimum, & æquitati con-
sentaneum, & bonitati decorum: hoc verò numi-
ni illius & bonitati repugnat. Iustus enim est Do-
minus, & iustitias dilexit, & æquitatẽ vidit vultus
eius.

eius. Non habitabit, inquit Dauid, apud te malig-
nus; non permanebunt iniusti ante oculos tuos. Ec-
ce odisti omnes, qui operantur iniquitatem: & per-
des omnes, qui loquuntur mendacium. Ex his au-
tem testimonijs perspicitur, nullum esse posse im-
probis cum diuina bonitate consortium. Cum e-
nim Deus sit ipsa lex æquitatis, & iustitiæ regula,
ad quam sunt omnes actiones nostræ dirigendæ;
qui fieri potest, vt, qui regulam ipsam à se remo-
uet, eamque odio persequitur; eidem coniungatur?
Qui igitur asserit, fieri posse, vt Deus impios ap-
probet, atque sibi coniungat; asserit, fieri posse, vt
Deus non sit Deus. Nihil enim est, quod inter
Deū & iustitiam illius intersit, cum nihil insit in
illa purissima atque beatissima natura coniunctū
& copulatum, nihil admixtum, aut aliqua ratio-
ne concretum. Si autem Deus scelestos, vigente
scelere, sibi coniungeret, idem certè iustitiæ lex
atque norma nō esset: & sic concludi posset, Deum
non esse Deum. Quæ est igitur ista noua fides, non
modò furenter omnia conturbans: sed, quantum
in se est, illi sempiterno Domino diuinitatem e-
ripiens? Et tamen ex isto ore impuro & impio fi-
dei verbum excidet, quod fidem tot modis viola-
uit? & tamen pietatem iactabis, cum omnem pie-
tatis rationem ex hominum vita sustuleris? & ta-
mē tuis scēdis factis nomen religionis obtrudes;
cū tamen peruersam opinionem de mente diui-
na conceperis? Crede, inquit, tantum; satis enim est
ad salutem in sola fide momenti, cui nam credam?
tibi ne, quem scelere perditum, quem amētia præ-
cipitem, quem furiarū poenis excruciatum intue-
or? minimè, inquit, sed Deo. optimè. Profer igitur

DE IUSTITIA

aliquod ex lege diuina, & è sanctissimis oraculis testimonium, quo intelligamus, Deū hominibus, sola ista tua fide commentitia subnixis, iustitiam atque salutem polliceri. Ostende, quomodo à nobis, antequam iustitiam conferat, neq; iustum dolorem, neque pium studium, neque beneficentiam exigat. Doce postremò, Deum, vigente in nobis eo malo, quod odio sempiterno persequitur, nos tamen in delicijs habere. Nunquam facies, Totis enim scriptis istam sceleratam sententiam oracula diuina conscindunt. Primùm enim Moses, cùm rerum omnium vastitatem, & acerbum exilium denunciasset ijs, qui à Deo descuiissent, ait tandem: Cùm ibi quæsieris Dominum Deū tuum, inuenies eum; si tamen toto corde quæsieris & tota anima. Vide, quibus Dei clementiam pollicetur. Num ijs, qui inani quadam confidentia statuunt, sibi benè esse, cùm sint venenato atque mortifero telo confixi? minimè profectò; sed ijs tantum, qui Deum non studio religionis fallaciter assumpto, neque pietate ad tempus simulata & composita, sed verè & ex animo in cultum diuinę legis incumbunt; vt eum, quem in se rebellione violarant, obedientia placent, & ita precibus adhibitis sceleris admissi veniam impetrent. Quęre enim Deum toto corde, est, non fictè, sed verè ad studium diuinę legis applicari. Multi enim sunt, qui non sponte & voluntate sua, sed numinis metu perculsi, manus à maleficio aliquandiu continent, cùm sint studio peccatis, quibus assueuerāt, addicti. Cùm igitur animum ancipitem inter cupiditatem nefariam, & numinis offensi metum gerant, in contrarias partes distracti sunt: cùm neque

que Deum propter cupiditatis imperium sequi studeant, neque rursus cupiditati, propter iræ diuinæ formidinē, parere audeant; nullo modo possunt toto corde in Deum conuerti. Sunt enim maiore ex parte cum libidine, & impurissima cupiditate colligati. Cū enim multò plus valeat apud animos voluntas, amor, studium, quàm metus, atque formido; efficitur, vt magis occupetur animus impurus à cupiditate, cui studet; quàm à Deo, quem metuit: Is igitur toto corde Deū quærit, qui odio improbitatis, & studio pietatis, in quod vocibus diuinis incitatur, Dei mentem inquit, vt se totum ad eam accommodet. Vndè Ieremias insectatur Iudæam, quòd non fuerit toto corde in Deum conuersa, sed falso. Idem futurum asserit alibi, vt multi mortales Christi gratia conuertantur ad Deum toto corde. Illa autem conuersio fit, cum abiecta cupiditate nefaria, animus appulsu videlicet diuini spiritus incitatus, sese ad studiū pietatis totum applicat. Est enim vera conuersio nihil aliud, nisi absoluta quædam mentis, & rationis, & omnium studiorum, consiliorū & actionū commutatio, & ad contrariam partem totius animi traductio. Animus enim, cum sit natura incitatus ad beatæ vitæ cupiditatem, otium pati nequit; sed omnes neruos intendit, & immensum laborem suscipit, vsque eò, dum id assequatur, quod sibi, vt summum bonum, proponit. Mirum enim est, quanto studio & solertia minuti & angusti animi, qui toti sunt defixi & intēti vel in corporis voluptates, vel in terrenas opes, & honores inanes, inquirant omnes vias eò perueniendi, in quo beatam vitam sitā esse statuunt: quantani indu

striam adhibeant & intelligentiam, vt res inanissimas consequantur: quàm cæco impetu in earum studium concitentur? Omnes, inquit Ieremias, cōuersi sunt ad cursum suum, quasi equus cōcitatus ad prælium. Vndè colligitur, semper animum studio eniti, semper agitari, semper denique id agere, vt, quod sitienter appetit aliquando tādē obtineat: In hoc tamē errare, quòd sit plerunq; à veris bonis auersus, & in vanitatis studium tota mēte conuersus. Verterunt, inquit Deus, ad me terga & non faciem. Si gitor diuino quodam modo pulsifenserint, se in exitium rapi, & mentis aspectum ad vera bona, quæ post terga reliquerant, cōtemplanda retulerint; illam certē industriam, quam in huius vitæ ludibrijs consumebant, in rerum diuinarum studio cōferent, & summa contētione elaborabunt, vt illas adipiscātur. Cū igitur Deus tam sæpē admonet nocentes homines, vt se ad illum conuertant, si cupiūt iram illius effugere, hoc profectò dicit, vt non modò numen illius, à quo erāt auersi, respiciant; verū etiā, vt omne illud studium, & industriam, quam sine vllo fructu in nequitia consumebant, ad iustitiæ cultum cum immortaligloriæ fructu conferant. Hoc igitur Deus à nobis fidei munus exigit, hoc requirit, hoc efflagitat, vt omnem mentem, omnemque totius animi curā, & sollicitudinem, à rebus inanissimis auocemus, & ad diuinas ardenti studio & cupiditate contuendas omninò transferamus. Ijs autem, qui ita fuerint conuersi, clementiam suam benignè pollicetur; non ijs, qui præcipiti confidentia ducuntur. Cōuertimini, inquit, qui eratis in profundum demersi. & Conuertimini ad me, & salui eritis.

is. &: Conuertimini, filij reuertentes; & sanabo
defectiones vestras. &: Reuertatur vnusquis-
que à via sua mala. &: Si reuerteris, Israel; ad me
conuertere. &: Quæretis me, & inuenietis; cùm me
quæseritis toto corde vestro. Tum illud, quod est
apud Ezechielem: Cùm auerterit se impius ab in-
iquitate, quam operatus est, & fecerit iudicium
& iustitiam; ipse animam suam in vitam restituet.
&: Nunquid voluntatis meæ est mors impij, dicit
Dominus Deus, & nõ vt conuertatur à vijs suis, &
viuat? & Paulò inferius: Cõuertimini, & agite pœ-
nitentiam. Alibi item: Nolo mortem impij; sed, vt
conuertatur impius à via sua, & viuat. conuertimi-
ni, conuertimini à vijs vestris pessimis. Oseas ve-
rò, Cõvertere, inquit, Israel, ad Dominum Deũ tu-
um, quandoquidem iniquitate tua corruisti. Za-
charias item, conuertimini, inquit, ad me, ait Do-
minus exercituum; & conuertar ad vos. Sed quid
Prophetarum testimonia colligo, cū sint prope-
modũ infinita? hoc enim cuncti testantur, hoc præ-
dicant, hoc apertè denunciant, nullã omnino spẽ
salutis ostendi, nisi illis tantummodò, qui à vita
impura & flagitiosa ad sanctitatis studiũ fuerint
tota mente conuersi, Nec Prophetæ solum, sed il-
le Prophetarum omnium maximus, qui viam Chri-
sto munivit, his vocibus animos hominũ ad Chri-
sti gratiam præparabat. Nam & arrogantium elatio-
nem comprimebat; & iniquos ab iniuria deterre-
bat; & animos abiectos magnis clamoribus excita-
bat, omnesq; tandẽ ad conuersionẽ exhortabatur:
docens, nullam prorsus aliam rationẽ esse, vel exi-
tij depellendi, vel salutis comparandæ. Quin ip-
se Dominus. vt legimus in euangelio, hoc vnum

DE IUSTITIA

agit, hoc in sculpsit animis eorum, quos instituit, ut eos valde poeniteat impuritatis, & sic omnia studia vitæ ad sanctitatem conferant. aliter enim certissimum exitium denunciat. His igitur Dei vocibus, nobis per Prophetas suos, atque tandem per filium, suam voluntatem omnibus in rebus luculenter explicantis; assentiar; non Luthero. Hanc disciplinam sequar, non hominis furentis amentiam. In hac igitur conuersione salutem ponam, non in Lutheri temulentia. Hæc autem conuersio, quæ quidem ex fide nascitur, (tunc enim existit, cum Dei verbum à scelere reuocans antecedit) vix sine graui sensu fit. Tunc enim è tenebris emerfi dedecus admissum acutius intuemur; tunc mentis nostræ labè inspicimus; tunc optimi Domini numen esse nostris sceleribus offensum ægerri-
 me patimur, tantique facinoris veniam cum fletu atque suspirijs imploramus. In quo imitatur Regem illum sanctissimum, lectum suum, ut ipse ait, lachrymis diluentem, & integras noctes in luctu consumentem. Sequimur exemplum beatissimæ mulieris, quæ pedes Domini magna lachrymarum copia lauit. In Petri vestigia incurrimus, qui insignem sceleris maculam animo conceptam, acerbissimo fletu deleuit. Deo acceptissima sacra conficimus. est enim, ut inquit Dauid, animus fractus, atque propter criminis admissi conscientiam iusto mœrore deiectus, sacrificium Deo gratissimum. Est igitur in hoc pio dolore iucundus mœror, dulcis fletus, suaue suspirium, mœstitia salutaris. Iram enim Dei auertit, illatiq; vulneris medicinam ex illo consequimur. Ideo sæpè sanctis literis, ipsius Dei vocibus, ad fletum invitamur:

Con-

Conuertimini, inquit, ad me, in ieiunio, & fletu, & planctu. Ergò, si Deo credidero, si me illi dicto audientem præbuero; lachrymis & lamentis me dedam, cum primùm animaduervero, fuisse numen illius à me insigni scelere violatum. Ex quo sequitur, huiusmodi fletum esse fidei munus & officium. Quia enim Deo credo; quia summam misericordiam disciplina illius eruditus scelere pono, quo Dominum, pro quo mori debuissem, grauiter offendi, vim lachrymarum profundo. Hæc est illa mortificatio, quæ, ut Paulus inquit, salutem stabilem atque sempiternam efficit. Hanc igitur qui tollit, strenuam Satanæ operam nauat. Quem igitur esse dicam hunc nouum Stoicum, qui, cum suis fuerit exemplum nequitie, fautor inertie, & languoris effœminatissimi, hîc, ubi minimè cõueniebat, uoluit fortis & constans existimari. At idem, ut inuiliam aliqua ex parte deuitet, ait, se non lachrymas, quas diuinus amor elicit, sed quas Dei metus excutit, insectari. Graue nanque scelus existimat, pristinam ruinam lamentari, atque pœnam metuere. Quid ais Luthere? sentio me graui & mortifero vulnere sauciatus; cogito, vnde deciderim, in quam miseriam incurrerim, in quos me Dæmonis infestilaqueos induerim, quomodo à uita descuiuerim, & me cum morte coniunxerim: & tu interim me uertabis, nè lugeam? nè calamitatem meam deplem? nè stragem mentis meæ lamenter? Eripe mihi prius omnem sensum; atque, ut rectius dicam, fidem ipsam, quæ fecit, ut hæc mea mala sentirem: & tunc demum facile id, quod cõtendis, efficies. Hic enim doloris sensus, qui me pūgit, ex fide prouenit. Fide enim fide coniunctus. Qui igitur illum

tollit, fidē tollit, atq; ita spem salutis incidit. Quo-
 modo autem, si me vulneris dolor non attingit,
 opem implorabo? quomodo medicinā expetam?
 quomodo me sapientissimo medico committam?
 istam igitur indolentiam, quam non ex Stoico-
 rum disciplina, sed ex Satanæ placitis hausisti, ti-
 bi atque tuis reservato. Non enim stupor immanis
 in morbi gravitate, sed sensus acerbus inflicta vul-
 nera sanat. Hunc autem sensum mirum innocent-
 iæ & pietatis studium consequetur. Quod enim
 dolet, omni contentione repellimus; & summo
 quodam studio arcemus: & res contrarias liben-
 ter asciscimus. Ergo, si verē nos poenitet impuri-
 tatis, consequens est, ut omni mentis impetu in a-
 morem castitatis, in studium diuinæ legis incite-
 mur: & cum scelus & impietatem omnibus ma-
 lis peius oderimus, ad eximiam cuiusdam sancti-
 tatis gloriam inflammatis animis rapiamur. His
 autem operibus, quæ è sensu pij doloris, & ex stu-
 dio charitatis oriuntur; docet ipse Dominus,
 cui soli fidem habeo, ad iustitiæ claritatem per-
 ueniri. Audi enim, qui sint illi, quos iusti-
 tiæ luce circumfundat. Frange, inquit, esurienti
 panem tuum, egentes & peregrinos hospitio reci-
 pe, homines tibi coniunctos nè despexeris: tūc e-
 rumpet, quasi aurora, lumen tuum, & sanitas tua
 protinus orietur. In euangelio itē docet, expiari
 perfectē mētem charitatis officijs. Hos autem poe-
 nitentiæ fructus appellat. Tunc enim copiosius se
 penumero proferuntur, cum nobis in mentem ve-
 nit illorum flagitiorum, in quibus olim versaba-
 mur. Ad hæc nos opera lex instituit. Prophetæ vo-
 cant, Christus inflammatur, his iustitiam parari, his

quam gradibus in cælum ascendi, his æterna
mæmia constitui, perpetua oratione confirmat.
ic vnam nobis in cælum viam muniuit, quæ præ-
aris operibus constrata est. Hanc qui non in-
editur, ait esse cruciatibus immensis sempiter
tempore torquendum. Diuino porrò iudicio,
era cuiusque examinanda prænunciat; ita, vt,
i cum charitate vixerint, sint sempiterna glo-
a munerandi: qui ignauix sese dederint, igne
mpiterno cruciandi. Hæc igitur via est, quæ no-
s terenda est: hac Christi nostri ducis, qui nobis
git, vestigijs insistendum, nec ab ea declinan-
um, si salui esse volumus. Vt igitur omnia con-
udam, si Luthero me credam, in eandem pestem
piar. Si autem Deo credam, statuam apud me, sa-
tem meam, omnium studiorum conuersione in
eū, & summo dolore ex flagitiorū, quæ suscepi,
cordatiōe, atq; singulari pietatis, castitatis & cha-
tatis studio contineri. Ergò, cū hanc fidem co-
tero, facile turbulenti hominis furorem & a-
entiā contemnā. Video enim, qui sint ij, quibus
eius se propitium fore confirmat, quibus splen-
orem iustitiæ largiatur, quibus tandem cælū, &
pes sempiternas ostendat. Non quidem vllō mo-
o hominibus impudenti mendacio subnixis, nō
urentis hominis somnio delusis, non futili & in-
ni confidentia insolenter inflatis. Quibus igi-
ur ijs, qui verè sunt à prauitate in pietatē conuer-
tuntur, qui ad Christum supplices accedunt: qui dolēt
tanguntur, esse eorum sceleribus Christi numen
offensum; qui etiam cum lachrymis veniam pos-
unt; qui denique omne studium ad diuinam
egem conferunt, totamque vitam, postquam sunt
à flagi-

DE PVSTITIA

à flagitio reuocati, in obedientia, quam debent
 menti diuinæ, consumunt. Hi enim sunt, hi sunt,
 qui ritè fidem obseruant. Hos igitur tantum Chri-
 stus sanguine suo emundat, & in cælestis patrimo-
 nij hæreditate constituit. Didicit, inquit Paulus,
 de Christo loquens, ex his quæ passus est, obedi-
 entiam, & consummatus factus est omnibus ob-
 temperantibus sibi, causa salutis æternæ. Discipli-
 na igitur illius institutus, beatos esse prædico, nō
 qui sensibus omnia metientes, terrena concupi-
 scunt: sed qui cælestia contuentes, ad eorum cu-
 piditatem exardescunt, eamque viam tenent, quæ
 in cælum perducit. Beati enim immaculati in via
 qui ambulant in lege Domini. In eam igitur viam
 ingredi conabor, &, quia mihi imbecillitatis cō-
 sciū sum, ad illum preces assiduas adhibebo, vt
 me numine suo corroboret, vt ita possim totum
 vitæ spatium sine graui aliqua prolapsione confi-
 cere. Is enim est, qui dat lapto fortitudinē; & e-
 os, qui nullas vires habent, multiplicato robore,
 confirmat. Dicam igitur: Deduc me Domine in vi-
 am iudiciorum tuorum: quia ipsam volui. & Vi-
 as tuas demonstra mihi, & semitas tuas doce me.
 & Confirma gressus meos in semitis tuis, vt non
 moueantur vestigia mea. Vt autem omnia breui
 complectar, qui fide corroboratus est, primū
 quidem Deum credit esse mundi conditorem &
 Dominum, omnia sempiterno imperio moderan-
 tem: deindè, illum omnia prouidere, & intueri,
 intimosque etiam animi recessus inspicere. De-
 indè, præmijs pietatem munerari, supplicijs sce-
 lus vlciſci: tum generi humano ope & gratia cō-
 sulere, & eos, qui illi confidunt, ab interitu in vi-
tam

nam & sempiternam dignitatem vindicare: deinde, esse vitæ nostræ ducem, viam, quæ ferat in cælum, aperientem: postremò, illum esse summum omnium bonorum, & extremum omnium rerum expetendarum, cuius aspectu atque fructu beatæ vitæ summa continetur. Illum igitur ut parentem colit, ut dominum veretur, ut testem reformidat, ut iudicem extimescit, ut liberatorem amat, ut ducem sequitur, ut vltimum bonorum omnium, & sitienter appetit, & incredibili ardore mentis inquirat. Dicit igitur: Sicut ceruus ardentissimè sitit fontes aquarum: sic anima mea ad te Deus. Et: toto corde meo exquisivi te. Neque fieri secus potest, quandiu à fidei luce minimè segregamur. Si enim voluptates exquirimus; sentit profectò fides, nihil esse spiritu diuino iucundius: si opes expetimus, in illo sunt opes immensæ, quibus amicos suos magnificentissimè locupletat: si honores & imperia concupiscimus; ille cunctos, qui illi adhærent, in regni sempiterni societatem conuocat: si æternitatis cupiditate flagramus, & omnibus summis bonis expleri, æuoque sempiterno eisdem frui cupimus; ille diuinitatem ipsam, qui eum cum fide & pietate venerantur, se extremo tempore daturum pollicetur. Cum igitur natura simus & bonorum omnium, & æternitatis appetentes; & fides apertè doceat, omnia vera atque sempiterna bona esse in Dei bonitate sita; & ea, quæ sunt ab illius voluntate seiuncta, non bona esse, sed mala estifera; sequitur, ut qui fidem stabilem & incorruptam conseruat, amore diuini numinis inflammetur. Vnde concluditur, fidei vim in studio legis diuine consistere. Hæc est illa salutaris fides, quæ

DE IUSTITIA

quæ Deum vocantem audit, consulentem respicit, præeuntem sequitur, munera liberalissimè largientem amat, omnem deniq; vitæ, salutis, dignitatis rationem illi committit. Hæc deterret à vitijs, incitat ad virtutē, retrahit à turpitudine, incendit ad honestatem, erigit animū à rebus terrenis, & ad cælestia cōtuenda mentes exsuscitat. Hęc est illa fides, quæ Deo placet, quæ iustitiæ compotes efficit, quæ præmia diuina cōsequitur: nō illa, quā homo vesanus atq; turbulentus inculcat; cū ait, solam fidem ad salutem sufficere. Aut enim nobiscum sentiens, obedientia fidem definiat: & tunc neque lachrymas pias damnet, neque opera pia contemnat, neque studium religionis improbet; quando hæc omnia à Deo præscripta sunt; atque ad fidei summam referuntur: Aut si his studijs seclusis, fide sola parari iustitiam putat; nunquā eam persuasionem, Christi fidem appellabo; sed præcipitem temeritatem, insolentem confidentiam, impudentem audaciam, immanem furorem, facinus execrandum. Sed, vt omiſſa furentis hominis impudentia, ad veram fidei rationem reuertamur, huius nominis vis memoria repetenda est. Itaque fides est firma, & constans mentis assensio, auctoritate dicentis excitata. Auctoritas autem, vt Platoni placet, tribus rebus efficitur: sapientia, beneuolentia, libertate. Tunc enim fidem adhibemus, cū existimamus, eum, qui aliquid asseuerat, neque labi propter stultitiam; neque, quid vtile nobis sit, occultare propter odium; neque propter vllam timiditatem, quò minus verum nobis aperiat, impediri. Cū igitur pro certo habemus, aliquē esse singulari

orum intelligentia præditum, eique nostram
utem charam esse sentimus, neq; de illius con-
stantia dubitamus: tum demum ei rectissimè vitā
nostram committi arbitramur, illiusque senten-
tiam constanti animo parèdum ducimus, à quo ab-
omnis vel erroris & imperitiæ, vel fraudis &
urix, vel inconstantix & imbecillitatis suspi-
o. Quod si ita est, cuius consilium capiemus? cu-
sententiam sequemur? cui tandem credemus?
ne aliquid in vita, quod non sit infinitis errori-
s implicatum, & atra quadam caligine circun-
sum? poteritne quicquam simplex & apertum,
que fideli benevolentia munitum, in moribus
minum reperi ri? Iam de hominum inconstan-
quid attinet dicere? Alium enim offensionis
etis, alium ignominix timor impedit, alium
stremò mortis aut doloris formido debilitat.
i igitur omnes res humanæ sint erroris plenif-
næ, cùm frater etiam fratri pestem atque perni-
em machinetur, cùm nihil sit hominum naturæ
agilius: quid amentius & calamitosius, quàm
ominibus fidem adhibere, eorum consilio & sen-
ntia gubernari? Reliquum igitur est, vt soli Deo
edamus; illumq; inflammato studio sequamur,
æceptisq; illius obtemperemus. Solus enim
sapiens est, & immensa benignitate & potentia
finita præditus; ita, vt nullo modo possit in illū
dere, vel temeritas, aut dementia, vel salutis no-
ræ negligentia, vel timiditas & inconstantia.
eq; potentia illius ad id tantum valet, vt creda-
us, fieri non posse, vt is propter alicuius vel mo-
m, vel gratiā, verum cēlet; sed vt certissimuū ha-
eamus, illum suos diuinis armis, atq; sempiter-
no

DE IUSTITIA


no præsidio munire, & quæ promissit magnificentissimè, largiri facillimè posse. Fides igitur laudabilis atque prædicanda ea tantum est, quæ Dei verbo nititur atque confidit. Ad illud igitur accipiendum est semper intenta, illud solû libenter audit, illud mente complectitur, illud memoria recondit, illo vitam gubernat, illius fiducia res arduas atque difficiles fidenter aggreditur. Verbum autem Domini non modò mētem illustrat, verum etiam voluntatem inflammat. Mens enim veritatem concipit: voluntas autem verum bonum menti penitus explicatum statim arripit. Cùm enim, ut in principio diximus, iudicium semper voluntatem antecedit, eaque necessariò iudicium consequatur: fieri necesse est, quoties mens non nutat, neque vacillat, neque quasi in biuio constituta hæret, & dubitat, quam potissimum viam ingrediatur, sed certam & exploratum habet, quid sit expetendum, quid rursus fugiendum. cùm igitur mens ita diu, citius est instructa, ut ne tantulum quidem in fide labatur, neque viam suam remittat: necesse est, continuò voluntatem desiderio veræ fælicitatis incendi & incitari. Vndè concluditur, fidem non modò veritatem in mente defigere, sed etiam voluntatem ad studium immortalitatis rapere. In hac autem coniunctione mentis & voluntatis, summi Philosophi sapientiam omnem constituunt. Siquidem tum demum lumen illius elucere censent, cum voluntas rectam rationem sequitur, neque ab illius præscriptione recedit. Cùm verò voluntas cum mente non consentit, ibi furore & amentia statum animi dissipari, diripi, & inflammari, omniaque turbulētis

His erroribus perturbari, atque commisceri prædicant. Eorū igitur sententia, summa sapientia rectæ rationis imperio continetur: summa verò insipientia, in temerario cupiditatis dominatu consistit. Cum verò recta ratio constare non possit, nisi lumine diuinæ mentis illustretur, illiusque præsidio contracupiditatis impetum muniatur, illudque cæleste lumen atq; præsidium nemo sibi possit absq; fide comparare, relinquitur, eos tantum sapientes esse nominandos, qui cum fide viuūt; qui verò ab illā deseruntur, esse amentes & furiosos, tenebrisq; dēssimis obscuratos. Ergo, cum fides totum animum regat, & in verbi diuini studium rapiat, consequens necessariò est, vt non cernatur solum in credendo, sed etiam in obediendo. Siquidem obedientia ex firma mentis assensione nata & apta est, & cum illa magno quodam naturæ vinculo copulata. Vtrunque autem à nobis Dei verbum, quod fides semper intuetur, efflagitat. Tunc igitur verè fideles habendi sumus, cum Dei verbo audientes sumus. Verbum autem Domini est lex illius sempiterna, quæ præscribit honesta, & à flagitio auocat, omnemque vitam salutaribus monitis temperat, atque moderatur. Ad huius nōs cultum pactione astringimus, fidemque sacramento confirmauimus, fœdereque sanctissimo ipsi diuinæ legi nos, omnesq; itæ nostræ rationes addiximus. Cum igitur ei legem transgredimur, fidem datā frangimus, simul à Deo deficimus, atque salutem nostram prodimus; ita, vt meritò infideles hac ratione pellari debeamus. Qui igitur Dei legem sequitur, illiusque seratione & voluntate conformatur, is

DE IUSTITIA

recte fidei munere fungitur. Ut autem melius videamus, omne fidei studium in diuina lege versari, operæ precium erit animaduertere, quomodo non solum sanctiones illæ sempiternæ, quæ ad veræ iustitiæ cultum referuntur, verum etiam ritus atque ceremoniæ, quæ erant aduentu Christi delendæ, ad fidem faciendam institutæ fuerint. Non igitur erit alienum, aliquot arcana legis, sacris inuoluta mysterijs, explicare, & paulo diligentius enodata contemplari, quod sequenti libro faciemus.

LIBRI SECUNDI FINIS.



42

41

HIERONY

MI OSORII LUSI-

TANI EPISCOPI SIL-

VENSI,

DE INIUSTITIA

LIBER TERTIVS.



Tigitur hinc aliud dicendi ini-
tiū faciamus, cū essent olim mi-
serandæ tenebræ mortalium ani-
mis offusæ, omnesq; nationes in
summa caligine versarentur: cū
ratio esset obscurata flagitijs, im-
edita sceleribus, & à voluntate diuinæ mentis a-
ersa, & cum diuino iure hostili quodā odio dis-
dens; essetq; veræ pietatis studium è terris ex-
terminatum; omnesq; ferè mortales libidinis in-
comita vinculis alligati: vnus Abrahā extitit, quē
eque hominū, cum quibus viuebat, improbitas,
eque vllum humanæ consuetudinis exemplum,
eque vlla vis libidinis & cupiditatis à fidei stu-
dio dimoueret, aut à cōtento pietatis cursu retar-
ret. In illo igitur diuinum quoddam fidei lu-
en, priscis illis temporibus, mirabiliter eluxit,
qui enim primū à Deo audiuit: Egredere de
terra tua, & de cognatione tua, & de domo patris
tui, & vade in terram, quam monstrauero tibi;
nullā morā interposuit, quin omnes sensus huma-

summi promissi fide, Christi discipulus effectus est, & animo soluto & expedito, nullisq; terrenis affectibus implicato, omnia, quæ videbat, repente contempsit, ut spem earum rerum, quas minimè videbat, incredibili mètis altitudine sequeretur. Possessum itaque patrimonium cum eo, quod expectabat, facilè commutavit, & pro præsentibus futura, pro terrenis cælestia, pro fluxis æterna, pro exiguis summa atque diuina bona, quæ sperabat, singulari fide complexus est. Fidei autè diuinam vim in hoc alto & excelso viro, quod fidei singulare quoddam specimen habemus, attentè considera. A suis enim, à complexu patriæ, atque, vò ita dicam, à se ipso diuulsus, sibiq; diffidens, omne vitæ gubernaculū Deo tradidit, illiq; soli salutem & dignitatem suam commisit. Nunquam igitur aut iter suscepit, aut tentoria collocavit, aut sedem commutavit, aut locum quieti delegit, aut aliquid denique designavit, in quo non semper in diuinam mentem respiceret, & de illius sententia omnia vitæ consilia caperet, omnemq; viuendi rationem ad voluntatem illius dirigeret. Erat itaque semper illius mēs erecta ad audiendū, animus alacer & expeditus ad exequendū, quidquid fuisset sibi à Deo imperatum. Sic autem erat fide stabilitus, ut omnia humana cōtemneret, & diuina tantū ardentissimè concupisceret. Nunquā igitur illum vel secundæ res extulerunt, vel aduersæ deiecerunt. Nunquam vlla tempestate potuit, aut sui officij & muneris obliuisci, aut ab instituto cursu deduci. Hac igitur fide in eam Dei amicitiam peruenit, ut in illius etiam summi atq; sapientissimi Domini consiliū, tanquam secretorū

omnium conscius, atque consiliorum particeps, adhiberetur. In hoc igitur viro voluit olim Spiritus sanctus fidei singularem formam depingere, & diuinis illustrare luminibus: vt in eam intuentes, vitamq; nostram ad illius imaginem effingentes, in eius sobole censeremur, atque tandem eiusdem gloriæ, sempiternique patrimonij hæreditatem cerneremus. Non enim refert, quod ad diuinum iudicium attinet, quo genere ortus sis: sed cuius exemplum sequare, cuius vestigijs insistas, cuius te similitudine conformes. Non multum interest, cuius speciem corpore referas; sed cuius vitam & actiones imitere. Nam cum patris opus sit, similem sibi speciem formare, magis est pater appellandus is, qui claro virtutis exemplo multos incendit ad virtutis studium, & ita sui speciem in eorum animis, qui illum sequuntur, ingenerat, quam 'qui' gignit filios sibi corporis specie similes, moribus autem & vita dissimillimos. Sic fit igitur, vt omnes, qui simili fide vitam instituunt, ipsius Abrahami filij numerentur, & eiusdem dignitatis, & amplitudinis, & æternitatis consortes existant. Nam & fide seiplos à rebus humanis disiungunt, & ad ductum & imperium diuini spiritus adiungunt: & omnem vitam ad illius præscriptionem dirigunt, & hac ratione, iustitiæ splendorem, & gloriæ sempiternæ claritatem adipiscuntur. Sic igitur euenit, vt qui Abrahami vestigia sequitur, & filius illius sit, & omnium bonorum, quæ ille adeptus est, similiter hæreditatem adeat. Fuit tamen commodum, cum Deus illi futurum ostenderet, vt ex eius stirpe nasceretur is, qui erat genus humanum liberaturus,

& in

& in communi rerum omnium vastitate, fidei reliquæ essent apud posteritatem illius constitutendæ, ut natio illa esset insigni aliquo distincta, quo posset à reliquis internosci, ut & tantæ promissionis veritas comprobari posset, & genus illud impressi cuiusdam signi admonitu, ad memoriâ sanctissimi parentis excitari. Ut igitur Deus præcipua quadam religione gētem illam vniuersam obstringeret, quæ erat sanctissimi illius viri semine propaganda: foedus cum illa percussit. Foedus, inquit, meum interponam inter me, & te: & multiplicabo te vehementissimè. Foedere illo innumerabilem sobolem viro sanctissimo pactus est: ita, ut non modò eorum parens haberetur, & esset, qui erant illius sanguine procreandi, sed illorum etiam; quos exemplo fidei erat ad similē sanctitatis excellentiam propagaturus. Eandemque statim sententiam repetens, ait; En ego feriam tecum foedus, erisq; pater multarum gentium. Utque promissio illa nomine etiam sacraretur, & omni ex parte clarius fieret, nomen illi mutauit. Antea nanque appellatus fuit Abram, id est, pater excelsus: tunc verò illum nominauit Abraham, quod nomen patrem multarum gentium significat. Nec vltra, inquit, vocaberis Abram, sed Abraham. Rationem autem noui nominis statim antepōnit: Quia patrem, inquit multarū gentiū constitui te, propagaboque te vehementissimè, erisque multarum gentium pater, & Reges ex te orientur. Non magnum erat, neque Dei magnificentia dignum promissū, si hoc tantum ostendit homini diuino, quæ summis ornamentis illustrare statuebat, futurum, ut gens innumerabilis, flagiti-

mitationem contulit, similiq̃ue fide Deum venerata est, eiusdemq̃ue iustitiæ hæreditatem & patrimonium consequuta, in eadem gloria cum generis principe & autore viguit, ad regis dignitatis amplitudinem mirabiliter excitata. Quamvis autem omnes, qui ex hac stirpe sanctissima, non sanguinis propagatione, sed fidei similitudine generati sunt, regia sint virtute præditi: illi tamen præcipuè, regio nomine digni sunt, quorum iustitia longè clariùs enitescit. Non enim solum rex habendus est David, neque solum Iosaphat, aut Ezechias, aut Iosias, aut reliqui simili laude florentes, qui Iudæos iustè rexerunt, reges, habendi sunt: sed omnes, in quibus eadem regis virtus excelluit, qui omnes ad Abrahami genus pertinent. Tyranni verò non modò reges habendi non sunt; sed omnium setuorum contemptissimi. Huc igitur illud fœdus pertinebat, ut firmaret, fidem illius promissi, quo pollicitus fuerat, illum ex Abrahamo oriundum, cuius spiritu & numine erat ingens multitudo per fidem è tenebris eripienda, & in hæreditatis diuinæ possessione collocanda, & regis etiam muneribus illustranda. Fœdus igitur & institutam fidem designabat, & fide feriebatur, & ad absolutam Christi fidem piorum animos excitabat. Fidei autem vim illo fœdere contentam intelligimus, cum adiungit Dominus: Et statuam pactum meum inter me, & te, & semen tuum post te, in generationibus tuis fœdere sempiterno, ut sis Deus tuus, & seminis tui post te. Hinc certè satis liquet, omnem fœderis participationem ad fidem dirigi, Illud enim est nobis Deus, quod maximè intuemur, quod eximè diligimus.

in quo vitæ præsidia collocamus. Vnde fit, vt aliorum quidem Deus venter sit, qui beatæ vitæ summam in ingluuie ponunt; aliorum autē, venerea voluptas: tum alij pecuniam; alij denique inanes honores, & vana imperia, vt numina venerantur. Quidquid illud denique est, quod summum bonum esse statuis, quod ardentissimè cupis, quod studiosissimè consecraris, in quo beatæ vitæ rationem ponis; id tibi Deus est. Quamuis igitur Deus omnia numine sempiterno contineat, illorum tamen præcipuè dicitur Deus, qui credunt, illum esse summum omnium bonorum, eaque de causa in illum inflammatis animis rapiuntur. Ergò cum hoc sit fidei munus, in Deum solum, vt in summū bonum respicere, illiusque tantū præsidio niti, illiusque studio vehementer incendi: constat certè, foedus illud ad hoc vnum munus sacrandum iustum fuisse: satis perspicuum est, omnem illius foederis rationē in fide consistere. Hac autem de causa illud foedus sempiternū appellat, quod fides non in res fluxas, & interituras; sed in Dei clementiam, & bonitatem, & præmia sempiterna respiciat. Quoties igitur in sanctis literis fit foederis sempiterni mentio, toties fidei sempiternæ vim atque sanctitatem considera; fructumq; illum foederis mēte recolito, quo Deus nobis suum patrocinium atque tutelam paciscitur, nostramque nos illi fidem eadem pactione deuincimus. & sic fit, vt nos in populo illius numeremur; & ipse Deus noster, præcipua quadam instituti foederis ratione, nominetur. vt tamen illius pactionis monumentū aliquod posteritati traderet, & illam gentem à reliquis signo impresso secerneret; præcepit Abrahama-

mo, ut se, deinde omnes domesticos circumcideret: legemq; sanxit, ut idem in omni infanti masculo, qui deinceps ex illius stirpe gigneretur, octavo abortu die, fieret. Ut autem appareat, non circumcisionem, sed fidem foedere illo fuisse sancitam: circumcisionem verò adhibitam, ut fidem ipsam signaret, adiungit: Ut sit in signum foederis inter me, & vos. Hac autem de causa grauitè comminatus est his, quorum præputia circumcisa minimè fuissent. Mas, inquit, cuius præputij caro circumcisa non fuerit, excidetur illius anima è populo suo. In quo quidem loco omnibus excisionem & interitum denunciatum cernimus, qui fide vacui fuerint. Fuit igitur circumcisione designata fides, & illius fidei monimentum, quæ summam Abrahamo dignitatem peperit, ad posteritatis memoriam cōsecratum; ut, quoties illius posteri se eo signo impressos animaduernerent, toties illis in mentem patriæ sanctitatis atque virtutis veniret. Quàm aptè verò circumcisio sit instituta ad significandam fidem; multis rationibus cerni potest. Primum enim, cum fides in resecanda libidine & temeritate coercenda & comprimenda cernatur, aptissime designatur, aliquid ex ea corporis parte resecando, quæ maximè rebellis & contumax est in rationem. Deindè, congruum fuit, ut in ea potissimum parte esset fidei monimentum incisum, in qua primum fuerat signum rebellionis animaduersum. Cum enim primū nostri generis principes à Deo defecerunt, statim, in poenam illius rebellionis atque perfidiæ, eas partes contra rationis imperium turpiter agitari senserunt. Postremò, quemadmodum naturæ vitiatæ atque corruptæ propagatione,

Non igitur, qui pelliculam amputant, sed qui cū fide viuunt, Domino circumciduntur. Vnde idem Prophetā in eorum, quos arguit, perfidiam inuestus, ait; eos incircuncisum cor gerere. Alibi item incircuncisas aures illis esse conqueritur. Ex his autē locis, satis liquet; in quo vis illius fœderis consistebat: in fide nempè. Hæc. n. non corpus, sed mentem ab impiorum cōmunionē discernit. Hæc est illa circumcisio, quā Paulus dicit non scripto, sed diuino spiritu contineri; quæ non humanam laudem inani quodam studio adumbratæ sanctitatis aucupatur, sed veram ex Deo gloriam excellenti atque diuina virtute consequitur. Idem Paulus ad Philippenses scribens, eos admonet, vt caueant concisionem. sic enim appellat Iudæos. Eliganti. n. nominis immutatione, miseram gentem vituperat, quæ in corporis circūcisione gloriabatur, cū mentē non fide circuncisam, vt par erat, sed mortiferis perfidiæ vulneribus fœdè concisā gereret. Adiungit deindè: Nos sumus circūcisio, qui spiritu Deo seruimus, & gloriamur in Christo Iesu, & carni minimè confidimus. Si igitur circūcisio est libidinis excisio; & carnis, hoc est, effrenatæ cupiditatis amputatio: si nihil aliud significat, nisi à corpore disunctionem, & arctissimā cum spiritu diuino coniunctionem: satis constat, omnem illam fœderis religionem, quæ Deus cum Abrahamo fœdus percussit, ad sancendam fidem fuisse institutam. Et, si circumcisio fuit ad internoscendam viri illius sanctissimi posteritatē à reliquis gentibus, adhibita; perspicuū est, omnes, qui verè circumcisi sunt, id est, quorū animos fides facit insignes, esse in Abrahami filios numerandos.

Et si

Et si filij sunt, eadem omnino præmia fidei illius
 constituta, quasi legitimam hæreditatem cernent.
 Hactenus de circūcisionis fœdere, nūc ad fœdus
 legis atque sacra veniamus: è quibus aliqua tan-
 tum cōmemorabimus. Nam omnia persequi, ef-
 set infinitum. Primū igitur, cū Deus Moſen in
 Aegyptum mittere ſtatuiffet, eum, iam in fidei ſtu-
 dio valdè progreſſum, amplioribus ornamentis
 illuſtrauit, & ad cognitionem Chriſti longè cla-
 riorē perduxit. Opus enim erat, cū ad tantum
 munus efficiendum eligeretur, vt non modò gra-
 tiæ diuinæ conſideret: ſed etiam illum gratiæ au-
 thorem, cuius imaginem gerebat, mente atque co-
 gitatione comprehenderet. Cū ergo Deus illum
 impelleret & incitaret ad Hebræorum populum ex
 immani Aegyptiorum tyranni de liberandum, eum
 quæ vindicem libertatis, reſpreſſorem iniuriæ, au-
 thorem ſalutis, & principem denique atque recto-
 rem populi ſui conſtitueret; multis ſignis illū ad-
 monuit exempli, quod intueri, in quo mentem
 omnem deſigere, quod omni ſtudio imitari con-
 ueniebat; modò vellet pro dignitate ſibi commiſ-
 ſum munus adminiſtrare. Præcepit igitur ei, vt vir-
 gā, quam tenebat manu in terram proijceret; quo
 factō, virga repente in colubri faciem verſa, Mo-
 ſen ipſum aſpectu perterrituit atque fugauit. Sed à
 Deo reuocatus & confirmatus, cū colubrum cau-
 da comprehendere, vt fuerat ſibi à Deo præceptū;
 ſenſit ſtatim, virgā, exuta colubri forma, ad pri-
 ſtinam figuram rediſſe. Hæc portenta atque pro-
 digia, num temerè, atque ſine cauſa à ſapientiſſi-
 mo illo rerum Dōmino, in rebus tanto ſtudio ab
 illo procuratis edita fuiſſe dicemus? minimè ve-
 rō.

48
rō. Nec enim conuenit summæ atque sempiternæ
sapientiæ, ea signa edere, quæ non maximarum
atque optimarum rerum significationem in se ip-
sa contineat. Virga autem est insigne regium. Sig-
nificat enim summum & inflexibile recti studium
omni gratia, quasi fronde, spoliatum, & exactam
iustitiæ normam, ad quam sunt omnes controuer-
sæ dirigendæ. Vndè reges olim sceptrum gestare
soliti sunt, vt ostenderet, officium suum esse, neq;
gratiæ quidquam, neque offensionem tribuere; sed
sine vlla perturbatione, quidquid esset in hominū
moribus & contractibus obliquum, ad recti ra-
tionem, & iuris ordinem reuocare. Indò fit, vt in
sacris literis, hoc siue virgæ, siue sceptri nomen,
ad regiam iurisdictionem significandam, positum
sæpè videamus. Quale est illud: Reges eos virga
ferrea, & virga directionis, virga regni tui. Colu-
ber verò peccatum designat. Est enim tortuosum,
lubricum, & infestum, omni serpente trunculen-
tius, & immanius; atque mortifero veneno eos,
quos morfu & asidatu vehementius inficit, interi-
mens. Vndè Solomon præcipit, vt peccatum, quasi
venenatum serpentem, fugiamus. Idcirco etiam
Satanas, cum primos homines in peccatum impu-
lit, serpentis imaginem tulit. Quid aliud est igitur
sceptrum in terram proiectum, & in serpentis
speciem subito conuersum, quàm Christi Regis
sempiterni maiestas & imperium in terras ad ho-
minum salutem delapsum, & in habitu naturæ,
peccatis obnoxia, delitescens? Cum enim nullū
omnino in se peccatū admittere potuisset; gessit ta-
men formā hominis peccato affinis; cum omnes
dolores, arumnas, contumelias, & omnes denique

num missam extraheret, nullum in ea lepræ vestigium animaduertit. Hic rursus, quid aliud, quàm admirabilem fidei vim & efficaciam intuemur? Nam cum se homo colligit, vt seipsum excutiat, atque diligenter examinet, vt videat, ecquid habeat in se laude dignum: nihil aliud inspicit, quàm lepram, hoc est, animum scelere pollutum, atque pestilenti tabe cōfectum. Cum rursus ad se reuersus, Christi fide nititur, lepræq; deformitate perturbatus, lepræ medicinam quærit; & spiritui, mētem ad officium vocanti, se obedientem præbet, sanitatem repentē recipit, operaque sancta & sempiterna laude digna molitur. De tertio verò signo quid dicendum? contactu enim virgæ, aquæ in sanguinem versæ sunt; ad significandam diuinæ vindictæ seueritatem, contra eorum infidelitatē; qui, animis in flagitijs & sceleribus obfirmatis & obstinatis, iussis diuinis obstant. Quid, cum in Pharaonis cōspectu, eadem virga in serpentis formam mutata, melesicorum serpentes confecit atque consumpsit? In quo planè significatum est, futurum, vt Christus in similitudine carnis peccati, omnia peccata extingueret, atque deleret. Quid, cum Moses eadem virga aquas corrupit, ranas obduxit, insectorum aculeos immisit, immanes feras incitauit? Quid cum pecorum, atq; iumentorum strages edidit, humana corpora vlceribus percussit, & ardore pestilenti miseros homines inflammauit? Quid, cum tonitrua, fulgura, fulmina in cælo concitauit, cum grandine fruges & agros vastauit; cum denique locustarum infinita multitudine, quidquid reliquum fuit viriditatis, in agris absumpsit? Quid, cum lucem eripuit, no-

etem offudit, & cum fideles iucundissima luce
 fruerentur, infidelium oculos tetrīs tenebris, &
 horrenda caliginē demersit? Quid, cum omnes Ae-
 gyptiorū liberos natu maximos interemit, omnē-
 que regionē fletu, lamentis, eiulatu, plangore cō-
 pleuit? Num parum liquet, ijs omnibus signis de-
 clarari, quanta sint in rerum omnium exitio luce
 circumfusi, quantisq; bonis affluant animi fide sta-
 biliti: quanta rursus, atq; quā dira supplicia eos
 maneant, qui fidem abijciunt? Quod quidem vel
 maximē Paschæ mysterium declaravit. Nam, cum
 iam Hebræis instaret iter, & appropinquaret tem-
 pus, quo erāt ex Aegypto migraturi, quælibet do-
 mus agnum, quem in eum vsum Dei iussu parā-
 rat, post solis occasum mactat; sanguine illius li-
 men ostij superum, atq; postes intingit, illumq; af-
 fandum curat: herbas agrestes & amaras adhibet,
 panes azimos apponit, instructo epulo quisq; pa-
 terfamilias cum suis accumbit. Omnes festinan-
 ter edere, & toto corporis habitu, quanta propere
 demigrandi necessitate premerentur, aperte sig-
 nificare. Erant enim calceati atq; præcincti, & ba-
 culos manu tenebant, ut nihil eis longius esse vi-
 deretur, quā absumptis dapibus, omnē ad pro-
 ficiscendum celeritatem confestim suscipere. A-
 gnum itaq; vorant potius, quā comedunt: ossa,
 quæ quidem nefas erat frangere, & carniū sacra-
 rum reliquias, flammis adolent, atq; consumunt.
 His ita ritē peractis, cum omnia ad iter necessaria
 cum incredibili festinatione pararent, & tamen
 se adhuc intra domesticos parietes continerent;
 eccetibi Angelus media nocte à Deo missus inci-
 tatur, inuadit, eundem facit maximam, & in alios
 qui-

quidem micantem gladium vibrat, alios verò pavore nimio concussos, exanimat. Cruentum tamè mucronem ab ædibus, quarum aditus cernit agni sanguine aspersos, sedulò continet, in alias omnes ingenti cæde grassatur, Aegyptiorumque filios natu maximos interficit, & cuncta tandem lamentis, eiulatibus, & confuso omnium clamore conturbat. Tunc igitur demùm rex impius, qui imperium Domini cõtemnebat, animos demisit: tunc omnis illius ferocitas atque pertinacia compressa est: tunc Aegyptij, malis edocti, diuinũ numen exhorrent: tunc iter, quod omni conatu impediabant, absolutum cupiunt: Hebræis instant, & ab illis omni ratione contendunt, vt statim demigrent. Fuit igitur illa nocte fidelium libertas cum magna infidelium peste atque pernicië constituta. Illud autem sacrum nocte illa celebratũ, fuit appellatum Pascha, **פסח** enim verbum Hebræum, idem est quod transitus. Fuit autem sic appellatum, vel quòd nocte illa Angelus per Aegyptiorum domos districto gladio transiret, & transiendo Hebræos conseruaret: vel quòd ea nocte erant cuncti Hebræi, Deo duce, è tenebris & durissima seruitute in lucem atque libertatẽ transaturi. Hanc noctem voluit Deus singulis annis solenni ritu consecrari, nè vnquam elaberetur ex animis hominum tam clarũ præsentissimi numinis beneficium; & simul, vt eorũ animos paulatim ad maiorum rerum intelligentiam erudiret. Duo namque sunt munera fidei, in duo tẽpora distributa, Vnum est actio gratiarũ, alterum orationis & præcationis studiũ cum spe firma coniunctum. Nã & præterita officia recordari conuenit, & futuris

egregiè confidere. Qui enim sunt immemores be-
 neficij, ingrati certè sunt. Ingrati verò animi sce-
 lus, est omnem perfidiæ immanitatem complex-
 um. Qui verò in futurum tempus diuinæ promif-
 fioni diffidit, is certè aut Deum immensa potesta-
 te spoliât, aut immensa benignitate. Quoquo igitur
 modo diuina promiffa in dubium vocet, est
 immani perfidiæ scelere alligatus. Vndè Paulus,
 cùm gentium infidelitatem explicaret, ait, eas, cū
 Deum cognouissent, non illi, vt Deo, gloriam de-
 tulisse, aut gratias egisse. Gloriâ Deo tribuimus,
 & illius nomini debitos honores instituimus, cū
 de illius vel potetia, vel fide minimè dubitamus.
 Gratias autem agimus, cū assiduè beneficia, quæ
 accepimus, in memoriam reuocamus: & omnem
 vitam in laude diuina cōsumimus. Quocirca Da-
 uid, nè se aliqua ex parte scelere contaminaret,
 mentem suam excitabat, dicēs: Lauda anima mea
 Dominum; & beneficia illius nunquam obliuifca-
 ris. Vt igitur Dominus populum, quem fide in-
 struebat, fidei religione deuinctum in officio cō-
 tineret, & ad maiorem rerum fidem instrueret,
 dies festos quotannis institui & agitari voluit, in
 quibus omnia illa, quæ tunc facta fuerant, ageren-
 tur. Sanxit enim, vt anno vertente, & eadem illa
 nocte, vt ita dicam, redeunte, agnus in ædibus sin-
 gulis immolaretur; postes & limina simili ratio-
 ne agni sanguine tingerentur: epulum eadem re-
 ligione fieret: septem continuis diebus panibus
 fermentatis vesci non liceret: Istud, inquit, solen-
 ne instaurabitis ritu sempiterno. Erant igitur il-
 lis omnia statis temporibus eadem ceremonia re-
 nouanda: vt, cū non tam verbis exponerentur,
 quàm

quàm rebus ageretur, esset beneficij illius memoria eorum animis fortius infixæ: & simul illa primum disciplina teneros filiorum animos imbuerent, vt cum ætate paulatim instituta, pietas adoleret, atque tandem corroborata, ad perfectionem perueniret. Cùm quæsierint, inquit, de vobis, filij vestri, quænam sit ista religio; dicetis: Victimæ transitus Domini est, qui transiit per domos Israelis, cùm Aegyptijs exitium, nobis autem salutem contulit. Alibi inquit Moses, narrabisque filio tuo die illo, quæ Dominus in te contulerit: & erit quasi signum in manu tua, & quasi monumentum ante oculos tuos, vt lex Domini sit semper in ore tuo. His & alijs quàm plurimis testimonijs, quæ referre minimè necesse est, liquidò constat, hoc sacrum muneris illius colendi gratia institutum fuisse, quod positum esse diximus in gratia tribuenda. Est autem hoc gratissimum Domino sacrificium. Sacrificiū, inquit, laudis honorabit me. Quod quidem primum fidei officium esse diximus. Quid de altare è duobus fidei muneribus dicendum? nunquid Pascha illud parum animos excitabat ad futuræ salutis spem? nūquid ad notitiā diuinæ in nos gratiæ, parum animos instruebat? Quod enim magis mentes erigeret, & ad Christi cognitionem temporibus illis adduceret, excogitari vix potest. Agni enim sanguis liminibus aspersus, qui sæuientē gladium ab ædibus fidelium arcebat, Christi sanguinem pro salute omnium profusum significabat, quo omnes peccatorum sordes eluuntur, cæli tēpla aperiuntur, animi sempiternam dignitatem consequuntur. Is enim, vt nos à cōmuni generis humani ruina atque vastitate defenderet, & cū

omnium conscius, atque consiliorum particeps, adhiberetur. In hoc igitur viro voluit olim Spiritus sanctus fidei singularem formam depingere, & diuinis illustrare luminibus: vt in eam intuentes, vitamq; nostram ad illius imaginem effingentes, in eius sobole censeremur, atque tandem eiusdem gloriæ, sempiternique patrimonij hæreditatem cerneremus. Non enim refert, quod ad diuinum iudicium attinet, quo genere ortus sis: sed cuius exemplum sequare, cuius vestigijs insistas, cuius te similitudine conformes. Non multum interest, cuius speciem corpore referas; sed cuius vitam & actiones imitere. Nam cum patris opus sit, similem sibi speciem formare, magis est pater appellandus is, qui claro virtutis exemplo multos incendit ad virtutis studium, & ita sui speciem in eorum animis, qui illum sequuntur, ingenerat, quàm qui gignit filios sibi corporis specie similes, moribus autem & vita dissimillimos. Sic fit igitur, vt omnes, qui simili fide vitam instituunt, ipsius Abrahami filij numerentur, & eiusdem dignitatis, & amplitudinis, & æternitatis consortes existant. Nam & fide seipso à rebus humanis disiungunt, & ad ductum & imperium diuini spiritus adiungunt: & omnem vitam ad illius præscriptionem dirigunt, & hac ratione, iustitiæ splendorem, & gloriæ sempiternæ claritatem adipiscuntur. Sic igitur euenit, vt qui Abrahami vestigia sequitur, & filius illius sit, & omnium bonorum, quæ ille adeptus est, similiter hæreditatem adeat. Fuit tamen commodum, cum Deus illi futurum ostenderet, vt ex eius stirpe nasceretur is, qui erat genus humanum liberaturus,

& in

& in communi rerum omnium vastitate, fidei reliquæ essent apud posteritatem illius constitutendæ, ut natio illa esset insigni aliquo distincta, quo posset à reliquis internosci, ut & tantæ promissionis veritas comprobari posset, & genus illud impressi cuiusdam signi admonitu, ad memoriâ sanctissimi parentis excitari. Ut igitur Deus præcipua quadam religione gētem illam vniuersam obstringeret, quæ erat sanctissimi illius viri semine propaganda: foedus cum illa percussit. Foedus, inquit, meum interponam inter me, & te: & multiplicabo te vehementissimè. Foedere illo innumerabilem sobolem viro sanctissimo pactus est: ita, ut non modò eorum parens haberetur, & esset, qui erant illius sanguine procreandi, sed illorum etiam; quos exemplo fidei erat ad similē sanctitatis excellentiam propagaturus. Eandemque statim sententiam repetens, ait; En ego feriam tecum foedus, erisq; pater multarum gentium. Utque promissio illa nomine etiam sacraretur, & omni ex parte clarior fieret, nomen illi mutauit. Antea namque appellatus fuit Abram, id est, pater excelsus: tunc verò illum nominauit Abraham, quod nomen patrem multarum gentium significat. Nec vltra, inquit, vocaberis Abram, sed Abraham. Rationem autem noui nominis statim antepōnit: Quia patrem, inquit multarū gentiū constitui te, propagaboque te vehementissimè, erisque multarum gentium pater, & Reges ex te orientur. Non magnum erat, neque Dei magnificentia dignum promissū, si hoc tantum ostendit homini diuino, quæ summis ornamentis illustrare statuebat, futurum, ut gens innumerabilis, flagiti-

mitationem contulit, similique fide Deum venerata est, eiusdemque iustitiæ hæreditatem & patrimonium consequuta, in eadem gloria cum generis principe & authore viguit, ad regis dignitatis amplitudinem mirabiliter excitata. Quamvis autem omnes, qui ex hac stirpe sanctissima, non sanguinis propagatione, sed fidei similitudine generati sunt, regia sint virtute præditi: illi tamen præcipuè, regio nomine digni sunt, quorum iustitia longè clariùs enitescit. Non enim solum rex habendus est David, neque solum Iosaphat, aut Ezechias, aut Iosias, aut reliqui simili laude florentes, qui Iudæos iustè rexerunt, reges, habendi sunt: sed omnes, in quibus eadem regiavirtus excelluit, qui omnes ad Abrahami genus pertinent. Tyranni verò non modò reges habendi non sunt, sed omnium servorum contemptissimi. Huc igitur illud fœdus pertinebat, ut firmaret, fidem illius promissi, quo pollicitus fuerat, illum ex Abrahamo oriundum, cuius spiritu & numine erat ingens multitudo per fidem è tenebris eripienda, & in hæreditatis diuinæ possessione collocanda, & regijs etiam muneribus illustranda. Fœdus igitur & institutam fidem designabat, & fide feriebatur, & ad absolutam Christi fidem piorum animos excitabat. Fidei autem vim illo fœdere contentam intelligimus, cum adiungit Dominus: Et statuam pactum meum inter me, & te, & semen tuum post te, in generationibus tuis fœdere sempiterno, ut sis Deus tuus, & seminis tui post te. Hinc certè satis liquet, omnem fœderis pactionem ad fidem dirigi, Illud enim est nobis Deus, quod maximè intuemur, quod eximè diligimus.

in quo vitæ præsidia collocamus. Vnde fit, ut aliorum quidem Deus venter sit, qui beatæ vitæ summam in ingluvie ponunt; aliorum autē, venerea voluptas: tum alij pecuniam; alij denique inanes honores, & vana imperia, ut numina venerantur. Quidquid illud denique est, quod summum bonum esse statuis, quod ardentissimè cupis, quod studiosissimè consecraris, in quo beatæ vitæ rationem ponis; id tibi Deus est. Quamuis igitur Deus omnia numine sempiterno contineat, illorum tamen præcipuè dicitur Deus, qui credunt, illum esse summum omnium bonorum, eaque de causa in illum inflammatis animis rapiuntur. Ergò cum hoc sit fidei munus, in Deum solum, ut in summū bonum respicere, illiusque tantū præsidio niti, illiusque studio vehementer incendi: constat certè, foedus illud ad hoc vnum munus sacrandum ictum fuisse: satis perspicuum est, omnem illius foederis rationē in fide consistere. Hac autem de causa illud foedus sempiternū appellat, quod fides non in res fluxas, & interituras; sed in Dei clementiam, & bonitatem, & præmia sempiterna respiciat. Quoties igitur in sanctis literis fit foederis sempiterni mentio, toties fidei sempiternæ vim atque sanctitatem considera; fructumq; illum foederis mēte recolito, quo Deus nobis suum patrocinium atque tutelam paciscitur, nostramque nos illi fidem eadem pactione deuincimus. & sic fit, ut nos in populo illius numeremur; & ipse Deus noster, præcipua quadam instituti foederis ratione, nominetur. ut tamen illius pactionis monimentū aliquod posteritati traderet, & illam gentem à reliquis signo impresso secerneret; præcepit Abraha-

mo.

mo, vt se, deinde omnes domesticos circūcideret: legemq; sanxit, vt idem in omni infanti masculo, qui deinceps ex illius stirpe gigneretur, octauo abortu die, fieret. Vt autem appareat, non circuncisionem, sed fidem foedere illo fuisse sancitam: circuncisionem verò adhibitam, vt fidem ipsam signaret, adiungit: Vt sit in signum foederis inter me, & vos. Hac autem de causa grauitèr comminatus est his, quorum præputia circuncisa minimè fuissent. Mas, inquit, cuius præputij caro circuncisa non fuerit, excidetur illius anima è populo suo. In quo quidem loco omnibus excisionem & interitum denunciatum cernimus, qui fide vacui fuerint. Fuit igitur circuncisione designata fides, & illius fidei monimentum, quæ summam Abrahamo dignitatem peperit, ad posteritatis memoriam cōsecratum; vt, quoties illius posteri se eo signo impressos animaduernerent, toties illis in mentem patriæ sanctitatis atque virtutis veniret. Quàm aptè verò circuncisio sit instituta ad significandam fidem; multis rationibus cerni potest. Primum enim, cum fides in ressecanda libidine & temeritate coercenda & comprimenda cernatur, aptissimè designatur, aliquid ex ea corporis parte ressecando, quæ maximè rebellis & contumax est in rationem. Deindè, congruum fuit, vt in ea potissimum parte esset fidei monimentum incisum, in qua primum fuerat signum rebellionis animaduersum. Cum enim primū nostri generis principes à Deo defecerunt, statim, in poenam illius rebellionis atque perfidiæ, eas partes contra rationis imperium turpiter agitari senserunt. Postremò, quemadmodum naturæ vitiatæ atque corruptæ propagatio-

ne,

Nob igitur, qui pelliculam amputant, sed qui cū fide viuunt, Domino circunciduntur. Vnde idem Prophetā in eorum, quos arguit, perfidiam inuectus, ait; eos incircuncisum cor gerere. Alibi item incircuncisas aures illis esse conqueritur. Ex his autē locis, satis liquet; in quo vis illius fœderis consistebat: in fide nemp̃e. Hæc. n. non corpus, sed mentem ab impiorum cōmunionē discernit. Hæc est illa circūcisio, quā Paulus dicit non scripto, sed diuino spiritu contineri; quæ non humanam laudem inani quodam studio adumbratæ sanctitatis aucupatur, sed veram ex Deo gloriam excellenti atque diuina virtute consequitur. Idem Paulus ad Philippenſes scribens, eos admonet, vt caueant concisionem. sic enim appellat Iudæos. Eleganti. n. nominis immutatione, miseram gentem vituperat, quæ in corporis circūcissione gloriabatur, cū mentē non fide circuncisam, vt par erat, sed mortiferis perfidiæ vulneribus fœdē concisā gereret. Adiungit deindē: Nos sumus circūcisio, qui spiritu Deo seruiamus, & gloriamur in Christo Iesu, & carni minimē confidimus. Si igitur circūcisio est libidinis excisio; & carnis, hoc est, effrenatæ cupiditatis amputatio: si nihil aliud significat, nisi à corpore disunctionem, & arctissimā cum spiritu diuino coniunctionem: satis constat, omnem illam fœderis religionem, qua Deus cum Abrahamo fœdus percussit, ad sanciendam fidem fuisse institutam. Et, si circūcisio fuit ad internoſcendam viri illius sanctissimi posteritatē à reliquis gentibus, adhibita; perspicuū est, omnes, qui verē circuncisi sunt, id est, quorū animos fides facit insignes, esse in Abrahami filios numerandos.

Et si filij sunt, eadem omnino præmia fidei illius
 constituta, quasi legitimam hæreditatem cernent.
 Hactenus de circūcisionis fœdere, nūc ad fœdus
 legis atque sacra veniamus: è quibus aliqua tan-
 tum cōmemorabimus. Nam omnia persequi, es-
 set infinitum. Primū igitur, cū Deus Moſen in
 Aegyptum mittere ſtatuiffet, eum, iam in fidei ſtu-
 dio valdè progreſſum, amplioribus ornamentis
 illuſtrauit, & ad cognitionem Chriſti longè cla-
 riorē perduxit. Opus enim erat, cū ad tantum
 munus efficiendum eligeretur, vt non modò gra-
 tiæ diuinæ conſideret: ſed etiam illum gratiæ au-
 thorem, cuius imaginem gerebat, mente atque co-
 gitatione comprehenderet. Cū ergo Deus illum
 impelleret & incitaret ad Hebræum populum ex
 immani Aegyptiorum tyrannide liberandum, eum
 quæ vindicem libertatis, reſpreſſorem iniuriæ, au-
 thorem ſalutis, & principem denique atque recto-
 rem populi ſui conſtitueret; multis ſignis illū ad-
 monuit exempli, quod intueri, in quō mentem
 omnem deſigere, quod omni ſtudio imitari con-
 ueniebat; modò vellet pro dignitate ſibi commiſ-
 ſum munus adminiſtrare. Præcepit igitur ei, vt vir-
 gā, quam tenebat manu in terram proijceret; quo
 factō, virga repente in colubri faciem verſa, Mo-
 ſen ipſum aſpectu perterruit atque fugauit. Sed à
 Deo reuocatus & confirmatus, cū colubrum cau-
 da comprehendere, vt fuerat ſibi à Deo præceptū;
 ſenſit ſtatim, virgā, exuta colubri forma, ad pri-
 ſtinam figuram rediſſe. Hæc portenta atque pro-
 digia, num temerè, atque ſine cauſa, à ſapientiſſi-
 mo illo rerum Dōmino, in rebus tanto ſtudio ab
 illo procuratis edita fuiſſe dicemus? minime ve-
 rō.

48
rò. Nec enim conuenit summæ atque sempiternæ
sapientiæ, ea signa edere, quæ non maximarum
atque optimarum rerum significationem in se ip-
sa contineat. Virga autem est insigne regium. Sig-
nificat enim summum & inflexibile recti studium
omni gratia, quasi fronde, spoliatum, & exactam
iustitiæ normam, ad quam sunt omnes controuer-
sæ dirigendæ. Vndè reges olim sceptrum gestare
soliti sunt, vt ostenderet, officium suum esse, neq;
gratiæ quidquam, neque offensionis tribuere; sed
sine vlla perturbatione, quidquid esset in hominū
moribus & contractibus obliquum, ad recti ra-
tionem, & iuris ordinem reuocare. Indè fit, vt in
sacris literis, hoc siue virgæ, siue sceptri nomen,
ad regiam iurisdictionem significandam, positum
sæpè videamus. Quale est illud: Reges eos virga
ferrea, & virga directionis, virga regni tui. Colu-
ber verò peccatum designat. Est enim tortuosum,
lubricum, & infestum, omni serpente trunculen-
tius, & immanius; atque mortifero veneno eos,
quos morsu & afflatu vehementius inficit, interi-
mens. Vndè Solomon præcipit, vt peccatum, quasi
venenatum serpentem, fugiamus. Idcirco etiam
Satanas, cum primos homines in peccatum impu-
lit, serpentis imaginem tulit. Quid aliud est igitur
sceptrum in terram proiectum, & in serpentis
speciem subito conuersum, quam Christi Regis
sempiterni maiestas & imperium in terras ad ho-
minum salutem delapsum, & in habitu naturæ,
peccatis obnoxia, delitescens? Cum enim nullū
omnino in se peccatū admittere potuisset, gessit ta-
men formā hominis peccato affinis; cum omnes
dolores, ærumnas, contumelias, & omnes denique

num missam extraheret, nullum in ea lepræ vestigium animaduertit. Hic rursus, quid aliud, quàm admirabilem fidei vim & efficaciam intuemur? Nam cum se homo colligit, vt seipsum excutiat, atque diligenter examinet, vt videat, ecquid habeat in se laude dignum: nihil aliud inspicit, quàm lepram, hoc est, animum scelere pollutum, atque pestilenti tabe cōfectum. Cum rursus ad se reuersus, Christi fide nititur, lepræq; deformitate perturbatus, lepræ medicinam quærit; & spiritui, mētem ad officium vocanti, se obedientem præbet, sanitatem repentē recipit, operaque sancta & sempiterna laude digna molitur. De tertio verò signo quid dicendum? contactu enim virgæ, aquæ in sanguinem versæ sunt; ad significandam diuinæ vindictæ seueritatem, contra eorum infidelitatē; qui, animis in flagitijs & sceleribus obfirmatis & obstinatis, iussis diuinis obstant. Quid, cum in Pharaonis cōspectu, eadem virga in serpentis formam mutata, melesicorum serpentes confecit atque consumpsit? In quo planè significatum est, futurum, vt Christus in similitudine carnis peccati omnia peccata extingueret, atque deleret. Quid, cum Moses eadem virga aquas corruptit, ranas obdixit, insectorum aculeos immisit, immanes feras incitauit? Quid cum pecorum, atq; iumentorum strages edidit, humana corpora vlceribus percussit, & ardore pestilenti miseros homines inflammauit? Quid, cum tonitrua, fulgura, fulmina in cælo concitauit, cum grandine fruges & agros vastauit; cum denique locustarum infinita multitudine, quidquid reliquum fuit viriditatis, in agris absumpsit? Quid, cum lucem eripuit, no-

Ætem offudit, & cùm fideles iucundissima luce
 fruerentur, infidelium oculos tetrìs tenebris, &
 horrenda caliginè demersit? Quid, cùm omnes Aeg-
 yptiorù liberos natu maximos interemit, omnè-
 que regionè fletu, lamentis, eiulatu, plangore cõ-
 pleuit? Num parum liquet, ijs omnibus signis de-
 clarari, quanta sint in rerum omnium exitio luce
 circumfusi, quantisq; bonis affluant animi fide sta-
 biliti: quanta rursus, atq; quàm dira supplicia eos
 maneant, qui fidem abijciunt? Quod quidem vel
 maximè Palchæ mysterium declarauit. Nam, cùm
 iam Hebræis instaret iter, & appropinquaret tem-
 pus, quo erāt ex Aegypto migraturi, quælibet do-
 mus agnum, quem in eum vsum Dei iussu parâ-
 rat, post solis occasum mactat; sanguine illius li-
 men ostij superum, atq; postes intingit, illumq; af-
 sandum curat: herbas agrestes & amaras adhibet,
 panes azimos apponit, instructo epulo quisq; pa-
 terfamilias cum suis accumbit. Omnes festinan-
 ter edere, & toto corporis habitu, quanta propèrè
 demigrandi necessitate premerentur, apertè sig-
 nificare. Erant enim calceati atq; præcincti, & ba-
 culos manu tenebant, vt nihil eis longius esse vi-
 deretur, quàm absumptis dapibus, omnè ad pro-
 ficiscendum celeritatem confestim suscipere. A-
 gnum itaq; vorant potiùs, quàm comedunt: ossa,
 quæ quidem nefas erat frangere, & carniù sacra-
 rum reliquias, flammis adolent, atq; consumunt.
 His ita ritè peractis, cùm omnia ad iter necessaria
 cum incredibili festinatione pararent, & tamen
 se adhuc intra domesticos parietes continerent;
 ecce tibi Angelus media nocte à Deo missus inci-
 tatur, inuadit, eadem facit maximam, & in alios
 qui-

quidem micantem gladium vibrat, alios verò pavore nimio concussos, exanimat. Cruentum tamē mucronem ab ædibus, quarum aditus cernit agni sanguine aspersos, sedulò continet, in alias omnes ingenti cæde grassatur, Aegyptiorumque filios natu maximos interficit, & cuncta tandem lamentis, eiulatibus, & confuso omnium clamore conturbat. Tunc igitur demùm rex impius, qui imperium Domini cōtemnebat, animos demisit: tunc omnis illius ferocitas atque pertinacia compressa est: tunc Aegyptij, malis edocti, diuinū numen exhorrent: tunc iter, quod omni conatu impediabant, absolutum cupiunt: Hebræis instant, & ab illis omni ratione contendunt, vt statim demigrent. Fuit igitur illa nocte fidelium libertas cum magna infidelium peste atque pernicie constituta. Illud autem sacrum nocte illa celebratū, fuit appellatum Pascha, ΠΑΣΧΑ enim verbum Hebræum, idem est quod transitus. Fuit autem sic appellatum, vel quòd nocte illa Angelus per Aegyptiorum domos districto gladio transiret, & transiendo Hebræos conseruaret: vel quòd ea nocte erant cuncti Hebræi, Deo duce, è tenebris & durissima seruitute in lucem atque libertatē transituri. Hanc noctem voluit Deus singulis annis solenni ritu consecrari, nè vnquam elaberetur ex animis hominum tam clarū præsentissimi numinis beneficium; & simul, vt eorū animos paulatim ad maiorum rerum intelligentiam erudiret. Duo namque sunt munera fidei, in duo tēpora distributa, Vnum est actio gratiarū, alterum orationis & precationis studiū cum spe firma coniunctum. Nā & præterita officia recordari conuenit, & futuris

egregiè confidere. Qui enim sunt immemores be-
 neficij, ingrati certè sunt. Ingrati verò animi sce-
 lus, est omnem perfidiæ immanitatem complex-
 um. Qui verò in futurum tempus diuinæ promif-
 sioni diffidit, is certè aut Deum immensa potesta-
 te spoliât, aut immensa benignitate. Quoquo igitur
 modo diuina promissa in dubium vocet, est
 immani perfidiæ scelere alligatus. Vndè Paulus,
 cùm gentium infidelitatem explicaret, ait, eas, cū
 Deum cognouissent, non illi, vt Deo, gloriam de-
 tulisse, aut gratias egisse. Gloriâ Deo tribuimus,
 & illius nomini debitos honores instituimus, cū
 de illius vel potètia, vel fide minimè dubitamus.
 Gratias autem agimus, cū assiduè beneficia, quæ
 accepimus, in memoriam reuocamus: & omnem
 vitam in laude diuina cōsumimus. Quocirca Da-
 uid, nè se aliqua ex parte scelere contaminaret,
 mentem suam excitabat, dicēs: Lauda anima mea
 Dominum; & beneficia illius nunquam obliuifca-
 ris. Vt igitur Dominus populum, quem fide in-
 struebat, fidei religione deuinctum in officio cō-
 tineret, & ad maiorem rerum fidem instrueret,
 dies festos quotannis institui & agitari voluit, in
 quibus omnia illa, quæ tunc facta fuerant, ageren-
 tur. Sanxit enim, vt anno vertente, & eadem illa
 nocte, vt ita dicam, redeunte, agnus in ædibus sin-
 gulis immolaretur; postes & limina simili ratio-
 ne agni sanguine tingerentur: epulum eadem re-
 ligione fieret: septem continuis diebus panibus
 fermentatis vesci non liceret: Istud, inquit, solen-
 ne instaurabitis ritu sempiterno. Erant igitur il-
 lis omnia statis temporibus eadem ceremonia re-
 nouanda: vt, cū non tam verbis exponerentur,
 quàm

quàm rebus ageretur, esset beneficij illius memoria eorum animis fortius infixæ: & simul illa primum disciplina teneros filiorum animos imbuerent, vt cum ætate paulatim instituta, pietas adolerceret, atque tandem corroborata, ad perfectionem perueniret. Cùm quæ fierint, inquit, de vobis, filij vestri, quænam sit ista religio; dicetis: Victimæ transitus Domini est, qui transiuit per domos Israelis, cùm Aegyptijs exitium, nobis autem salutem contulit. Alibi inquit Moses, narrabisque filio tuo die illo, quæ Dominus in te contulerit: & erit quasi signum in manu tua, & quasi monumentum ante oculos tuos, vt lex Domini sit semper in ore tuo. His & alijs quàm plurimis testimonijs, quæ referre minimè necesse est, liquidò constat, hoc sacrum muneris illius colendi gratia institutum fuisse, quod positum esse diximus in gratia tribuenda. Est autem hoc gratissimum Domino sacrificium. Sacrificiū, inquit, laudis honorabit me. Quod quidem primum fidei officium esse diximus. Quid de altare duobus fidei muneribus dicendum? nunquid Pascha illud parum animos excitabat ad futuræ salutis spem? nūquid ad notitiā diuinæ in nos gratiæ, parum animos instruebat? Quod enim magis mentes erigeret, & ad Christi cognitionem temporibus illis adduceret, excogitari vix potest. Agni enim sanguis liminibus aspersus, qui sæuientē gladium ab ædibus fidelium arcebat, Christi sanguinem pro salute omnium profusum significabat, quo omnes peccatorum sordes eluuntur, cælitē pla aperiuntur, animi sempiternam dignitatem consequuntur. Is enim, vt nos à cōmuni generis humani ruina atque vastitate defenderet, & cū

patre, à quo diffidebamus, in gratiam reduceret; se medium inter infensum nostro sceleri numen, & nos ipsos interposuit: diuinæ seueritatis tela in homines intenta, vnus pro vniuersis excepit: sanguineque suo omne humanum nefas extinxit: atque nos cum Deo, cuius legem oppugnabamus, mirò amore coniunxit. Porro autem magnæ carnes non aquis elixæ, sed ardentibus prunis assæ, designabant, in Christo nihil esse mollitiæ languens, & fluidum; sed constans potius animorum pabulum, ardore eximio charitatis incensum, atque diuinæ virtute corroboratum, ad animos nutriendos, cælestique præsidio confirmandos. Erant autem cum celeritate comedendæ; vt doceremur, omnem in Christi cultu & imitatione lenititudinem, esse, quasi quandam animi labem & maculam, fugiendam. Signum enim est, non adesse firmam fidem, cum animus non incenditur epularum cælestium cupiditate. Non incendi autem nos Christi cupiditate, satis apparet, cum lentè & negligenter aliquid gerimus, quod ad cultum illius & salutem nostram pertineat. Est igitur Christi corpus inflammatis animis comedendum, atque ardentissima cupiditate vorandû, & in intimis animi visceribus condendum, vt in illius naturæ similitudinē rapiamur. Ossa nefas erat conterere, vt esset testatum, posse quidem Christum mortem oppetere, non posse autem virtutem illius atque robur infringi. Erant ossa cum reliquijs in ignem coniicienda, nihilque in posterum diem reseruandum, vt videremus, ea, quæ mente capere nequimus; eò, quòd intelligentiam nostrā superent, esse fidei flammis & incendio cōmittenda.

da, nec vlllo modo dubitandum, quin insit in illis sanctissimum aliquod sapientię diuinę mysteriũ, aut à prudentioribus iam ratione perceptum, aut certè oportunis temporibus enunciandum: & simul intelligeremus, non esse tutum, aliquid, quod ad veram animi sanctitatem pertineat, differre, atque procrastinare Azymi panes, animi innocentia & integritatem; septem continui dies, quibus vesci fermentato nefas erat, perpetuũ vitę cursum, ab omni criminis contagio purũ, conseruandum esse demonstrabant. Non enim, vno, aut altero die; sed totum vitę spatium, quod numero septenario non incommoda ratione designatur, peccati labes vitanda est, si volumus partam libertatem perpetuò retinere. Herbarum agrestis amaritudo, est dolor ex flagitiõ recordatione susceptus. Calcei induti, vestes accinctę, & reliquus itineris confestim ineundi apparatus, & susceptę in epulo celeritates, docebāt, nihil esse in re tanta cū standum, nihil de die in diem differendum; sed omnem nobis celeritatem adhibendam, vt peccati fines relinquamus; & hostis immanissimi, nos pertinaciter insequentis, sequitiam fugiamus, & cõtento studio & cursu, ad foelicissimã iustitię hereditatē, & amplissimum sanctitatis patrimonium properemus. Ergò, cū solenne illud sacrum, tanta ceremonia quotannis instauratum, non modò imprimeret in animis accepti beneficij memoriam, verũ etiam mentes incenderet ad beneficij multò amplioris expectationem, quod erat nõ Moysi, sed Christi opera conferendum; & omne fidei munus in perceptis bonis animo recolendis atque pertractandis, & in futuris firma spe, & alta

mente, præcipiendis verſetur, vt & de præteritis gratias agat, & futuris egregiè confidendo, debitam gloriam Deo tribuat: quis non penitus animaduertit, quanta in eo ſacro fidei diſciplina conſtiterit? Sed, ſi cupis ipſius fidei vim & officiũ clariùs intueri, conſtitue tibi ante oculos gentem illam è terræ fertiliffimæ finibus, in qua multos annos ſedes atque domicilia nõ incommodè habuerat, egreſſam, in eam regionem curſu contendere, quàm penitus, qualis eſſet, ignorabat; ſed tantum audierat, illam ab innumerabili gentium multitudine, eaque fera & truculenta, magnisquæ viribus prædita, & opibus ſummis inſtructa, multis antè ſeculis occupatam. Properabant igitur Hebræi ad eam gentem armis expellendam, quæ erat multitudine innumerabilis, viribus immanis, uſu bellandi robuſta; cùm ipſi propter ſeruiendi diuturnitatem, nec animis, nec armis, nec uſu valerent; nec aliquid per ſe confidenter aggredi vlla ratione poſſent. Non igitur quidquã aliud, quã ſpẽm diuinã promiſſione nixam ſequebãtur: eaque freti, ſeſe itinere minimè titubanter & timidè commiſerunt. Itaque, cùm iter facerent, per incul tam atque vaſtam regionem, in qua nunquam fortaſſè fuerat hominis veſtigium impreſſum, ad nubes præeuntis ſe ductum applicabant, quæ multiplici fructu & vtilitate ſpiritus diuini præſentiã facilè declarabat. Dienamque, ſolis ardorem interpoſitu ſuo temperabat, nocte verò lumen clariffimum præferebat. Hanc igitur nubem intuebantur illam ſequebantur ad illius motum, quem non naturæ viſ; neque fortunæ temeritas, ſed Dei numen regebat, iter inſtitutum gubernabant.

bant. Cùm nubes consistebat, illi quiescebant, cù
rursus mouebatur, vasa conclamabant: quò illam
ferri cernebant, eò cursum suum sine vlla cuncta-
tione dirigebant. In quo quidem tūc satis expres-
sum fidei officium fuisse conspiciamus. Quid enim
aliud vult fides; quid contendit, atque molit-
ur; quid tandem aliud efficit nisi, vt totum animū
à sensu, studioq; corporis abductum, ad imperium
& nutum diuini spiritus omninò transferat?
Hoc igitur vnum suum esse officium ducit, nun-
quam oculos à cælo dei cere: spectans, quid diui-
na mens sanciat atque præscribat: quem motum af-
ferat animo: quo voluntatem hominis impellat: à
quibus auocet rebus: quo subsidio iacentem ani-
mum erigat, infirmatum fulciat, hærentem confir-
met, & ad studium immortalitatis incendat. Cùm
Spiritus sanctus vocat, accurrit: cùm deterret, ex-
timescit: cùm præstet, sequitur: cùm præscribit, ob-
temperat: quocunque eum spiritus ille vitalis im-
pellit, eò fert impetum & singulari alacritate im-
positum sibi munus exequitur. Qui spiritu Dei a-
guntur, inquit Paulus, hi sunt filij Dei. Hæc autem
dignitas agnationis diuinæ fide comparatur. Vn-
de colligitur, vim fidei in ea alacritate cerni, qua
maximi animi omnibus Dei placitis obsequuntur.
At quos fructus ea fide percipiunt? eos certè, qui
summum animis stuporem incutiunt. Nam, cùm
omnia ardent flammis, illi non aduruntur: cùm ma-
re tumidum impios absorbet, illi non alluuntur:
in locis desertis, & ab omni humano cultu remo-
tissimis, cælesti pabulo nutriuntur. Ignis vim suam
repentè sustinet: pelagi fiunt peruij: salutaris fons
è silice prorumpit: cæli alimenta suppeditant: om-

nis denique natura eorum commodis seruit; omniaque eis adiumenta & ornamenta largè & abundè subministrat. Quod illi tum multitudini, quæ fidelium cunctorum imaginem & speciem referebat, euenit. Nam, cum flammis omnia conflagrarent, illæsi permansere; mare dissectum facile eis transitum præbuit: impios verò fluctibus in suum locum reductis repente consumpsit: & cælum alimenta salutaria atque iucunda demisit: petreæ virga percussæ ingentem aquarum vim profuderunt. Considerandum est autem, quibus verbis Deus admoneat Moysen, ut è silice aquas eliciat: Tolle, inquit, manu virgam, qua fluuium percussisti, & ego consistam ante te supra petram, quæ est in Horeb: percutiesq; petram, & exhibet ex ea aqua ut bibat populus. Quorsum tandem spectat illa admonitio, qua redigit in memoriam Moysi, vnum illud ex tam multis, signum, cum reliqua multò maiora prætermittat? tolle, inquit, virgam, qua fluuium percussisti. Ut doceat, eiusdem numinis esse, impios prope magnam aquarum copiam constitutos ardentissima siti cruciari, & piorum hominum sitim in arida regione, summisque ardoribus exusta, restinguere. Cum enim Moyses Dei iussu Nilum percussit, aquæ in sanguinem versæ sunt; cumque rursus eadem virga silicè percussit, ingens vis aquarum repente manauit, ut appareat, infideles, etiam cum videntur omnibus rebus abundare, summa inopia; rerumque omnium indigentia cruciari: contra verò; fideles, in rerum etiam humanarum angustiis, omnibus bonis affluere. Illorum effrænatam cupiditatē, in opes fluxas & interituras incitatam, expleri nunquā posse ho-

horum autem ardentissimum rerum immortalium desiderium admirabili quadam affluentia satiari: illos itaque semper egentes & miseros esse, atque cum grauissimis molestijs assidue conflictari: hos verò semper abundare diuitijs, & eximia quadam voluptate compleri. Omnis igitur illius viæ ratio erat fide munita. Nam cum fide perueniatur adiustitiam, consentaneum erat, vt qui legem diuinam erant accepturi, prius ad fidem instruerentur, atque intelligerent, omnem vitæ beatæ rationem esse in Deo summo collocandâ; statuerentque nihil illis defuturum, qui se ad illius tutelam conferunt. Quod vt rectius cognoscerent, eos interdum difficultate premebat & inopia; vt, cum cernerent, omnem spem humani subsidij penitus sublatam esse, in summaque rerum humanarum desperatione se cælesti auxilio subleuari, rerumque omnium copia circumfluere; discerent tandem è Deo pendere, omniaque vitæ præsidia in summi Domini benignitate cõstituere. Quod Moses luculenter explicat, docens, eos fuisse primum inopia vexatos, deinde cælesti alimento, priscis parentibus incognito, nutritos; vt intelligerent, vitæ subsidia non in penu, sed in Dei verbo sita: quocirca nõ ingenij humani industria, sed diuinę benignitatis fiducia nitendũ. Quid ea tandem, quæ erant in his rebus abstrusa atq; recondita? nũ est obscurũ illis ingentes fidei opes, atq; immensas diuitias contineri? Nam & roscidum illud pabulum è cælo sereno atque puro demissum, quod manna appellabant, vnicum Dei filium è cælis in terras venientẽ, ad animos hominũ diuino corporis sui cibo nutriendos, & imortalitatis munere afficiendos,

adúbrabat. Et fontis illius perennitas è petra profluens, Christus est, diuinæ iustitiæ vindicta pro nobis in cruce percussus; vt ex illo, tanquam ab immenso & inexhausto fonte perennes aquæ continuè ad suorum omnium mentes diuino potu exhilarandas, incredibili copia dimanarent. Quid hîc tabernaculi illius sacrosancti fabricam, quid hîc sacrarum vestium contextum, quid vasa in tam varios vsus destinata, quid odorum, & vnguentorum compositionem, quid omnium denique rerum ad sacros vsus pertinentium ordinem, conuenientiam, & ornatum oratione complectar? quid sacerdotij institutionem, sacrificandi ritum, varias expiationes institutas commemorè? Nónne constat, his rebus omnibus, partim humanam Christi naturam virtutum diuinarum odoribus copiosissimè perfusam; partim expiandarum mentium sanctissimam religionem, quam ipse Christus summus atque sanctissimus Sacerdos administravit, aptè significari? Nec enim multiplex Christi virtus, vno tantum signo exprimi atque designari potuit. Multis igitur signis opus fuit, ad Christi sapientiam, religionem, sanctitatem variè delineandam. Quæ tamen omnia Moses ad vnum illud specimen referebat, quod in monte perspexit. Omnia fac, inquit illi Deus, ad exèplar, quodd tibi in monte monstratum est. Exemplar autem erat Christus. Ille nanque est verum tabernaculum, atque sempiternum maiestatis diuinæ domicilium, in quo diuina mens semper inhabitat. Ille est arca foederis, omnem iustitiæ regulam, atque sapientiæ diuinæ percriptionem in se continens: ille est verum illud propitiatorium (sic enim appella-

ba-

batur arcæ illius, quæ diuinam legem contegebat, operculum) in quo Deus sedem sibi constituit, ut ex eo exeat oracula, quibus hominum vita regatur: idem verus sacerdos, qui sacris sanctissimè peractis, Deum hominum generi placuit, & cælites nobis cum summa fœderis religione coniunxit: idem piacularis hostia, victima salutaris, magnificentissimum illud denique sacrificium, ardore charitatis inflâmatum, quod intima cæli penetrauit, diuinumque numen à seueritate ad misericordiâ flexit. Iam verò sanguis aspersus ad populum expiandum, & variz lustrationes, & piacula instituta, quod spectabant, nisi ut insculperent animis, nullam esse aliam expiandi sceleris rationem nisi fidei religionem, Christi meritis innixam? Nihil enim, ut inquit Paulus, ad perfectum deduxit lex. Nec potuit vlllo modo sacrificijs vllis animo conceptum scelus eluere, sed instituit tantum verę purificationis imagines in aquæ lustrationibus, vel in sanguinis aspersione, vel in alijs eiusdem generis similitudinibus constitutas, corpus tantum attingentes, ad animum verò minimè permanentes. Hæc igitur omnia erant fidei rudimenta temporis valdè consentanea, ut signis, & vmbreis paulatim homines assuefacerent Christum intueri. Quid de illo æneo serpente dicendum; quem Moyses sustulit, ut, qui erant mortiferis serpentum moribus sauciati, in illum intuentes, sanitatem confestim reciperent? Potuit aliquod signum magis humanæ salutis rationem, in omnium conspectu ponere? Christus enim solus, cum in cruce, serpentis, ut antè diximus, formam gereret, omnia vulnera ab antiquo serpente animis inflicta sana-

sanauit. Sic enim, inquit ille: Sicut Moyses sustulit
 serpentem in deserto, sic tolli oportet filium ho-
 minis, ut omnis, qui credit in Iesum, non pereat,
 sed habeat vitam æternam. Sed, ut iam ab antiquis
 ceremonijs abeamus; omnibus illis constat fidem
 fuisse sancitam. Scriptum enim est; Moſen cæſis
 victimis, legem, quæ vim fœderis obtinebat, vni-
 uerso populo audiente, legiſſe; & omnes pactione
 obſtrinxiſſe, & execratione deuinxiſſe, ſi aliquid
 contra legem facerent. Quam legem atq; fœdus il-
 li acceperunt, fidemq; dederunt, ſe illam ſeruatu-
 ros. Cuncta, inquiunt, quæ locutus eſt Dominus, fa-
 ciemus, & erimus obediētes. Ut autē fœdus ma-
 iori quadam religione firmaretur, fuit iſtū ſan-
 guine hoſtiarum, quo Moſes populū vniuerſum
 aſperſit, dicens: Hic eſt ſanguis fœderis, quod pe-
 pegit Dominus nobiſcum, ſuper cunctis ſermoni-
 bus hiſ. Quo in loco duplici ratione ſancitam fi-
 dē cernimus. Primū obedientia, quam ſacroſancto
 illo fœdere pactam fuiſſe conſpicimus. Deindē,
 ſanguine illo, quo Moſes vniuerſum populum ex-
 piauit; innuens, omnem animorum puritatem
 illo ſanguine contineri, qui erat pro omnium
 ſalute profundendus. ſine ſanguinis enim effuſio-
 ne non fit remiſſio. Cuius tandem ſanguinis? num
 quadrupedum? Fieri, inquit ille, non poteſt, ut ſan-
 guis hircorum, aut vitulorum auferat peccata.
 Fuit igitur neceſſe, ut maximus Pontifex, non
 in tabernaculi aditum, ſed in cælum ipſum pe-
 netraret; neque pecudum ſanguinē, ſed proprium
 inferret; atque ita nobis ſempiternam ſalutē con-
 ſtitueret. Hoc enim eſt fœdus illud ſempiter-
 num,

num, quod Deus apud Isaiam secum fidelibus percussurum ostendit. Hoc item Ieremias multos mortales Deo coniungendos esse prænunciat. Hoc itē Ezechiel excitandum, & diuinitus instaurandum, multis antè sæculis prædixit. Huius autem fœderis sempiterni vis in hoc consistit, ut omnem animi nostri fiduciam in Christi sanguine collocemus, & simul nos ad illius studium conferamus. Si enim non fuerimus illi studio & amore coniuncti, quomodo tandem ad nos fœderis ipsius fructus & sanctitas emanabit? Est igitur necesse, si volumus ex illius sanguine fructum capere; ut, illū respicientes, eiusque iussis obtemperantes, exēplum illius ardenti studio persequamur, animosque nostros ad sacrificium offeramus. Quod facinus, vel cū necē sensibus asserimus, & cupiditatem carnis excindimus: vel cū omne vitæ studium in diuinę bonitatis prædicatione cōsumimus: vel cū amore diuino concalescimus, & charitatis facibus inflammamur. Sic enim tria illa sacrificiorum genera, quæ erant in Hebræorum consuetudine posita, moribus & factis exprimimus. Alia enim erant pro expiandis peccatis oblata: alia verò vel ad petendam pacem, vel ad gratias pro partis beneficijs agēdas instituta: alia postremò mētis, studio diuini honoris incensæ & inflammatæ, significantia, quæ tota flammis exurebantur. Hæc vltima Græco vocabulo ἰλόνια nominantur. Et hæc quidem primū Christus ipse sanctissimè procurauit. Ille nanque, ut paulò antè diximus, & hostiam piaculārē & salutarem victimam, & holocaustum sanctissimum se ipse ad aram constituit; ut peccatum deleret, & pacem nobis

nobis conciliaret, & ardore mētis gloriam patris
 illustraret, & ignem cælestem in fidelium visceri
 bus implicaret. Hæc eadem nos ritò facimus, cum
 vel lachrymis, & gemitu, veraque animi in Deum
 conuersione flagitia concepta depellimus; vel cū
 sacrificium laudis immolamus, & pro tuendo mē-
 tis statu, & gratiæ ipsius incremento vota suscipi-
 mus: vel cum ad amorem & cupiditatem rerum cē-
 lestium & diuinarum acrius exardescimus. An, si
 hæc omnia sacris illis antiquis contenta minimè
 fuissent, erat vlla causa, cur huiusmodi sacrificia
 fuissent ab illo summo rerum omnium modera-
 tore, tanto studio designata, atque constituta? An
 mens illa beatissima, vel strage pecudum, vel car-
 nium nidore, vel odoribus & vnguentis, humano
 artificio confectis, tenetur & ducitur? Nunquid,
 inquit ille, comedam carnes taurorum, aut sangui-
 nem hircorum potabo? Apud Isaiam verò dicit,
 nunquam fuisse à se huiusmodi sacrificia requisi-
 ta. Item apud Ieremiam, negat se quidquam de fa-
 ciendis sacrificijs olim præcepisse. Cur ita tandem
 negat, cum videamus illa tanto studio fuisse ex il-
 lius imperio præscripta? Quia sacrificia nò per se,
 sed sacrificantiū fidem requirebat. Non igitur He-
 bræorum victimas requirebat; sed eorum fidem
 requirebat in victimis. Misericordiā inquit alibi,
 volo, & non sacrificium. Misericordia autem Dei
 amore miseriis hominibus tributa, omnem fidem
 continet. Deus igitur legis victimas aspernatur,
 vt fidem constituat. nec enim victimæ, nec sacra
 reliqua, incredibili quadam cerimonia culta, si
 per se spectentur, aliquod verè sanctitatis speci-
 men exhibebant; sed ipsam sanctitatem, quæ tota
 est

est in fidei sinu & gremio posita, significabant. Iudæi tamen, cum propter mentis angustias, atque tenebras, fidei amplitudinem & splendorem; neque capere, neque sustinere possent (erant enim toto animo atque mente in terra defixi) tantum absuit, ut ex illis signis ad fidem peruenirent, ut etiam per illa fidem omnino frangerent, & florente statu deciderent. Non enim illa, quasi rerum cælestium simulachra, complexi sunt, sed eis, quasi veris iustitiæ atque sanctitatis causis adhæserunt: usque adeo, ut eo tempore, quo veritatis ipsius lux eorum oculis affulsit, lucem ipsam fugerent, disciplinam obstinate respuerent, diuinum munus aspernarentur. Ut enim, si quis sub terra in sublustri domicilio habitauisset, in quo nunquam solem oculis aspexisset, habuisset tamen intabula solem scitè depictum, & varijs coloribus illustratum; isque tabulæ ipsius admiratione defixus, adduci non posset, ut in superam regionem euaderet, & aspectum emersum tenebris, in solis ipsius lucem converteret: sic Iudæi signis atque picturis intenti, & inani quodam studio superstitionis, & assimulatæ sanctitatis attoniti, nunquam in verum iustitiæ solem mentis oculos convertere voluerunt, ut illius iucundissima luce fruerentur: sed umbras corpori, signa veritati, tenebras luci furenter & impiè prætulerunt. Circumcisionem igitur retinēt, fidem omnino deserunt, à fermento statis diebus abstinent; mentem verò scelere impietatis inficiunt. Corpus aqua lustrant, animū sordibus inquinant. Legis volumen in chartis exaratum, demisso corporis habitu venerantur: ipsius verò legis vim, atque sanctitatem perfidia conculcant. Christi

imagines in lege in sculptas admirantur: ipsum ve-
 rò Christum conuictis & maledictis insequuntur:
 & in omni denique genere veritatem oppugnant;
 umbras & somnia consecretantur. Sic igitur fit, ut,
 cum à fidei via penitus aberrerent, eaque de causa
 sint nudati praesidijs, spoliati ornamentis, omniq;
 ope diuina destituti rebus suis omnino diffidant,
 omnes umbras horreant; quidquid increpuerit,
 extimescant, abiecti & contempti viuant; & om-
 nibus odio sint, & in summa solitudine & ango-
 re ignominiam & turpitudinem subeant sempiter-
 nam. Erant illa quidem sacra atq; ceremoniae, qua-
 si quaedam pietatis elementa, hominibus, mente &
 intelligentia parum robustis, accommodata: do-
 nec veniret maturitas inclusae pietatis explican-
 dae, & sempiternae salutis expediendae, quod erat
 Iesu Christi opera perficiendum. Postquam igitur
 veritas ipsa, quam lex adumbravit, & figuris expres-
 sit, lucis suae radios longe lateq; diffudit, quid o-
 pus erat signis? quid umbris & imaginibus, cum ip-
 sius verae iustitiae splendor facile posset omnium
 oculos in se conuertere? Haec autem omnia, quae di-
 cimus fidei formam & speciem adumbrasse, Pau-
 lus opera legis appellat. Nec enim in operibus le-
 gis numerat pietatem, neque charitatem & bene-
 ficentiam, neque veram & absolutam animi religi-
 onem; sed circumcisionem, & sacrificia, ciborum-
 que delectum, & dierum observationes, & reli-
 quas ceremonias, quae, ut differuimus, sanctitatis
 imagines continebant. Quaestio enim erat, an illae
 legis antiquae ceremoniae aliquam vim ad expian-
 dos animos haberent. Iudaei illas nimium praefra-
 ctè retinebant, quasi omnino necessarias ad animi
 puri-

puritatem: Paulus contrà disputat, nunquam in illis vim ullam fuisse ad animos purgandos; sed tantum fuisse per illa animi puritatem adumbratam. Post Christi autem aduentum, cùm iustitiæ ipsius lux omnium oculis oblata fuisset, umbras repente euanuisse. Opera igitur illa post Euangelium constitutū, non modò sine fructu fieri, sed pestem atque perniciem adferre. Sine fide enim nemo potest salutem adipisci. Qui autem illas ceremonias diutiùs obseruandas, quasi ad iustitiam inducendam necessarias existimabant, Christi sanguine diffidebant. Quocirca Paulus maxima voce testatur, eos, qui erant ad eam imbecillitatem delapsi, ut circumcisionem necessariam existimarent, nullum omninò ex Christo fructum percepturos. Si circumcidimini, inquit, Christus vobis nihil proderit. Erat igitur magna exorta contentio, cùm Iudæi importuno legis studio legem labefactarent: Paulus contrà, fidei studio legem conuelleret. Cū hic legem dico, legis vim atque naturam fidei expertem intelligo, quæ videlicet nondum est menti per fidem inscripta, sed tabulis tantum incisa; ita, ut nihil omninò possit animis opitulari. Cū igitur magna fidei causa ageretur, omne certamen suscipit Paulus, ut homines ab operibus legis, hoc est, ab institutis lege ceremonijs, abducat. Quod certè non fecisset, si legis opera in charitate, aut benignitate, aut excellenti pietate posita iudicaret. Nec enim vnquam Paulus ea officia, quæ cum pietate suscipiuntur, aut impura esse dixit, aut parùm utilia, aut minimè necessaria. Nondum videlicet exorta fuerat hæc egregia disciplina, quæ doctorem hominum verbis & scriptis in-

crebuit, & obtentu pietatis, omnem pietatem ex-
 terminat. Nunquam igitur is fuit, qui benigni-
 tatis officia, tanquam parùm ad salutem vtilia,
 improbaret: sed qui doceret, eam solum esse re-
 ctam ad cælum viam, quæ assidua charitatis exer-
 citatione muniretur. Omnes igitur è somno sus-
 citat, omnes cupiditate præmij sempiterni, quan-
 tum potest, incendit. Omnes etiam diuini iudi-
 cij mentione vehementer ab ignauia deterret, o-
 stendens, in diuino iudicio non inquirendum es-
 se, quo quisque genere ortus sit, quibus sacris ini-
 tiatus, quibus disciplinæ rudimentis institutus;
 sed quid in vita gesserit, quæ opera ediderit, quo
 studio pietatem & æquitatem coluerit. Deus, in-
 quit, non irridetur. Quæcunq; enim seminauerit
 homo, hæc & metet. Et, Omnes stabimus ante tri-
 bunal Christi, vt ferat quisque propria corporis,
 prout gesserit, siue bonum, siue malum. In episto-
 la autem ad Romanos ait futurum, vt de vnoquo-
 que feratur sententia secundum ea opera, quæ
 quisque molitus est: ita, vt ijs, qui opera laudabi-
 lia gesserint, sint summa immortalis vitæ præ-
 mia constituta; ijs autem, qui se ipsos scelere & fla-
 gitio contaminant, sint subeunda supplicia sempi-
 terna. Ad Corinthios autem scribens, ait, cui libet
 esse mercedem propositam, secundum operis à se
 suscepti rationem. Et, cum de immortalitatis
 præmio multa differat; concludit tandem, eo-
 rum laborem qui fide stabiliuntur, minimè in-
 anem fore: esse enim immortalitatis præmio
 munerandum. Illud verò quàm præclare, cum
 acta à se vitæ rationem exponens, se ipsum ex-
 citat ad cogitationem illius coronæ, quam erat
 præ-

præclaris operibus adepturus? Egregium, inquit, certamen sustinui, cursum vitæ cum laude confeci. reliquum est, ut illam coronam adipiscar. Atque, ut doceat, eam coronam esse sibi gratiæ diuinæ iure debitam, adiungit: Quam reddet in illo die Dominus, iustus Iudex. Si tantum igitur momētum esse putat Paulus in præclaris factis, ut nullam aliam statuatur esse viam, & rationem irę diuinæ auertendæ, & salutis æternæ comparandæ: si charitatis officijs, si pijs atque sanctis actionibus testificatur æternæ gloriæ præmia reddenda: quomodo tandem ea inutilia diceret, & ita ab eorum studio hominum mentes abstraheret? Cū igitur opera legis infirmat, cū ab eorum confidentia homines abstrahere cōtendit; ea planè intelligit, quæ umbram & imaginem iustitiæ gerebant, non ea, in quibus erat ipsa iustitia constituta. de ijs enim tantum erat omne certamen institutum. Errorem igitur Iudæorum & amentiam coarguit, existimantium, circuncisione, & eiusmodi legis institutis animum expiari, & ex iniusto iustum fieri. Itaque, ut eorum insolentiam & temeritatem refuteret; exponit, quantis se, quàm tetrīs, quàm execrandis criminibus obstrinxerint Hebræi, ut tandem concludat, nullam esse in illis institutis vim ad animi puritatem. Nam, si circūcisio sanctos efficeret, omnes circūcisi sancti essent, tantū autem abest, ut essent sancti, ut eas etiam gentes, quæ Dei legem penitus ignorabant, sceleris magnitudine superarent. Itaque concludit, neminem ex legis operibus iustum unquam fieri. Non autē erit hoc loco alienū considerare, quid Paulo venerit in mentē, hæc solum anti

quæ religionis instituta, quæ diximus, opera legis appellare. Quid enim vetat nominare legis opus id, quod est lege perscriptum? Cum igitur lex omnia honestatis, & charitatis, & pietatis officia sanxerit; quid impedit, quo minùs temperantiæ, benignitatis, & veræ religionis studia, opera legis appellemus? sed, ut mirandam, atque planè diuinam Apostoli prudentiam intueri possimus; considerandum est; esse rationi consentaneum, ut vnaquæque res nomen sumat ex eo, quod in illa præcipuè spectari conuenit. Præcipuè autem in officijs spectandum est id, cuius vi & efficacia rectè geruntur, & absoluti operis effectum consequuntur. Si igitur officia ipsius legis vi perficiuntur; æquum profectò est, ea legis opera nominari. Cum verò nemo possit legis tantum vi legi parere, præceptisque illius sanctissimis obedire; consequens est, ut officia nomen à lege minimè mutuentur. Primùm enim ratio humana per se debilis, & imbecilla est: cupiditas autem fera & immanis, tantisq; viribus in rationem concitata, ut obsisti non possit. Valentius enim malum est, quàm ut possit humana industria & ratione depelli. Euenire igitur necesse est, quandiu mens non fuerit diuino subsidio stabilita, ut eam cupiditas inflectat & torqueat, morbisque infinitis exagitet. Num lex huic tanto malo potuit opem afferre? minime gentium. Nec enim extraxit ex animis cupiditatem, sed tantum admonuit, quantum esset in flagitio mali, quantumque exitij. Quo factum, est ut crimen atque flagitium vehementius ingrauesceret. Opus enim nefarium tum demum crimen atque scelus est, cum voluntate suscipitur: voluntas au-
tem

tem tunc maximè apparet, cum clarior est recti, prauique notitia. Cùm igitur lex clariorem iusti, & iniusti disciplinam tradiderit: consequens est, vt crimen esset post acceptam legem multò di-
rius, multoque funestius. Ergo, cùm lex non opem vllam largiretur ad cupiditatem coercendum, sed tantum cupiditatis ipsius immanitatem indica-
ret: non auxilium attulit, sed grauioris ruinæ pe-
riculum per occasionem struxit. Quandiu enim cupiditas in animo dominatur, non potest extare in nobis rectum vllum diuinæ legis studium.
Cupiditas enim, vt Pàulus ait, sempiternas cum Deo gerit inimicitias. Sic igitur necessariò fit; vt, qui cupiditati addicti sunt, omnivite studio cõ-
tra Dei legem pugnent. Cùm igitur lex, aut tabu-
lis tantum scripta, aut auribus accepta, non pos-
sit euellere effrænata animi cupiditatem; cupidi-
tate autem vigente, nemo possit vlla ratione legis præscriptis, quæ conferuntur ad iustitiam, obedi-
re: efficitur, neminem posse legis tantum auxilio subnixum pietatem colere. Quomodo tandè igitur ipsi nos ad pietatis studium conferemus? Si præ-
senti numine spiritus sancti fuerimus contra cupi-
ditatem armati. Hoc diuinum præsidium fide, non lege consequimur. Consequens igitur est, omnes charitatis actiones, opera fidei, non legis, appellari, Idcirco fit, vt tam Paulus, quàm alij diuini scriptores, nomine fidei, plerunque omnia officia charitatis intelligant. Complexu enim fidei, omne veræ & absolutæ pietatis studium con-
tinetur, vt multis in principio disputauimus. Cũ igitur summũ, ardens, incitatum ipsius diuinæ legis studium, non vi legis, sed numine sancti spiri-

tus existat; consentaneū est, vt hoc studium, non ad legem ipsam; sed ad spiritum sanctū, atque fidem illius ope nixam referatur. Quæ sunt igitur legis opera? ea nempe, quæ sic ipsius legis vi, & imperio geri possunt, vt fides in eis minimè luceat. Porro autem, si per se lex spectetur, duo sunt illius muneræ, quæ sine vigenti fide possunt administrari. Primum est, vim & grauitatem peccati atque sceleris indicare; alterum, expiandi sceleris formam apta similitudine depingere; vt perspecta penitus & cognita sceleris atrocitate, depellendæ illius rationem confestim ineas. Hæc autē legis muneræ num potuere egram mentem sanare, & ab improbitate ad iustitiam traducere? minimè quidē potuere. Per legem enim cognitio peccati multò clarior extitit. Clarior autem peccati cognitio non tollit peccatum; immò id multò magis, vt paulò antè differuimus, amplificat. Quid igitur? num piacula lege constituta, peccatum expiare potuerunt? nullo modo. Quid ita tandem? quia lex vmbra tantum rerum cælestium, non solidā & expressam diuinæ virtutis effigiem continebat. Vmbra autem & obscura similitudo, non tantam vim habet, vt pueros & castos efficiat ad Deum adeuntes. Rectissimè igitur à Paulo positum, & efficaci admodum ratione conclusum est, neminem legis operibus iustum fieri. Nec enim quicquam iuuat, vel peccati deformitatē cognoscere, vel aliquā expiandi peccati rationē in vmbra tantū, & tenui legis similitudine constitutam, omni studio consuetari. His autem duobus muneribus, omnis legis vis, si eam à fide seiungas, terminata est; vt facillè liqueat, non lege, sed fide salutem omnem con-

constitui. Fide enim vtrunq; consequimur. Non
modò enim, quantum sit in flagitio & impuritate
dedecus, intuemur; verùm etiam inuictas vires a-
dipiscimur, quibus nefariæ cupiditati facilè resi-
stamus; & cum casu aliquo prolapsi concidimus,
confestim ad illũ summũ sacerdotem, qui nos san-
guine suo expiauit, confugimus, illiusque sancti-
tate à nobis flagitia cuncta depellimus. Hic locus
admonet, vt aliquid etiã de legis vetustate, & in-
teritu differamus. Est enim in hac disputatione mi-
rabilis rerum contextus. Sic enim alia ex alijs ne-
xa & continuata sunt, vt nisi omnia, quantum res
instituta desiderat, attingas; non facilè possis insti-
tutum munus ad optatum finem perducere. Quid
igitur de legis duratione dicendũ? an parũ multis
in locis scriptura diuina testificatur, legem Domi-
ni esse sempiternam? Num obscurum est illud
Domini ipsius testimonium, quo asserit, cælum
posse dissolui, & solem, & astra concidere, ter-
ram & aquas inflammari, vniuersamque naturam
incendio consumi: legem autem Domini, nec dis-
solui, nec cõuelli, nec mutari posse? Quid enim a-
liud est diuina lex, quã mens & ratio summi illius
rektoris, omnia sempiterno imperio continentis?
Quòd si per legem intelligas rationem, atque nor-
mam, quã primũ in animi natura, deindè in ta-
bulis inscripsit, ad quam sunt omnia humanæ vitæ
studia referenda; ea certè Christi aduentu euersa
non est: sed instaurata, atque renouatã, multoque
diuinius illustrata. Non enim venit in mundum
filius Dei, vt legem, quã tulit, dissolueret; sed,
vt illam potius absolueret, atque perficeret. Quid
est igitur, quod Paulus multis in locis ait, legem

esse Christi cruce deletam; nosque extincta lege esse iam Christi beneficio ex illius dominatu, in libertatem vindicatos? Num fieri potest, ut, quod æternum est, sine aliquo terminetur atque deletur? minimè quidem, quod æternum est. Legis autem vis, quã Paulus exterminatam esse dicit, ea sola est, quæ duobus illis muneribus, quæ paulò antè dixi, continetur. Differit enim cùm Iudæis, nimium pertinaciter legis scriptum retinentibus. Nec enim in dubium veniebat, an legis mens atque ratio, quæ multis antè seculis nata est, quàm esset scripta lex vlla, seruari deberet; sed descripto legis, an esset illi semper in omnibus adhærendum. Probat igitur Paulus, vim atque sententiã legis æternam esse, illiusque cultum in fide consistere. Contrà verò, scriptum à fide vera & constanti segregatum, nunquã fructum attulisse; & post euangelium constitutum, mortiferum esse cœpisse: legemque propterea mortalem dicit, & interituram; quòd Christi virtute id, in quo lex ipsa vigeat, sit compressum & extinctum. Nam, cùm primum legis munus sit, officia describere, & peccati vim & immanitatem ostendere, ipsumque peccatum minimè euertere atque profligare possit: consequens est, ut nihil aliud possit in animos nostros inuehere, quàm curam, angorem, sollicitudinem, metum, horrorem, & cruciatum. Nec enim libidinem resecat, sed scelus libidine constatũ vlciscitur: non eadem expiat, sed authorem eadẽ interim: non periurium, non sacrilegium euertit, sed in eos, qui hæc scelera concipiunt, seuerissimè vindicat: non vlla denique animis iniusta vulnera sanat, sed vulneratos capitis condemnat. Lex, inquit, iram

ope-

operatur. Alibi item, scriptam legem, administrationem mortis appellat. Cū enim id non eximat, quod est extremo supplicio vindicandum; euenit necessario, vt necem inferat. Id autem est, quod ait literam occidere. Literam enim appellat, legem scripto tantum, quod vult, sancientem. Cū igitur in eo posita esset scriptæ legis vis, vt scelera, quæ sanare nullo modo poterat, capite damnares; & ita impeditas scelere conscientias perterreret, & metu & angore conficeret: rectè dicitur, extinctâ esse per Christum: quandoquidem peccata penitus extirpando timorem sustulit, animosque metu legis oppressos, omni metu atque sollicitudine liberauit. Habet enim hoc fides in Christum, pellit timores, demit sollicitudines, animos quietos & tranquillos efficit. Hoc enim habet cognitum & constitutum, nullam sceleris poenam esse illis subeandam, qui Christo coniuncti sunt, qui non secundum carnem ambulant, vt Paulus inquit, sed secundum spiritum. Hi enim, cū & fide sanati sint, & fide vitam dirigant, omniaque studia sua Christi spiritu moderentur: tantum abest, vt illis extremi supplicij metus impendeat, vt semper animis erecti sint, & futuræ gloriæ expectatione gaudia maxima percipiant. Secundum hanc igitur rationem, qua lex metum & horrorem incutebat, satis constat, eam esse Christi virtute sublatam. De illo altero legis officio, quod in adumbranda Christi sanctitate versabatur, nihil attinet dicere. Iam enim ostendimus, quod per se satis manifestum erat, omnes imagines, cū veritas imaginibus expressa perspicitur, esse superuacaneas, Vt enim solis radijs omnis caligo pellitur, nebu-

nebula dissipatur, umbra penitus euanescit: sic
 necesse fuit aduentu Christi discuti mentis cali-
 ginem, peccata omnia dissolui, rerum umbras &
 imagines exterminari. Ad hanc duplicem legis
 vim respiciebat Ioannes, cum diceret: Lex per Mo-
 sen data est, gratia & veritas per Iesum Christum
 facta est: ut gratiam omnia peccata delentem,
 terrori legis opponeret; veritatē autem res ipsas
 diuinas explicantem, atq; propalam collocan-
 tem umbris & imaginibus. Sic etiam Paulus in-
 quit, legem, quæ quidem erat instar umbræ, inter-
 uentu corporis, nempe Christi, deletam esse. Hac
 igitur tantum ratione, qua lex peccati vim indi-
 cando terrorem incutiebat, aut veræ sanctitatis
 rationem adumbrando, res occultas significabat;
 cum esset mortalis & interitura, fuit oportuno
 tempore consumpta: ut iam nullum vsum habere
 possit in his, quos Christus secum copulauit, atq;
 spiritus sui muneribus ornauit & instruxit. Ipsa
 verò legis mens & ratio, quæ iustitiam omnem
 continet, quæ virtuti præmia sempiterna propo-
 nit, quæ naturam vniuersam regit, atq; fidem im-
 mortali gloria afficit; deleri non potest. Verbum
 enim Domini in æternum manet. Fides autem in
 hanc legis vim sempiternam respicit; ea verò, quæ
 nouit esse iam vetustate consumpta, minimè cu-
 randa putat; cum tota sit studio immortalitatis in-
 flammata. Satis explicatum arbitror, quomodo
 vniuersa lex ad fidem excitandā atq; confirman-
 dam referatur. Aut enim, quid sit in vita geren-
 dum, quibus studiis animus informandus, quibus
 in rebus beatę vitę summa consistat, aperte docet,
 ut fidem faciat, & ad officium incitet: aut signis &

figu-

figuris mentes hominum ad humanæ salutis fidem erudiebat. Ostendimus, quæ sint opera fidei, quæ rursus opera legis, authore Paulo nominanda. Sed dubium occurrit, de officio illo, quod legis metus exprimit, ad quod genus reuocandum sit. Nec enim ex cupiditate nascitur. Nam dum is, qui metuit, manus à melesicio continet, cum nefaria certè cupiditate pugnat. Nec tamen est ad fidem referendum. Fides enim hæc, quam oratione persequimur, non effectum tantum cupiditatis, sed ipsam cupiditatem acerrimè coercet: ac qui metu tantum à flagitio abstinèt, animum adhuc ægrum & exulceratum gerit, & nefaria cupiditate deuinctum. Ergò, cùm opus hoc neque sit à cupiditate profectum, neq; ex laudabili & prædicanda fide natum; sed metu tantum legis coactum & expressum: consequens est, vt opus legis possit appellari. Omnia igitur actionū humanarū genera, quæ gens Hebræa suscipiebat, ad tria principia referri possunt. Nam vel erant à cupiditate nefaria profecta; vel metu atque formidine legis expressa, vel constanti atq; diuina fide administrata. Opera cupiditatis sunt flagitiosa, pestilentia, æternisq; supplicijs, nisi respiscimus, vindicanda. In operibus autem legis, neq; animi sanitas, neq; veræ religionis sanctitas eminet; sed imbecillitatis potius, & ægritudinis argumentum. Non tamen sunt abiicienda, nisi sint cùm fide pugnancia. Opera verò fidei sola sunt honesta, laudabilia, iucunda, salutaria, diuinis præmijs, & æterna gloria cumulanda. Non enim ope humana, sed diuina perficiuntur: non humana atque terrena, sed supera & cælestia. spectant: non opes sibi proponunt

DE IUSTITIA

nunc fluxas & caducas, sed immortales atque sempiternas. Hæc cupiditatem opprimunt, crimen & scelus extinguunt, iustitiæ ornamenta consequuntur, hominum mentes cum diuina mente conglutinant, easque summis & æternis immortalis vitæ muneribus afficiunt. Opera cupiditatis mortiferum vulnus infligunt; opera legis indictum vulnus minimè sanant, quin etiam interdum asperius refricando, gravior exagitant: sola opera fidei non tantum vulneris sanitatem, sed cælestē dignitatem adipiscuntur. Ergo, cum cupiditas exitium inferat, cum nullum legis institutum, nulla disciplina per se possit nos ab interitu vindicare; cum legis finis sit ipsa fides, omnisque illius institutio, siue in vitæ præscriptione, siue in sacrorum religione constituta sit, ad vnā fidem, quasi ad rem vnā omnium maximè salutarem, referatur; nullaque sit alia ratio numinis placandi, diuinæque gratiæ retinendæ, æternique præmij consequendi: constat profectò, illos solos esse beatos, atque sempiterna laude florentes, qui cum fide viuunt: reliquos omnes, quamuis sint in hominum vulgus cōmēdati, & specie quadā gloriæ popularis insignes; essetamen coopertos flagitijs, sceleribus inquinatos, in extremaque miseria constitutos, sempiternisque pœnis obnoxios.

LIBRI TERTII FINIS.

HIERO.

HIERONYMI OSORII LUSITANI EPISCOPI SILVENSIS,

DE IUSTITIA LIBER QVARTVS.



Incidit autem quædā minimè, ut arbitror, aliena hoc loco dubitatio, quæ dijudicanda est, ut commodius omnem hanc de fide questionem concludere liceat. Legimus enim, multos olim homines extitisse, in omni genere laudis excellentes, eximijque maximarum virtutū ornamentis exultos, qui nullam fortassè vnquam disciplinam diuinæ legis acceperunt. Quid ergò statuemus? eos fidei viribus excitatos fuisse, ut non inania simulachra virtutis, sed solidam & expressam virtutis effigiem animo atque mente conciperent? vix credibile est, cum fides hæc, quam oratione completimur, sit firma mētis assensio, verbis diuinis adhibita, eos fuisse hac fide stabilitos, ad quos nunquam legis diuinæ fama peruenit. Nūc naturæ tantum duce, quam vnā in vita maximè sequebantur, veram virtutem assecuti sunt? Sed, ut iam aliqua ex parte demonstratum est, & paulò post magis aperiemus, non tanta est naturæ vis, ut per se possit

possit ad veram honestatem aspirare, aut partam honestatem ad extremū vitæ spiritū retinere. Ergo, aut illi non veram virtutem coluere; sed in illius tantum imaginibus puerili studio confectandis fuerunt occupati: aut, si veræ virtutis compotes extiterē, nullo modo id absque fidei munere & beneficio cōsecuti sunt. Si enim verè nobiscum virtutis ipsius vim & rationem cogitare voluerimus, planè intelligemus, neminem vnquā vllō modo, qui fide diuina caruerit, fore illius cōpotem. Nullum enim opus, nullum consilium, nullus conatus, nulla denique mētis agitatio, per se est vel in vitio, vel in laude ponēda: sed pro fine, quem sibi quisque proponit, aut pro modo & ratione, qua finem consequi studet, eum, qui aliud agit atque molitur, vel laudandum, vel vituperandum existimamus. Omnis igitur veræ laudis ratio est à debito fine, & ab optimā vitæ ratione petenda. Ergo, qui vitæ finem ignorat, in vera laude versari non potest. Si igitur ad recti finis notitiam fides necessaria est; efficitur planè, absque fide neminem virtutem consequi posse. Videamus igitur, in quo sit illud summum bonum, & vltimum omnium rerum expetendarum, optimusq; vitæ finis collocandus; vt sic tandē intelligamus, sitne opus fide ad perfectam intelligentiam illius capiendam. Primum quidē igitur, si fieri potest, illa opinio conuellenda est, quam quidam, ne ab Aristotele in re aliqua dissentirent, attulerunt, nempe, duplicem esse rectum finem hominis; vnum naturæ illius accommodatum, de quo vnum Aristotelem existimant præclarè locutum fuisse: alterū supra hominis naturam, quem suspicantur

nemi-

neminem vnquam Philosophorum comprehendere ratione potuisse. Hos autem, qui ita disputant, in errore nō mediocri versari arbitror. Quoquo enim modo rectum fidem hominis intelligas, non duplex, sed simplex, & vnicus intelligendus est. Vnum est enim summum hominis bonum, vna naturæ perfectio, vnum extremum & vltimum, quò sunt omnia vitæ consilia dirigenda, idemque humanæ naturæ maximè congruens & cōsentaneum. Hoc autem vel ex nostræ naturæ præstantia, vel ex nostri desiderij magnitudine, & immensitate perspicitur. Nam si naturam humanam spectes, quid ratione melius, quid ingenio admirabilius, quid virtutis indole præstantius? quid in omni hac rerum pulchritudine, quam intuemur oculis, mente diuinius? quid est denique in toto mundo, quod ad naturam diuinam propius accedat? Præclare quidem Aristoteles nihil censet esse magis humanæ naturæ magnificentia accommodatum, quàm diuinam mentem contemplari. In eo enim munere omnem pietatis sanctitatē, omnē officij religionem, in eo summam omnium, quā animus capere potest, voluptatem sitam esse decernit. Id autem ex eo euenirē, quòd sit magna nobis cum natura diuina similitudo. Indè sit, vt omnes ad maximarum rerum intelligentiam & sapientiam, & virtutis elegantiam & pulchritudinem nati & apti simus: quæ munera naturam diuinam maximè attingunt. Quòd si tanta est in humana mente dignitas, vt neque cæli totius amplitudo sit cum illa comparanda; quid tandē esse poterit in omni natura, quod naturā nostrā perficiat, nisi diuinæ mentis cū nostra mente cōiunctio? Et

illius enim benignitate profuimus; illius imaginem gerimus: ad illam spectandam atque fruendam nati sumus: & idcirco fit, ut in nulla re alia, quam in vno Deo, possit animus noster insistere. Cum igitur aliquid aliud tanquam summum bonum, errore mentis asciscit, nullum ex eo solidum fructum capit: experiundo sentit, quam inaniter omne vitæ studium in falsa boni specie consecranda consumpserit. Molestia igitur & cura conficitur, & eximia solitudine res alias atque alias, quibus sitim suam sedare possit, sine vlllo fructu conquirat, & vsque ad eum sibi totus tandem displicet, ut animi moestitia contabescat. Vnde colligitur nullum aliud esse finem humanæ naturæ, conuenientem, nisi numen diuinum. Nec enim aliud petendum est vitæ extremum, quam vnde vitæ principium duximus. Naturæ siquidē perfectio est, eò, vnde primum fluxit, conueniens & apta conuersio. Cum igitur à Deo orti, & ad similitudinem illius expressi & efficti simus, mentisq; præstantia & altitudine speciem illius referamus; poteritne aliquis alius finis naturæ nostræ conueniens excogitari? Quid autem de infinita humanæ naturæ cupiditate dicendum? Nonne satis argumenti est, quam instructi simus à natura ad immensa bona perfruenda, quod nemo possit in his bonis, quæ vulgus hominum sitienter appetit, acquiescere? Nec enim auari modum pecuniæ cupiditati præfiniunt: nec ambitiosi in honorum studio terminis vllis contineri possunt: neq; qui voluptatibus dediti sunt, voluptatibus ipsis finem vllum constituunt: nihil denique est in omni rerum natura, quod hominis mentem explere &

satiare.

fatiare possit, cū semper immensa & infinita desideret. Neque solū ea sibi parare, sed parta retinere, atque perpetuò conseruare miserè cupit. Interitum igitur anxie reformidat, & mortis illata mentione perhorrescit. Vndè colligitur, omnes homines ardentissimæ cupiditatis studio flagrare. Indè autem & procreandæ sobolis mira libido, & propagandi nominis acre studiū in hominibus existit: vt ea videlicet ratione mortē, quam summo odio persequuntur, effugiant: & se se, quo quo modo possint, ab interitu vindicent. Nec enim existimant eos morte omninò deleri, qui vel filium aliquem sui corporis & animi effigiem, vel diuturnam sui nominis memoriā, post mortē in vita relinquunt. Vndè concluditur, oēs esse æternitatis appetētes, diuinæq; naturæ studio vehemēter incēssos. Qui. n. honores immēsos atq; sempiternos: qui voluptates stables, & nunquā interituras exoptat, qui deniq; expetit opes infinitas, & cupiditate omnium simul bonorum incitatur: nōne perspicuum est, eum Dei conditionem postulare, diuinumque statum concupiscere? Sed, cū temeritate quadam mentis elati, falsa & fallentia bona pro veris intuemur. & quidquid primū specie, vel vtilitatis, vel suauitatis, vel honestatis sensus nostros allicit, furenter arripimus: euenit, vt illud æternitatis studium in res fluxas & caducas, & in ludibria vitæ conferamus: quæ, cū non possint vllō modo animis nostris satisfacere, intelligimus tandem, frustra nos studuisse vel pecuniæ, vel honorib. vel voluptatibus, vel reliqua eiusmodi somnia fuisse cōsectatos. Ergò cū nihil sit rebus humanis, quod

DE IUSTITIA

animis quietem afferat, & ardentem cupiditatis sitim extinguat: imò, quò affluentius hauriuntur, eò cupiditatem acius irritant, & ea ratione animos vehementius excruciant: nònne liquet, omne humanę mentis studium amore diuinitatis inflammari? Quòd si ineptè perseueras in eo, vt asseras, hominis finem secundum humanę naturę rationem non alium esse, quàm honestatem; eodem argumento te premam. Ipsa enim honestatis appetitio, cùm nullum modum habeat, neque sibi laudis terminum vllum præscribat; satis indicat, omnem animi impetum ad studium verę atq; sempiternę dignitatis impelli. Cùm autem sempiterna dignitas in Deo tantum sit posita; sequitur, vt, qui dignitatem expetit, eamque cupit esse sempiternam, quod omnibus hominibus natura contingit, Deum expetat. Sed, quemadmodum is, qui natura flagrat eternarum diuitiarum cupiditate, aut voluptatibus sempiternis affluere cupit, illum animi impetum errore quodam mentis in opes fallaces, & in voluptates inanes confert: ita, qui naturę lege & præscriptione incitatur ad aternę dignitatis studium, furore quodam præcipiti rapitur ad inanissimę dignitatis & glorię cupiditatem. Sic autem euenit, vt, quasi somnio delusus, dum honestatem sequitur, in sempiternum dedecus incurrat. Quid enim est aliud animi dignitas, quàm animi præstans & eximia pulchritudo, ex diuina specie & pulchritudine luculenter expressa? Ex quo sequitur, eum tantum fore dignitatis participem, qui Deum intuetur, totumq; se ad exemplar illius effingit. In quo nequeo satis admirari Platonem in Conuiuio, de verę dignitatis amplitu-

plitudine, sub persona Socratis, luculentissimè differentem. Illic enim Socrates, cùm de amoris natura multa, eaquæ præclara dixisset, ait tandem, Diotimam quandam fuisse, singulari prudentia fœminam, atque sacrorum antistitem, cuius in oratione se fuisse dicit ad amatoriam disciplinam, quæ veræ pulchritudinis intelligentia continetur, ad modum diligenter institutum. Hoc autem amoris principium à Diotimâ constitutum asserbat. Primum quidem, cùm omnis amor ad honestam speciem & formâ referatur, euenire, vt corporis honesta species animaduersa, protinùs amorem excitet, amorem verò animos repentè coniungere. Ex ea autem familiaritate, & coniunctione, & animorum quasi congressu, pulchritudinem & elegantiam splendidæ & ornatae orationis oriri. Tum simili venustate in multis corporibus animaduersa, communem ipsius pulchritudinis notionem in animis informari, summamq; amoris vim ab vno corpore pulchritudinis particepe, ad vniuersæ pulchritudinis speciem atq; naturam transferri: ita, vt, quantum quisq; in pulchritudinis ipsius cognitione, & amore progrediretur, tantum de illo amore, quo corpus vnum venustum amabat, remitteret. Inde autem gradû fieri ad animi pulchritudinem, amoremque vehementius incendi, animosq; arctiore quodam vinculo copulari, & ex ea coniunctione multiplicè honestatis fœtum existere. Deinde ipsam honestatis speciem & formam, quæ cunctis animis pulchris, pulchritudinis causam attulit, mentis intelligentia comprehendi, & animos ad se vehementius amandam allicere, studiaque dignitatis

& pulchritudinis acriùs excitari, scientiamq; tandem ipsius pulchritudinis effici; quæ tanquam gradibus, animos ad summæ & altissimæ, atque sempiternæ pulchritudinis contemplationē perduceret, quæ neq; turpitudinis contagione maculari, neque temporibus immutari, neq; ullis sordibus illini, nec augeri, nec imminui, neq; senio & vetustate consumi potest, cum sit semper vna, & eadem, sibiq; similis, nullam in omni æternitate mutationem subiens, mentes, in ea defixas eximio atque sempiterno lumine collustrans. Finē igitur hominis, atque totam vitæ beatæ rationem, illius præcellentissimæ dignitatis, & pulchritudinis contemplatione contineri. Fieri enim minime potest, cum animus in diuinam illam speciem intentus, illius pulchritudinem, quantum potest, acerrimè contemplatur; quin ad amorem illius exardescat, illi coniungatur, seseque totum ad illius imitationem accommodet, atque tandem in se similem quodammodo dignitatis & pulchritudinis formam concipiat. Concludit igitur eo in loco Socrates, eos tantum fore magnos homines, & ampla dignitatis & honestatis specie florentes, qui diuinam illam honestatis speciem puris animis intuentur. Animis siquidem impuris eam inspicere nefas esse confirmat, eos autem, qui humi strati sunt, & cælestia minimè contuentur, neque possunt ipsius pulchri naturam aspicere; quamvis aliqua honestatis specie teneantur, nullo modo censet veram honestatem, sed inanissimam illius imaginem colere, vanissimoq; gloriæ simulachro delectari. Inde autem fieri, ut, qui popularē gloriā sequitur, & ad honestatem, quæ ho-

minum

minū errante opinione cōtinetur, aspirat, quietus esse nō possit cū nullā vnquā verē gloriæ suauitatem gustārit: sed quò magis ad honestatē enititur, eò maiorib. sæpenuerò ignominia sempiternę notis inuratur; atq; ita turpitudinis consciētia, pœnas erroris & amentia persoluat. Hæc quidem igitur; est etiā doctissimi illius viri sententia neminē vnquam ad veram & solidam dignitatem esse peruenturum, qui non prius mentem castam, & purā, & verissimæ laudis cupiditate flagratem, in illam præstantem & eximiam, & sempiternam pulchritudinem intenderit, è qua semper omnis decoris & dignitatis ratio manat & fluit. Qui igitur hanc intueri non possunt, quamuis omnibus viribus ad honestatem aspirent, nunquam solidam & expressam illius effigiem, sed simulachrum inane comprehendunt; falsaque specie capti, dum honestatis vestigia se persequi putant, in deformitatem insignem & dedecus animi sempiternum, vesana & præcipiti mente rapiuntur. Idcirco fit, vt, quamuis ad breue aliquod tempus laude sibi circumfluere videantur; nunquam tamen ex ea solidum tranquillitatis & constantia fructum excipiant: sed quò magis in ore hominum sunt, eò grauioribus molestijs assiduè confligentur. Nihil enim fictum & inane potest quietem animis afferre, diuturnamq; voluptatem efficere. Ergò, quemadmodum nec in falsis opibus est vllō modo finis humanæ vitę ponendus, ita nec in adumbrata dignitatis imagine. Cū autem vera dignitas in diuinæ tantum dignitatis imitatione sit posita; consequens est, vt qui veram dignitatem appetat, Deum appetat. Qui

dicunt igitur, beatæ vitæ rationem totam esse in dignitate reponendam, eam in Deo planè collocant, aut planissimè delirant: siquidem constat, veram animi dignitatem à Deo segregari non posse. In quamcunque igitur oram te ratione conferas, ut vestigijs omnibus summum hominis bonum inuenias, semper tibi cæleste atque sempiternum numen occurret. Ex quo fit, Deum solum esse summum illud & altissimum bonum, humanæ naturæ aptissimum. Id enim solū animos nostros omnibus veris bonis cumulare potest. Nam, si opes exquirimus; is nobis veras & immensas opes elargitur. Si voluptates appetimus, is est, qui piorum animos non futili & inani, sed vera & stabili voluptate perfundit. Si dignitatem tibi proponis, ille est inexhaustus atque perennis virtutis fons, summum dignitatis exemplum, totius elegantię & venustatis origo, nostrique decoris & honestatis architectus. Si securitas beatum animi statum confirmat (nec enim in metu & solitudine beatus esse quisquam potest) tum demum omni metu liberabimur, cū in illius summi atque præpotentis Domini tutela fuerimus. Si postremo rectè positum à multis est, summum hominis bonum esse, naturæ congruenter viuere, tū certè vitam nostræ naturæ congruentem agemus, cū Deū inuebimur, illum amabimus, illum sequemur, totosque nos ad illius exemplum accommodabimus. Quid enim aliud est in vita, quod nostrę naturę sit aptum, conueniens, & consentaneum? Nunquid ad ludū, ad iocum nati sumus? nunquid ad inania simulacra virtutū inanissimo studio sectanda procreati? nullo modo: quin potius ad

grauitatis, & constantiæ magnitudinem, ad verissimæ virtutis & honestatis excellentiam, ad cælestium atque diuinarum rerum intelligentiam: ad omnia denique summa, atque sempiterna, atque adeò ad ipsam diuinitatē ficti & informati sumus, naturæque ipsius disciplinis mirabiliter instituti. Ob id igitur euenit, vt nihil infra Deum sit, quod nos explere & satiare possit, animosque nostros stabili atque sempiterno gaudio afficere. Ergò, si naturæ humanæ dignitatē atque præstantiam mente consideres, constat, nullo modo duplicem esse illius finem, sed vnum tantum; qui quidem in solo Deo consistit, ad quem omnes natura duce vehimur, tanquam ad illud extremum & vltimū, quod solum potest animos nostros omnibus bonis affluentes, & quietos efficere. Nunc autem consequens est, vt videamus, nū possimus ad hunc summum naturæ bonum, ipsius naturæ tātum opibus innixi, peruenire. Minimè verò. sic enim nobis Deus diuini status appetitum dedit, vt diuinitatē ipsam minimè tribueret. Dei enim proprium est, sua tantum virtute niti, neque ope alterius indigere. Homines autem, vt non sua ipsorum opera, sed diuina formati & figurati sunt; ita non sua tantū opera, sed diuina, id, quo naturæ insita cupiditate rapiuntur, vllō modo consequentur. Vt enim, quāuis oculos acres & vigentes habeamus, nullo modo poterimus solis splendorem, clarissimamque illius speciem videre, nisi prius ille lucem oculis ipsis offerat: ita neque Dei speciem & pulchritudinem contemplari poterimus, nisi prius simus illius diuinæ lucis radijs clarissimis illustrati. Nisi igitur is, qui nostros animos effinxit, eosdē suæ

glutinent. Sic autem necesse est, animum omnia bona corporis cupiditate metiri. Quamuis igitur quasi per caliginem, verum aliquod visum mentis oculis aliquando vsurpare valeat; non poterit tamen illud apprehendere, cū sit vndique innumerabilibus malis obsessus, & corporeis vinculis alligatus. Hinc enim libido violento quodam lenocinio animum labefactat: inde metus horribili aliqua specie extrinsecus iniecta debilitat. Quid, cū voluptas animum blandicijs emollitum omni munere mentis & rationis spoliat? quid, cū dolores admoti eum discerpunt, atque dilaniant? quid referam immanem honoris, gloriæ, diuitiarum cupiditatem? quid odium, inuidiam, iracundiam, & alias eiusmodi pestes, quæ animum exedunt & conficiunt, oratione recenseam? Num poterit humana ratio tenebris inclusa, tantis, tam immanibus, tam importunis hostibus per se resistere? at ipsa ratio est, quæ ministrat libidini, quæ seruit flagitio, quæ denique est ipsius cupiditatis effrænatae mancipium. Quomodo igitur id, quod est ægritudine confectum, salutari quæ auxilio destitutum, & imperio turpissimæ cupiditatis addictū, poterit ipsis cupiditatis immanitatē profligare? valentius enim malū est, quā vt possit humanis viribus & ratione depelli. Ergo tantisper, dum animus fuerit à luce diuina relictus, illius quæ auxilio destitutus, nullo modo poterit tantam vim mali arcere, veram quæ virtutem adipisci. Quomodo enim prudentiam, quæ est bonorum & malorum scientia, is valebit assequi, qui ita est tenebris oppletus, vt pro salutaribus noxia & mortifera concupiscat, & in pestem ante

oculos

oculos positam impetu cæco rapiatur? Iustitiam verò, quomodo obtinebit is, qui vitæ legem ignorat, qui iuris fontem non videt, qui summam totius æquitatis regulam non percipit, qui denique in diuinam mentem, qua omnis iustitiæ ratio continetur, non respicit? In fortitudinis autem laude quomodo vigebitis, qui humana despiciere nequit, neque mortem & dolorem contemnere: cum totus ita pendeat è corpore, vt summum malum in illius dolore & cruciatu ponendum statuatur? Iam verò, quod ad modestiam, & vitæ totius ornatum & concinnitatem attinet, quis non videt, fieri non posse, vt aliquis modum, & ordinem, & convenientiam in vita conseruet, qui ordinis & totius honestatis rationem, atque normam & regulam, ad quam sunt omnia consilia dirigenda, non cernit? Deus enim solus est vitæ modus, ad quem omnia redigenda sunt in quibus futurum est, vt aliquod pulchritudinis & venustatis veræ lumen eluceat. Cum igitur omnis animi recta constitutio in lumine diuino, in illa summa totius æqualitatis ratione, in illo cælesti & inuictò præsidio, in illo summo pulchritudinis exemplo sita sit; fieri nequit, vt, qui sese à Deo disiungit, rectè moribus & vita constitutus esse possit. Sic igitur euenit necessariò, vt ratio, aut voluptatum blanditijs effoeminata languescat, aut doloris magnitudine cruciata succubat; aut alia quauis eiusmodi perturbatione cōcitata scelus aliquod immane concipiat: &, quauis interdum suæ naturæ memor ad aliquam partem laudis aspiret, cum tamen fractum & irritū conatum ad honestatem conferat, ipsius libidinis impetum eā ab officio reuocantis diu

diū ferre atq; sustinere non possit. Vt enim ægrotus, cū ad aliquod sani hominis atque valentis officium enititur, quamuis se erigere & efficere aliquid conetur, tamē in ipso conatu concidit, neque potest, quod malē inchoauit, si renuē vllō modo perficere: sic qui animo ægri sunt (vt sunt omnes qui Dei lucem non aspiciunt:) quamuis enitantur aliquando ad aliquod veræ laudis officiū; in medio ipso conatu franguntur. Sed inquires, esse nobis impressam & insculptam legis diuinæ scientiā, quæ vetat delinquere, & studium honestatis impellit. Verum hoc quidem est; sed quemadmodum de lege quam Deus in tabulis lapideis incidit, statuendum est; ita est de hac incisa in animis nostris dicendum: eam seruari à nobis non posse, quandiu sumus in cupiditatis nefariæ dominatu. Tandiu autem in illius potestate sumus, quandiu ope diuina minimē liberamur. Cū enim sit animus corpori incredibili amore deuinctus, & ab ipsius coniunctione distrahi & diuelli per se nequeat, omnem vitæ rationem ad corporis obsequium reuocet, opus est. Benē igitur Plato, omnem viam vel Reipublicæ salutaribus institutis moderandæ, vel animi rectē constituedi in Philosophia, quæ continet studium sapientię, ponit. Sapientiam enim in cognitione boni constituit. Bonum autem, illam eximiam præcellentemque naturam appellat, qua omnia sustinentur, & vigent. Illius siquidem numine fit, vt omnia gignantur, conseruentur, alantur, augeantur, ad vltimumque naturæ perueniant. Ergò, cū illud optimum præstantissimumque numen omnē lucem in se ipso contineat; euenit, vt illi tantum

vera

DE IUSTITIA

vera cernant, quorum mentes illius clarissimo lumine collucent, illudque, quantum possunt, vita & moribus imitantur. Inde igitur ait pietatem, inde vitæ constantiam, inde virtutis decus eximium, inde animi excellentis altitudinem existere; & reliqua verissimæ laudis ornamenta, quibus animi puri, & integri, diuinarumque rerum studio flagrant excoluntur. Itaque omnem beatæ vitæ rationē in vna virtute locat: virtutem verò in diuinæ tantum virtutis imitatione constitutam esse decernit: ita, vt, qui in Deum non respicit, nullo modo possit veræ virtutis laudibus abundare. Omnes igitur homines, qui à Deo auersi sunt, nec illam clarissimam & iucundissimam lucem aspiciunt, dicit esse tenebris immersos, & erroribus innumerabilibus implicatos: ita vt sit illis durissima flagitiorum omnium seruitus necessario patienda, extremaque miseria subeunda. Facit enim stultorum hominum vitam (omnes enim stultos esse censet, quorum oculis nondum est diuinum lumen Dei ipsius benignitate prælatum) similem sublustri domicilio, sub terra extructo, in quod per speluncæ in altitudinem depressæ ostiū, ingressus pateat: nec aliam lucem accipiat, quàm eam tantum, quæ per speluncæ illius angustias in domicilium illud penetrare possit. Fingere autē iubet animis, magnam hominum victorum multitudinem, ab speluncæ aditu auersam, quæ semper illic in vinculis habitaret: neque possit vlllo modo propter catenas, quibus est alligata, oculos in ipsius specus ostium conuertere, allatamque intrò lucē respicere. Hos autē cēset nihil cernere, nihil sentire posse, nisi tantum umbras, quæ ex homini-

mini-

minibus & iumentis ; propter specum supraterram transeuntibus, efficerentur. Ergò, cùm neque solis vnquam lucem oculis aspexerint, neque veros homines, veraque animantia viderint; necessarium euenire credunt, vt nihil illo domicilio clarius, nihil vmbreis illis verius existiment: ita, vt, si quis ex his locis, quæ incolimus, in specum illum demissus eis dicat, intra antrum illud nihil veri, nihil solidi cerni, sed inanes tantum vmbrae ob eorum oculos circumquaque volitare, stultus & insanus existimetur. Hanc autem similitudinem ad hominum imperitorum vitam transferebat. Omnes enim ita sunt, quasi quodam ergastulo, compagibus crassi & caliginosi corporis inclusi, rebusque terrenis addicti; vt non possint caput attollere, aspectumque in diuinam lucem conuertere. Sunt enim cupiditatibus infinitis ita constricti, vt nequeant vlllo pacto quidquam intueri, nisi quod ad corporis voluptatē, & emolumentum referatur. Cùm autem omnia, quæ corpore constant, si ad diuina atque sempiterna referantur, sint vmbrae tantum, & inania quædam visa, plurimum à veritatis ipsius soliditate distantia: constat, omnes mortales, quandiu ita vincti detinentur, non posse verum contueri, sed vmbreis assuefactos illarum consuetudine delectari. Ita igitur fieri, vt cùm mendacio & vanitate gaudeant, non queant veris bonis frui: sed, quò magis, vt bona sibi comparent, enituntur; eò grauioribus malis, & ærūnis acerbioribus opprimantur. Vnicum igitur in tantis malis remedium arbitratur, nempe diuino beneficio vinculis illis eximi, ex abditis illis sedibus in supera loca euadere, solis & siderū lucē aspice

re, veramq; rerum faciem, non obscuras & inanes rerum imagines intueri: quod fieri censeret, cum aliquis diuino munere & beneficio, omni flagitiosa cupiditate liberatus, totum se dat ad bonum illud summum, animo puro, & integro, & libero contemplandum & imitandum. Vidit igitur vir ille Græciæ sapientissimus, singulari Dei beneficio nobis opus esse, ad vitæ finem consequendum, animumque rectis disciplinis excolendū, nefariamque cupiditatem acerrimè comprimendam, & absque illius ope veræ virtutis munus extare non posse. Quod magis admiror, quid in mentem venerit quibusdam viris pijs & eruditissimis asserere, posse nos, si velimus, absque singulari Dei præsidio, naturam, officiorum omnium magistram, sequi, præscriptisque rationis obtemperare, omnibusque diuinæ legis iussis obedire. Quinetiam summum illud omnium præceptum, quo lex vniuersa continetur, quod præscribit, ut Deum supra res omnes diligamus, asserunt posse ab illis observari, qui nondum sunt singulari Dei auxilio præmuniti. Excogitarunt igitur, duplicem esse in Deum charitatem: vnā, insitam in nobis, qua naturæ tantū admonitu Deum rebus omnibus anteponendum ducimus: alteram supra naturam, ad quam fidei vigentis viribus excitamur. Naturalem igitur sine Dei singulari ope constare posse; eam verò, quæ fide incenditur, non posse. Quod quidem bona illorum venia dixerim, nimis inconsideratè dictum existimo. In eo enim primum grauerant, quod existimant, aliquam esse in Deum charitatem, quæ fide munita non sit: aliquam rursus, quæ non sit humanæ naturæ conueniens. Est enim

omnis charitas cum fide coniuncta. Deum enim amare non possumus, nisi prius firmam animis nostris informationem sapientiæ, & bonitatis illius habeamus. Quod enim est incognitum, amorem excitare non potest: neque est quidquam, quod ad amorem alliciat, nisi præclara speciei dignitatis antecellat. Omnis autem firma & stabilis informatio animi, vel sensu fit, vel ratione, vel fide. Deus autem qualis sit, neque sensu informari à nobis potest, cum sit mens pura ab omni corporis cōcretionē segregata; neque ratione, cum illius maiestas & amplitudo ingenij nostri angustijs contineri nequeat, & vis illius sempiterna humanæ mentis imbecillitate compræhendi non possit. Reliquum igitur est, ut qui illius bonitatem animo cōpræhensam tenet, fide contineat. Si igitur Deum nemo amare potest, nisi prius quoad fas est, illius virtutem & bonitatem animo compræhendat, quod absque fide fieri nequit: Deum certe nemo complecti amore poterit, absque fide. Præterea omnis charitas in Deum pietas est: pietate verò omnis sanctitas & religio continetur: sanctitas porro absque fide extare non potest: ergo neque charitas in Deum à fide segregari, unquam poterit. Fides enim in officio maximè cernitur: qui autem Deum maximè diligit, omnium maximo & præstantissimo officio fungitur: qui igitur Deum diligit, fide perfungitur: Deinde, verus amor officijs & operibus comprobatur: omnia autem diuini amoris officia, sunt in vna obedientia collocanda: obedientia verò fides est: quicunque igitur eum supra omnia diligunt, fideles existimandi sunt. debitum enim officium

DE IUSTITIA

tinentur. Hinc autem sequitur; omnes, qui rectam rationem sequuntur, Deum debita fide venerari. Est enim recta ratio lex diuina, mentibus humanis incisa, à flagitijs omnibus auocans, & ad omnia officia virtutis impellens. Quod enim Deus olim cum legem dabat Hebræis, præscripsit in tabulis lapideis; idem omnino à primordio generis humani in hominum mentibus insculpsit. Vnde colligitur, legis diuinæ vñ humana prudentia contineri. Qui igitur præscripto rectæ rationis obtemperat; Dei iussis obtemperat; qui autem Deo obtemperat, fidem colit; qui igitur rectam rationem sequitur, fidem colit. Postremo, iusticiam nemo potest obtinere, nisi sit veræ fidei auxilio singulari præmunitus. Iusticia verò in obseruatione legis diuinæ consistit. Est enim iusticia nihil aliud, nisi ornatus animi, diuina lege perfectus, suisque numeris omnibus absolutus. Hæc autem est illa iusticia, quæ non iactatione & leuitate fertur; sed veritatis ipsius lumine confirmatur; quæ non ostentationi seruit; sed solidum eximix virtutis fructum capit; neque errantem hominum opinionem sequitur; sed ad firmum & stabile mentis iudiciū omnia perpedit. Qui igitur in omnibus vitæ consilijs rectæ rationi paret, veræ iusticiæ laudibus ornatus est. Quod cum absque fide fieri nulla ratione possit; consequens est, ut qui rectam rationem in omnibus vitæ consilijs obseruat, fidelis existimetur. Quod autem omnis veræ iusticiæ ratio in diuinæ legis obseruatione sit posita, Paulus aperte significat: cum ait; non eos, qui legem auribus accipiunt; sed, qui ea, quæ lege sancta sunt operibus exequuntur, esse iustos apud Deum. Osten-

dit deinde, legis diuinæ vim esse mentibus humanis insculptam; & eos, qui eam naturæ legem sequuntur, esse circumcisos, hoc est, iustos existimandos. Quoquo igitur modo accadat, ut homo Deum supra omnia diligat, hoc est, illum omnibus rebus anteponat, legemque illius, quæ tota est in prudentia cõstituta, diligenter obseruet; auctore Paulo & fidelis, & iustus habendus est. Valde igitur errant, qui aliquam charitatis in Deū rationem, munere fidei, diuiniq; iuris spoliant. Alterū autem erratū, quod sequitur, non est leuius existimandum: quòd existimant, eam charitatem, quā à naturali charitate segregāt, quam videlicet Christi fide consequimur, ad naturæ munus minimè pertinere. Sapientius profectò multò magnus ille Basilus ait, omnia amoris diuini semina in humanæ mentis naturam sparsa esse: ita, ut vnū tantū munus nobis efficiendum sit; nempe id, quod diuino munere nobis innatum est, perpetuò colere, ut tandem adultum, atque perfectū possit vberrimos ex se fructus multiplicis virtutis effundere. Ut enim rationibus utamur vñ illius sanctissimi, quem vnū meritò ònis Græcia semper admirata est; quid est magis secundū naturam, quàm illos diligere, à quibus orti sumus? quàm elegantiam virtutis admirari? quàm postremò eos quos in nos valdè beneficos esse conspiciamus, grata voluntate prosequi? Ergò, cum Deus sit generis humani parens & conditor: cum sit virtutis & decoris, & dignitatis & pulchritudinis inexhaustus fons & principium; cum illius munere & beneficio non modò conditi & cõseruati, verū etiam innumerabilibus donis & munerib⁹ ornati & instructi simus: quid magis

est humanæ naturæ consentaneum, quàm ardenti studio & amore erga parentē illum optimum incendi? Quod si neque naturæ, neque fidei ratione potest duplex charitatis in Deum ratio prudenter excogitari; sequitur, charitatem vnā ab alia, non genere & ratione, sed gradibus & magnitudine debere distingui. Quod igitur de vna aliqua singulari charitate in Deum dicitur, vniuersè de omni genere statuendum est, non posse Deum à nobis absque singulari illius ope diligere: quam cū nemo possit absque fide consequi, nemo certè vnquam sine fide Deum amare poterit. Nam, quæso, quomodo is, qui nondum est singulari Dei ope sanatus, cælestique luce completus, diuinæque virtute stabilitus, Deum plus rebus omnibus amare poterit? Num voluptates omnes, ne Deum offendat, aspernabitur? num iracundiam, odium, inuidiam continebit? num iniquitati & iniuriæ cum fortunarum suarum omnium periculo summa ope resistet? num denique omnia vitæ commoda, num honores & imperia, num omnes humanas opes, si suspicatus fuerit, earum cupiditatem Deo inuisam fore, contemnet, atque despiciet? Quid enim aliud est Deū supra omnia diligere, nisi Dei voluntatem rebus omnibus anteporre? Aut igitur statuis, eum, qui Deum magis rebus omnibus diligit, pecuniā, voluptatē, opes & imperia præ diuina voluntate contemnere: aut nihil omnino dicis. Quæro igitur, num is, quem statuis posse natura tantum adiutum, rebus omnibus Deum anteporre; si ne iam è dominatu cupiditatis ereptus, an maneat adhuc eisdem cupiditatis ipsius indomitæ vinculis alligatus? Si est in dominatu cupiditatis po-

tis positus, id certè tantum efficiet, quod cupiditas imperabit: quæ cum sit natura diuinę legi contraria & inimica; restat, vt omne studium hominis imperio illius addicti cum lege diuina pugnet. Nullo igitur modo Deum corporis commodis & emolumentis anteponet; immò, vt cupiditati corporis obsequatur, omnia Dei præscripta contemnet. Si autem iam cupiditatis iugum à se repulit, in libertatemq; vindicatus est, quæro rursus, num id diuino munere, an viribus & opibus suis affectus sit. Si diuino beneficio dicas, falsum igitur est, quod asserebas, eum naturæ tantum præsidio firmatum, Dei legem seruare. Nisi enim is, diuino auxilio fultus, cupiditatis iugum à ceruice sua depulisset, Dei legem seruare minimè potuisset. Si verò statuas, eum viribus & industria tantum sua cupiditatem omnem rescasse, libertatemque obtinuisse; summum in te scelus admittis. Pelagij namque vestigijs ingressus, gloriam diuinę gratiæ debitam ad humanam industriam transfers. Nihil enim potuit vires cupiditatis exscindere, nisi gratia diuina. Aliter enim quid est, cur tantoperè Paulus fidē exornet? cur humanæ miseriæ imbecillitatem exaggeret? cur diuinę gratiæ immensas opes efferat; si absq; fide potest humana natura, & absque vlllo Dei singulari subsidio cupiditatem elidere, omnes animi labes repellere, turpitudinis & impuritatis fibras omnes extirpare? Nec enim is vlllo modo est, qui decernat, tantam inesse in humana natura vim, vt ea per se possit rectè moribus atque vita constitui. Nunquā enim distinctionem illam adhibuit, vt diceret, aliā esse rectam animi constitutionem naturæ congruentem, quæ tamen

in celum dux esse non posset: aliam verò supra naturam, quæ caelestem gloriam meritis vitæ consequitur. Nondum enim tātum in terris acumen extiterat, neque tanta in disputando subtilitas, vt sine ulla graui causa, quæ sunt coniuncta, distingueret; vt ij faciunt, qui duplicem hominis finem ponunt, duplicem in Deum charitatem, duplicem postremo hominis statum, prudentia & mente fundatum, rectaq; ratione stabilitum. Nam si Paulus disputauisset, multos mortales absq; fidei adiumento pietatem coluisse; moderatèq; vixisse, in omniq; genere virtutis excellentes extitisse; addidisset tamen, ea veræ virtutis ornamenta nullum eis penitus fructum, qui ad gloriam sempiternam valeret, attulisse. tum certè dicerem, Pauli mentem cum horum hominum mente congruere, qui aliam virtutem veram quidem esse statuunt, sed æternæ gloriæ præmio indignam: aliam verò, cui sit præmium æternæ gloriæ constitutum. Sed nunquam id posuit in oratione Paulus: quin potius omne genus humanum, gratia diuina vacuum, erroris & amentiae conuincit; neminemque excipit, qui non sit omnibus libidinum maculis inquinatus, summisque sceleribus auaritiæ, crudelitatis, immanitatis astrictus. Principium autem humanæ labis & ruinæ ab illo summo scelere ducit, quo homines fidem Deo debitam nefariè prodiderunt; leuissimiq; opinionibus inflati, præcipitiq; ingenij confidentia, in turbulentissimos errores inciderunt: ex quo intelligi vult, neminem absque fide vnquam sapienter, rectè, constanter, & moderatè viuere potuisse. Quod etiam euenisse confirmat omnibus Iudæis, quæ legis confidentia tuebant;

neq;

neq; totam veræ pietatis rationem in diuina benignitate collocabant. Eos enim similiter ait fuisse flagitijs omnibus coopertos, & summa immanitate crudelitatis efferatos, acres in scelere, & suorum sanguinem perpetuò sitientes. vndè colligit, illos frustra in disciplina legis enutritos fuisse. Sic autem premit hunc locum, vt demonstret, nequerationem hominibus, neque Philosophiam Græcis, neque legem, quidem diuinam Hebræis vllum ornamentum, veræ virtutis attulisse: esseque proinde omnibus, qui laudem & dignitatem charam habent, ad vnum Deum confugiendum. Vt autem id magis inculcet, docet quanta sit naturæ imbecillitas, quanta rursus cupiditatis immanitas: ita; vt, quamuis ratio cum lege diuina consentiat, eam tamen cupiditas faciliè quocunque ruere incipit, constrictam abripiat. Huius autem miseræ efugiendæ rationem, vnā penitus esse dicit, quæ diuina gratiæ singularique illius præsidio continetur. Tum confirmat, id, quod lex propter imbecillitatem naturæ præstare nullo modo poterat nempe, vt homines castos atque sanctos efficeret, Dei filium in humana forma & habitu latentem perfecisse. Is enim solus est, cuius numine & beneficio libidinem frangere, & omnem cupiditatis importunitatem reprimere, perfectumq; virtutis officiū tueri faciliè possumus. Hæc est Pauli mens & sententia, vt in sola Dei gratia, quæ fide cōparanda est, omnem rationem elidendæ & cōprimendæ cupiditatis sitam esse constituat, nullamq; aliam viam illius extinguendæ atque delendæ esse doceat. Et tamen erit quisquam tam auersus, nō dicā à ratione, verum etiā à Pauli mente, atq; aded

à diuino spiritu in Pauli pectus incluso, vt affirmare audeat, natura tantum fieri posse, vt homo non modò virtutes omnes adipiscatur, verum etiam Deum eximie diligat, & in cupiditatis regno pietatis maiestas & amplitudo dominetur. At quã aptè id colligant, operæ precium est animaduertere. Natura inquit, statutum est, vt proprio quisque bono commune bonum præferat. Vt igitur manus sese opponit, vt vulnus, quod capiti infertur, excipiat, & perniciæ suæ corporis totius vitam tueatur: sic natura quisque incitatur, vt morte suæ patriæ salutem redimat, & in omni loco commune bonum suis commodis anteponat. Cùm autem nullum bonum sit Deo maius, neque quod latius pateat: omnia siquidem sempiterno illius numine, & immensa benignitate sustentur: consequens est, vt quilibet natura incitetur ad Deum summè diligendum. Rectè sanè, sed meam adhuc causam agis. Naturæ enim legem explanas, nõ mihi legis obseruandæ facultatem vllam largiris. Hæc igitur est naturæ lex, hæc iuris diuini sanctio, vt patriæ salutem propriæ saluti præferamus, nihilque ardentius, quàm Deum, amemus. Sed ita turbat animū cupiditas, tantisq; erroribus complet, vt totum hominē à studio communis boni, & cultu pietatis abductum, ad corporis obsequium traducat. Non igitur tunc humani generis societate conseruabit, nec, vt Deo placeat, elaborabit; sed corpus tantum respiciet, vsque aded, vt inutilis etiã & inanis voluptatis gratia, & generis humani salutem, & numinis diuini sanctitatem contēnat atque despiciat. Est enim libido legis diuinæ contemptio, & societatis humanæ distractio, & istius

amicitiæ, quã lex naturæ præscribit, interitus atq;
dissolutio. Libidine autem ducimur omnes ante-
quam simus Dei gratia sani. Quid, inquiunt, mi-
rum, nos naturæ tantum admonitu rebus omni-
bus posthabitis Deum summè diligere, quando
fieri etiam possit, vt natura tantum admoniti, a-
micos summè diligamus. Primùm quidem id fal-
sum est, vt quisquam, naturæ tantum præsidio ful-
tus, aliquid aliud, nisi seipsū summè diligit. De-
indè, vt id fieri aliquando possit, nõ tamen effici-
tur, vt homo addictus libidini, Deum possit sum-
mè diligere. Amici enim videntur à nobis; & ami-
citæ inter homines institutæ, ad sensus maxima
ex parte referuntur: Deus autem oculis cerni nõ
potest. Cùm sit igitur ab oculorum aspectu remo-
tus, quamuis sit summè diligendus, minimè tamò
amabitur ab hominibus in terram abiectis atque
demersis, omniaque sensu metientibus. Vndè Io-
annes ex odio hominum inter homines aptè col-
ligit, Deū ab hominibus amari nullo modo pos-
se. Qui, inquit, non diligit fratrem suum, quem
videt; quomodo Deum, quem non videt, potest di-
ligere? Loquitur cum hominibus, terræ penitus
affixis, qui ita sunt addicti sensibus, vt nequeant
vllò modo mentem à contagio corporis, & à con-
suetudine oculorum abducere, quibus censet, lō-
gè facilius esse homines, quàm Deum amare. Hos
enim corpore vident; Deum verò, cæcitæ men-
tis impediti, non vident. Si igitur homines, quos
vident, immani odio persequuntur; quomodo
Deum amabunt, quem nunquàm aspexerunt, &
cuius leges, & sanctiones, eorum cupiditatibus
acerrimè aduersari conspiciunt? poteritne fieri,

ut non sit Deus in odio summo apud eos, qui toti sunt in cupiditatis quodammodo naturam conuerſi, cū cupiditas ſempiternas inimicitias cum diuina mente gerat? Ita ſanè inquiunt: non quidē, ut ſummum bonū (nam id non in Deo ſed in corporis voluptate, & emolumento conſtituunt) ſed ut naturæ principiū: nempe, quia ſentiunt diuina natura contineri ſuam; euenit neceſſariò, ut, quāuis ſint ſceleſtiſſimi, magis tamen Deum, quā ſe diligant. Mira diſputandi ſolertia, quæ homines minimè malos in tam leues & ineptas ſententias incidere compellit. Dum enim, quod temerè conſtituunt, tueri fortiffimè perſeuerant; nihil eſt tam abſurdum, nihil tam optimæ philoſophandi rationi contrarium, quod affirmare dubitent: velut in hac diſtinctione perſpicitur. Primum enim amor, cū ſit voluntatis præcipuum munus & officiū; voluntas autem ſemper in bonum neceſſariò reſpiciat: ſequitur, ut amor ad bonum ſemper neceſſariò referatur. Summus igitur amor in ſummum bonum ſemper intuetur. Si igitur contendis, Deum abiq; gratia illius ab improbis hominibus ſummè diligi; neceſſariò confirmes opus eſt, Deum ab illis neceſſariò ſummum bonū exiſtimari. Quod cū non facis, tu teipſum in eos laqueos induis, quib. explicari non poſſis. Ineptam namq; & implicatā diſtinctio eſt, quæ ſublata boni ratioē, qua omnis amoris ratio nititur, non modò amorem, ſed ſummum etiam amorem conſtituit. Deinde teipſum iugulas, cū ais, Deū ab improbis ſummè diligi, ut propriæ naturæ principium. Qui enim aliū propter ſe diligit, magis profeſſo ſeipſum diligit. ad ſe namq; ipſum a-

morem illum refert. Vt enim tyrannus, cum ciues incolumes esse propter commodum suum cupit: (cernit enim euerſa ciuitate, ſe funditus interiturũ:) non ciuitatẽ; ſed ſeiſum amat: ita, qui propter naturæ ſuæ conſeruatiõem, Dei numen charum habet; non Deũ, ſed ſeiſum amat. Seiſum igitur ſummè diligit; nõ Deum. Verus enim amor, non ſuum emolumentum & commodum; ſed illius, quem amat, reſpicit. Ex quo fit; vt qui voluptate & emolumentis ducitur, vt aliquem amet: nõ illum, ſed ſeiſum amet. Sed hoc minus ad rẽ. Nec enim quæſtio eſt, an ſceleſti aliqua ratione Deum ament; ſed an poſſit homo natura tantum & ratione inſtructus, Deum, vt ſummum bonum, amore ſummo complecti, & ita iuſſis illius omnib. obtemperare. Hæc namq; eſt huius legis, quæ Deum ſummè amare præcipit, mens & ſententia, vt Deũ, tanquam ſummum bonorum omnium, tota mente, omnibuſq; viribus animi complectamur. Quod, qui aſſerunt abſq; diuina gratia fieri poſſe, cum Hieronymo & Auguſtino, cum alijs antiquis patribus, cum Paulo, atq; adeò cum euangelio pugnant. Illud enim tenendum eſt, in regno cupiditatis, hominis mentem exercari, animumq; turbari & tumultari, atque præclara interdum conantem à ſtatu detorqueri; ita, vt nullo modo poſſit quiſquam vel illud ſummum bonũ acriter intueri, vel animum rectè moderari, ſtatumq; ſuum à ſlagitio & impuritate, ab animi peſte atq; perniciẽ tutum & incolumem conſeruare. Regnum autem cupiditatis excindi nõ poteſt, niſi per Dei filium. Ergò, abſq; ſingulari illius ope, nemo poterit aliquid cum vera laude moliri; quem-

quemadmodum inquit ille: Sine me nihil potestis facere. Ad illius autem opem comparandam, fides necessaria est: ad omnia igitur morum atque virtutum ornamenta consequenda, fides in primis necessaria est. Sublata igitur fide, nullo modo potest humana natura in aliqua vera laude versari. Sed occurrit hic vir quidam pius, & in primis eruditus, qui molestissimè fert, esse quosdam pietate quidem præstantes, sed in tantum errorem deductos, ut naturam, quam Deus tam admirabili consilio condidit, abijciant, atque quasi capite damnent; cum sic statuunt: illam, nisi fuerit singulari Dei præsidio fulta, non posse ullum veræ honestatis munus exequi, sed potius omni in flagitio volutari. Et oratio grauis est, & authoritas illius minimè negligenda. Quo igitur argumento sententiæ inuidiam propulsabimus? eodem certè, quo Paulus depulit orationis inuidiam, cum legis confidentiam perpetua disputatione deprimeret. Legem, inquit, euertimus per fidem? non: sed legem stabilimus. Sic & nobis hoc in loco dicendum, non fide euerti naturam; sed firmari potius, atque constitui. Quod enim aliud est, vel legis, vel naturæ firmamentum? Ergò cum dicimus hominis naturam non posse sua ipsius vi munus & officium tueri, ad extremumque peruenire: non naturam euertimus; sed, in quo sit naturæ ipsius lumen & robur, explicamus. Ut enim si quis dicat, nullo modo posse vitem suaves fructus afferre, nisi accesserit ars agricolarum, quæ illam circumcidat, amputet, erigat, extollat, adminiculetur: non vitem, ut inutilem, damnat; sed artem illius colendæ tradit: ita, qui dicit, hominis naturam

ram nihil absq; Dei gratia posse, non naturam dā-
nat, sed in quo sit illius cultus atq; virtus, osten-
dit. Cultus enim animi, est spiritus sancti discipli-
nā: ea enim iacentem animum erigit, & extollit,
• atq; ad suum vltimum perducit. Parum autem a-
nimaduertunt homines, quantum argumentum
humanae dignitatis in hac colligatione, qua tota
mens hominis ex diuinā mente nexa & apta, cōsi-
stat. Vt enim omnia Dei numine & volūtate pro-
creata sunt: ita eiusdem prouidentia conseruan-
tur, & permanent. Sed quò res quæque præstanti-
orem locum obtinet in natura, eò pluribus diui-
næ prouidentiae opib. fulcitur, atq; sustinetur. Sic
fit, vt rebus inanimis hoc tātum largiatur, vt sint:
plantis autem, non tantum, vt sint: sed, vt alantur,
& augeantur, & maturitatem adeptæ, fructus &
semina profundant: animātibus præter hæc dedit
motum, sensum, & appetitum: homini verò, ani-
mantium reliquorum principi, vltra hæc omnia,
largitus est mentem & rationem, qua & Deū pa-
rentem agnosceret, seque cum omnibus homini-
bus iure consociatum intelligeret, & sic in pieta-
tis atque iustitiæ studium incumberet. Ergò, quò
magis excellit homo rebus omnibus, quæ sub as-
pectum cadunt: eò magis necessarium fuit, natu-
ram illius maioribus opibus atq; præsidijs susten-
tari. Cùm igitur Deus in omnem naturam inten-
tus singulis rebus præsens adsit, secundū id, quòd
cuiusque rei natura & conditio postulat: consen-
taneum fuit, vt homini, quem reliquorum ani-
mantium naturis præfecit, non communem, sed
singularem, longeque præstantiorem opem affer-
ret, qua posset expetitum statum adipisci. Ea au-
tem

tem est lux diuina, qua circumfusus homo, facile cernit, Deum esse sibi sequendū, omnesq; beatę vitę rationes in illius benignitate collocandas. Vt enim non satis est oculos vigentes habere, nisi splendore solis omnia dilucescant: sic frustra mentem & rationē habemus, si lux à nobis diuinę mentis abscedit; in tenebris enim & caligine verfabimur. Sic igitur eueniet, vt, qui se rectā ingredi putat, longē aberret, & omnib; in locis offendat, et in multa furenter incurrat, atq; tandem cum summa perniciē concidat, & in ruina miserrimē conteratur. quò enim res præstantior est, eò casus illius & interitus est calamitosior. Qui igitur dicit, non posse hominem absq; Dei præsentissimo numine statum suum tueri, non hominis naturā abiicit: sed, quàm altum gradum in vniuersa natura teneat, ostendit: docet enim, tam insignem eius esse naturam, vt ea sine diuina mente regi nō possit. Quòd autem homo sine hac ope diuina rectē officio fungi nequeat, illud est satis efficax argumentū, quòd omnes virtutes recta ratio gubernat. Vbi igitur recta ratio animū non rexit, ibi profectò mens vires efficaces habere non potest, vel ad verum videndum, vel ad rectē agendū: vbi autem cupiditas in homine dominatur, ingens caligo mentis oculis offunditur, & animus ipse frangitur, atq; debilitatur: ita, vt nequeat, vel verum aspiciere, vel, quod quasi per caliginem videt, atq; rectum esse statuit, exequi. Vnde illud Nasonis, Video meliora, proboq; deteriora sequor. Cupiditas autem dominatu pelli nō potest, nisi per diuinum spiritum. Ergò, neque recta ratio absq; diuino spiritu constare potest. Cuius cum nemo

par-

participes esse possit absq; fide; sequitur, vt nemo possit esse prudens absque fide. Vbi verò prudentia non viget, nulla vera virtus existit. Vbi igitur fides mentem non instruxerit, nulla vera virtus enitescet. Vt igitur ea, quorum causa hæc disputatio hoc in loco instituta fuit, oratione concludamus; aut illi, qui maximas artes excoluerunt, magnamq; aliquam hominib. vtilitatem attulerunt, atq; hominum fama & celebritate in laude vixerunt, fide fuerunt illustrati, aut nullo modo virtutem, sed inane simulachrum virtutis coluerunt, multis flagitijs, quasi sordib. & illuie foedatum, maximisq; turpitudinum maculis inustum. Aut enim ad veram honestatem omnia referrebant: aut ad rumorē populi colligendum. Si veræ honestati dediti fuerunt, cū ea tota sit ex diuinæ honestatis, & pulchritudinis splendore ducta: ij certē fuere diuinis opibus ornati & instructi, veræq; virtutis laude præcellentes: quod quoniam sine fide consequi non poterant, eorum virtutem ad fidem referendam censeo. Sin autem nō veram honestatem; sed falsam illius imaginem consecrati sunt, nullo modo virtutem nouere, sed virtutem simulātes, inclusas libidines, & execranda flagitia, fronte & supercilio contexere. Sit Socrates, aut Plato, aut Xenocrates, aut cuius alius doctrinæ gloria præstans, & in egregia laude versatus: aut illi nullam omninō partem veræ honestatis attigerunt: sed in illius vmbra persequenda studium consumpserunt: & ita, cū essent cooperti flagitijs innumerabilibus, virtutem e mentiti sunt, cū occultē scelera infinita conciperent: aut si vera laude viguerunt, id nullo modo

modo, nisi diuino motu, & impulsu, singulari-
 præsentissimi numinis ope consecuti sunt. Præ-
 clara est enim illa Ciceronis vox, neminem vn-
 quàm virum magnum sine aliquo afflatu diuino
 fuisse. Diuinæ verò mentis auxilium, cùm non a-
 lia ratione, quàm fide comparetur: qui tum viri
 boni extiterunt, fide profectò fuerunt illustrati.
 Aliter enim nullo modo virtutem consequi po-
 tuissent. Ergò, inquires, nemo tunc potuit ad vir-
 tutem peruenire. Quì potuissent enim credere,
 cùm nemo illis Dei disciplinam tradidisset?
 Satis magnam disciplinam ex magnificis natu-
 ræ operibus, quæ intuebantur oculis, capiebant
 ad fidem firmandam. Cæli enim enarrant gloriã
 Dei, & opera manuum eius annunciat firmamen-
 tum. Num parum ad Dei cognitionē nos instruit
 immensus astrorum fulgor, Solis atque Lunæ, &
 reliquorum errantium siderū admirabilis in va-
 ria & multiplici conuersione constantia, dierum
 & noctium vicissitudines, & temporum aptissi-
 mæ ad moderandam vitam varietates? Quid ipsi-
 us cælestis naturæ tanti motus, atque conuersione-
 nes, admirabili inter se ratione concinētes, ad
 omnium rerum, quæ cæli ipsius complexu conti-
 nentur, statum atq; naturam conseruādā? Quid
 ætheris ardor, aerisq; natura, ætheris ardore tem-
 perata? quid terras, quid maria, quid rerum omni-
 um varietatem, & multitudinem oratione com-
 memorem? Quid postremò admirabilem siue in
 rebus singulis fabricam & artificium; siue in vni-
 uersis ordinem & conuenientiam, omnibus natu-
 ræ partibus vno consensionis vinculo aptissimè
 colligatis, atq; tanquam ex diuersis sonorum in-
 fer-

teruallis pro certa ratione distinctis, suauissimam harmoniam efficientibus? Num parum liquet, hanc vnā esse naturæ vocem, vndique ad animos permanentem, & clarissimo quodam sonitu aures omnium complentem, & testificantē, esse vim quandam mentis atque rationis immensam & sempiternam, cuius numine atq; sapientia cuncta & à principio facta sint, & deindè regantur atque moueantur? Quid, quodd non solū naturæ vocibus, atque insitæ rationis sensu, verū etiam interno diuini spiritus motu, & impulsu, homines illi incitari poterant in pietatis studium? Impium enim facinus est, existimare genus humanum aliquo tempore sic fuisse diuina ope destitutum, vt nullo modo posset ad eum finem, cuius potiundi atque fruendi gratia conditum fuerat, aspirare. Nec enim erat hoc Dei sapientiæ, neque bonitati consentaneum. Qui enim minimarum etiam rerum naturas non negligit, sed omnibus inexplicabili prouidentia consulit, quomodo hominis excellentem naturam negligeret? Negligeret porro, si illi auxilium necessarium ad consequendum vitæ finem minimè conferret. Necessarium verò auxilium illius interna vocatione, & oblato præsidio continetur. In omnibus igitur ætatibus hominibus non modò beneficijs eos alliciendo, atque minis & supplicijs absterrendo, verū etiam interius mentem ad officium excitando, excitatamque muniendo, prospexit. sic enim per omnia transit ac permeat, vt nullam omninò naturam opere cuique conuenienti destituat. Idcirco Solomon diuinam sapientiam inducit in plateis, in compitis, in omni

deniq; conuentu, & celebritate, hominum cœtibus occurrentē, maximisq; vocibus cunctos mortales ab amentia deterrentē, & ad se amandā, parandam, atq; fruendam, euocantem. In quo quidē intelligimus, quantum in omni ætate Deo summo studium humanæ salutis extiterit. Liberum tamen semper fuit hominibus, vel diuinę sapientiæ vocibus auscultare, vel illas aspernari. Aliter enim Deus immensæ suæ æquitati, atq; benignitati minimè constitisset. Nulla enim ratio est, aliquem Deo coniungi, nisi sit illi amicus. Amicus porrò illius esse nemo potest, nisi fuerit illi similis. Diuina autem similitudo tota est in veræ virtutis studio, & exercitatione constituta. Virtus autem nulla esse potest, nisi sit voluntaria. Nemo igitur Deo coniungi vllō modo potest, in cuius voluntate situm non sit, vel illius disciplinam & imperium sequi, vel ingratè repudiare. Cùm autē beata vita tota sit in diuina coniunctione posita; scquitur vt astricta voluntate, nemo possit vitam beatam adipisci. Cùm igitur & diuina disciplina semper eluxerit, & in hominum potestate fuerit positum, vel illam fide complecti, vel perfidia reiicere, efficitur, fidem etiam atque pietatem, tēporibus illis priscis, non modò apud Hebræos, sed etiam apud alias nationes floruisse. Ergò, quemadmodum fide multi erant ad omnem honestatis excellentiam incitati: ita maxima pars hominum infidelitate cæca, in omne scelus incōsiderato impetu ferebatur. Præclarè enim Plato in legibus statuit, omne facinus cū temeritate & impudentia susceptum, ab impietate in Deum oriri. Nec enim existimat, aut sacrilegiū, aut periurium

rium aut aliud eiusmodi scelus ab eo suscipi posse, qui Deum putat esse omnia diligenter intuentem, & animaduertentem, & iusto iudicio cuncta moderantem. Nam, qui hominum conscientiam, qui possunt aut opibus vinci, aut præstigijs eludi, aut muneribus deliniri, valdè metuit; non illum præpotentem Dominum, omnia providentem, & iustissimo imperio gubernantem, extimesceret? Sed illud inquit, esse in causa: eos aut nullam esse omninò vim diuinam existimare: aut ab ea res humanas minimè curari: aut posse iudicium illius hostijs & muneribus à seueritate ad gratiam inflecti. In quo etiam loco Physicos accusat, quòd impietatis auctores se præbuerint. In naturæ enim explicatione, nihil ad diuinam mentem, sed ad vim mentis expertem, motus temerècientem, & ad calum & fortuitum materiæ concursum omnia referebant: ita, vt argumentis suis ineptè & impiè conclusis, omnem penitus religionem, quantum in illis fuit, de hominum vita sustulerint. Pietate igitur in Deum atque fide constituta, ius & officium, & honestatem, omnemque virtutis præstantiam constitui atque confirmari putat. Proindè hoc esse summum illius officium, qui Reip. princeps esse studet, vt religionis atque sanctitatis disciplina ciuium animos imbuat. Hæc quidem Platonis sententia, quàm planè diuinam arbitror, facit indicium, fidem neque ab eo, neque ab alijs, qui idem sentiebant, fuisse neglectam. Ergò, si vel ille, vel quiuis alius ab eodem sensu minimè abhorrens, aliquid in vita cum vera laude gessit, totum id est ad fidem referendum. Credebant enim Deum esse, atque virtutem diuino præmio remunerari: in

rari: in qua sententia, ut Paulus auctor est, fidei summa consistit. Hæc autem erat illa fides, quæ tunc solum exigebatur, antequam essent homines ad clariorem notitiam de diuina mente, & imperio, atque de præmijs virtuti & pietati propositis eruditi. Si igitur tunc aliquis vel Philosophus, vel Reipublicæ princeps, vel cuius alius extitit, qui, non dolis & fraudibus, virtutis opinionem & gloriam captaret, sed veræ virtuti studeret, qualem Poëtæ ferunt fuisse Amphiaræum, de quo ait Aeschylus: qui non credi, sed esse iustus expetit, & diligenter arua mentis excolens, virtutis ampla fundit ex se germina; hi, qui tali mente fuerunt, hunc certè statum non aliter, quàm fide consecuti sunt. Omnes siquidem, qui naturæ operib. admoniti, rationem ad studium pietatis contulere; in fide permansere, atque iustitiam adepti sunt. Quocirca mirandum non est, fuisse à quibusdam honestatem cultam egregiè, omnemque vitam in illius studio consumptam. Hoc enim statuendum est, nihil sine fide geri posse, quod sit in vera laude ponendum. Sed dubium interim occurrit, de illo genere officiorum, quod neque à constanti fide proficiscitur, neque à nefaria cupiditate nascitur. Nam, quæ à flagitiosa cupiditate oriuntur, veluti ea, quæ vel inanis gloriæ causâ, vel pecuniæ, vel potentiae comparandæ, vel libidinis explendæ fiunt; quamuis speciem habeant amplam & illustrem, esse tamen liquet in flagitijs numeranda. Ad flagitium enim referuntur. Sed de illis dico, qui, quamuis sint adhuc scelerib. impediti, à ratione interdum reuocati, multa egregia conantur. Nunc omnia, quæ molliuntur isti, sunt, ut impura & inquinata reiicienda mi-

da? minimè profectò. Sed est statuèdum, etiam ab illis edi aliquid posse, quod ad aliquod officij genus, minimè tamen perfectum & absolutum, reuocandum sit. Est enim aduertendum, à quo fonte profluat officium, vt sic tandem de illius æstimatione rectum iudicium faciamus. Considerandum autem est, nunquam sic esse in improbis oppressam & extinctam rationem, vt non interdù aliquod lumen illius appareat. Sic homo flagitiosus, impurus, omni scelere contaminatus: is tamē & virtutem admirabitur, & sceleris sui conscientia torquebitur, & inspecta aliorum virtute, inuidia contabescet, maleficiaq; sua celare & occultare contendet; & quantum poterit, elaborabit, vt virtute & sapientia præstans existimetur. Ergò, & virtutem laude, & scelus odio dignum existimat: quod quidem naturæ iudicium minimè vituperandum est. Adde, quòd immensa Dei benignitate officij sui identidem admonetur. Nunquam enim spiritus sanctus intermittit scelestos ab impietate deterre, & ad officium adhortari. Nemo igitur est tam perditus atq; profligatus, cuius animum interdum nō pulset diuinus spiritus, futuriq; iudicij metus vehementer exterre. Sic igitur improborum animi in contrarias partes distrahuntur: dum aliò rapit cupiditatis immanitas, aliò ratio atq; numinis metus impellit. Quāuis igitur sit aliquis teter, & infamis; aliquando tamen rationem sequi nititur, & Dei iudicium metuit. Tunc igitur non est ille conatus vitio tribuendus, sed inconstantia vituperanda eorum, qui, victi libidine, ab illo conatu depelluntur. Aestu enim cupiditatis abducti, in omne flagitium

feruntur, & ruunt, *Non aliter* (vt Virgilij verbis utamur)

*Quàm qui aduerso vix flumine lembum
Remigis subigit, si brachia fortè remisit:
Atq; illum in praeceps prono rapit alueus amni.*

Est tamen ille conatus inchoatum quoddam & imperfectum officium nominandum, minimeq; vituperatione dignum; cum sit à vera ratione, & à fide etiam profectum. Cogitur enim interdum improbus atque sceleratus confiteri, res humanas à Deo animaduerti: ideoq; interdum à scelere abstinet, & aliquid rectum, quamuis non omninò rectè gerat. Neque enim rectè quidquam fieri potest, nisi ab eo, qui vera & absoluta fide instructus & ornatus existit. Idcirco solum fidei opus perfectum officium dici & haberi conuenit. Id enim solum, quod fide perficitur, cum diuini numinis spiritu, & ab animo in DEVM conuerso & intento fiat, & ex illius voluntate, & ad gloriam illius dirigatur, rectè, & cum verissima laude suscipitur. Vt igitur ad tria principia, cum de lege differebam, omnia actionum genera reuocabam, (alia enim sunt opera fidei, alia verò legis: quaedam postremo cupiditatis) idem hoc in loco censeo faciendum. Alia enim sunt veræ & perfectæ fidei opera, alia mediocris rationis, alia flagitiosæ cupiditatis existimanda. Prima quidem salutaria: altera verò non improbanda, ad iustitiam tamen inducendam per se parum conferentia: reliqua omnia, cum ab immoderata cupiditate proueniant, sunt dira, mortifera, exitiosa, & maximè detestanda. Cum igitur neque is natu-

ra, neq; in lege, neq; in ratione, neq; in vllius disciplinæ institutis sit aliqua via qua ad beatam vitam aspiremus; nisi tantum in Dei bonitate, & beneficentia, quam quidem non vllis humanis studijs, sed fide consequimur: intelligendum est, omnem animi nostri conatum esse ad fidei constantiam & amplificationem conferendum. Illa siquidem ad iustitiam peruenimus, salutem assequimur, immortalis gloria cumulamur. Atque vt magis illius excellentiam complecti mente & ratione possimus, animaduertendum est, non modò fide omnia diuina munera comparari: sed fidem etiam esse in Dei muneribus habendam. Nec enim poterit existere fides, nisi Dei verbum antecedit, excitans, erudiens, & ad credendum impellens. Sed, quò Dei verbum clarius est, atq; magnificentius, maiorumq; rerum disciplinam tradit; eò fides est altior atq; constantior adhibenda. Sic enim fit, vt fides, quæ naturæ disciplina potuit excitari, non sit vllò modo comparanda cum ea, quam viri diuini, Dei lege instructi atq; ad Christi intelligentiam eruditi, egregiè præstiterunt. Quæ tamen, quamuis esset admiranda, postquam ipsum Dei filium, iustitiæ doctorem nacti sumus, diuinamque ex illius ore disciplinam hausimus; par est, vt fides sit modò longè clarior, omniq; mentis robore & constantia munitior. Se ipsam igitur erigat, opus est, & in sublime feratur, & euecta longissimè in cælum penetret, atque pedibus ipsius summi doctoris, & monitoris assideat, qui solus potest nos ad summam Dei notitiam perducere. Deum, inquit Ioânes, nemo vidit vnquâ: vnigenitus filius Dei, qui est in sinu

patris, ipse enarrauit. Si igitur naturæ Dei gloriâ enunciantis voces aspernari, facinus execrâdum est: si Moſen & reliquos Dei miniſtros contemneret atq; deſpicere, capitale fuit omnib, qui eorû diſciplinam à ſe cum ſumma temeritate & amentia repulêre: quantum tandē, atq; quàm atrox & immane ſcelus erit, ipſum Dei filium non audire, ſi dē dictis illius non adiungere, imperiumq; illius detrectare? Videte, inquit Paulus, ne reculetis de cælo loquentem. Si, n, illi non effugerunt, qui recuſabant eum, qui in terra diuina oracula aperiebat: multò minùs nos effugiemus, ſi de cælo loquentem aſpernamur. Alibi inquit idē; Fides ex auditu: auditus autem per verbū Dei. Omnis igitur fidei vis & ratio, eſt ad diſciplinam illius referēda. A primordio enim generis humani is omnes mortales inſtituendos & erudiendos ſuſcepit: &, qui ſeſe in fidem illius tradiderunt, ad cæleſtium atq; diuinarum rerum cognitionem inſtruxit. Nec, n, abſq; diſciplina illius poſſet quiſquam officium ſuum tueri, atq; ita ſalutem adipiſci. Cū enim ſemel animus ſeſe cupiditate nefaria deuincit, ſic eſt totus in illius poteſtate, vt nequeat oculos ab his rebus auertere, ad quas eū ipſa cupiditas inflammât. Sic fit, vt præceps ad exitium feratur, cum proiēcta quadam temeritate & amentia. Nunquam igitur vllō modo ſeipſum ab impuritate & flagitio remoueret, niſi diuinis vocibus reuocatus fuiſſet, atque ad diuinæ lucis aſpectum conuerſus. Vnde illud; Conuerte me, Domine, & conuertar ad te. eadem ipſa fides eſt in officio noſtro numerāda. Poſſumus enim, ſi velimus, Dei vocibus aures occludere; bene-

ficien-

ficentiam aspernari; oblatam lucem contemnere; in flagitijs obstinatè persistere. Aliter enim nunquam scriptum fuisset: Hodie, si vocem Domini audieritis, nolite obdurare corda vestra. Ergò, ut fātendum est, fidem sine Dei præsentis ope & auxilio constare non posse, ita necessariò asserendum est, ipsam constantem mentis assensionem, quam fidem appellamus, ex qua omnia officia ducuntur, esse voluntariam. Possimus enim non modò non assentiri; sed etiam scelere & impietate cum Deo pugnare. Fides igitur est simul & donum Dei, & hominis officium existimāda. Est munus & sacrificium Deo gratissimum, qua ira illius auertitur, numen infensum admirabili ratione placatur, & aditus nobis in cælum aperitur. Ostendimus eam esse in firma mentis assensione, in veritate & officio, & obedientia, in alacri & incenso legis diuinæ studio ponendam. Docuimus, illa erigi spem, incendi & inflammari charitatem, excitari diuinæ legis studium, totumq; animum ad opera diuinæ molienda atque perficienda ardore incredibili concitari. Sic igitur euenit; ut omnia quæ cum fide suscipimus, exitus foelices habeant. Nihil est tā arduum atque munitum, quod non viribus expugnemus: nihil tam difficile & impeditum, quod nō explicemus: nihil tā abstrusum & abditum, quod non scrutemur, & inspiciamus. fides enim in bello victoriam, in periculo salutem, in morbo sanitatem, in egestate diuitias, in moerore solatium, in omni denique difficultate, bonorum omnium copiam & facultatem consequitur. Est enim in Dei verbum semper intentā; id intuetur, id respicit, id vitæ regulam habet, id singulari studio &

DE IUSTITIA

mira animi contentione & alacritate persequitur. Verbum autem Domini omnipotens est. illo enim cæli cohærēt, & permanent, immutabili- que splendore collucent. Verbo domini, inquit ille, cæli firmati sunt, & spiritu oris eius fidera stabilitatem suam conseruant. Vnde colligitur; omnia rectè procedere ijs, qui Dei verbo vitam instituant. mēti enim lucem præfert, animo robur inuictum suppeditat, hominisque vitam diuinis opibus atque præsidio communit. Ergò, qui fidem ritè colit, cum Dei verbum audiat, atque ita sit viribus diuinis stabilitus, non tantum omnes res humanas virtute superat, verum etiam cum manibus inferis ita congreditur, vt semper decus & gloriam reportet. Hæc est, inquit Ioannes, victòria, quæ vincit mundum, fides nostra. Contrà verò, cum fides aut omninò concidit, aut certè languescit; tunc omnia sunt aspera, difficilia, atque nimis graua, & calamitosa. franguntur enim vires, animus ipse concidit, mens caligine circumfunditur, nec vllum reperit in rebus asperis lenimētum, nullum in calamitate solatium. Cum laborant homines, minimè proficiunt: cum pugnant, turpissimè vincuntur: cum ad decus aspirāt, ignominia afficiuntur: cum salutem sibi afferri putant, intereunt. Cur? nisi quia singulari Dei patrocinio, quem à se perfidia abalienant, deseruntur, atque ita hostium prædæ & direptioni relinquuntur. Idcirco Moses infidelem populum maximis vocibus à pugna deterrebat: Nolite ascendere, inquit: non enim est Dominus vobiscum, ne corruatis coram inimicis vestris. Amalecites, & Chananeus ante vos sunt, quorum gl-
dio

dio corruetis. eò, quòd nolueritis obedire Domino, nec erit Dominus vobiscum. Quid illi interim ad hæc? sanctissimi viri voces aspernati, ad pugnam se parant. Sed cùm primùm appropinquâtes hostes conspicati sunt, terga verterunt, eorumq; gladijs fœdè cõcisi perierunt. Sic igitur euenit; vt, qui claram & insignem sibi victoriam peperissent, si pugnare voluissent, eo tempore, quo fuerant ad pugnam Dei imperio conuocati, cum Dei iniussu manum cum hoste conferere voluerunt, confestim fusi, fugatiq; sint, magnaq; eorum pars ferro & vastitate consumpta. Vt igitur beatissimi sunt, qui nihil absq; Dei numine & imperio moliantur: ita miseri sunt, qui à Deo auersi, opibus suis innituntur. Vnde illud Isaia: Væ filiis desertoribus, dicit Dominus, qui consilium capiunt, sed non ex me: qui præsidium sibi comparant, sed non ex spiritu meo, vt peccatum peccato accumulent. Proficiscuntur, vt descendant in Aegyptum, & os meum non interrogârunt, vt firmetur robore Pharaonis, Aegyptiq; auxilio tegantur. Sed quàm laboris mercedem hac sollicitudine miseri & amentes homines affecuti sunt? dedecus, ignominiam, pestem, exitium, vastitatem, & reliqua mala, quibus infideles homines perfidiæ pœnas exoluunt, quæ idẽ Propheta in eodẽ loco diuinitus explanat. Idem paulò inferiùs ab eiusdẽ perfidiæ infectatione minimè discedens, ait: Vē ijs, qui descendunt in Aegyptũ ad conquirendum auxiliũ: qui equis nituntur; & quadrigis fidunt; eò, quòd multæ sunt: & equitibus, quòd robusti; & ad sanctũ Israelis non respiciunt, & Dominũ ipsũ minimè quærunt, Sed & is sapiens est, & adduxit malũ, & quod,

& quod prædixerat, exitu tandem præstitit. Insur-
 git enim contra cœtum hominum improborum,
 & contra auxilium eorum, qui vana operantur.
 Aegyptus; homo, & non Deus; equi eorum; caro,
 & non spiritus. His quidem verbis diuinus ille
 vir amentiam eorum coarguit, qui humanis opi-
 bus se aliquid efficere posse confidunt, nec Dei o-
 pem valdè implorandam putant, ideoq; operam
 suam, atque omne vitæ studium sine vlllo fructu
 consumunt. Contra verò, qui sapienter vitam in-
 stituunt, sic eam Dei fide moderantur; vt nihil au-
 deant, nisi de summi Dei sententia, decernere; ni-
 hilque omninò, nisi ex illius imperio, consilio, &
 præscriptione moliri. Semper itaque se ipsos exci-
 tant, ad Dei verbum mente cōcipiendum, nec ali-
 ud in vita meditari sustinent, quàm vt ductum &
 imperium summi illius ducis & moderatoris ala-
 cres & expediti sequantur: vsque adeò, vt ne lici-
 ta quidem, & communi more atque lege conces-
 sa aggredi velint, qui summa fide ornati sunt, nisi
 prius in Dei numen inspiciant, ipsumque autho-
 rem & monitorem habeant. absque ductu enim il-
 lius se loco moueri minimè tutum arbitrantur.
 Vndè vox illa Moysis, qua veniam atque pacē ex-
 poscit, Deumque pro salute populi sibi commissi
 veneratur: Si tu ipse, inquit, non præcedas, nō e-
 ducas nos de loco isto. Intelligebat enim vir ex-
 celsus, tolerabilius fuisse in vasta illa solitudine
 incommodis omnibus vexari, atque senio, foedis-
 que morbis intabescere, quàm viam aliquam, in
 qua Deus non esset ductor, inire. Illo enim duce,
 non ad incertū euentum omnis vitæ labor impē-
 ditur; sed ad certissimam vitæ felicitatē omne stu-
 dium

diūm destinatur: neque mens furore cæca se in miseriam præcipitat; sed, lumine diuini spiritus illustrata, ad immortale atque sempiternum decus & gloriam summa felicitate cõtendit. Hæc enim fides, cū neque argumentis humanis effecta, neque ornamentis exulta, neque viribus instructa sit: est tamen omni demonstratione certior, omni cultu elegatior, omni robore valentior. Reliqua enim possunt aut ingenio labefactari, aut deformitate maculari, aut viribus expugnari, aut vetustate corrūpi: at fidei lumen neque obscurari, nec deformari, nec inquinari, nec perueri vnquam poterit. est enim in illa summum quoddam vinculum ad animos hominum cum diuina mente arctissimè copulandos. Is igitur, qui DEO cōiunctus est, quod tandem poterit adire aut dignitatis, aut vitæ periculum, cū Deum salutis vindicem, foelicitatis effectorem, vitæ tutorem habeat? Est enim fides piorum, Dei fide atque veritate subnixta. Fides autem Dei concidere nunquam poterit. Sic fit, vt veram fidē nihil vnquam in omni æternitate fallat. Qui igitur diuini promissi magnitudinem considerauerit, nullo vnquā in loco de fidei fructu amplissimo dubitabit. Omnia, inquit ille, quæ orantes petitis, credite, quod accipietis. Hac igitur fiducia erecti & alacres, omnia nobis de summa illa benignitate, immensaq; potentia pollicemur, eaq; fide incitati, libenter instituta, præcepta, disciplinamq; illius ita retinendam putamus, vt ab ea desistere, summum facinus arbitremur. Et ita fit, vt omnis rectè viuendi ratio, summaque officiorum omnium religio in fide posita & cōstituta sit. Hoc tamen animaduertendum est,

neque

neque in fide quidem hac cælesti atque diuina, quæ tantis opibus instructa & ornata est, quæ omnem religionem atque sanctitatem continet, quæ à charitate & obediaentia minimè segregandam ducimus, tantam vim esse, ut ea per se possit iustitiam efficere. Nullū enim opus, nullum officiū, nullū studium potest vlllo modo diluere crimen, scelus extinguere, omneq; tetri facinoris vestigium abolere. Quamuis enim sit animus promptus & expeditus ad obediendū, quamuis sibi imperatū munus alacriter exequatur, aut saltem, quod idē valet, paratus sit ad illud statim, cū primū licuerit efficiendū: non tamen eo studio, obediaentia, & alacritate potest vlllo modo per se criminū prætorū maculas impressas & iniustas eluere. Cū. n. Deo paremus, debito officio fungimur, quod absque infando scelere præterire nō possumus. At cū crimine aliquo Dei infinitā maiestatem violamus, vim sceleris infinitam concipimus, æternis cruciatibus iure atque meritò puniendam. Quocirca fieri non potest, ut vllis benefactis Domini offensionem redimamus. Nam, si seruis nostris, cū pensum operis non absoluūt, iustè irascimur, &, cū rursus operam suam nauant, non nos obstrictos arbitramur, ut ea de causa putemus esse debitam operam flagitiosè prætermisissam, alia opera similiter debita compensandam: quid tandem est existimandum, cū nos homunculi summum illum Dominum, à quo sumus tantis affecti beneficijs, non modò officiorum negligentia, sed foedis etiā factis offendimus? Adde, quòd cū serui officio funguntur, nec eos singulis horis admonemus, nec vllas vires illis damus, neque eorum laborē

ope nostra subleuandū suscipimus. At, cū Deo paremus, omnia, quæ agimus animo, molimur, efficimus; illius numine perficiuntur; ita, vt magis sint Dei ipsius opera, quàm nostra reputanda. Possumus igitur semper nos ipsos seruos inuitiles reputare, non modò, quia debitum officium præstitimus, cū essemus serui, sed etiam, quòd ea, quæ gessimus, illius numine & ope gessimus. Non igitur ex operibus, quæ fecimus nos, sed secundum suam misericordiam saluos nos fecit. Quod etiā de operibus, q̄ fide vigente & incitata peragūtur, intelligendū est. Hoc est autem, quod fides ipsa cōfiteatur: aliter enim fides non esset fides, si se nixa aliquid sibi tribuendum existimaret. Fides enim in hoc maximè perspicitur, quòd omnē salutē & dignitatem in clementia tantum diuina cōstituit. Ergò, si fides vera sentit atque decernit, non est existimanda, illius vī & efficientia expiari crimen & insitum scelus aboleri. Deus enim solus est, qui nullis nostris meritis, sed sua tantū bonitate inuitatus, in filio suo, qui factus est nobis iustitia, sanctitas, & redemptio, hoc est, qui nobis iustitiæ, sanctitatis, atq; libertatis causam attulit, omnia scelera nostra condonat, nosq; sanctitatis opibus eximè cultos sibi cōiungit. Non igitur fides, nostra, sed Dei filius nostram iustitiam efficit, veniam nobis impetrando, & scelerum maculas nobis impressas abstergēdo. Cur igitur sacræ literæ iustitiam atque salutem in fide ponūt? Quia Dei filius in eos tantum iustitię suę munera confert, qui fideles sunt. non enim gratiam suam obtrudit inuitis; non recipit in amicitiam rebelles, non sanat ægros salutare remedium repellentes. Vbi igitur
fides

fides non viget, ibi nullus omninò relinquitur diuinæ gratiæ locus. Vt igitur, cū ægrotus vitā suam spectato Medico committit, nec ab illius præscripto recedit, dicimus obedientiā illi sanitatem attulisse, non quòd sanitatē effecerit; sed quia, si Medico non paruisset, nullum ex medicina fructum percepisset: sic ex fide iustitiā oriri dicimus, non quòd ipsa fides per se iustitiā gignat, sed quia nunquā ad eos iustitia perueniret, nisi fuisset antè fide mitigati, atque ad iustitiæ satum accipiendū obediētia molliti. Vt enim in agris semen spargi non conuenit, nisi fuerint primū aratro procisi, atq; subacti, omniq;e diligentia præparati ad semen excipiendum: sic animi, nisi sint antè nouati, & iterati, fide nullo modo poterunt diuina gratia conseri, vt iustitiæ semē in se ipsi cōcipiant. Fides enim præparat animum ad iustitiā, idoneumq; reddit, in quem summus ille bonorum omniū factor, iustitiæ sementem faciat. Vt autem possis melius animo complecti, omnem iustitiæ splendore esse ad gratuitam Dei liberalitatē, & beneficentiā referendum, complectere animo, atque pone ante oculos effrænata mentem, impetu cæco, & inconsiderato in præcipitem locum se concitantem, & in exitiū sponte sua ruentem. Considera deinde Dei clementiam, illam ab exitio reuocantem, opemq; suam benignè pollicentem, omnibusq; modis ad se allicientem, & inuitantem. Cogita deinde, animū ope diuina cōuersum in eum, cuius monitu & auxilio fuit ab illa peste seductus, obsecrantem, vt errori præterito ignoscat, sibiq; auxilio sit, ne in similem deinceps errorem rapiatur: tū, summum illum Dominum, cuius impulsu fuit conuer-

sus, & excitatus, & in viam deductus, & ad precandi studium incensus, non ignoscere modò, sed etiã se vię ducem profiteri, illique vires largiri, quibus cursum omnẽ, si velit, sine casu & ruina conficiat. Num parum liquet, & præparationẽ animi, & præparationis incrementum, & iustitię donũ, omnesq; tandem iustitię fructus esse ad diuinam benignitatem reuocandos? Primũ enim mentis assensio vocibus diuinis excitatur. eam verò assensionem charitas repentinẽ consequitur. Non potest enim mens in tã amandã atq; iucundã speciem conuersa, non amore incendi. Amor autẽ animum alacrem reddit ad obediendum. Benignitas autẽ diuina, amorem illũ sibi debitum, & obedientiam, iustitię dono remunerat. Charitas enim impetrat veniam omnium peccatorum. Quocirca ipse Dominus ait, magis eis crimina condonari, qui magis diligunt. Dimissa sunt, inquit, ei peccata multa, quia dilexit multũ. Et alibi inquit, nos mundos fore, si fuerimus in egẽtes benefici. Ex quibus locis perspicuum est, ea tantum fide, quę charitatem operatur, iustitiam conciliari. Non quòd charitas iustitiã efficiat: sed quòd, vt antè diximus, ad gratuitũ iustitię donum accipiendum animũ præparat. Sic fit vt charitas iustitię munus antecedit. Quod quidem mirum videri potest, rem minus acutẽ considerantibus. Multa enim sunt, quę illos in contrariam sententiã trahant: nam primũ, charitas in Deũ non aliter, quàm gratia diuina consistit. Est enim Dei gratuitum munus atque beneficiũ. Quocirca videtur esse consequens, eam nõ antegredi, sed sequi iustitiam. Deinde qui charitatẽ habet, in Deum conuersus est: peccatũ autem, est auersio à

Deo: sic igitur fit, ut nunquā vllō modo possit charitas cum peccato simul habitare. Ergo, nunquā charitas existit ante iustitiam. Postremo, qui charitatem habet, Deo gratus est: Deo autem gratus esse non potest absque iustitia: ergo semper charitas est coniuncta iustitiæ. Quod si verum est, nullo modo fieri potest, ut antecedit iustitiam. Sed, ut ad ea respondeamus, fatemur equidē, charitatem esse à diuina gratia profectam: sed illum primum motū quem spiritus diuinus affert animis, cum eos ad salutem vocat, in gratijs numeramus. Eum autem consequitur prima diuini amoris institutio. Amor tamen perfectus & absolutus ille solus existimandus est, qui semper est cum perfecta iustitia coniunctus. Hæc est autem illa charitas, quæ, ut Ioannes ait, timorem deponit. Sed, ut in illo primo conuersionis motu iustitiā inchoari censemus; ita etiam amoris fundamentum institui. In quo verò aiūt, charitatē cum peccato intelligi nō posse; animaduertendum est, peccatum triplici ratione in nobis inesse. Primum enim, si rectē definitur peccatū, vel opere, vel oratione, vel cogitatione contra Dei legem concepta; tantisper id insidet in nobis, dum vel animō flagitiū agitamus: vel aliquod verbum impurum emittimus: vel opus aliquod nefariū edimus. Vbi verò, vel actio, vel oratio, vel impura mētis agitatio effluit; peccatū cōfessim euanescit. Alia ratione dicitur peccatū in nobis herere, nempe, cū post flagitiū susceptum mēs à Deo auersa tenebris obducitur, nec in Deum tāquā in summū bonū respicit; sed tota est è rebus cauducis atq; terrenis miserrimè colligata. Est igitur tunc peccatum illa seruitus detestanda, qua do-

minatu cupiditatis opprimimur, illaq; praua constitutio, peruersusque habitus animi legi diuinæ contrarius. Si ad hunc modum peccatum intelligas, fieri non potest, ut cum incensa fide & charitate peccatum habiteret. Est præterea peccatū peccati vulnus animis inflictum, & macula penitus inusta: summaque mentis imbecillitas; & morbus, quo sum^m impediti, quò minus ad perfecta munera sanitatis excitemur: ac postremò illa diuini iuris obligatio, qua sumus poenis sempiternis obnoxij. Cùm enim flagitium suscipimus, mortiferum repente vulnus accipimus, & status animi statim dilabitur, & impotentior cupiditatis dominatus exoritur, & ad idem peccatum sæpius iterandum instigamur, iudicijque diuini laqueis itretiti detinemur. Secundum hanc peccati rationem, non absurdum est asserere, peccatum tantisper in nobis cum charitate simul inesse, dū morbo percussim veniā necessariò flagitamus. Intelligimus enim nos adhuc in morbo esse, nec vllū habere in legibus atq; iure perfugiū, quamuis officio debito aliqua ex parte fungamur. Nā qui hominem iugulauit, quamuis eum facti poeniteat, & multis hominibus se benignum & facilem præbeat, nullò modo poterit ea benignitate & facilitate, poena, qua iam tenetur, apud constantem & seuerum iudicem liberari. Quāuis igitur iam ad officium redierit, adhuc tamē relinquitur ei, qui potest ignoscere, clementiæ locus. Hoc modò statuendum est, charitatis institutę rationem, peccatum per se declinare non posse. Diuinam maiestatem violasti, legis diuinæ vincula perfregisti, tetra facinora commisti: nunc verò cū suscepta flagitia lamentaris;

seruique fidelis officio fungi cupis: num ea mentis cōuersione & egregio ad pietatem conatu, iudiciū poteris, quo iam teneris astrictus, quasi pari & æquali criminis admissi cōpensatione, redimere nullo modo. Quāuis igitur sis ea lucē circūfusus, vt faciliē despicias eā perniciem, quā in te ipse machinatus es: quāuis te lachrymis & lamētis dedas, eò, quòd diuinam maiestatem scelere violāris; quamuis omne vitę studiū ad diuinā legem cōferre statuas: nullum tamē adhuc habes in iudicijs & lege perfugium. Ad clementiam igitur confugiendum est, dicendumq;: Sana me, Domine, & sanabor: &, amplius laua me ab iniquitate mea, & à peccato meo munda me: &, asperges me Domine hyssopo, & mundabor. Hæc autem cū proferebat Dauid, animo certē perculso & abiecto præ doloris magnitudine, quem ex admissi sceleris recordatione capiebat, & incensa atque inflāmata fide proferebat. Ergò, cū charitate esset incensus, tamen se gratia indigere fatebatur, quæ antè cōcepta crimina deleret. Ergò etiam cū institutæ charitatis ratione potest intelligi inusta illa macula, & status ille poenis obnoxius, cuius recordatione se quisque fidelis supplicem ad Christi pedes abijcit, atque cum lachrymis etiam interdum erratorum veniā, & valetudinis firmitatē poscit; nè rursus cupiditate oppressus, se eisdem flagitijs inquinet. Nam, quod attinet ad postremum argumentum, de amore, quo Deus eos, qui sunt charitate in illū incensi, prosequitur: certū est, Deum omnia opera sua diligere. Nihil enim eorū, quæ fecit, odio habere potest, cū omnia bona sint: ita, vt in sceleris etiam hominibus, cū scelus odio perfecit

tur, naturam tamē charā habeat. Sed quò est opus illustrius, & magnificentius, eò est illi gratius. Sic fit, vt & naturā diligat; & fidem, quę charitatem incitat, amet: summū tamen illum amorē in opus omnium perfectissimum, nempe in iustitiā absolutā conferat. Non est igitur omnis in Deum amor iustitię in nobis iam penitus inhærentis argumentū. Hoc tamē statuendū est, cū charitas illam maturitatem assequitur, quę est iustitia; afficiēda; nullū esse inter illam charitatis oportunitatem, & inductā iustitię formam spacium aliquod temporis interiectum. Cū primū enim animus excitatur ad criminis odium, & ad iustitię atque sanctitatis amorem, cū primū se supplicem abijcit, & veniam petit, atque ita se cōparat, vt omnia diuinę mentis pręscripta atque iudicia conseruet: statim absq; vlla mora sanitatem recipiet, & diuinū iustitię beneficium consequetur. & ita fiet, vt charitas illa non temporis interuallo, sed ratione tantum atq; natura antecedat: iustitia verò eodē temporis momento consequatur. Quoquo igitur modo res accadat, semper ante iustitiā charitas excitatur, quę simul cū fide excitari incipit, atq; operibus, aut saltē operandi studio paulatim intenditur & adolescit: donec oportunitatē illā, & simplicē casti atque puri amoris rationem assequatur, quę est protinus absq; vlla spatij intercapedine, iustitię opibus excolenda. Hac autē ratione planū esse arbitror, quomodo iustitia in nobis oriatur. Primū enim inchoatur in nobis, dum fidē Dei verbis adiūgimus, & ad conspectū illius excitamur. Tūc enim illa prauitas animi, quā à Deo auersi ferebamus, extinguitur. In Deum enim noua quadam vo-

DE IUSTITIA.

lūtatīs propēssione respicimus. Nec. n. fieri potest, ut illius benignitatē nobis oblatam studio & amore minimē complectamur. Illa prima igitur amoris institutio, peccatū conuellit, ea ratione, qua diximus, per peccatum nobis inhærens, intelligi animū à Deo auersum. Deindē, cū eo pietatis institutæ studio concitari, sanitatem, & veniam flagitamus, eā repentē consequimur: & sic fit, ut crimen in nobis omninō deleatur. In primo igitur illo diuinæ clementiæ fructu, est prima iustitiæ ipsius institutio: in postremo autem, quo præteritis erratis ignoscitur, criminumq; omnium maculis absterfis diuina munera cōferuntur, iustitię perfectio & absolutio. Ex quo etiā perfecta & absoluta charitas existit, quæ Deū ad se multō magis allicit. Ut igitur primam illam iustitiæ institutionē charitatis initium cōsequitur: sic iustitiæ perfectioni charitas absoluta cōiungitur. His ita constitutis, consequens est, ut de iustitię dignitate & elegantia differamus, quod sequenti libro faciemus.

LIBRI QVARTI FINIS.

HIERO.

HIERONY- MI OSORII LUSI- TANI EPISCOPI SIL- VENSIS,

DE IUSTITIA

LIBER QUINTVS.



Ngrediēti mihi ad explicandam
iustitię vim & rationē, vota in pri-
mis facienda cēseo, vt spiritus il-
le immēsus atq; sempiternus per
cuiusq; rei naturā pertinēs, cuius
aflatu atq; numine omnia sustinē-
tur & cōseruantur, humanāq; mētes sensibus diui-
nis afficiuntur, cunctas animi mei labes repellat,
mentiq; lumen præferat, atq; vires ingenio largia-
tur, quò possim ipsius iustitię decus, vtilitatem, &
amplitudinem, & mentis acie contueri, & literis
congruenter explanare. Aliter enim nullo modo
poterit quisquā, non dico consequi oratione atq;
stylo, sed nec cogitatione, quanta sit in illa vis, quā
excellens ornatus & elegantia, suspicari. Nam im-
puris pura atque sancta contrectare nefas; diuina-
que munera ingenio humano cōprehendi nō pos-
sunt. Ergò, cū nihil possit in muneribus diuinis
excogitari, aut purius ipsius iustitię sanctitate,
ut maius Dei similitudine & coniunctione, quæ

diuino iustitiæ munere & beneficio continetur:
 fas certè non est, quenquam cum aliquo flagitij
 contagio ad tantum opus tractandum accedere.
 Quocirca erat profectò, cur non modò hominum
 prudentium reprehensionem; sed multò etiã ma-
 gis diuini numinis offensionem pertimescerem,
 cùm id munus suscipere ausus sum, ad quod pro
 dignitate persequendum, atque verbis exornan-
 dum, opus erat insigni aliqua puritate cum diui-
 no ingenio, & admirabilis oratiõis copia & facul-
 tate coniuncta, à quibus animi diuitijs me pluri-
 mum abesse confiteor. Sed nescio, quomodo, dum
 legimus aliquid, aut scribimus; commouetur a-
 nimus studio, & atque ijs rebus, quas tunc cogita-
 tione comprehendit, afficitur, & pro rei cuiusque
 ratione, quam mente concipit, immutatur. Vt igitur
 inquinatur plerumque animus legendo flagi-
 tia literis consignata, ad hominum labem & ma-
 culam sempiternam: sic, dum studium ad diui-
 na conuertimus, legendo aut scribendo, amore
 diuinæ virtutis incendimur. Mirum igitur non
 est, si animus in fidei illius præstantissimæ confide-
 ratione defixus, altior effectus est, atque ad cupidi-
 tatem rerum cælestium acius exarsit, & humana
 contemnens, omne repentè studium ad diuina cõ-
 uertit. Licet enim, nec modò licet, sed opus etiam
 est, hominem Dei fide subnixum, sempiterna at-
 que diuina moliri. Et, quanquam hoc mihi in prin-
 cipio operis instituti proposui, vt omnem meam
 disputationem in iustitiæ splendorem & magnifi-
 centiã, tanquam in finem dirigerem: longius tamẽ
 progressum, atque diligentius rei magnitudinẽ
 considerantem, iniectus quidam timor frãgere, &

debilitare facilimè potuisset; nisi me fides ipsa, cuius admirabilem vim sumus, quoad fas fuit, oratione persecuti, cōfirmaret, & ad inchoati operis perfectionem incenderet, Non enim ingenio freti, quod quàm sit exiguum, perspicimus; non eruditionis confidentia, cuius quantum nos pœniteat, dicere vix possumus: sed illius fiducia, qui cæcis aspectum, infantibus eloquentiam, imbecillis robur inuictum elargitur, qui nunquam supplicum preces & vota repudiat, experiar partem aliquam tantæ dignitatis, quanta in iustitia consistit, explicare. Omnis autem de iustitia quæstio in quatuor partes diuidenda est: quæritur enim, quid sit iustitia, quæ sit illius origo, per quem ad homines perueniat, & ad quos tādē perueniat. Ut autem hinc capiamus exordium, animaduertendum est, iustum id esse, quod est iure atq; lege definitum. Lex autem summa & perfectissima est, mens, & ratio præpotētis Dei, omnia supera, media, infima sempiterno imperio regētis, & in suis quæq; locis singula disponētis, cunctaq; summo consensionis vinculo constringentis, eoq; nōdo ex alijs alia connectentis, vt ex dissimilimis naturis certa quadam ratione atque numero colligatis, vna faciēs appareat, Ex quo admirabilis vniuersæ naturæ splendor & decus exoritur, vnde totum hoc, quod cælum cingit, atq; continet, cum ipsa cælesti natura coniunctum, & mundi nomen obtineat, & à Græcis κόσμος, id est, ornatus appelletur. Omnis autem ornatus tunc existit, cū singulæ cuiusque rei partes certa ratione dimensæ, atque terminatæ suis locis continentur, & ad explendam totius corporis formam ap-

tissimè conferuntur. Cùm igitur singulæ vniuer-
 sитatis partes sint certis sedibus distributæ, at-
 que modo quodam præfinitæ, nihilq; insit in illa
 confusum & immoderatè iactatum, nihil turbi-
 dū & inquietum, sed summus in illa ordo, & ad-
 mirabilis omnium partium consensus eluceat: re-
 ctè vniuersæ naturæ, quam tam illustri specie de-
 coratam cernimus, est mundi nomen impositum.
 Atque fuit quondam hæc communis multorum
 sententia, qui omne studium ad explicationem na-
 turæ contulerunt, fuisse à sempiterno tempore in-
 finitam & interminatam omnium rerum conge-
 riem, in qua nihil erat ordinatum, atque cum ali-
 qua alia natura consentiens, sed omnia commix-
 ta, perturbata, atque confusa, ex quo summa dis-
 sensio atque pugna consisteret. Quod quidem ne-
 cessariò euenire sentiebant, dum ardor per frigi-
 da confusus, eorum naturam disturbaret: rursus
 frigida ardori permixta, eum prorsus extinguere
 niterentur, humida siccis essent infesta, sicca rur-
 sus liquorem contaminarent, & tetrum atque lu-
 tulentum redderent, & cuncta deniq; tenebris &
 caligine demersa, & vehementer inter se pugnan-
 tia, turbida & confuso motu fluitarent, nullam-
 que propriam sedem, aut formam ab aliarum re-
 rum impetu & pestifera, contagione secretam &
 liberam retinerent. Hanc autem confusam rerum
 molem Chaos appellabant, quo nomine intelli-
 gebant vastam atque incultam naturam inaniter
 agitatum, certa forma & specie vacantem. Diuina
 deinde mente & ratione omnem confusionem
 sublatam fuisse, & litem prorsus extinctam. Eam
 enim curam adhibuisse, vt singulas naturas ab a-
 liarum

liarum colluione secerneret, atque in conuenientibus rei cuique sedibus omnia tandem collocaret. Sic factum esse, vt leuia summam regionem capefferent, graua proprijs librata ponderibus, in medium mundi locum niterentur, in eaque tanquam in naturali sede insisterent; cælum admirabili celeritate conuersum omnia contineret. Tum, aquis vnum in locum conglobatis, terras extitisse: tum aërem, ab æthere seiunctum, eiusdemque ætheris ardore temperatum, terrænæ & humidæ naturæ circumfusum fuisse: tum fines rei cuique circumscriptos, atq; ab eadem mente & ratione terminatos: tum denique, rebus omnibus, in locis suis aptè dispositis, & alijs ab aliorum turbulento incurfu liberatis, formas esse datas, & singulis propria munera distributa. Cælum enim innumerabilibus astris distinctum, omnia clarissima luce collustrare: terram herbas, fruges & plantas effundere: fontes erumpere: flumina labi: terras & maria vario animantium genere compleri cœpisse: omnemque naturam miro coniunctionis fœdere ad animantium vitam tuendam consensisse: esse namque admirabilem illam naturæ continentiam, qua summa infimis per media coniunguntur: quo societatis & amicitiae vinculo omnia continentur. Sic igitur fieri, vt, quæ suis locis mota statum suum tueri non possent, & aliorum statum turbido impetu facile dissiparent: nunc in naturalibus locis manentia, & se ipsa conseruent, & rebus alijs salutem & incolumitatem afferant. Incredibilem itaque naturæ communionem existere, dum aliæ alijs stabilitatem dant, & ipsæ vicissim aliorum natu-

naturis fulciuntur atq; sustinentur, atque alia ex alijs identidem oriuntur. Mētis igitur sempiternæ legem esse statuunt, quæ terras ab aquis discretas eisdem aquis certa quadam ratione connectit, quæ aërem cum æthere continuatum his etiam duabus naturis adiungit, quæ efficit, ut omnia tandem ad numerum conueniant, ad varias atque multiplices formas gignendas, quæ salutaris solis atque lunæ & aliorum syderum fulgore constantiq; in omni æternitate rerum cælestium motu atq; vicissitudine gubernat; omniaque vno consensionis fœdere constringit. In quo quidem, quamuis aliquantulum aberrent à coniectura (materiam enim illam rudem & impolitam, ex qua omnia ficta putant, ab æterno tempore fuisse statuunt) pleraq; tamen ab illis præclarè dicta esse constat. Sapienter enim viderunt, omnia diuina lege, consilio, mente, & ratione fuisse designata, eademq; lege vniuersam naturam regi. Quod quidem nobis eò plenius dicendum, & constantius asseuerandum est, quò nostra cognitio, quam de rebus diuinis accepimus est illustrior. Non enim coniectura tantum ducimur, ut pleriq; ex illis, sed oraculis diuinis instructi exploratè cognoscimus, diuina mente fuisse omnia à principio procreata, & in omne tempus ab eadem mente regi, moueri, & salutaribus institutis temperari. Quis, inquit, Isaias, aquas manu mensus est, & cælos palmo direxit, & vniuersum terræ puluerem reuocauit ad numerum, & montes examinauit ponderibus, & colles trutina ponderauit? Apud Solomonem verò diuina sapientia clamat, lege sua fuisse cælum perfectum; ætherem in suprema

mundi regione firmatum; terram in mediâ mundi sede stabilitam, extructos in sublimi montes, depressas in altitudinem valles, aquis fines constitutos, omnia tandem admirabili ratione disposita & collocata. Quocirca non incommode scriptum est, vniuersam naturam pondere, numero, & mensura contineri. In naturæ igitur fabrica clarissimam iustitiæ imaginem licet intueri. Primum enim in eo, quod quælibet mundi pars suis se regionibus continet, nec in alienas oras inuadit. Deindè, quod nulla est, quæ noceat reliquis: immò sic alias sustinet, & aliarum ope ita sustinetur; vt, si vna sit ab alijs auulsa, nulla possit statum atque naturam suam conseruare. Postremò, quod admirabili quodam vinculo alia ex alijs ita nexa & continuata sunt, vt vna natura ex tam multis effecta sit. Quæ res impulit olim homines ingenio præstantes, vt omnia vnum esse dicerent. Hæc autem omnia efficit lex diuina, cui omnis natura est obediens atque subiecta. Omnis igitur ordo, modus, & conuenientia, omnis ornatus, & apta dissimillimarum inter se rerum connexio, omne coniunctionis & societatis firmamentum, diuina lege continetur. Tunc igitur erit omnis iustitiæ ornatus in nobis, cum lex diuina dominabitur. Nec enim ira rationem dominatu pellet; neq; libido eandem constrictam imperio continebit; nec vlla alia perturbatio mentis statum labefactabit, sed singulæ partes animi suis quæque finib. tenebuntur; nec longius euagabuntur, quàm ratio ipsa permiserit: & omnes denique legitimo rationis imperio obediens, ad animi totius statum conseruandum mirificè conuenient. Ratio enim

enim in diuinam legem intuens lucem accipiet; & vires assequetur, quibus facillimè possit omnes animi partes moderari, atq; motus inanes reprimere. Inde igitur omne decus atque dignitas efflorescet: inde omnis tranquillitas atque regij status firmitas existet. Quocirca, cum Deus in principio cœlum, & terram, & maria, & omnia denique, quæ cœli complexu & ambitu continentur, tam admirabili lege & ratione designauit atque constituit; quasi in ea tantæ fabricæ molitione, id tantum muneris & operis habuisset, dum homini domicillum aptum, illiusq; splendori & dignitati conueniens ædificaret, atq; illi quasi quoddam gymnasium ad exercendam iustitiam efficeret: omne tandem consilium ad hominem creandum & informandum, quasi admirabile quoddam iustitiæ documentum contulit. Sic enim Moyses summum illum rerum opificem loquentem inducit: Faciamus hominem ad imaginem & similitudinem nostram. Vt autem ostendat, perfectam & absolutam imaginis huius vim & rationem esse in iustitia sitam; est enim diuinæ legis atque rationis effigies animis nostris impressa, cuius vis ea est, vt vetet delinquere, & recta præscribat, & ad imperandum maximè apta sit: vt igitur huius imaginis naturam esse in iustitia positam demonstraret, adiicit: Et præsit piscibus maris, & volatilibus cœli, & bestiis terræ. Quo in loco cernimus, hominem esse ad imperium natum, quod iustitiæ tantum munere regi & administrari potest. Est autem intelligendum, cum fuit homini cunctorum animantium imperium commissum, fuisse consequenter illi imperium in eam partem animi, quæ

rationis expers est, nec multum à bestiarum natura distat, eadem ratione tributum. Tunc igitur demum homo Dei similitudinem incontaminatam retinet, cum huius regiae virtutis munere fungitur, & sibi ipsi pro dignitate imperat, hoc est, cum ratio, quæ est ad naturam diuinam apta, ferinos animorum motus, atq; corporis cupiditatem, quæ instar immanis belluæ ruere & turcari solet, constrictam imperio continet, totumque animum excitat ad diuinæ legis studium. Est igitur iustitia, constans rationis æquitas & moderatio, ex lege diuinæ mentis apta, omne turpitudinis consortiū repellens, & animi partes in proprio cuiusq; munere continens: vel status animi diuina præscriptione fundatus, omni flagitio vacans, atque diuinæ naturæ similitudinem propriis attingens: vel excellens animi cultus, ex lege diuinæ mentis & rationis exorians, omnibus motibus turbidis atque turbulentis contrarius. Vt igitur Chaos illud à Philosophis excogitatum, iniustitiæ confusionem, & inordinatam atque infinitam turbulentis status agitationem exprimit: ita naturæ modus atque constantia, totiusque mundi pulchritudo, iustitiæ ordinem & conuenientiam declarat. Continet enim iustitia omnem ordinem, pulchritudinem, elegantiam, & decus; omnem denique dignitatis excellentiam: affert animis pacem & tranquillitatem, & diuinam in omni vita constantiam: floret opibus, & facultatibus, summisque prædijs & ornamentis in omni genere redundat. Vt enim in Republica tum honestatis laude florentem statum dicimus, cum Principes rectæ legi parentes, suam cuique tribuunt dignitatem,

nec

nec vlllo modo permittunt, vt quisquam munus sibi assignatum deferens, alienum impudenter usurpet: aut re sua familiari minimè contentus, opibus alienis manum afferat: sic in animo omne iustitiæ decus exoritur, cùm ratio in diuina mente defixa reprimat iracundiam, & libidinem coercet, & singulas animi partes terminis circumscribit, ne possint aliquid aliud, quàm quòd sibi est præscriptum, moliri, & in mentis statum furènter inuadere. Et perindè atque ciuitates rectè legibus constitutæ, pace & otio cū dignitate fruantur: sic animus iustitiæ particeps in honestissima pace & tranquillitate versatur. Atque vt ciuitates pace & otio constitutæ facillè florent opibus, & varijs vitæ ornamentis atque præfidijs abundant: sic, vbi recta ratio omnes animi motus inconsideratos lege diuina reprimat, vt mira tranquillitas adsit, atque securitas; euenit, vt animus repentinè diuinis opibus illustretur, inuictòq; præsidio muniatur. Et, ne rem valdè perspicuam multis definitionibus obscuremus; satis sit admonere, iustitiam esse summam diuinæ legis obseruationem. Hæc est enim iustitiæ regula, hæc vitæ norma, ad quam solam omnia officia dirigenda sunt. Cùm igitur lex diuina fanciat, ne in se quisquam dedecus admittat, ne se flagitio polluat, ne vitam scelere contamine; sed totum sese ad virtutem atque bonitatem Dei imitandam conferat: cumque iustitia nihil sit aliud, quàm habitus excellens animi lege diuina conformatus: sequitur, omnem vitæ puritatem & continentiam, omnem clementiam & benignitatem, omnem egregiæ mentis altitudinem, humanarumq; rerum contè

ptionē, omnem pietatē, sanctitatem & religionē, omnem deniq; virtutum omniū consensionem, cōplexu iustitiæ contineri. Hæc enim omnia diuina lege præscripta, definita, & constituta sunt. Est igitur, vt vno verbo dicam, omnis iustitia in Dei similitudine cōstituta. Hoc enim lex illius sanxit, atq; præscripsit, vt illi similes efficiamur. Estote, inquit, sancti, quoniam ego sanctus sum. Vnde autem iustitia in nos perueniat, ita perspicuum est, vt oratione non indigeat; maxime, cū id magna ex parte demonstratum sit. Nam, si iustitia est diuinæ legis effectus, atque ipsius Dei similitudo; vnde aliò potuit ad nos, quàm à mente diuina permanare? Si enim corporis sensus, si communis spiritus, si omnia vitæ subsidia in Dei muneribus habenda sunt; si nihil est in nobis, quod ad vitæ tutelam pertineat, quod non à Deo sumpserimus; multò profectò magis hoc donum omnium maximum, & amplissimum est ad illius gratiam & benignitatem referendum. Nam reliqua omnia quamuis à Deo donata sint; apparet tamen, vnde beneficio diuino assumpta sint. Humorem enim ab aqua, calorem ab igni, spiritum ab aëre, corporis soliditatem à terra sumpsimus: iustitiam verò non aliunde, quàm à solo Deo totius iustitiæ fonte, vnde animum traximus, haurire potuimus. Indè fit, vt cū in alijs vitæ muneribus sic Deum authorem veneramur; vt naturam etiam ab illo conditam admiremur; iustitiæ tamen donum, atque munus, nullo modo ad naturam, sed ad solam illius gratiam & benignitatem referamus. In illo nanque est non modò ipsius summæ iustitiæ species & exemplum, quod intueri, quod

DE IUSTITIA

persequi, quod omni studio imitari conuenit: verum etiam vis illa, quæ nos ad virtutem illius imitandam exsuscitat, atque ad iustitiam perducit. Ab illo enim & lucem accipimus, qua iustitiæ claritatem videamus: ab illo vires habemus, quibus ad illius dignitatem aspiremus: ab illo denique robur inuictum consequimur, quo omnia iustitiæ contraria, & inimica repellamus. Qui igitur fore confidit, vt ipse sine Dei præsentis ope, suo tantum studio & exercitatione iustitiam adipiscatur; est simul & singulari amentia præditus, & immani scelere astrictus. Quid enim amentius, quàm rerum etiam minimarum Deum causam esse confiteri; rei autem omnium maximæ causam ingenio atque viribus humanis assignare? Quid magis scelestum & impium, quàm diuinam ad se gloriam quæpiam transferre, sibi quæ diuinitatem tribuere? Qui enim diuinarum rerum in se causam ponit, se Deum planè facit. Iustitiæ autem splendore & claritate nullum munus potest animo cogitari diuinius. Quis igitur potest facere, vt ait Iob, mundum ex immundo, nisi ille summus iustitiæ architectus, totiusquæ æquitatis atque dignitatis origo? Sic enim inquit ille apud Isaiam: Ego sum ille, qui deleo iniquitates tuas propter me: & peccatorum tuorum non recordabor. In quo autem ait, Propter me, planè docet, non meritis hominum, sed diuina clementia humanas mentes sanari, atque ex impuris puras, & sanctas effici. Quid enim est in nobis, quòd vel iustitiam efficere, vel effectam tueri & conseruare possit? Num natura? at generis nostri princeps, in quo vis naturæ clarius cerni potuit; non mu-

tum post ortus sui primordium, cum esset omnibus naturæ opibus instructissimus, turpissimè lapsus est. Num legis disciplina? at ipsi summi legis interpretes, Moyses & Aaron, quibus lex à Deo tradita est vniuerso populo promulganda, cum essent sanctitatis nomine præstantes, & ipsius legis studio incensis, tamen peccauere. Cum igitur nec in natura, nec in lege sit iustitiæ causa: consequens est: vt omnis nostra iustitia sit ad diuinam benignitatem & gratiam reuocanda. Quocirca Dominus in eo loco, vt humanum fastum & elationem comprimeret, atque omnes mortales peccasse conuinceret, & esse seueritati diuini iuris obnoxios; addit continuò: Redige mihi in memoriam, & iudicio contendamus simul; narra, quid habes, quò te iustum esse demonstres. Pater tuus primum peccauit, interpretes tui desciiuerunt à me, & principes sanctos meos contaminatos ostendi. Hac igitur oratione pronúciat ipse iustitiæ parens, nec in natura, neq; in lege; sed in illius tantum benignitate esse omnem vim & rationem iustitiæ constitutam. Nec enim natura primum parentem in iustitia continere potuit; neque lex summum illum legis interpretem integrum à crimine conseruauit. In Dei igitur tantum clementia est omnis spes iustitiæ collocanda. Quæ fuit autem tanta numinis placatio, vt Deum hominibus ab illo tanto interuallo distantibus, & ab eiusdem institutis impiè dissidentibus, ita conciliaret, vt homines ornamentis diuinis afficeret? Cuius opera tandem potuit (hoc enim erat in quadripartita diuisione tertium) iustitiæ splendor hominum mentes illustrare? omnes enim peccauerunt, omni-

bus fuerunt grauissimæ criminum maculæ pent-
tùs iniustæ, omnes tandem miserrimè prolapsi
sunt. Qui igitur integri atque valentes per se sta-
tum suum diu tueri nequeunt, quomodo mortife-
ris morbis impediti è malis emergent? quibus re-
medijs amissam sanitatem recuperabunt? quomo-
do tandem sempiterni numinis offensionem ob-
literare poterunt? Num potest humanæ medicinæ
remediū, curandis corporib. inuentū, ansmi vul-
neribus adhiberi? Num offensio diuini numinis
humanis studijs atque muneribus compensari?
Quibus autem muneribus? Num existimamus, il-
lum pecudum strage delectari, hostiarumque
sanguine deliniri? At id Deo indignum est, illius-
que immensæ maiestati minimè decorum. Num
principes aliquot viros aduocatos adhibebimus,
quorum gratia & auctoritate illum nobis propi-
tium reddamus? Sed omnes reges maximi, omnes
nationum rectores, & principes, vniuersum deni-
que genus hominum coram illo pro nihilo repu-
tandum est. Quocirca Moyses in Deuteronomio
vt stultam hominum confidentiam refutaret, ait:
Dominus Deus vester, ipse est Deus Deorum, &
Dominus Dominorum, Deus magnus, fortis, at-
que metuendus, qui non respicit hominum dig-
nitatem, neque munera. Sed dices fortassè, vnam
reliquam fuisse viam iræ diuinæ auertendæ, & hu-
mani sceleris expiandi, quæ in sanctorum preci-
bus atque votis sita est. Hoc quidem non leue pon-
dus apud Deum habere confitendum est. Tan-
tum enim tribuit piorum hominum sanctitati,
vt eorum precibus remittat puniendi seuerita-
tem, & hominibus, quibus erat infensus, facile
place-

placetur. Vnde scriptū est: Moyſes & Aaron in ſacerdotibus eius, Samuel inter eos, qui inuocant nomen eius. Inuocabant Dominum, & exaudiebat eos. Item alibi: ſtatuerat perdere eos, niſi Moyſes electus ab eo, ſtetiſſet in muri ruina, vt reprimeret impetum eius. Eſt autem eo in loco ſimilitudo ſumpta à viris fortibus, & amore patriæ vehementer incenſis: qui cū murus tormentis hoſtium atq; machinis deiicitur, ſeſe in ea parte, quæ ruinis maximè ſtrata eſt, pro muro opponunt, ad hoſtium impetum ſuis corporibus excipiendum, vt cum certo vitæ periculo perniciem à patria depellant. Non aliter enim ſe geſſit Moyſes. Nam cū Iudeorum propugnaculum, quod in fidei religione conſiſtebat, eorundem rebellione diſſectum eſſet, nihilque impediret, quò minus ira diuina in homines omni firmo præſidio nudatos inuaderet, eoſque ad internecionem deleret: Moyſes ſtudio communis ſalutis inflammatus, ſeſe diuinæ iuſtitie telis obiecit, & expoſuit: neque recuſauit, quin ſupplicio ſuo omniū impietatem lueret. Sic igitur ſiſis cum ardentiffima ſuorum charitate præcibus, numinis ipſius impetum repreſſit. Nullum enim ſacrificium offerri Deo poteſt, hominum charitate magnificentius. Summum autem atq; perfectiſſimum charitatis officium in eo poſitum eſt, vt nos ad mortem pro aliorum ſalute libenter offeramus, & ſanguinem patriæ ſine vlla cunctatione, cū opus ita fuerit, largiamur, nullaque, quantumuis dira, ſupplicia recuſemus. Hoc vnum virtutis officium, omnium maximum atque præſtantiſſimum, cū omnes honeſtatis numeros in ſe contineat; mirum non eſt & homi-

DE IUSTITIA

num memoria consecrari, & multis in locis Deum propitium efficere. Idcirco Deus hoc vnum maximè officium & munus exigit ab ijs, qui præsunt alijs, & Rempublicam imperio atque disciplina moderandam suscipiunt. Itaque conqueritur apud Ieremiam, quòd nullum reperiret Hierosolymis, cuius studio in communem salutem valdè propenso, & ad sanctissimas preces & vota conuerso, ab euertenda ciuitate deduceretur. Apud Ezechielem verò pseudoprophetas insectatur, quòd non sese iræ numinis in populum sæuentis interposuissent: quod quidem magno argumento erat, eos non veros Prophetas fuisse. Vult enim clementissimus ille Dominus, vt sint, qui se pro omnibus offerant: qui dum aliorum salutem cōsulunt, propriam vitam negligant: qui summo studio & contentione non sibi tantum; sed omnibus veniam efflagitent: qui etiam ad caput suum pro omnibus deuquendum animo semper parati sint. Sic igitur fit, vt hac suorum sanctitate & religione, quæ in summa charitate consistit, sese ab hominibus statim euertendis sæpè contineat. Hoc igitur studio Moyfes, hoc Samuel, hoc Dauid, hæc multi sancti homines iram diuinam multis in locis cohibuerunt. Attamen neque Moyfes, neque Samuel, neq; quisquam alius, quantauis esset virtute & pietate præditus, potuit vllò modo cunctum orbem terrarum sceleris tyrannide liberare, vniuersumque genus hominum cum Deo in gratia ponere. Attulerunt illi quidem suis in magno aliquo periculo constitutis aliquam salutis atque libertatis speciem, ad huius tantum vitæ statum pertinentem, & exiguo temporis spacio circum-

cum

cum scriptam: sempiternam verò salutem, atque libertatem, quæ ad florentem atque sempiternum statum animi refertur, minimè conferre poterunt. Erant enim naturæ serui, non filij. Seruus, inquit Dominus apud Ioannem, non manet in domo in æternum, filius manet in æternum, hoc est, non Moyſes, neq; quisquam alius potuit in domo Domini sempiternum imperium & iurisdictionem administrare, sed vnicus tantum filius, paterni nominis hæres, & expressa immensi atque sempiterni numinis imago. Ergò, cùm Moyſes non filius, sed seruus extiterit, non in perpetuum domum Domini regere potuit, nec esse sempiternæ salutis administer, quæ quidem in veræ iustitiæ fructu consistit. Vt igitur opera illius fuerit Israel è Pharaonis impotenti dominatu liberatus, non potuit tamen eiusdem opera peccati vinculis eximi, & dæmonis infestissimi dominatum fugere, & sempiternam miseriam declinare. Idem etiam de reliquis in omni virtute excellentib. viris estimandum est. Omnes enim in eadem conditione fuerunt, qua Moyſes, de quo Paulus ait: Et Moyſes quidem fidelis fuit in tota domo illius, veluti minister in testimonium eorum, quæ dicenda erant. Christus autem tanquam filius in domo eius, quæ domus sumus nos. Vt igitur aliquot in locis ab ijs, qui non sempiternam, sed breui spacio definitam iurisdictionem in domo Domini haberunt, brevis aliqua lux rebus humanis allata sit: sempiterna profectò salus eorum opè constitui & parari non potuit. Alia igitur multò præstantiore sanctitate & religione opus fuit, alijs virtutum omnium meritis multò clarioribus ad genus

humanum è miserrima seruitute redimendum, quæ quidem in solo Dei filio mirabiliter eluxerunt. Ergò, vt inquit ille, si nos filius liberauerit, verè liberi erimus. Nullo igitur modo, nisi per vnicum Dei filium, è peccatis eripi, & in libertatem vindicari potuimus. Nam, si pro violatæ maiestatis amplitudine grauitas criminis suscepti penditur, cùm maiestas humano scelere violata infinita sit; consequens est, vt sit quodammodo pondus ipsius criminis infinitum. Virtus igitur illius, qui malum adeò pestiferum erat extirpaturus consentaneum fuit, vt esset propter inexplicabilem in illo nature diuinæ cum humana coniunctionem, non terminata, vt in reliquis, sed immensa & infinita. Solus igitur Dei filius habuit, quod pro genere humano satis abundè persolueret. Adde, quòd reliqui omnes, quamuis in vita se excellenter gesserint, sæpè tamen in vita lapsi conciderunt, & quamplurimis peccatorum maculis aspersi sunt; ita, vt ipsi etiam pacificatore indigerint, qui eis veniam impetraret, atque rursus illos in Dei gratiam restitueret. Nullus enim fuit, qui perpetuum vitæ cursum sine graui aliquo lapsu conficeret. Fuit igitur opus omnibus eo pacis sequestre & interprete, qui ne tenui quidem peccati contagio pollutus esset, nec alicuius opera ad gratiam Dei conciliandam indigeret. Talis igitur, vt Paulus ait, conueniebat, vt nobis esset Pontifex sanctus, innocens atq; purissimus, segregatus à nocētibus, altior cælis effectus, qui pro se nunquam, pro alijs non sæpè, sed semel tantum vnā hostiam offerret, cuius infinita sanctitate aditum omnibus in cælum aperiret. Vnica enī oblatione

sem-

sempiternam in suis iustitiam atque sanctitatem perfecit. Ergò, cū neq; Moyſes, Samuel, neque Helias, neq; quifquā alius habuerit, quo ſua ipſius debita compenſaret, vitamq; mortis inſidijs circumuentā redimeret; quomodo tandē viuere orbē terrarum expiare, & in diuinam gratiā reſtituere potuiſſent? Hoc igitur munus Dei tantū filio aſſignari conueniebat. Nam, ſi excellens animi pietas atq; ſanctitas eſt Deo gratiſſima, in Chriſto tantum eluxit diuinum illud admirandæ ſanctitatis exemplum, nullis vnquam terrenis affectionibus inquinatum. Si charitas in homines valet plurimū apud illum generis humani parentem optimū, addèd nos dilexit Chriſtus, vt in acerbiffimā mortē & intollerandum cruciatum ſeſe pro hominū ſalute libenter offerret. Si proceſ ſanctorum hominum Deum ſeclunt, & à ſeueritate ad clementiā traducunt: hic ſummus totius ſanctitatis architectus, cū plurimas pro nobis ærumnas pertulit, tum omnē vitam, quam infinitis laboribus expoſuit, in precibus conſumpſit: atq; ita patris opē nobis cum valido clamore, & lachrymis implorauit, & exauditus eſt propter ſuam ſingularem pietatē. Si poſtremo ſacrificium aliquod potuit expiare mentes hominū, pacemq; nobis impetrare: huic vni ſolū ſacrificio tributū fuit, vt omnia vitia & culpas excluderet, Deumq; in perpetuum generi humano propitium efficeret. Nec enim pecūdum ſanguis aſperſus potuit vllō modo inſitas animi ſordes eluere, ſed ſanguis Chriſti tantum, in conſpectum patris illatus. Chriſtus igitur ſolus maximus atq; ſempiternus ſacerdos, munere ſuo egregiè perfunctus, id perfecit in nobis, quod nullæ

sacrorum sanctitates, nullæ ceremoniæ, nulla pris-
 cæ legis instituta, nulla sanctorum hominum pre-
 ces efficere potuerunt. Non enim bruta animãtia,
 sed sui ipsius corpus sanctissimum ad sacrificium
 obtulit: non in templi manu facti aditum, sed in
 summum cæli fastigium penetrauit: non pecudû
 sanguine populum atque aras asperfit, sed pro-
 prio sanguine odium in nos cælestis atque sempi-
 terni numinis extinxit: non odores terrenos incē-
 dit, sed ardentissimis precibus pro salute omnium
 supplicauit: non deniq; vllis muneribus humanis
 iram patris auertere instituit; sed admirabili obe-
 dientia, charitate, sanctitate, religione, numen il-
 lius veneratus est. Neque sibi ipsi veniam (nunquã
 enim in vita deliquit:) sed nobis omnibus postu-
 lauit: neque in eo sacerdotio administrando hu-
 manam religionem, sed diuinam virtutem adhi-
 buit. Illius igitur tantum opera fuit & patris nu-
 mē placatum, & iustitiæ donum hominibus imper-
 ritum. Restat nunc, vt videamus, quibus tandem
 hominibus iustitiã à Deo per Christû data sit. Sed
 hoc etiam iam superius ostensum est. Non enim
 Deus sanat inuitos, non placitis illius obfistentēs,
 non oblatam lucem repudiantes; sed eos, qui vul-
 neris sui remedium non aspernantur, diffusumq;
 lumen libēter accipiunt. Eis igitur tantum dona-
 ri iustitiam constat, qui Deo monenti credunt,
 vocanti præstò sunt, imperanti obediunt, medicã-
 ti gratiã tribuunt, totosq; se illi tradunt, neque
 ingenio suo, sed voluntate illius omnia vitæ con-
 silia moderantur: vt autem vniuersa vnico verbo
 cōplectar, eis tātum Deus iustitiã tribuit, qui fide-
 les sunt. Attende enim, qui sint illi, quibus sanitatē
 pol-

pollicetur. Si audieris, inquit, vocem Domini Dei tui, & quod rectum est corā eo, feceris, & obedieris mandatis eius, custodierisq; omnia præcepta illius, nullū morbum eorū, quos intuli Aegyptijs, inferam tibi. ego enim sum Dominus Deus sanator tuus. Ex his verbis planè liquet, his tantum iustitiam tribui, qui fidem retinent, hoc est, qui Deo obedientes sunt. Obedientia enim sanitas cōparatur: sanitas autem est in iustitia constituta. Sic etiā David eos sanādos prædicit, qui morbi sui sensum capiunt, atq; dolore perculsi ad Deū conuertuntur. Similiter apud Isaiā, Christus se missum esse pronunciat ad eos curandos, qui animis afflicti sunt, hoc est, qui dolore cōfecti, in vnicū illum vitæ medicum respiciunt. Sic deniq; apud Ieremiā, & Ezechielem, & reliquos Prophetas, illis tantū salutem, & diuinum iustitiæ beneficium pollicetur, qui fuerint diuinis institutis obedientes. Sic item Paulus docet, Christum obediētibus sibi causam æternæ salutis attulisse. Habemus igitur, quoad eius fieri potuit, vniuersam iustitiæ vim peritus explicatam, Nam &, qualis sit iustitia, descripsimus; & à quo fonte petenda sit, ostendimus &, cuius opera manat ad homines, explanauimus & ad quos tandem homines emanat, oratione definimus. Demonstratum enim est, iustitiam esse statum animi: diuina lege fundatū, atque diuinæ virtutis constantiā specie referentem. Dictū est Deū solum esse, qui iustitiam in nobis efficiat. Hanc autē amplissimis Christi meritis atque sanctitate tributam hominum generi, docuimus. Postremò, nō omnes, sed eos tantum, qui ritè fidem colunt, id est, qui diuinis præceptis obediunt, iustitia donari. Nō alie
num

num autem hoc loco arbitror, exactius distinguere, quid inter fidem atq; iustitiã interfuit: siquidẽ vtriusque virtutis vis in diuinæ legis cultu & obseruatione perspicitur; vt ita vix à se inuicẽ cogitatione discerni queant. Sed animaduertendum est, iustitiã sine fide cõstare non posse; posse autẽ fidei rationem intelligi, vt iustitia non sit. Cũ enim peccamus, in crimen repentẽ incidimus, iudicio diuino reservatum; quod nullis operibus, quãtũuis pijs, effugere per nos possumus; ita, vt etiam cũ fide ad officiũ reuertimur, minimẽ possumus iustitiam obtinere. Maximorum enim criminum reus sumus, atque iudicij laqueis irretiti detinemur; vt, quamuis animus iam sit in veræ religionis cultum incitatus, non tamen sit in eo studio & cõuersione iustitiæ ratio collocanda. Iustitia enim tunc existit, cùm omnis omninò reatus extinguitur. Est igitur necessesse vt ad Dei clementiam confugiamus, ductique fide ad gratiam aspiremus, vt opem suppliciter imploremus. Quo factò, clemētissimus ille Dominus cõtinuò preces nostras exaudiet, atq; id, quod instituit, & inchoauit, absoluet; õnibusq; flagitijs nostris sempiterna obliuioẽ sepultis, iustitia nos sua confestim informabit. Sēper itaq; fides antecedit iustitiam: continet tamen fides primam iustitię institutionẽ. Inchoat enim iustitiã in nobis Dominus, cũ numine suo pellit animos; cũ fidẽ in nobis excitat; cũ facit, vt spiritu suo pulsã mala nostra sentiamus; cũ nos ad se fide cõuertit. Perficit, & absoluit iustitiam, cũ non modò nos ad sui studium allicit, & inuitat; verũ etiam omnia commissa scelera condonat. Est itaque iustitia fidei fructus amplissimus, fides autem maximũ iusti-

tiæ fundamentum. Fides enim incipit, quod iustitia consummat: fides sceleri obstitit, iustitia omni scelere soluit: fides strenuè decertat, iustitia summa cum gloria triumphat: fides vota nuncupat; iustitia nuncupata vota persoluit: fides in eo elaborat, ut animum rectè constituat; iustitia animum facillimè regit atque moderatur. Sic igitur fit, ut fides quidem inchoata quædam iustitia sit; iustitia verò perfecta & absoluta quædam fides. Accedit, quod fides est officium nostrum, non tamen absque diuino beneficio præstitum: iustitia verò diuinum munus & beneficium, humanis tamen officijs exercendum, atque conseruandum. Fidem itaque Deo offerimus, iustitiæ verò gratiam postulamus. Fide postremò iustitiam cōsequimur; iustitia autem fidem tuemur, atque miros in illa progressus facimus. Ut enim sublata fide iustitia omnis amittitur ita iustitia constituta, fides fit altior indies atque vehementior. Hinc facillimè apparet, in quo sit omnis sanctitas constituta. Est autem sanctitas scientia religionis colendæ: scientia autem hæc in eo posita est, ut teneamus animo, quibus sacris immolandum sit; quid rursus sit à Deo postulandum, atque flagitandum. Qui hæc duo rectè animo percepta atque comprehensa tenuerit; is verè religionis scientissimus haberi potest. Quo autem alio sacrificio numen illius venerari, quod aliud munus voluntati illius acceptum & gratum adhibere possimus, præter vnam fidem, Christi meritis atque sanctitate firmatam? Quid rursus ab illo petendum, quod sit & illius magnificentiae magis consentaneum, & ad nostram dignitatem aptius, & ad vitam & immortalitatem magis necessarium; quam iustitiam

tiam? Præclare igitur Oseas populum ad studium sanctitatis adhortatur. Sic enim eum excitat ad religionem, ut non vlllo modo eam in legis sacrificijs, sed in fide sitam doceat. Non enim ait, parate vitulos, hircos ad aram statuite, agnos & arietes in Dei honorẽ iugulate. Quid igitur dicit? tollite vobiscum verba & couertimini ad Dominum. Hic non planè demonstrat, omnem religionẽ in sancta & fidei precatione consistere, neque sanguine pecudum, sed fide atque precibus ardenti fide subnixis, immolandum? Nunc discamus ab eodẽ Propheta, quid à Deo petendum sit. Adiungit enim: Diciteque ad eum: Omnem aufer iniquitatem, & accipe bonum, hoc est, confer mihi diuinum iustitiæ munus, & hanc meam fidem, qua ad te supplex accedo, benignitate tua immensa & infinita complectere. Atq;, ut ostendat fide iustitiam conseruari & augeri; admonet, ut in perpetuũ fidem voueant, quæ quidem maxima ex parte in acceptis beneficijs animo retractandis, & in gratijs agendis posita est. Addit enim: Et persoluemus vitulos labiorum nostrorum, hoc est, sacra, quæ nobis voti damnatis, peragenda sunt, non vitulorum cædes, sed laudem tuarum assidua prædicatione peragenda sunt. Hi enim sunt vituli tibi gratissimi; hæc sacrificia magnificentissima. Breui itaque oratione vir diuinus omnẽ nobis rationem verę & absolute religionis explanauit. Docuit enim fide supplicandum; iustitiam verò postulandam, iustitiæ rursus donum atque beneficium fidei opibus conseruandum, & augendum; ut sic fides iustitiam pariat; iustitia fidem amplifcet; & sic alterũ alterius incremento roboretur; & vtrunque tandem ad summum

munum perueniat. Hæc sunt illa sacra sanctissima, quibus initiari; hæc sacrificia, quibus pacem exposcere; hæc munera, quorum gratia vota suscipere conuenit. In hoc enim omnis religio sita est, ut fide pro obtinenda iustitia sacrificemus. Ut autem omnis religionis intelligentia in fidei atque iustitiæ cognitione cōsistit: sic omnis impia fraus, omnis impura superstitio ex eo est, quod neque cum fide ad Deum adeunt homines; neque iustitiā, sed opes fluxas & interituras à Deo flagitant. Duplici igitur ratione impuri & impij sunt. Aut enim, quāta sit diuinæ naturæ vis atque maiestas, quantaque & quā salutaris benignitas, ignorant: aut summū bonum non in ipso Deo, sed in rebus caducis ponendum existimant. Nam, si illud in Deo sitū esse iudicarent, nihil optarent ardentius, quā id, quod eos cum Deo arctè coniungeret: id autem iustitia est. Vtroque igitur modo Deū honore diuino spoliānt. Nā, qui aut diffidenter & timidè, aut nimis confidenter & impurè cū muneribus terrenis per fraudē sæpenumerò quæsitis, ad aras accedūt; prauam certè opinionem de diuina bonitate & clemētia, aut iustitia & æquitate concipiunt. Qui rursus aliud, nisi Deum summè concupiscit, atq; non pro iustitia, sed pro rebus caducis tantum immolandum putat; is certè Deo cui supplicat, diuinitatem eripit. Id enim, quod summè & ardēter expetit, illi antepōnit. O deplorandā cæcitātē, & amentiam hominum, omnē operam, curam & sollicitudinem, omnes rationes & cogitationes, omnes denique preces & sacrificia in res inanissimas conferentium. Quid enim miserius, quā pro ijs rebus parandis immensos labores excipere; quæ
neque

neque inopiam subleuant, neque curas eximunt, neque morbos depellunt, nèque sitim cupiditatis extinguunt: immò, dum cupiditatem vehementius irritant, omni tranquillitatis fructu animum spoliant, vitamque longè amariore efficiunt. Hoc diuinum iustitiæ donum optandum, hoc amandum, hoc assiduis precibus petendum est; quod animum omnibus diuinis opib. copiosum & opulentum reddit, quod morbis liberat, quod extrahit sollicitudines, quod homines Deo similes facit, in quo denique diuinæ gratiæ summa consistit. Nec enim aliud est gratia illa, qua iusti sumus, nisi iustitia ipsa gratis concessa fidelibus. Quod ut rectius intelligamus, non arbitror alienum, gratiæ nomen explicare, maximè cum nullo modo eam à iustitia secernendam existimem: & eos, qui aliam gratiam excogitant, illorum bonavenia dixerim, in maximo errore versari censeâ. Primùm igitur hæc vox significat fauorem & benivolentiam alicuius, nullis aliorum meritis, sed sponte tantum & voluntate sua, ad benignè faciendū propensam. Significat deinde ipsius benigne voluntatis effectum; nempe beneficium gratuito collatū. Declarat præterea gratiæ nomen accepti beneficii memoriam, cum studio reddendi; atque, quoad eius fieri poterit, referendi coniunctam. Est postremò alia huius verbi notio, qua dicimus aliquod esse gratum; hoc est, aspectu iucundum, amorem quasi quadam venustate concilians. Hanc autem variam & multiplicem nominis huius vim, cum ad diuina significanda transferimus, semper nobis iustitia occurrit. Nam, cum gratiæ nomine diuinum fauorem & clementiam intelligimus, nullis

nostris

nostris meritis ad munera gratis danda incitatum, hæc certè Dei clementia, in iustitiæ beneficio hominibus tributo maximè perspicitur. Deindè, cum ex ipsa gratia mirabiles, atque varij, & multiplices effectus existant (omnia namque vitæ cōmoda in gratijs numerari possunt) præcipuè tamè spiritus sancti munera gratis hominum generi concessa, hoc vocabulo designantur. Diuisiones, inquit, Paulus, gratiarum sunt, idem autem spiritus. Sed cum nullum à spiritu sancto donum aut maius & amplius iustitia, aut iucundius & salutarius acceperimus; congruum fuit, iustitiam potissimum inter omnia diuina munera hoc nomine gratiæ appellari. Si verò illum verbi vsum consideres, quò gratia ponitur pro memoria accepti beneficij: vnde fit, vt ingratos eos nominemus, qui beneficij memoriam deponunt, paremque voluntatem non reddunt, cum possunt: gratia profectò est ad ipsius partæ iustitiæ munus & officiū maximè referenda. Nihil enim est magis secundum iustitiam, quàm gratus animus, accepta beneficia secū recogitans, eaque, vbi primùm potest, quibus in rebus potest, omni studio rependens, aut saltem gratiarum agendarū studium non intermittens. Si postremò animū referas ad illam nominis sententiam, qua diximus, gratam oculis venustatē declarari; omnis certè venustas & elegantia est in iustitia ponenda. Nihil enim refert, quàm grati simus hominum oculis; neque enim sunt in sensibus humanis vera & constantia pulchritudinis & honestatis iudicia. fit enim plerumque, vt falsa venustatis imaginē capti, deformia atque turpia perpulchra iudicent. Illud igitur animaduertendū est, in

quo sunt omnia, quàm grati nempè, quàm amabiles, atque iucundi simus illi summo formarum spectatori, qui non vanum corporis nitorem; sed splendidum animi cultum, & admirabilem mentis elegantiam intuetur. Nihil autè Dei oculis omni ex parte gratum esse potest, prater iustitiam. Quoquo igitur modo gratiam intelligas, semper iustitia animis obuersatur. Aut enim fontem iustitię perspicis, aut ipsius iustitię vim & rationem, aut iustitię munus & officium, aut eiusdem iustitię decus & elegātiā. Has vocabuli huius notiones mihi planè perceptas arbitror: illius autè gratiæ vim me penitus ignorare confiteor, quàm mul ti non à charitate solùm, verùm etiam ab omni virtutis ratione seiungunt, eaq; charitatem informari contendunt. Eos autem ipsos, qui de gratia ita disputant, eius ipsius gratiæ, cuius authores sunt, vim ignorare, illud est maximo argumento, quòd eam non nominant, sed qualitatem quandā nomine vocantem inducunt. Si enim quæras ab illis, quid gratia sit, multam operam in distinguendo ponunt, & rectè sanè: omnis enim nominis vis multiplex distinguēda est. Sed distinctionē videamus. Gratia, inquiūt, primū est fauor, amore, quo quisque est affectus in aliquem, excitatus: est deindè fauoris ipsius effectus, nempè gratis donatū beneficium: est postremò grata accepti beneficij commemoratio. Optimè. Sed ego primam gratiæ rationē Dei clementiam appello, è qua nostra iustitia omnis emanat: altera, quamuis latè pateat, iustitiā tamen præcipuè significari video: tertia verò ipsius iustitiæ summum atque præstantissimum officium designari non ambigo. nihil est enim, in quo

sciu-

se iustitia clarius ostentet, quàm in aithore atq; pà
rente iustitiæ colendo, summisq; laudibus atque
omni vitæ studio celebrando. Sic enim fit, vt iusti-
tia eò, vnde profecta est, reuertēs, absoluta quadā
conuersione finem atque perfectionem consequa-
tur. vt enim à Deo profluxit; sic ad Dei gloriam est,
tanquam ad debitum finem referenda. Si ergò,
cùm gratiā nominamus, statim nobis occurrit vel
iustitiæ origo, nempè immensa Dei benignitas, &
clementia: vel iustitiæ ipsius vis & ratio, opera di-
uinæ benignitatis effecta: vel iustitiæ studium om-
nium præclarissimum: quid opus fuit aliam ex-
quirere gratiam à iustitiæ ratione seiunctam, quā
nemo prorsus intelligeret? Nō inquirunt, est veri-
simile, vt Deus ijs, quos spiritus sui muneribus in-
formare instituit, minus consulat, quàm rebus ijs,
quæ natura tantum cōhærent, & permānent. Sed
res, quæ natura tantum constant, sic à Deo consti-
tutæ sūt, vt non tantum à causā extrinseca moue-
rentur, verum etiam insita propriæ formæ cupi-
ditate, atque propensione, eum finem motus
appeterent, ad quem causa extrinsecus illata diri-
guntur: aliter enim motus ille minimè naturalis
esset. ergò & ijs, quæ spiritu diuinō regendæ sūt,
opus fuit aliqua diuina forma, qua spontè duce-
rentur eò, quo illas spiritus diuinus impelleret.
Hoc quidem rectissimè dictum puto, sed eam for-
mā iustitiā esse defendo. In ea enim est solida &
expressa diuinæ mētis effigies; quæ facit, vt ad ōnia
ad quæ nos spiritus sanctus singulari præsidio im-
pellit, spōtè etiam nostra cū voluptate ducamur,
Quid igitur opus fuit, gratiā à virtute secernere? si
enim propriū virtutis munus est, eū, in quo inest,

DE IUSTITIA

perficere: cùm grãtia mentem maximè perficiat,
 ad summumque perducatur: virtus, vel maximè du-
 cenda est. Nam, si gratiæ nomine Dei clementiam
 intelligis; gratia Dei ipsius virtus est: si diuinæ cle-
 mentię beneficia; inter ea iustitia præstantissimū
 locū obtinet: si animum gratum atque beneficij me-
 morem; in eo virtus omnis sita est. Quid igitur
 conuenit, gratiā ab omni virtute separare? Ita sa-
 nē, inquiunt: ut enim rationis lumen est à virtuti-
 bus industria & exercitatione quæsitis natura di-
 stinctum: ex autem virtutes sunt, quibus homo ad
 finem humanæ naturæ consentaneum dirigitur:
 ita consequens est, lumen gratiæ ab ijs virtutibus
 separari, quarum diuinam vim Spiritus sanctus a-
 nimis diffundit. Hæc illi omnia more suo, nos no-
 stro dicimus: & hac quidem conclusione effectum
 putant, quod volunt: in qua tamen, difficile dictu
 est, quàm multa vitia sint. Primū enim in eo
 grauiterrant, quod ita disputant, quasi sit ali-
 qua virtus, quæ à clementia diuina non fluxe-
 rit. Virtutes enim, quæ non à Deo ortæ sunt, &
 ad Deum referuntur; nō virtutes, sed flagitia sunt.
 Deindē, quod statuunt lumen rationis sine Dei
 gratia constare posse: ratio enim per se neque vi-
 tæ finem intueri, neque vitæ cursum instituere,
 neque è tenebris emergere potest. Semper enim
 errat quandiu est orbata diuino lumine: ita, ut, cū
 maximè ad beatam vitam enititur, tum vel maxi-
 mē se in miseriam sempiternam præcipitet. Quod
 est igitur rationis lumen: gratia profectò diui-
 na. Ut enim lux solis oculorum lumen appella-
 ri potest; ea namque circumfusi oculi clarè vident,
 quæ ante solis ortū erant tenebris inuoluta: sic &
 diui-

diuina gratia ratiōis lūmē potest appellari. Quod si rationis lumen appelles rectam mentis intelligentiam clarē cernentem; ea certē sine diuina luce extare non potest. Recta porrō intelligentia, sapientia est. Sapientia autem non modō maxima virtus est, sed omnes ipsa virtutes gubernat. Nullo igitur modo est rationis lumen à vera virtute natura atque ratione separandum. Ille verò communis multorum lapsus, statuunt enim finem hominis humanæ naturæ accommodatum, diuersum esse ab eo, quem appetit, postquam est gratia diuina informatus. Homo enim, cū sit natura diuinæ mentis imago, nihil habere potest, quod illius naturā perficiat, & in quo tādē, vt in vltimo bono, conquiescat, nisi Deum. Ita concluditur, finem hominis ea ratione, qua homo est, solum Deum esse, ad quem tamen non suis viribus, sed Dei ipsius gratia peruenire potest. Cū igitur homo aliquid sibi præter Deum, vt vltimum bonum proponit, id non secundum naturam hominis facit, sed secundum humanæ naturæ corruptelam, & prauitatem. Postremò, vt possemus iudicare, quā esset apta comparatio, prius conueniebat explicare, quid esset gratia, vt sic tandem videremus, eandē esse gratiæ cum virtutibus, quas appellant infusas, cognitionem, quam habet lumen rationis cum virtutibus ratione acquisitis. Quomodo enim possū intelligere, quā aptè hæc inter se collata sint, nisi prius gratiæ rationem perspectam habuerō? Gratiam virtutem esse negas, Quid igitur gratia est, si virtus non est? Nam, cū tantum dicis esse qualitatem à virtutis ratione distantem, nihil tu me doces, nisi eandē ipsam qualitatem definias. Doce

igitur, quæ tandem qualitas ista sit. Est, inquit, ut Augustinus author est, nitor animi, sanctum concilians amorem. Rectè sanè, iste tamen animi nitor qualis sit, explicæ, mihi enim, qui nitorem animi, qui venustatem & elegantiam, qui omnem denique mentis ornatum & pulchritudinem in iustitia pono, satis esse puto nitoris nomen ad gratiam declarandam: tibi verò, qui gratiam à virtutis ratione discernis, vberius explicandum est, quid istius nitoris nomine significatum esse velis. Quod si nitoris verbo satisfactum quæstioni putas, perindè facis, atque is, qui interrogatus de eo, quæ dixisset esset egregio cultu nitentem, quali cultu ornatus esset, neque purpuram, neque aurum, neque gemmas nominaret, sed tantum ipsius cultus nomen altero quoque verbo ineptè repeteret. Quæro enim, qui tandem sit iste nitor animi, quam vim habeat, quibus in rebus situs sit: quod si fecero, aut iustitiam proferes, aut nihil omnind dices, sed tantum istius nitoris verbum identidè usurpabis. Nam, si dixeris, esse diuinæ formæ similitudinem, eadem ratione te premam, & eam ipsam similitudinē, ut explices, à te contendam: atque doceas, in qua tandem re similitudo formæ diuinæ consistat. Et sic tandem necesse erit, ad ipsam iustitiam reuoluaris, omnis enim diuinæ formæ similitudo est in iustitia posita. Quod Paulus in epistola, quam scribit ad Ephesios, iuculenter explanat: Renouamini, inquit, spiritu mentis nostræ, & induite nouum hominem, qui secundum Deum creatus est, in iustitia & sanctitate veritatis. Idem in epistola ad Colossens. demonstrat omnem diuinæ mentis imaginem in iustitiæ sanctitate positam esse. Si

se. Si igitur gratia est animi nitor, diuinæ naturæ similitudinem referens: omnis autem hæc similitudo in vera iustitia consistit, gratia certè nihil est aliud, nisi iustitia. Quod si dicas gratiam esse, quæ nos Deo gratos efficit, num potest aliquid aliud excogitari, quod nos Deo gratos efficiat, præter vnā iustitiam? Iustus Dominus, inquit David, & iustitias dilexit. Idem Dominus apud Ieremiam ait: Ego Dominus, qui facio misericordiam, & iudicium, & iustitiam in terra: hæc enim omnia placent mihi. Item apud Iohannem: Qui misit me, inquit, non reliquit me solum; quia ego, quæ placita sunt ei, facio semper. Paulus verò, cum Romanos exhortaretur, vt quilibet exhiberet se hostiam viuētem, sanctam, Deo placentem, vt explicet deinceps, quæ Deo placeant; omnia iustitiæ munera recenset. Ex his locis & ex alijs quàm plurimis, quos persequi esset infinitum, facile liquet, aut iustitiā esse, quæ nos Deo gratos faciat, aut nihil esse. Id enim nos Deo conciliat, quod illi similes efficit: iustitia autem est, quæ Deo similes efficit. Quod cum gratiæ propriū munus sit, sequitur, vt ipsa iustitia gratia sit. Cum autem charitas absoluta omnem sit vim iustitiæ complexa, multò certè sapientius fecisse videntur, qui gratiam à charitate non discernunt, quàm ij, qui eam à virtute ratione seiunctam esse statuunt. Legis namque finis, vt Paulus auctor est, charitas est, ex corde puro, & conscientia bona & fide non ficta. Cum verò constet, legis finem esse iustitiam (ad eam enim sancientiā omnia legis præcepta referuntur) restat, vt iustitia omnis in ea charitate sita sit, quæ post crimē venia deletū, atque diuina clementia sepultū, confestim

existit. Dei enim clementia sit, ut omnia crimina
 eorum, qui in illius fide nituntur, omnino deleantur,
 & ignis diuini amoris illorum animis impli-
 cetur, atque ita Deo summo arctissime coniungan-
 tur: quod est maximum & amplissimum diuinæ
 benignitatis & gratiæ beneficium. In hoc autem
 sanctissimæ cōiunctionis foedere constat, esse om-
 nem religionem iustitiæ constitutam. Cum igitur
 hoc nomē nō modò Dei benignitatē significet, ve-
 rum etiam illius munus atque beneficium: nullū-
 que munus à Deo nobis donatū sit illustrius, nul-
 lum amplius & magnificentius; efficitur planè, ut
 inter omnia diuina beneficia, hoc vnum iustitiæ
 munus præcipuè gratiæ nomē obtineat. Quocir-
 ca non possum satis admirari, quid venerit in mē-
 tem quibusdam hominibus eruditis atq; pijs, ali-
 quid ingenio comminisci, quod esset iustitiæ splē-
 dore, omniq; virtutis elegantia mirabilius.
 Nam illud ridiculum, in quo asserunt, gratiā esse
 iustitiæ formam. Putes iustitiam esse rudem mate-
 riam, & impolitam, noua quadam forma concin-
 nandam: aut aliquid in animo discipatum & flu-
 ctuans, quod sit ratione astringendum? In quo qui-
 dem minimè vident, omne, quod in materiæ ratio-
 nem cadit, infinitè ferri, & esse semper in motu,
 sine modo, sine constantia, ordinis totius expers,
 & immoderatè iactatum. Infinita igitur inanium
 rerum cupiditas, effrænata iracūdia, turpidæ & in-
 consideratæ animorū commotiones sunt, quæ for-
 ma indigēt, & materiæ instar obtinēt, & ratioe de-
 uinciendæ sunt: non iustitia, quæ est ipse rerū mo-
 dus, lex atque ratio, qua dissipata colliguntur, dis-
 soluta coniunguntur, dissidentia cōponuntur, inor-
 dina-

dinata deniq; in ordinem adducuntur, ita, vt ex
 flagitiosa commotionum infinitate, ad vnam ra-
 tionem & consonantiam redacta, vnicus, idemq;
 omnium suauissimus concentus existat. Quòd si
 rursus in iustitia esset aliquid solutum, & vagum;
 si quippiam inconsideratè commotum atq; turba-
 tum, tunc iustitiæ formam requirerem. Cum verò
 iustitia sit ipsa forma, eademq; omni laude excel-
 lens atq; planè diuina, animos numero atq; ratio-
 ne deuinciens; non video, cur hac minimè conten-
 ti, aliam sine vlla grauiore causa formam excogi-
 temus. Sic enim & ipsius gratiæ quam effingunt,
 esset alia forma rursus inuestiganda, & sic infini-
 tè progrediendum. Quòd si hoc absurdum est, ab-
 surdum etiam est id vnde hoc concluditur, nem-
 pè gratiam esse aliquid natura atque ratione à iu-
 stitia segregatum. Si igitur iustitia est summum et
 altissimum diuinæ gratiæ beneficium, ea nanque
 ad Dei similitudinem proximè accedimus, & om-
 ni studio ad immortalitatem rapimur, si ea conti-
 net in se omnem pulchritudinis & honestatis ex-
 cellentiam, ita vt nos Deo gratos, amabiles atque
 iucundos efficiat: si mentem diuina quadam spe-
 cie informat, & omnes animi partes ordine, lege
 atq; ratione constringit; si hæc omnia rectè gratiæ,
 quæ nobis per Christi virtutem & gratiam inest,
 attributa sunt: ipsa profectò iustitia gratia
 putanda est: & non alia gratia ingenio
 fabricanda.

LIBRI QVINTI FINIS.

HIERONYMI OSORII LUSITANI EPISCOPI SIL- VENSIS,

DE IUSTITIA

LIBER SEXTVS.



VALEM vim habeat iustitia, quomodo in diuinæ legis sanctissimo cultu sita sit, & à Deo ad homines, qui Christum fide veneratur, propter excellentem illius in omni genere sanctitatem peruenerit: quemadmodum denique summum diuinæ gratiæ munus & beneficium in illa consistat, satis explicatū arbitror. Nunc igitur consequens est, ut non vniuersè, sed sigillatim illius decus, & elegantiam, & opes immensas aliqua ex parte referamus. Quāuis enim diuina munera non possint intelligentia humana comprehendere; tantū abest, ut iustitia; qua nihil est in muneribus diuinis amplius, & illustrius, & vberius, & magnificētius, possit aliqua facultate splendidæ orationis explanari: consentaneū tamen est nobis, qui diuina suspicimus; maximè verò, postquā semel sumus tantarum rerū tractationem ingressi, nihil omittere, quod quidē ad illius explicationem pertinere videatur. Nec enim

enim verum est illud contritum nimia vetustate
prouerbiū: Mortalibus mortalia tantū curanda es-
se; neq; ea, quæ supra nos sunt, esse nobis vllō mo-
do ratione perquirenda. Scelerata profectō senten-
tia, malorumq; omnium seminarium continens.
Qui enim ita se abijcit, vt infima tantum, quæ infra
se posita esse videt, ad se pertinere putet; necesse
profectō est, vt quasi quædam immanis bellua cu-
piditate indomita rapiatur, & in omni flagitio &
turpitudine volūretur; neq; aliud in vita sibi pro-
positum esse putet, quàm vt effrenatam libidinem
expleat, omneq; vitæ studium in corporis cultu et
cura consumat. Quamquam, qui se mortalem exi-
stimat, animiq; vitam cum corpore simul extin-
guat; tantaq; mentis cæcitate laborat, vt naturæ suæ
dignitatem non cernat; neque inter se & brutum
aliquod animal quidquam interesse putet: æquū
est, vt prouerbiū illud semper in ore habeat,
mortaliaque tantum, & caduca omni studio con-
fectetur. Nobis verò, quos non ratio tantum, &
natura, sed multò magis laudabilis & prædican-
da fides erexit, atque ad cæli conspectum, & ad
nostram ipsorum cognitionem acriter excitauit,
quid aliud in vita faciendum est, cū nos immor-
tales, diuinoque semine generatos esse sentiamus;
quàm vt mortalibus rebus abiectis & repudia-
tis, de immortalibus atque diuinis noctes & di-
es, cum incredibili voluptate, cogitemus: & quan-
tulamcumq; dicendi facultatem adepti erimus,
eam omnē ad æternitatis ipsius studium confera-
mus? Non enim ad pastū, vt pecudes, sed ad immor-
tale decus & gloriam nati sumus; neq; naturæ per-
fectio nobis ē terra est; sed ē cælo petenda; neque

tam est nobis, quæ sit corporibus nostris cum ter-
 rena mole coniunctio; quàm quæ sit animis cum
 diuina mente cognatio perpetuò cōsiderandum.
 Non igitur conuenit, in diuinum iustitiæ splen-
 dorem solitò acrius intuentē, aut mollitia langue-
 scere, aut defatigatione frangi, aut deniq; difficul-
 late suscepti muneris impediri; quò minùs opes
 illius conetur in omnium conspectu proponere,
 earumq; cupiditate multos incendere. Nam, et-
 si institutum à nobis munus perficere nequeamus;
 ipse tamen conatus egregius est, præmioq; vt spe-
 ro, tandem afficiendus: siquidem non ingenio no-
 stro, sed Christi gratia & benignitate confidimus.
 Hac igitur fretus, timorem, quo eram antè percul-
 sus, omittam: & iustitiæ laudes dicere aggrediar.
 Vt igitur hinc principium ducamus, quanta luce
 completi sint, qui iustitia culti sunt, explicari nō
 potest. Nec enim communi tantum luce fruuntur;
 quam animantibus cunctis astra cælis infixæ dif-
 fundunt: sed ipsius diuinæ lucis radijs illustran-
 tur, quam solæ beatissimæ mentes aspiciunt. So-
 lem illum nulla vnquam ymbra noctis obscurat;
 cūm facilè omnem caliginem immenso fulgore
 dispellat: neque ad occasum comseat; sed eodem
 semper splendore intuentium aspectum lætificat.
 Nec enim diurna conuersione oblatam mortali-
 bus lucem definit; sed eandem perpetuò suæ lucis
 vsuram fidelium nationi largitur. Dies igitur ille
 nunquam nocti cedit; sed eodem semper iplendo-
 re omnia cum diuini luminis amplificatione col-
 lustrat. In hac igitur luce, quam Christus erat or-
 tu suo terris allaturus, Isaias, multis ante seculis
 mente defixus, incredibiliter exultat; diuinoque
 spiri-

spiritu concitatus vniuersum piorum hominum
coetum, magnis vocibus inclamat, dicens: Surge,
& illuminare, quia venit lumen tuum, & gloria
Domini super te orta est. In quo quidem aperte
significat, Solem, quo erat humanum genus illu-
minandum, esse Dei vnicum filium, qui idem pa-
tris gloria nominatur. Hic exoriens dissipauit pe-
stilentis erroris caliginem, fugauit noctem & te-
nebras, suorumq; mentes clarissima luce comple-
uit: ita, ut, cum reliquis hominib. teterrima quæ-
dam nox offusa sit, quæ diuinarum rerum aspe-
ctum adimit, ipsi tamen omnia clarè perspiciant.
Quod quidem idem vir diuinus explicat, adiun-
gens: Quia ecce tenebræ operient terram, & cali-
go populos: super te autem orietur Dominus, &
gloria eius in te videbitur. Deindè, post multa in
eandem sententiam adducta, ait tandem: iustos ho-
mines non Solis, non Lunæ, non syderum luce; sed
clarissimo splendore diuinæ mentis vsuros. Nec
enim sensibus vitam institutunt; sed fide omnia vi-
tæ consilia moderantur. Consequens igitur est,
ut non tam in communem astrorum lucem; quàm
in sempiternam diuini luminis claritatem respi-
ciant: neq; in vmbas rerum & imagines, quæ cor-
porum natura continentur; sed in ipsam verita-
tem æternæque naturæ constantiam aciem mentis
intendant; omniaque illorum consilia ad immor-
talem referantur: Prædicit igitur futurum, ut sol
ecclesiæ nunquam occidat; neque dies vllò tem-
poris spatio terminetur; cum sol sit ipse Deus, sum-
mus atq; sempiternus, sempiternum diem immen-
sitate & æternitate suæ claritatis efficiens. Quid
igitur beatius, quàm lucem hanc sempiternam at-
que

que diuinam mentis oculis vsurpare? Etenim, si, qui tenebris inclusi multis annis solem aspicere nequiuerunt, cum multa incommoda subierint; nullum tamen æquè dolentius passi sunt, atque lucis ipsius absentiam; iidemque cum subito tenebricoso carcere liberati, in lucem respiciunt, ipsius aspectu satiari non possunt: quid tandem illis euenturum suspicamur, qui teterrimis ignorantie tenebris emerfi, mentis oculos in Solem illū sempiternum subito conuertunt, iucundissimoq; statim maximarum rerum atque diuinarum spectaculo perfruuntur? Lux inquit ille, orta est iusto, & rectis corde lætitia. Quod enim gaudium, quæ voluptas animo tanta cogitari potest, quæ sit cum tanta felicitis animi voluptate comparanda? Flagrat enim mens hominis inexplibili cupiditate vera cernendi; vsq; adeò, vt multi sese corporeis voluptatib. omninò priuauerint, patrimonij magna consumpserint, regiones innumerabiles peragrandò confecerint, multisque in locis summam vitæ discrimen adierint, vt possent tandem aliquando animum suum sapientiæ disciplinis excolere. Sed quid tandem tam multis ingenijs ad verum inueniendum acerrimè concitatis, tantis laboribus exhaustis, tum multis rebus ad veritatem facilius indagandam temporis longinquitate diligenter obseruatis, ad summam sapientiæ profectum fuit? parum admodum profectò. Qui enim se sapientes existimabāt, & eo nomine sese insolentius efferebant, erant aliorum scriptis facilè redarguti, & ignorationis & inscitiae conuicti. Nec enim fuit quidquam ab hominibus ope diuina nudatis adeò feliciter inuentum, aut ita diligen-

ter explicatum, aut ea animi firmitate constitutum, quod non aliorum argumentis omnino labefactatum concideret. Quæ res impulit homines acutissimos, ut affirmarent, nihil sciri, nihil comprehendere & percipi posse, omnemque veritatem esse penitus ab humana cognitione remotam. Proinde solos eos minimè desipere, qui se nihil scire profitebantur. Quod si aliquid fuit commodè ab illis excogitatum, qui se studio sapientiæ dediderunt; nullum tamen id emolumentum, ad vitæ beatæ rationem conferrebat, ita, ut sine vlllo fructu fuerit ab eis omne studium in philosophia consumptum. Cum enim ipse beatæ vitæ sese ad artium studia contulissent; in summa tamen miseria versabantur. Erant enim & erroribus perniciosissimis imbuti, & curis molestissimis implicati, & flagitijs innumerabilibus impediti. ut autem nihil aliud eorum animos cruciaret, ipsum certè desperare omnem veritatem, cuius desiderio capti vitam omnem in studio conterebant, erat certè molestissimum. Ut enim si prægnans mulier foetum, quem diu aluo continuit, viuum edere nequeat, eam in ipso nixu magnis doloribus sine fructu cruciari necesse est, summumque vitæ periculum adire: sic mentem studio veri cognoscendi grauidam, intra quam concepta veritatis semina perfectè informari non possunt, opus est magnis doloribus implicari, in summumque discrimen salutis adduci, cum in ipso pariendi conatu semper abortione miserrimè conficietur. Est enim menti propofita veritatis ipsius informatio. Hanc igitur dum comprehendit, beata est: dum illius fructu priuatur, miserrima. Omnes igitur, qui sine diuina luce
in stu-

DE IUSTITIA

in studio sapientiæ versati sunt, miseri & ærum-
 nosi sunt existimandi: cum nunquam eò peruen-
 rint, quò ardentissimè cupiebant. Ex quo necessa-
 riò eueniebat, vt esset eorum vita multis curis &
 molestijs affecta. Nam, etsi aliqui inani quadam
 specie delusi, pro veris falsa probarent, & quasi
 voti compòtes, lætitia gestirent, non diu tamèn in
 ea voluptate permanebant. Nihil enim fictum, va-
 naq; specie simulatum diuturnam voluptatem po-
 test efficere: immò, quò vehementius initio ani-
 mum pulsat, lætitiàq; afficit, eò grauius in fine mo-
 lestia confectum debilitat. Ergò, & eos, qui diffi-
 cultate fracti veritatem se inuenire posse diffide-
 bant, & qui inaniter elati se iam sapientiam com-
 prehendisse credebant, necesse erat eximia solici-
 tudine conturbari. Quid enim molestius, quàm
 id, quod pulcherrimum esse ducis, quod omniũ
 maximè expetendum, ad quod tandem consequen-
 dum immensos labores excepisti, nunquam adi-
 pisci; sed quò magis omnes animi conatus eò cõ-
 paras, vt illo potiaris, eò longius te ab illius aspe-
 ctu remotum cernere? Quod illis necessariò eue-
 niebat, qui suo ingenio nixi, lucem diuinam mi-
 nimè requirebant. Vt igitur Iudæi, cum omnem
 vitam in iustitiæ studium conferrent, iustitiæ fru-
 ctum non tulerunt: quia non fidei sanctitate, sed
 adumbrata religione nitebantur: ita pleriq; Phi-
 losophi, cum in sapientiæ studium totos dies in-
 cumberent, nullum ex philosophia fructum sapi-
 entię perceperunt, quia ingenij confidentia, præ-
 cipites omnem fidei atq; pietatis sanctitatem ne-
 fariò & impiè contempserunt. Quid igitur felici-
 us, quàm in tam cæcis tenebris, & horrenda terra-
 rum

rūm caligine existore repētē lucem, qua circumfusi, possumus supera atq; cēlestia cōtueri, ipsamque Dei mentem, quæ continet omnem iuris regulam, animi moderationem, vitæque totius ornatum, assiduē contemplari? Neq; enim iuuat terras inani quodam studio metiri; sed in cælum mēte conscendere, diuinæ sapientiæ arcana perscrutari, opes sempiternas inspicere: Hoc est autem illud verissimæ sapientiæ studium, quod non insolenter ostentat ingenium, vanissimaque specie eruditionis mentibus humanis crassas ignorantia tenebras offundit: sed quod animum diuinarum rerū cognitione mirabiliter instructum, in amplissimo dignitatis & imperij gradu constituit. Cū autem hanc cōlestem atque diuinam sapientiam hi soli consecuti sint, qui iustitia ornati sunt: soli profectō sunt verē sapientes existimandi. Iam verō sanitas ipsius animi; quanti tandem existimanda est? Vt enim tum valet corpus nostrū, cū ea, ex quibus natura concretum est, ita congruunt inter se, vt nihil redundet, quod immoderata vi & impetu reliquarum partium conuenientiam disturbet: sic animus tum rectē valere putandus est, cū omnes illius partes inter se mirā quadam temperatione consentiunt, & quasi nōdō quodam diuini spiritus moderatione circundatæ colligantur. Quod quoniam iustitiæ munus est, ad iustitiæ moderationem & ordinem est omnis animi salus & firmitas referenda. Huius sanitatis spēm certissimam ostendit Isaias, cū magnis vōcibus omnes homines ad iustitiæ studium adhortatur. Tunc, ait, erumpet quasi splendor auroræ lumen tuum, & sanitas tua repentē germinabit.

DE IUSTITIA

Hanc autem lucem, & animi firmitatem libertas diuina consequitur. Vt enim error, inscitia, verorumq; bonorum ignoratio, mentem libertate spoliât, & libidinem in animi dominatu constituit: ita veritatis cognitio animos dominatu libidinis oppressos in libertatem restituit. Si vos, inquit Dominus, manseritis in sermone meo, verè discipuli mei eritis, & cognoscetis veritatem, & veritas liberabit vos. Quæ autem sit vera libertas, pro qua sit vsque ad extremum vitæ spiritum omni contentione dimicandum, docet, ostendens eâ in animi erecti & excelsi constantia, omne peccati imperium inuicta virtute repellentis esse constitutam. Hanc autem libertatē lux illa diuina largitur, quam iustitia nostris animis, cū in illam fide respicimus, statim affert. Quomodo enim flagitiosi amoris gratia seruiet libidini & impuritati, qui veræ dignitatis speciē admiratur: &, quod est consequens, ad illius sempiternæ pulchritudinis cupiditatem exardescit? Quomodo futilis & inanis voluptatis causa poterit à naturæ statu dei jci, qui stabili atque sempiterna voluptate perfunditur? Quomodo terrestrium diuitiarum cupiditate libertatem abijciet is, qui in cælestes atq; diuinas opes semper intuetur? Quā poterit is dolore frangi; qui ita mente viuit & viget, vt omnem corporis sensum repudiet? Quomodo tandem succumbet formidini is, qui, vt iustitiæ præmium assequatur, è corpore excedere concupiscit? Ergò, dum animus illustri mentis acie veræ dignitatis eximium decus & elegantiam cernit, dum veræ & liquidæ voluptatis dulcedinem gustat, dum opes immensas atque sempiternas admiratur: facile in-

le in a-

inanem speciem dignitatis contemnit, insidiosa nefaria voluptatis blandimenta repellit; omnes denique res humanas aspernatur. Hinc igitur animi magni & animosi, res vehementer arduas, plenasque laborum atque periculorum, absque vlla formidine gerentes, existunt. Nec enim modò veritatis ipsius luce circumfusi sunt, qui iustitiâ sanctissimam habent, verùm etiam diuino quodâ robore circumsepti, quo facillimè omnia suis opibus intenta pericula propulsent. Neque enim potest diuina virtus humana improbitate superari; neque viribus vllis impediri, quo minus clarissimam victoriam de cunctis hostibus suis obtineat, atque tandem magna cum gloria de omnium ruina & interitu triumphet. Ergò ratio, quæ cum esset in tenebris, libidini ministrabat; quæ seruebat impuritati & flagitio, quæ erat cupiditatis effrenatæ mancipium, vbi primùm iustitiæ lucem aspicit, sanitatem recuperat, peccatiq; iugum à se repellit, inuictasque vires adepta, non modò in summa libertate versatur, verùm etiam bellorum omnium victrix existit. Nihil est igitur hominis iusti mente magnificentius: est enim cælesti luce splendida sempiternis opibus firma, diuinis viribus inuicta, immortalis gloria ampla, clarissimarumque victoriarum monumentis mirabiliter illustrata. Iam verò de fructu tranquillissimæ pacis, qua iusti potiuntur, quis poterit pro dignitate differere? est enim fructus iustitiæ pax. Ergò, quæ admodum iustitia vera sempiterna est; ita & hic iustitiæ fructus amplissimus est necessariò sempiternus. Quod David olim fore, temporib. Christi, prænunciauit: Et erit, inquit, in diebus illius

DE IUSTITIA

iustitia & abundantia pacis, donec auferatur Iu-
na. Vsitata apud Hebræos loquendi consuetudine
significat, pacem illam, quam Christus erat numi-
ne suo terris allaturus, fore sempiternam. Quam-
uis igitur ij, qui sese ad Christum adiunxerunt,
bellis assiduis attentari videantur: ipsi tamen in-
tra se iucundissima pace & otio perfruuntur. Cer-
nere autem licet, quantis, & quàm pestiferis bel-
lis exagitati sint, qui diuinæ legi non obtempe-
rant, vt melius cernere valeamus, quàm secura sit
eorum vita, qui iustitiæ perscripta non deserunt.
Primùm igitur, cùm lex atq; ratio præscribat, vt
quælibet pars animi sese intra regionem contine-
at sibi à natura datam, neq; cancellos lege circun-
datos egrediatur: contra ius & fas omne fit, vt sin-
gulæ partes animi rationis expertes, spreto ratio-
nis imperio, iustitiæq; moderatione sublata, non
modò finem & modum transeant, verùm etiam ra-
tionem ipsam imperii cæco & furibundo de om-
ni mentis statu deturbent. Ergò cùm immensa cu-
piditas vinculis soluta ruere incipit, & impetum
in rationem facit; eam vndique machinis admo-
tis oppugnat, tormentisque omnibus verberat,
mortiferisque vulneribus impositis, illam in varias par-
tes versat, torquet, exagitat, ita, vt nihil incōstan-
tius, aut miseriùs excogitari possit. Vt enim naus
sine gubernaculo in salo fluctuans, est omnibus vè-
tis exposita, ita, vt cū primùm sua quadam tempe-
stas excitatur, necesse sit eam vi tempestatis iacta-
ri, vsq; eò dum vel vadis allidatur, vel fluctibus
obruatur: sic, cùm ratio est à gubernaculis deiecta,
legisq; imperium repudiatum, nullā potest ani-
mus habere constantiam, cùm sit immodicis per-
tur-

turbationibus agitur, & turbida tempestas impetu delatus, in exitium præceps amentia feratur. Est enim iniustitia mentis cæcitas, rationis perturbatio atq; confusio, turbulenta tempestas, animû perpetua iactatione cōcutiens, assiduisq; terroribus obiectis exanimâs. Sic fit, ut ancipiti bello distractus animus, cum tam importunis hostibus repugnare diu nequeat, & modò in hanc partem, modò in illam variâ atq; multiplicis cupiditatis impetu deferatur; acerbissimo angore crucietur. Ex hoc autem intestino bello aliud externum bellû exoritur. Omnes enim hostiles dissensiones inter homines excitatæ, ex impotenti dominatu cupiditatis oriûtur. Quemadmodum Iacobus inquit: Vndè & bella, & lites inter vos? Nunquid non ex cupiditatibus, quæ bella concitant in membris vestris? Nec enim immanis & fera libido solum, animum cuiusque intestino bello lacerat & conficit; sed excurrit etiâ foras, ut vel iniurijs innumerabilibus generis humani societatem violet; vel oculos hominum deformitate turpitudinis offendat; & odia maxima contra se concitet. Hinc igitur turbulenta dissidia, hinc cædes & insidiæ, hinc hominum strages, hinc rerum publicarum euersiones, diraque rerum humanarum exitia nascuntur. Quod enim est tantum bellorum incendium, quod non vel ambitio, vel auaritia, vel libido, vel iracundia, cum magna hominum pernicië excitare plerunq; soleat? Sed ex omnibus bellis, illud vnum est omnium maximè funestum & calamitosum, ex quo reliqua omnia oriuntur; nempe perpetuum hominis iniusti cum diuina mente atque voluntate dissidium. Cum enim Dei

legē transgredimur, illius numen oppugnamus; quo fit, ut illius iram in nos nostro scelere cōcitemus. Quod malū igitur tantū comprehendī cogitatione potest, quod sit cum hac tanta calamitate conferendum? Nam, cū homo impietate prolapsus, illum Dominum, qui omnia potestate infinita complectitur, cuius ope cuncta bella facile depellebat, non modò à se alienet, verū etiam acrem sibi aduersarium constituat, quodnam tandem habere poterit vita malorum perfugium? Si enim se ipsum respicit; animi statum cernit agitatū seditionibus, concisum vulneribus, deformatum flagitijs, assiduaq; iactatione conuulsum. Si oculos in res humanas conijcit; eas certē aspicere animo æquo non poterit, cū alijs inuidiat, alias timeat, alijs iratus sit, alias oderit, aliarum inani desiderio contabescat. Si cælū suspicit; esse vim diuinā omnia contuentem & animaduertentem, penasq; de scelere & improbitate repetentem animo atq; mēte recogitat: quòd quidem fieri necesse est. Nemo enī adeò sceleratus & impius est, qui non Deum esse putet, illiusq; sæpenuerò iudicium metuat. cū igitur esse numen putat, horret & tremat, nullaq; in sede consistit: cū semper animo anxio atque sollicito scelerum poenas extimescat. Omnes igitur belli dirissimæ curas & acerbitates complectitur iniustitia. Quòd si tanta sollicitudo vexat improbos; quanta tandem erit ea securitas, quam habent omnes iusti? Nec enim sibi ipsi odiosi sunt, cū secum intra se mirificè consentiant; nec homines oderunt, cū generis humani societatem sanctissimè colant: neque humanas opes extimescunt, cū se diuinis firmatos esse con-

siderent. Neq; postremò (quod caput est) iram illius Domini in se incitari perspiciunt, cui sunt sanctissimo atque sempiterno foedere copulati. Quocunque igitur animum conferant, quacunque sint in sede atque regione locati; quieti semper sunt, & in summa tranquillitate versantur. Quòd si quidpiam contra illos insurgat, non tantam vim habet vt eorum pacem turbet. Vt enim, cum pauci latrones in fines munitissimæ ciuitatis excurrunt: non ciuitati pacem eripiunt, sed tantam admonent esse fines diligentius tuendos: ita, cum vel motus aliquis intrinsecus excitatur, vel aliqua species horribilis extrinsecus obuersatur, vt animum oppugnet diuino præsidio septum; non pacem eripit, sed animaduersionem tantum excitat & diligentiam, ad omnes hostium conatus repentè frangendos, totumque bellum in ipso statim initio profligandum. Animus interim fiducia cælestis præsidij, quod sibi semper adesse sentit, elatus, non trepidat, neque tumultuatur vaquàm, neque vllò motu à mentis statu deducitur. Hæc est illa verà pax, quam non hominum fraudulentæ conuentiones afferunt, non foedera vanà sanciunt; non humanarum legum perscripta conficiunt: sed quam summus ille pacis author, qui cælum terris amore summo coniunxit, numine suo facit, atque confirmat. Pacem meam, inquit, do vobis, pacem relinquo vobis: non quomodo mundus dat, ego do vobis. Mundus enim, hoc est, hominum flagitiosa atque impura multitudo, rebus terrenis addicta, poterit quidem insidioso pacis nomine bella perniciosamolari: veram autem pacem, à qua plurimum

semper abfuit, non poterit vllò modo conferre. Cum itaq; se otium adeptam putat, cum vel maxime diro & crudeli bello laceratur. Contrà verò, Dei filius, cuius spiritu continetur fuma atq; sempiterna veri amoris coniunctio, cum solus possit cupiditatem, in qua omnium bellorum seminarium existit, virtute sua in nobis comprimere; solus potest animi nostri partes dissipatas colligere, & dissidentes vno rationis vinculo constringere, mentemque intestina peste liberatam, cum ipso Deo coniungere. Cum autem omne, quod dissidet, imbecillum sit; quod verò fidei conspiratione consentit, valde robustum: necesse profectò est, vt animus iustus, cum & secum ipse congruat, & ad amandos & iuuandos homines sit egregie propensus, Deoque pacis & amoris sempiterno fœdere deuinctus, inuicto quodam sit & sempiterno robore munitus. Vt autem pace & otio constituto, videmus moderatum & concordem ciuitatis statum affluere multis opibus, & potentia indies augeri; sic necesse est in tam stabili animorum concordia, augeri maximè virtutis opes, cumulari animi diuitias, crescere gratiam mentis atque potentiam, & omnia, quæ pertinent ad diuinum animi cultum, quotidie magis amplificari. Hinc etiam existit diuina quædam species, atque pulchritudo, ad amorem incredibiliter alliciens: quod minimè tamen mirandum est. Nam, si pulchritudinis imago, quæ cernitur in corpore mortali, multisque maculis inuito, quodam tamen inanimi lepore atq; venustate delectat, amoremq; sæpè conciliat: quid tandem efficiet vera pulchritudo immortalis animi, nullis sordibus inquinati, & or-

namen-

namēntis diuinis exculti; cū primū fuerit animaduērsa? Quis enim candor, quod lumen, quæ partium conuenientia tanta poterit excogitari, quæ sit cum eccellente hominis iusti decore & elegantia conferenda? Illius enim cādor ē claritate diuinæ lucis exoritur: illius venustas diuinę legis moderatione conficitur. Nihil est igitur in animo iusto, triste, obsoletum, & horridum; nihil atrū & infuscatum, nihil parum clarum & nitidum, nihil inter se discrepans, nihil non certo numero & ratione dimensum, nihil non diuina mente & moderatione temperatum. Tanta igitur pulchritudine splendet, quanta nulla vnquam consequetur oratio. Omnis enim ratio pulchritudinis non solum in luce & candore, sed etiam in ordine atque modo, summaque partium consensione consistit. Id enim tantum est specie iucundum, & oculos ad se rapit, quod est aptum & cohærens, & in quadam partium varietate, ita certo numero & ratione cōpositum, vt vnum maximè fiat. Contrā verò, quidquid est ineptum & discrepans, nec ratione coniunctum, deformitate sua oculos offendit & animos à se abalienat. Vt enim in fidibus, cū imæ summis, mediæ vtrisque respondent, vnus idemque suauissimus concentus elicitur: sic in formis, cū omnes partes inter se ita conueniunt, vt nulla sit ab alijs dissentanea, tum demum illa vna species atque venustas elucet. Cū igitur in ordine, modo, & conuenientia sit honestas omnis atque pulchritudo; summus autem ordo totus sit in diuinæ legis moderatione positus; ea autem legis diuinæ moderatio atque temperatio, cū omnes partes mundi contineat; tum vel maximè in hominis

DE IUSTITIA

iusti mente dominetur : quid tandem poterit esse specie illa præclarius? Nec. n. est tantus splendor in astris, non tã iucundam harmoniam efficit cælorum multiplex, atque mira ratione tēperata conuersio; nihil deniq; est in vniuersa natura, quã oculis intuemur, tanto lepore consentiens : vt sit vlla ex parte cū iustitię specie & pulchritudine comparandū. Est enim iustitia, viua quædam diuinę formę & pulchritudinis imago, ad speciem summi illius exēplaris informata, Deiq; ipsius manibus excellenti opere perpolita, omnibus amabilis atque iucunda. Nihil enim est amandum, nihil oculis gratum, nihil elegans atque decorum, præter vnā iustitiā. Ex quo fit, vt iniusti & improbi à nemine amari possint. Qui enim sibi ipsi infestus & inimicus est, quomodo tandem poterit ab alijs diligi? In tanto autem odio sunt apud se ipsos iniusti, vt secum viuere nullo modo possint. Est enim iniustitia comes odiosa, acerbā, & inuisa, insitę turpitudinis offensione animū semper excrucians. Ea igitur de causa se ipsos fugiunt iniusti; cum alijs contrahūt, cum alijs loquūtur, semper aliena curant; quia neq; secū loqui, neq; sua curare possunt; ad eū toti sunt propter status sui odium à cura & studio sui remoti. Indē autem fit, vt semper noua moliantur, bella infinita suscipiant, multisq; se laboribus exponant, vt se à cura atq; cogitatione sui remoueant. Tantisper enim ab assidua sollicitudine & acerbitate reficiuntur, dum, bellis externis implicati, ab intestinis seditionibus aliqua ex parte conquiescunt. Tam assiduis enim poenis agitantur, vt pro singulari remedio illius sollicitudinis, quę animos eorum noctes & dies

dies exedit, magnam & turbulentam tempestatō
optare plerunq; videantur, vt miseriæ suæ memo-
riam interdum deponant. Id autem facit, vt maxi-
ma certamina incāt, inimicitias cum omnibus ho-
minibus persequantur; omniq; studio contētio-
nes & bella suscipiant; & pestem non modò reli-
quis hominib; sed sibi etiam assiduè machinen-
tur. Quia etiam multi vsque eò sunt odio sui pro-
gressi, vt sibi manibus suis vitam eriperent. Quòd
si tanta est iniustitiæ turpitudine, vt ijs etiā, in qui-
bus infidet; vehementer inuisa sit; reliquum est,
vt omnibus sit odiosa, detestabilis, & execranda
non minus, quàm aliqua furia ad omnium morta-
lium pestem atque perniciem hydri instructa &
armata. Si igitur tāta est iniustitiæ deformitas, vt
suos etiam quasi quoddam monstrum & immane
portentum exterreat, eamq; mortales diris om-
nibus execrentur; quid tandem erit omnibus iu-
stitiæ aspectu iucundius? Est igitur iustus & sibi iu-
cundus, & improbis admirandus, & bonis egre-
giè charus, & tanto cum iustis omnibus amore cō-
iunctus, vt nihil possit animo fingi copulatius.
Sunt enim inter se moribus & vita simillimi. Vt
autem dissimilitudo disrūgit animos, ita similitu-
do coniūgit: Idcirco autem fit, vt nulla possit esse
inter iniustos stabilis atque firma coniunctio, cū
nullus ex eis aliorū similis esse possit. qui enim à
se ipso dissidet, quomodo tandē aliorū similitudi-
nem retinebit? Est. n. similitudo vnica formę ratio
in diuersis rebus elucēs, cuius vis tāta est, vt diuisa
etiā atq; dissoluta cōglutinet. Vbi igitur vna ra-
tio diuersas res minimè cōstrīxerit, ibi nulla, prorsus
similitudo extare poterit. Improbi autē & iniusti
nullam

DE IUSTITIA

nullam certam æquabilem vitæ regulam habent,
 ad quam sese omnes similiter applicare possint,
 cùm infinita cupiditate iactentur, & singulis ho-
 ris commutentur, & sine vlla constantia in res va-
 rias & dissimiles atque inter se valdè repugnantes
 impetu cæco rapiantur. Qui igitur nullum modû
 habent, neque secum ipsi conueniunt, neque ijdẽ
 sibi ipsis momento temporis esse possunt; quî fieri
 potest, vt idem cum alijs sentiant, eandemque si-
 milis vitæ rationem diu conseruent? Nulla igitur
 esse potest inter iniustos constans amoris coniu-
 nctio, nulla fidelis societas, nullum sanctum & reli-
 giosum ietî foederis sacramentum. A iustis enim
 hominibus tantum coli sanctè potest amicitia: so-
 li namque sunt inter se similes, & moribus atque
 vita mirificè congruentes. Omnis enim similitu-
 dinis ratio est in diuinæ iustitiæ ratione constitu-
 ta. Vt enim, cùm eodem annulo quàm plurima si-
 gilla imprimuntur, nihil est, quod inter ea intersit
 nisi q̃ alia quidẽ leuius, alia verò altius imprimû-
 tur: ita, cû diuinus spiritus iustitiæ formâ mētibus
 humanis insculpsit, vna propemodû omniû facies
 apparet. sic autẽ fit, vt quilibet homo iustus, cû ali-
 um eadẽ iustitiæ pulchritudine nitentẽ intuetur,
 se ipsũ cernat in illo: eaq; de causa nihilo sese plus
 quàm illum diligat: secus enim, se ipsum quodãmo-
 do sibi anteferet. Hinc existit illa summa studiorũ,
 & voluntatum, rerumque omnium stabilis atque
 firma consensus, sanctissimique amoris conspira-
 tio, dum ex multis animis vna iuris diuini ratio-
 ne deuinctis, vnaque summi cuiusdam amoris cõ-
 iunctione implicatis, vnus animus fit, vna mens,
 vna ratio, vnus sensus, vna voluntas. Multitudi-
nis

nis, inquit Lucas, credentium erat cor vnum, & anima vna: neque quisquam eorum, quæ possidebat, aliquid suum esse dicebat, sed erant illis omnia communia. Nec enim sanctissimæ illius societatis ratio patiebatur, vt, quorum animi erant cōiuncti, res esset diuisa. Hac igitur communione & societate, quæ iustitiæ sanctitate coniungitur, quid vel ad dignitatem aptius, vel ad oblectationem iucundius, vel ad incolumitatem tutius, vel ad sempiternum decus elegantius? Sapienter quidem doctissimi viri tradiderunt, omnem vitæ iucunditatem fideli amicitia contineri. Hæc enim res secundas exornat, aduersis perfugium atque solatium præbet, in periculis præsidium, in otio dignitatem, in omni denique fortuna summum oblectamentum totius vitæ complectitur; vsque adeò, vt nihil esse possit absque fideli amicitia in hominum vita iucundum. Cùm autem nulla possit contrahi verà & stabilis amicitia, nisi veræ virtutis specie: hanc autem nemo possit habere, nisi iustitiā colat: sequitur, vt omnes homines, qui iustitiæ expertes sunt, amarissimam vitam agant, semperque sint de omnium rerum suarum statu cum incredibili animi consternatione solliciti: & quo magis eos amicitia cupido torqueat, illius etiam simulatam speciem admirantur, illaq; frui desiderant. Cuius tamen exempla docti homines olim, non tam ex communi vita, quàm ex fabulis sumebant. Adèd enim rarum & insolitum est veræ amicitie simulachrum, vt illius penuria cogantur homines eruditi Pyladem & Orestem in ore semper habere: & si qui præterea Poetarum carminibus celebrantur, eo amore inter se deuincti, vt mi-

ni-

DE IUSTITIA

nimè fugerent sceleris, & furoris, & amentia societate. Quid igitur iucundius, quàm in tãta fidelis amicitia penuria omnium repentè bonorũ familiaritatibus implicari, illisq̃ue amore fidelissimo atq; cõstantissimo deuinciri? Particeps, inquit ille, sum omnium timentium te, & custodientiũ præcepta tua. Sese participem, socium, & consortem piorum hominum profitetur, neque aliquem excipit eorum, qui Deum sanctè colunt, quem non æquè atque seipsum amet, illiusq̃ue bonis non minus, quàm suis efferatur. Cùm autem iusti opibus summis affluant, summisq; bonis atque sempiternis abundant; sequitur, vt illorum societas sit celestiũ bonorũ communio, diuinarũ diuitiarũ fidele commercium, hæreditatis sempiternæ consortiũ. Ex quo fit, vt in hac societate sit multis modis omnium multiplicata iucunditas atque lætitia. Quod enim maior est iustorum numerus, eò magis vniuscuiusque gaudium crescere oportet, cùm ex singulorum bonis non minorem, quàm ex suis ipsius voluptatem quisque percipiat, & sic necesse sit singulorum gaudium infinitis accessionibus amplificari. Porro autè cùm tanta sit inter iustos amoris consensio & conspiratio, intelligi oportet, multò magis esse vnumquemq; illorum Deo amore summo coniunctum. Nam, si tantam vim habet ad animos conglutinandos, eandem vitæ regulam sequi, iisdem opibus circumfluere, eadem specie dignitatis informari: quantum tandem magis valebit ad eximiã amoris coniunctionẽ, illam summã iustitiæ normã, & immensam speciem diuinæ atque sempiternæ pulchritudinis puris animis intueri? Ex ea enim coniunctione, quæ nobis cùm Deo est;

Orta est illa, qua homines hominibus amoris vinculo constringuntur. Quid enim aliud verum amorem excitare potest, nisi diuinæ iustitiæ atque virtutis imago, quam in bonorum animis elucere perspicimus? Ea namque sola rapit ad se animos, sui quæ cupiditate mirabiliter incendit. Ergo, quo magis illa forma diuina in mentibus humanis eluxerit, eò magis animos sui cupiditate inflammabit. Sic igitur fiet, vt, cum propter diuinæ virtutis effigiem boni diligantur à bonis; & quod effigies illa est expressa luculentius, eò magis amorem conciliet; summus amor ipsius diuini numinis, è quo dignitas omnis emanat, admiratione concitetur, animi quæ in illud summum ipsius virtutis & iustitiæ decus mente defixi protinus inflammantur. Deum igitur inflammato studio sequuntur, de illo semper cogitant, illius bonitatem concipiunt, de illo cum incredibili iucunditate sermones habent, cum illo perpetuò loquuntur, omnis denique eorum vita ad gloriam illius destinatur, tanto quæ illius amore flagrant, vt illius gratia vitam in tormentis abijcere concupiscant. Cum autem Deus à bonis eximie diligatur, multò tamē ipsi magis ab eo diliguntur. Vt. n. amor, quo filij parentes amant, nullo modo comparandus est cum eo, quo parentes filios prosequuntur: ita infinitis propè partibus excellit hominū pietati charitas illa, qua optimus ille pater vnumquemque suorum amplectitur. Nam, vt artifices excellentes operibus suis delectantur, ita summus ille totius honestatis architectus, cum animum diuina virtute florentem perspicit, opus suum agnoscit, eum quæ eximio amore prosequitur, & illud intuens, summo,

DE IUSTITIA

Vt ita dicam, gaudio cumulatur. Quocirca diuinā
 sapientia proficitur apud Solomonem, homines à
 se in delicijs haberi. Admirabile est igitur illud
 amoris vinculum, quo Deo homines casti & inte-
 gri copulantur. nulla enim est amicitia maior,
 nulla voluntas coniunctior. Summa autem amici-
 tia cum Deo constituta, quid tandem deesse gene-
 ri hominum potest, vel ad opes & facultates, vel
 ad animi iucunditatem; vel ad vitæ securitatem;
 vel ad honestatis sempiternæ decus & elegantiam?
 Cum enim in Deo sit summa fides, & infinita po-
 tentia, neque fidei negligentia, neque virium im-
 becillitate adduci vlla ratione poterit, vt res ami-
 corum negligat, atque despiciat. Vnde colligitur;
 nullum omnino malum posse iustis hominibus
 interuenire: aliter. n. Dei fides vacillaret. Quod
 si hoc fieri nunquam poterit, vt Dei fides labatur
 & concidat, nullo modo fieri potest; vt Dei ami-
 cus malis opprimatur. Quid enim quæso? quod in
 hominibus est valde vitiosum; id summæ illi bo-
 nitati tribuemus? Quid autem magis in commu-
 ni etiam vita hominum vituperandum est; quam
 amicos negligere; & eos, cum quibus amoris foe-
 dere iuncti sumus; non ope summa tueri? Quid
 magis scelestum & impium; quam ijs, quos in fi-
 dem recepimus, non studio, opera, gratia, & facul-
 tate consulere? an hoc non est fidem prodere, ius
 diuinum violare, scelus immane cōcipere? Quod
 igitur in hominibus scelus est; odio sempiterno
 dignissimum; id ad summam illam virtutem om-
 nis incōstantiæ & imbecillitatis expertē transfe-
 remus? Nullo modo id cadere potest in sani homi-
 nis rationē. Est enim amicitia omnium rerum cū

chari-

charitate & beneuolentia fidelis societas atque firma consensio. Amicitia igitur nomen occidit, & fides indignissimè violatur, quoties homines ab ijs, qui se eorum amicos esse profitentur, in calamitate aliqua deseruntur. Qui igitur tam felix est, ut in Dei amicis sit, is neque inopia premi poterit, neque morbis intabescere, neque in exilium pelli, neque telis mortiferis sauciari, neque clade aliqua & vastitate consumi. Cum enim eget, abundat: cum corpore languescit, valet animo: cum vulnus corpore excipit, omnia tela à mente depellit: cum extingui videtur, tum demum vita fruitur. Nec enim flores illius status in terrestriū bonorum abundantia, sed diuinorum affluentia consistit: neque illius vita corporis & animi coniunctione, sed diuini spiritus, à quo nunquam distrahi & diuelli potest, præsentis numine cōtinetur. Nullo igitur modo, quandiu hæc spiritus diuini cum humana mente coniunctio manet, potest status hominis iusti alicuius mali incurfione dissipari. Cælum enim concidet, terra incendio cōflagrabit, mare ardoribus exustū funditus interibit, omnis denique natura delebitur: at Dei fides semper inuiolata permanebit. Sic enim apud Isaiā iustos alloquitur: Tollite oculos vestros in cælum, & terrā subter aspiciat. Cæli enim instar fumi dissipabuntur, & terra ut vestimentum atteretur, & qui eā incolūt, similiter interibunt: salus autē mea semper manebit, & iustitia mea nunquā concidet. Si igitur salutem, quā Deus amicis suis affert, perniciem afferri nunquam potest, ut ex hoc loco perspicitur: si Dei iustitia, quæ fide illius continetur, sempiterna est: sequitur, ut, qui tā magnificum illius

Q

pro-

promissum consecuti sunt, nullis sint malis expositi; sed tuti & incolutnes in Dei tutela & praesidio lateant. Qui enim illos tangit, tangit ut Zachariae verbis utar, pupillam oculi Domini. Huius igitur amicitiae fiducia fretus David, ait: Custodi me, Domine, ut pupillam oculi. Cum igitur Dei amici violantur, quanquam illi violari non possunt: neque enim fas est, neque unquam concessum fuit, ut iustitiae noceret iniuria; sed loquendi consuetudine ducti, dicimus interdum, violari iustos, cum aliquod incommodum eorum corpora ad maiorem animorum gloriam & decus attingit: cum igitur in hac vita aliquod incommodum iusti subeunt, Deus ipse laeditur; cum oppugnantur, numen illius oppugnatur; cum eorum vita petitur, tela in ipsum caeli rectorem iaciuntur. Fieri enim nequit, ut, quorum animi coniuncti sunt, non sit etiam eorum causa coniuncta. Qui igitur iustum laudat, Deum laudat; qui illi maledicit, Deo maledicit; qui illum telis insequitur, Deum insequitur. Sic fit, ut, quoties hominem castum & integrum improbus aut vita priuat, aut contumelijs onerat, aut incommodis afficit; toties se parricidij, sacrilegij, & omni denique impietatis immanitate contamineat, iramque in se diuinam ita concitet, atque si numen ipsum impio bello laceraret, ipsique Deo pestem inferre conaretur. Tanta est summi illius Domini in tuendis amicis constantia; & tam fida in conseruanda suorum salute & dignitate custodia. Sed ex omnibus muneribus quibus Dei amici in hac vita afficiuntur, nullum tamen est, quod magis contineat eximij cuiusdam amoris indicium, quam omnium consiliorum

socie-

Societas atque communio. Quid enim esse potest ad dignitatem præclarius, quam diuinis consilijs interesse, cælestia arcana percipere, familiari Dei colloquio frui? Etenim, si apud homines in maximo honore sunt ij, cum quibus Reges maximi consilia sua communicant; quanti tandè æstimandum est, esse quenquam consilij diuini participem? multò enim magis est consilia participare cum alijs, quàm dona atque beneficia conferre. Hæc enim ab arca plerunque: illa semper à mente depromuntur. & in dandis beneficijs inopia tantùm interdum accipiētis, & mediocre quoddam meritum spectari solet: in consilijs autem cōmunicandis, summa quædam atque singularis fides exigitur. Ideò plerunq; fit, vt summi principes multis beneficia & munera largiantur; paucis autem consilia committant. Attamen, quò pluris eos faciunt, quos in consilium adhibent; eò maioribus & amplioribus illos ornamentis afficiunt. Cū igitur aliquē cernimus in regū consilium delectū esse; nō dubitamus, quin is sit breui omnibus regijs muneribus egregiè locupletandus, magnisq; honorū titulis illustrādus. Quod multò magis est de diuina magnificētia, & benignitate existimandū. Ab hominibus enim abest plerunq; fides; nunquā verò discedit imbecillitas. Sic autem euenit, vt multis in locis aut nolint omninò, aut nō possint amicos suos honestare. Quod quidem in illā sempiternam fidē & infinitam potētiam cadere nullo modo potest. Is igitur, quem summus ille rerum omnium Dominus, qui omnia, potestate immensa cōplectitur, in tā amplo dignitatis gradu locauerit, vt ei mentem suam aperiat, & cū eo cōsilio-

DE IUSTITIA

rum suorum arcana communicet; dubitandum non est, quin sit in magnis principibus habendus, omnibusque terrarum regibus longè antepositus. Qualis fuit ille, de quo Deus ait: Num celare potero Abrahamū, quæ gesturus sim? Negat summus ille Dominus, sibi fas esse quidquam ab homine sibi amicissimo secretum habere: & quasi timeat, ne sanctissimum ius amicitiae illa debiti officij prætermissione violetur, ostendit, se consilia sua homini sanctissimo diligenter explicaturum. Sic etiam David hunc se maximum diuinæ amicitiae fructum excepiſſe cōfiteatur, quod diuinæ sapientiae mysteria penitus abdita, Dei ipsius benignitate percepisset. Alibi verò testificatur, secreta diuina esse pijs omnibus explanata. Dominus item ipse hoc idem multò clarius testimonio suo confirmat: Discipulis enim suis ait, eos non tam seruos illius, quàm amicos esse numerandos, cum eis omnia consilia sua detexerit. Quid igitur amplius hac cœlesti atque sempiterna iustorum hominum dignitate cogitare possumus? quid ad opes sempiternas vtilius? quid ad laudē illustrius? quid ad honores & imperia magnificentius? Huc accedit, quòd homines iusti, Deoq; similes & amici, nunquam, quandiu in hac vita manent, in vno gradu virtutis insistant. Neque enim maximi, studioque diuinitatis inflammati, mediocri virtutis laude cōtenti esse possunt. Cùm enim iustitiæ dulcedinem animo inclusam contineant, cùm virtutis honestatem & amplitudinem mente concipiant, cùm iucundissimo illius aspectu satiari non possint; quotidie magis studio incenduntur. In eo igitur laborant, vt ad altiorem gradū ascendant,

dant, totosque sese ad clariorem imitationem diuinæ pulchritudinis effingāt. Sic autem fit, ut quo propius ad Dei similitudinem accedunt (neque enim irritus esse potest eorum conatus, qui fide nixi ad amplitudinem diuinæ laudis aspirant) eò magis ipsi Deo, quem animis intuentur, cuius in se lumen recipiunt, quem omni vitæ studio sequuntur, arctiore vinculo copulenter, & ita maioribus diuinæ sapientiæ muneribus indies augeantur; & ampliora summæ dignitatis ornamenta consequantur: Maximum igitur & amplissimum, verissimæque dignitatis plenissimum nomen esset hoc, quod obtinent omnes iusti (Dei nanque amici nominantur, & sunt) nisi aliud multò clarius, multoque præstantius, & admirabilius obtinerent. Nec enim Dei tantum amici, verum etiam filij dicuntur. Singulari nanque ratione eorum pater est, qui iustitiæ diuinæ muneribus exculi sunt. Si enim pater is habendus est, qui sibi similem formam & speciem gignit; cum Deus in animis hominum piorum sui speciem incluserit, cum in nobis suæ formæ similitudinem, quæ iustitiæ sanctitate continetur, ingenerarit: quem alium verius possumus patrem appellare? Non igitur tam eos, qui corpora nostra beneficio illius genuerunt; quam hunc, qui diuinam hanc in nobis formam procreauit, quam diu partum iustitiæ beneficium fide & officio retinemus, generis principem & parentem agnoscimus. Hic nobis sator est, hic altor, hic educator, hic vitæ custos, hic salutis vindex, hic dignitatis auctor & amplificator. Ad hanc igitur tantam dignitatem nihil iam potest accedere. Quid enim maius, & amplius, & admirabilius animo cogitari

potest, quam hominem miserum, & abiectum, humo repente excitari, ad celestium dignitatem vocari; agnatione diuina contineri, summumque naturæ Dominum amplè & elatè patrem appellare? Quòd si filij Dei sumus; non humanis opibus firmati, sed diuinis exculsi & exaggerati sumus. Nò igitur timebimus vnquam, neque tumultuabimur in rebus asperis, neque debilitati ignauia, concidemus: sed omnes res humanas, cum mentem ad præsidia, quibus stipati sumus, & ad animi nostri singularem præstantiam, vimq; diuinam contulerimus, pro nihilo reputabimus, neque erit vlla res vnquam tanti, propter quam diuinarum rerum studium deseramus. Neque enim possunt terrena celestibus, caduca sempiternis; humana diuinis exitium importare. Sic fit, vt neque possit bonorum vita extinguì, neque laudes obteri, neque opes euerti, neque status labefactari. Conueniant igitur vndique homines amentes & scelerati, de iustorum hominum peste consilia ineant, arma expediant, insidias parèt, exercitù instruant, tela còtorqueant: sint tanta immanitate sceleris efferati, vt, quemadmodum Poëtæ tradunt Alcidas fecisse, manibus magnum rescindere cœlum cogitent: nunquam tamen his tam feris impiorum conatibus, poterit bonorum status excindi. Neque enim potest diuina virtus humana improbitate deleri: immò, quò vehementius oppugnatur, eò est clariorib⁹ gloriæ insignibus illustrata, & maiore quodam præsidio & robore munita. Ad reliqua autè gloriæ instrumēta, quibus Dei filij, quandiu sunt inclusi mortali corpore, redundant, ille summæ & amplissimæ digni-

tatis cumulus accedit, quòd intelligūt, esse se iam
ius cælestis illius hæreditatis adeūdæ ipsius opti-
mi patris benignitate cōsecutos. Quos enim fecit
filios, eosdem sibi hæredes instituit, & ad diuinita-
tis patrimonium euocauit. Spiritus, inquit Pau-
lus, testimonium reddit spiritui nostro, quòd su-
mus filij Dei. Si filij, & hæredes: hæredes quidem
Dei, cohæredes autem Christi. Argumentum ad-
modum necessaria ratione conclusum. In stirpe
enim diuina nihil est adulterinū; aut vitio procrea-
tum; nulla dedecoris offensus, nulla patris iniuria
potest interuenire, quæ diuinam progeniem pa-
trijs bonis excludat. Omne namq; ius agnationis
diuinę fide & pietate cōtinetur; quibus sublatis, a-
mittitur. Hac igitur agnatione permanente, ius
sempiternæ illius hæreditatis amitti non potest.
Licet igitur iam, neque solū licet; verū etiam
oportet, elato animo cōfirmare, cælestis regni pa-
trimonium esse omnibus pijs debitum. Sunt enim
filij Dei, nati, vt inquit Petrus, nō ex semine mortā-
li, sed immortalī; & idcirco secundum ipsius pa-
tris optimi leges, legitimi hæredēs instituti. Nun-
quā enim ille eos, quos spiritu suo genuit, quan-
diu in debita fide permāserint, abdicabit. Hæredis
autē nomen certū ius hæreditatis cernendæ cōti-
net. Quod autē est alicui certo iure constitutū, id
ei planē debitū est. Sic autem fit, vt iustis homini-
bus regnum illud immortale, non solū vt merces
& præmium, sed etiam, vt legitimū patrimo-
niū, patris sapientia & benignitate fundatū, opti-
mo iure debeat. Si. n. æquitatis ratio postulat,
vt seruis opera sua egregiè fūctis merces Domini
benignitati cōsentanea persoluatur; si leges amici

præscribunt, vt omnia bona sint amicis com-
 muna; si iure statutum est, vt legitimi filij, in pa-
 ternorum bonorum possessione collocentur; num
 obscurum est, iuris sempiterni rationem flagrare,
 vt summus ille omnium Dominus, qui bonorum
 amicus, & pater est, vel seruis diligentibus, vel
 amicis fidelibus, vel filiis charissimis, sempiter-
 næ gloriæ fructum largiatur? Quocirca ple-
 no ore asseuerandum est, maximarum virtutum
 meritis ascensum in cælum dari; sempiternique
 regni sedes, esse iure atque merito sanctis & castis
 hominibus attributas. Quod tamen non sic est
 accipiendum, vt statuamus, vllis hominum o-
 peribus Dei numen obligari, aut esse parem &
 æqualem meriti cuiusquam & præmij propositi
 rationem. Quid enim habet homo, quod non à
 Deo acceperit? quid absque numine illius & o-
 pe perficiet? quo tandem munere poterit aliquan-
 do, aut illi gratiam referre, aut operæ suæ pen-
 sum proinde atque debet absolvere? Nunquid
 non serui natura sumus, eaque lege nati, vt cor-
 pus & animum, & vires, & ingenium, & opes,
 & omnia denique vitæ consilia ad cultum illius
 Domini, à quo habemus omnia necessariò cōferre
 debeamus? In quo quidem munere & officio ma-
 ximè debito, si quid est perfidia violatum, aut er-
 rore mentis offensum, aut negligentia prætermis-
 sum, inexprabile scelus admittitur, sēpiterno cru-
 ciatu dignissimum. Vt autem sit aliquis, qui in vi-
 ta nihil offendat, sed summa fide & diligentia as-
 signatum sibi munus exequatur: quomodo tādē
 poterit Deū sibi reddere factis suis obnoxiiū. Nec
 enim potest vniuersum genus hominum vnum in
 locum

locum collatum, summoq; religionis & sanctitatis studio conspirans, quidquam efficere, quod Deum quasi quodam nexu iuris obliget, aut ad illius fructum aliqua ex parte referatur. Nec enim indiget realiqua mens illa beatissima ad naturæ suæ statum perficiendum, quæ sit ab hominibus exigenda; maximè, cum omnes homines in illius conspectu positi, neq; exigui quidem pulveris instar obtineant, Neq; illud commodè dici potest, eos, qui diuina gratia fulciuntur, eiusdem gratiæ vi cæleste regnum, quasi par & æquale virtuti suæ præmium posse sibi lege vendicare. Nec enim conferenda sunt exigua summis, obscura clarissimis, breuia sempiternis. Omnis autem ille status animi, gratia diuina constitutus, quo in cælum via munitur, quamuis sit omnibus diuinis exaggeratus, nullo modo est cum illo sempiterno gloriæ statu comparandus: summum enim est in diuinis muneribus & donis discrimen, ita, vt alia alijs exæquari nulla ratione possint. Videmus hîc, vt Paulus ait, per speculum in ænigmate: tunc autem aperta facie gloriam Domini intuebimur; & ita in illius similitudinem omni ex parte conuersi, diuinitatis ipsius cultu vestiemur & exornabimur. Quantum igitur imagini corpus, similitudini veritas, breui vitæ curriculo æternitas antecedit; tantum præmij illius magnitudo, veritatis & gratiæ huius, quam in hac vita consequimur, magnitudinem superat. Vt igitur lucernæ lumen fulgore solis obruitur: sic huius status opes, quâuis sit diuinæ gratiæ magnitudine florentissimus, cum in illum gloriæ sempiternæ splendorem inciderint, euanescent. Cum igitur illa sit æquali-

DE IUSTITIA

ras inter hanc gratiam, quā in hac vita retinemus,
 & illam coronā, quam speramus, neq; possint ho-
 minum excellentium præclara merita cum præ-
 mij illius sempiterni immensitate conferri: cum-
 que iustitia, qua fruimur, sit diuinum munus & be-
 neficium, nullo modo nostris meritis ascribendū,
 sed ad diuinam clementiam reuocandum: quod
 tamen vt diximus, non tātum est, vt possit ad præ-
 mium sibi constitutum aliqua ratione comparari:
 restat, vt nemo possit cum Deo iure contendere,
 aut illum meritis, quamuis excellentibus, obliga-
 re. Quomodo igitur dicimus, regni cælestis atque
 sempiterni patrimonium esse pijs & iustis ho-
 minibus debitum? Quia diuina ratio postulat, vt
 Deus summus in dandis beneficijs, non tam me-
 riti pondus, quā immensam suam benignitatem
 & sempiternam fidem respiciat. Benignitatem ve-
 rò suam tuetur, cum multo maioribus & amplio-
 ribus præmijs pietatem, quā merita erat, admo-
 dum benignè remunerat: Fidem autem suam li-
 berat, cum id, quod magnificè promisit, abundè
 persoluit. Promisit autem omnibus qui cum iusti-
 tia vixerint, opes immensas, voluptates eximias,
 regnum immortale, decus maximum, gloriam
 sempiternam. Neq; solūm promisit, sed iusiuran-
 dum etiam suum interposuit, & clarissimas illas
 æterni regni sedes pijs omnibus foedere sanctissi-
 mo pactus est. Sux igitur bonitati & clementiæ,
 suæ fidei, suæq; veritati hoc debet, vt eos, qui illum
 fide & pietate venerantur, præmijs sempiternis
 atque diuinis afficiat, inde fit, vt in sanctis literis,
 cum diuina clementia in nos meritis laudibus ef-
 fertur, Dei clementia cum ipsius fide coniunga-
 tur,

tur, quale est illud: Misit Deus misericordiam suam & veritatem suam. Item illud: Ampla est benignitas tua, & fides tua celos pertingit. Et: Misericordia & veritas præcedent faciem tuam. Et: Omnes viæ Domini misericordia & veritas: Et alia eiusmodi innumerabilia, quæ persequi esset infinitum. Ex his enim locis satis liquet, Dei clementiã cū illius fide semper esse cōiunctam. Ex clementia enim Dei fides illius existit, & rursus fide clementia illius sancitur. Bonitas enim illum adegit, ut fidem suam interponeret: rursus data fides animos hominum maiore quadam clementiæ illius fiducia confirmat. Omne igitur hæreditatis æternæ ius, omne piorum hominum meritum est ad ipsius summi patris benignitatem atque fidem referendum. O maximum & admirandum diuinæ bonitatis argumentum. O amplissimum & stupendum diuinæ gratiæ munus, & in omni æternitate prædicandum beneficium. Summus ille Dominus, cuius immensa potestate omnia continentur, cū esset omni lege solutus, seipsum quasi quibusdam legum nodis astrinxit: cū à nemine quidquam acceperit, quasi aliquid magnum accepisset, ita se hominum meritis obligari voluit: qui nihil cuiquam debet, multorum tamen hominum se debitorem constituit. Quod igitur maius & amplius diuinæ clementiæ testimoniū, quòd illustrius & clarius diuinæ benignitatis argumentum animo cogitari potest? Non igitur, qui meritis sanctorum hominum celū tribui dicunt, Dei gratiã labefactāt, ut quidam homines imperiti dicunt; sed admirandū gratiæ ipsius effectum debitis laudibus illustrent. ij enim sumus, qui

DE IUSTITIA

qui omnia sanctorum merita ad Dei benigntatē & gratiam referenda existimemus: ita vt sit perpetuò dicendum: Non nobis Domine non nobis; sed nomini tuo da gloriam. Qui igitur Christi sanguine expiati, & à Deo adoptati sunt, cum iā nullum sit eis cum corporis flagitio & impuritate commercium; sed summa cum spiritu diuino coniunctio, diuinæ agnationis iure constanter hereditatem illam sibi destinatam expectant, atque ad illa virtutis diuinæ præmia sibi proposita incensis & inflammatis animis aspirant. Hac igitur spe confirmati, maxima gaudia percipiunt, & incredibili magnitudine iucunditatis efferuntur, vt enim angor & cruciatus animi est assiduus iniustitiæ comes, ita semper iustitia est cum voluptate coniuncta. Quis autem explicare dicendo poterit sollicitudinem & cruciatum, quo torquentur improbi? Eos enim & maleficiorum conscientia perterret, & iudiciorum metus exanimat, & suppliciorum formido de mente deducit. Cum verò nullis firmis opibus sepi sint, totique ex inanitate pendeant, multis perturbationibus agitantur, & desperatione franguntur, eximiaque mœstitia contabescunt. Nullum enim habent in rebus aduersis leuamentum, nullum in mœrore solatium, nullum in calamitatis impendētis metu perfugium. Vt enim, si aliquis transfixus esset venenato telo, quod è corpore euelli non possit, nullum temporis punctum dolore vacuum haberet: sic, vbi iniustitiæ mortiferū venenum in viscera penetrat, & in præcordijs inheret, animoq; mortiferum vulnus imponit: nihil est, quod miserum hominem valeat è summis angoribus & assidua dolorum

acerbitate liberare. Cum enim totius miserie fontem intra pectus habeat; euenit, vt nunquam vim molestiæ à se dimouere possit, sed quocunq; pergit, acerbo dolore & solitudine conflictetur. Ex quo fit, vt neque domi quietem, neque foris oblectamentum inueniat; & odio domus in foro cursitet, & offensione fori domum repetat; vt urbanarum rerum molestia confectus, rus se concipiat, ruris fastidio in urbem rursus confugiat; vt nocte diem requirat, die verò noctem desideret; vt in negotio otium exoptet, in otio negotij insana cupiditate teneatur. Neq; enim domus, neque ciuitas, neque celebritas, neque solitudo, neq; lux, neque tenebræ, neq; labor, neq; requies illis iucunda esse potest, qui gerunt animum vulneribus iniquitatis & iniustitiæ concisum. Quod si tanta est impiorum anxietas & ægritudo, tantaque dolorum vis & acerbitas assiduè eorum vitam consequitur, quid tandem erit de iustorum hominum voluptate incredibile iudicandum? Nec enim eos amentia vexat, neque solitudo conficit, neque dolor ullus excruciat. Ad Deum enim adiuncti sunt, in illius tutela delitescunt, inuiecto illius præsidio muniuntur; ita, vt nullum vnquam malum eos attingat. Cum igitur expertes omnium malorum sint (carent enim omni sceleris & improbitatis contagio, verisq; bonis affluunt: omnium siquidem virtutum laudibus abundant) necesse profectò est, eos summo quodam gaudio & voluptate compleri. Nam si voluptas eximia affluentium vndique bonorum sensu & cogitatione perficitur: tunc enim eximiè gaudemus, cum nos in bonis valdè expetendis esse putamus, quæ
volup-

voluptas erit cum ea comparanda, quā iusti ex cō-
sideratione bonorū, quib. egregiē cumulati sunt,
mente percipiunt? Cernunt enim, ea non esse fal-
sa, fluxa & inania, non turpitudinis vllius conta-
gione maculata, non admixtione vllius amaritu-
dinis & acerbitalis infecta, sed vera, cōstantia, &
sempiterna, omne flagitij & doloris cōsortium à
se longè repellentia. In diuina enim luce versan-
tur, summa libertate potiuntur, incorrupta sani-
tate sunt, inuictis viribus excellunt, & pace diui-
nitus constituta, florent opib. & dignitate, & im-
perio, summisq; cælestis pulchritudinis ornamen-
tis: atq; postremò, quod bonorū omniū caput est,
ipsi Deo coniuncti, summa illius familiaritate, ô-
niumq; bonorum diuinorum copia cum admira-
bili suauitate perfruuntur. Securi igitur & elati, &
confidentes, omnia humana contemnunt atq; des-
piciunt. His enim se opibus firmatos animaduert-
tunt, quæ neq; insidijs eripi possunt, neque aperto
Marte comminui, neq; senio & vetustate corrūpi,
neq; vlla deniq; calamitate perueri, cū sint im-
mortales atq; diuinæ. Non enim eos fallit, esse se
ad tam altum honoris gradum euectos, vt non so-
lūm præpotentis Dei ministri sint, quod insigne
summi cuiusdam honoris esse videbatur, neq; so-
lūm Dei amici nominētur, quod dignitatis fasti-
gium tantum est, vt nemo prorsus illud optare vn-
quam auderet, sed etiam, quod summam diuinæ
benignitatis admirationem efficit, Dei filij sint,
& ab ipso summo rerum omnium Domino bo-
norum omnium hæredes instituti. Hæc qui se-
cum dies & noctes cogitauerit, quo tandem gau-
dio cumulabitur? quanta lætitia exultabit? quos
dies

dies festos agitabit? quo cantu & symphonia personabit? Hęc nimirum est illa iucunda celebritas, ad quam Dominus homines fideles inuitat. Erat enim lege sancitum, vt septimo quoque mense, quo tempore omnes fructus terræ cōduntur, (annū enim Hebræi ab initio veris numerabant,) cuncti simularborum pomis, & frondibus, & omni deniq; lætitiæ significatione dies illos celebrarēt. Hoc priscæ legis institutum, quis non videt ad animi lætitiā pertinere, amplissimis iustitiæ muneribus excitatam? Nec enim annona, quæ corrūpi facile potest, & ad corpus tantū breuissimo temporis spatio sustentandum condi solet, veram dat lætandi materiam; sed vberissimi iustitiæ fructus, ad æternitatem intima mente reconditi. Horū recordatione non septem dies, vt olim; sed perpetuum vitæ cursum numero septenario designatum, in voluptate conficere decet: neq; modò fertis tantum & frondibus; sed choreis & cantibus est tantæ lætitiæ sempiternæ causa celebranda: vsque adeo, vt sit etiam præ nimia lætitia insaniendum, & in summa quadam voluptate bacchandum. Salutaris insania, sapiens furor, prudens & felix amentia, quæ sic hominem spiritu concitat, humanitateque, vt ita dicam, spoliāt, vt eum in diuino quodam dignitatis gradu constituat. Quid enim salutaris, quàm ē corpore ægro, mortali, & caduco, morbisq; infinitis obnoxio agitatione mentis excedere? Quid sapientius, quàm spretis atque repudiatis humanis sensibus, diuino tantum sensu commoueri? Quid illa mente felicius, quæ seipsā deserit, & extra se rapitur, vt omni vinculo soluta, facilius in cælū euolet, vt possit opes diuinas acrius

acrius & acutius intueri? Deferit enim se mens quodammodò, dum sibi diffidit, dum nihil in se ponit, dum quod non ipsa per se iudicat, sed quod mens diuina probat, amplectitur; dum nihil ingenio suo, sed omnia verbo diuino moderatur; dum postremò omnibus opibus humanis interdum destitui atque nudari cupit, vt diuinis multò clariùs & magnificètiùs illustretur. Sic fit, vt cælestiù rerum cupiditate nò terrà modò deferat, neq; tantù sese à corporis còtagio seiūgat, omnesq; sēsus corporis aspernetur: verù etiā à se ipsa discedat, vt multò liberi⁹ aspectu diuinę pulchritudinis, quoad fas est, in hac vita iucundissimè perfruatur. In eo igitur spectaculo defixa admiratur, & obstupescit, & amore incenditur, ardore cupiditatis inflammatur, tantamq; lætitiā ex diuinę coniunctionis fructu percipit, vt saltet, & choreas ducat, & cantus & carmina perpetuò moduletur. Nam tunc etiam, cùm corpus ne tātulum quidem cōmouetur; ipsa mens intus canit, atq; tripudiat, omneq; studiū suum in Dei laudes consumit. Non igitur immeritò tam sēpè iusti in sanctis literis ad lætitiā vocantur. Quale est illud: Lætamini iusti in Domino. &: Lætetur cor quærentium Dominū. &: Lætetur mons Sion. &: Videbunt iusti & lætabuntur. Idē porrò Dauid à Deo contendit, vt hanc sibi lætitiā scelere amissā restituat. Ait enim: Redde mihi lætitiā salutis tuę. Vt enim propter scelus animo conceptum lætitiā amiserat, & in luctu & squalore versabatur: ita recuperata iustitia, se in gaudio summo fore confidebat. Idem alibi, cùm tantę suauitatis gustū sentiret, exclamans, ait: Quàm magna multitudo dulcedinis tuę Domine?

mine? Tum illud quàm præclarum? Inebriabuntur vbertate domus tuæ, & de torrente voluptatis tuæ potum dabis eis. Non potuit magis explicare voluptatis illius magnitudinem, quam iusti hauriunt, dum accepta bona recogitant: & magnificentiam & claritatem illius summi Domini, cui sunt amore coniuncti, mentis oculis intuentur, & spiritu illius suauissimè pascuntur: & ad firmam spem cælestis hæreditatis ipsius diuini spiritus assiduis vocibus excitantur. Hæc est illa ambrosia, quæ immortalitatē tribuit. Hoc nectar illud, quo qui ebrij sunt, intimis animi sensibus hilarati omnem vitam in suauitate summa traducunt. Nec enim bonorum voluptas puritate tantum, & constantia; verùm etiam magnitudine intemperantium hominum voluptatem longè superat. Quare desinant homines admirari, esse quempiam in vita, qui respuat omnem corporis voluptatem, & cuncta vitæ blandimenta reiiciat. Nemo enim potest aspernari voluptatem, cum ea ita sit in natura penitus implicata, vt repelli non possit. Facillimè tamen poterit, qui veræ voluptatis suauitatem gustauerit, futilem & inanem non tantum negligere; sed odio etiam, cum opus ita fuerit, maximo persequi: cum intelligat illam malorum omnium escam continere: hanc verò, quam efficit iustitia, esse cum bonis omnibus copulatam. Illa namque errore mentis asciscitur: hæc iudicio sanæ & integræ mentis exquiritur. Ad illam turbulento motu quodammodo recusâtes & inuiti rapimur: in hac, libera voluntate & studio constanter impellimur. Illa cū maximè videtur suauitatis specie blandiri protinus euanescit: hæc nunquàm a-

DE IUSTITIA

finis sensibus illudat. Illa mentem eripit: hæc me-
 tem diuini splendoris radijs illuminat. Illi sem-
 per est fastidium finitimum: hæc ita explet animû,
 vt nunquam iniucunditatem vllam efficiat. Illa
 postremò, cum momento temporis effluat, nihil
 aliud, quàm impressum & iniustum dedecus, &
 grauissimam poenitendi causam, & doloris insi-
 gnè materiam relinquit: hæc verò stabili iucundi-
 tate ita sensus intimos afficit, vt animum omnib.
 simul gloriæ ornamentis illustret. Illa igitur, cū
 exigua est, tum futilis & inanis, & cum vitæ pestē
 summo impuritatis flagitio sæpè coniuncta: hæc
 ingens & sempiterna, salutis præsidium, & am-
 plissimæ dignitatis ornamentum in se continens.
 Tantum igitur est inter vtranque discrimen, quā-
 tum nemo possit explicare dicendo. Vt autem ni-
 hil aliud esset, quod iustorum animos oblectaret;
 illa certè spes immortalitatis, ad quam inflam-
 matis studijs rapiuntur, tantam vim habet, vt fa-
 cile animum ab omni sensu doloris abducatur; &
 mira quadam suauitate prolectet. Vt enim iniusti
 assiduo metu ita cruciantur, vt quietem capere
 nō possint; nam in somnis etiam animos eorū hor-
 ribiles species exagitant; & propositæ malorum,
 quæ sunt eis subeunda, formidines, illos mente
 consistere minimò patiuntur: sic iusti firma spe
 immortalis gloriæ, quam iam animo prospiciunt,
 erecti, semper in voluptate versantur; vsque adedò,
 vt ne in somnis quidem visum illis obijciatur, &
 eos exterreat: immò pleraque omnia tranquilla,
 & cum ipsius animi æquitate & constantia valdè
 congruentia. Quis igitur alius est voluptatis hor-
 tius, per illū, quem Deus ab initio conseruit, adum-
 bratus,

bratus; nisi animus iustus diuinis virtutibus Dei
ipsius manu confitus, & sempiternis fructib. onu-
stus? Ab huius enim finibus summus ille cultor
omnes cupiditatis furibundos impetus, quasi be-
stias immanes arcet, nè vastitatem plantis infe-
rant: hunc diuina legē sēpit, & sanctissimis insti-
tutis, quasi quodam muro circundat: hunc ange-
lorum præsidio circumuallat: ad huius fœcundi-
tatem perpetua spiritus sui munera, tanquam per-
ennes aquas inducit: hunc conserit arboribus in
ordinem summum dispositis: hunc vestit frondi-
bus: hunc exornat floribus: hunc augeť fructibus:
hunc diligentissima cultura amœnum & specio-
sum, & fructuosum reddit. Hunc igitur, ut à pri-
mordio generis humani designaret, hortum illū
fecit, in quo hominē in principio collocauit.
Nec enim aliud Paradisus ille significabat, quā
iustitiæ amœnitatem, & speciē, & utilitatem, &
diuina quædam iustitiæ ornāmenta, quibus fuit
humanī generis princeps importunī hostis insi-
dijs spoliatus. Cuius casum & ruinam, ut quantō
studio prouidendum sit, ne in similem mise-
riam incidamus, iustitiæ quē fructum
amittamus, deinceps oratione
persequemur.

LIBRI SEXTI FINIS.

HIERONYMI OSORII LVSITANI EPISCOPI SILVENSIS,

DE IUSTITIA

LIBER SEPTIMVS.



Nullum est tantum ingenium, quod possit verbis explicare, quantis opibus ornatus extiterit ille primus humani generis parens, ex cuius stirpe omnes orti sumus. In illo namque fuit constitutus finis omnium operum diuinorum quæ oculis intuemur. Illius enim alendi & conseruandi causa summus architectus terras, atque maria, solem, lunam, & sydera, & omnia cælestia opera, vniuersamque mundi huius naturam molitus est: sub illius ditionem & imperium animantia cuncta subiunxit: in illo denique solum ex omnibus animantibus formam & imaginem suæ mentis atque virtutis impressit. Si igitur recens illa naturæ conditio omni vitio vacauit: habuit enim ille primus mundi flos atque iuuenta rerum omnium formas maximè vigentes, illustrique admodum specie nitentes: quid de illo præcellenti opere existimandum est, in quo similitudo diuinæ virtutis mirabili-

biliter eluxit, & cuius causa maximus ille rerū opifex, omnia fabricatus est? Fuit igitur ille generis nostri princeps excellenti specie & pulchritudine: fuit instructus sensibus maximè vigentibus & acutis: vires habuit præstantes & eximias: omni denique corporis habitu diuinæ in se mentis præcipuam curam & solertiam declaravit. Nō enim vitium vllum inhærere potuit in eo corpore, quod non traxit ex affectione alicuius materiæ vitiatæ aliquid, quod eius specimen inquinaret; sed fuit è terra purissima, omnia tunc integra & incorrupta pariente, diuinis manibus informatum, & sic rebus omnibus constitutum, vt esset aptissimum rationis atque mentis domicilium. Animus verò illius quantis ornamentis atque præfidijs in omni genere redundaret, quanto ingenij acumine, & quàm admirabili solertia præcelleret, in quanta demum naturæ cognitione vigeret, illud est magno argumento, quod vbi primum editus in lucem fuit, statim nomina animantibus, cunctis imposuit. Quod profectò non fecisset, nisi rerum omnium naturam diuina quadam mente perspectam & cognitam habuisset. Sed ex omnibus opibus, in quibus florebat, nihil esse potuit iustitia magis regium, nihil amplius & magnificentius, nihilque postremò beatius. Hac quidem fuit illa summa Dei benignitate egregiè cultus, maximisq; spiritus diuini muneribus mirabiliter honestatus. Nec enim fas est arbitrari, omnia tunc in illo primo ortu perfectiones propriæ cuiusque naturæ consentaneas habuisse, solumq; hominem aliarum rerum principem perfectione sua caruisse. Caruit autem perfectione sua, si gratia diuina

caruit, ex qua iustitia omnis emanat. Quod si fuisset, dici profectò non potuisset: Vidit Deus cuncta quæ fecerat, & erant valdè bona. Nec illud itò affirmare licuisset: Delectatus est Dominus operibus suis. Delectari namque Dominum suis operibus, est ea approbare, & quasi in earum perfectione conquiescere. Non potest autem approbare, nisi quod bonum est. In homine autem nihil boni esse potest, si abest ab illo iustitia. Si igitur homo ita conditus fuit, ut omnia dignitate antecelleret, & opificem illum summum delectaret: insigni certè iustitia cultus, & eximio virtutis & honestatis splendore illustratus fuit. corpus igitur animò facile parebat: animi verò totus dominatus erat in mente: mentem porrò nihil impediebat, quò minus in divinam mètem respiceret, seque totam ad illius imitationem formaret. Ergò, cùm sic fuisset Deo coniunctus, ex illius benignitate divinas opes sibi comparabat, quibus statum atque naturam suam facillimè tueretur, & divinæ vitæ statum exprimeret. omnibus enim rebus ornatus & copiosus, eam vitam degebat, qua nihil poterat in terris beatiùs excogitari, nihil ad vitæ cælestis conditionē cum facilitate consequendam accommodatius. Fuit autem ei munus assignatum horti cuiusdam, quem Deus manu sua con-severat, colendi atque custodiendi: qui quidem quamvis esset arborib. densissimis atq; procerissimis plenus, magis tamen erat cultus mysterijs, quàm arborum atque plantarum amœnitate iucundus. Significabat enim hortus ille omnium munerum diuinorum complexionem, quib. affluentes animi, florètes atque beati sunt. Inter alias autē

arbo-

arbores dux fuere rerum magnarum significantes : quarum altera quidem vitam in perpetuum prorogabat: altera verò erat pestem & exitium allatura, non quidem natura sua, sed per occasionem; quemadmodum lex, quæ fuerat ad salutem data, fuit Hebræis exitiosa. Et illa quidem arbor vitæ, hæc autem arbor scientiæ boni & mali nominabantur. Non necesse autem est intelligi, eam vim fuisse natura arboribus insitam; vt vna vitam, altera cognitionem daret; sed erant signa quædam res maiores indicantia. Arbor enim vitæ, est ipsa mens diuina, summiq; patris sapientia, cuius numine vita, lux, salus, & dignitas hominum continetur. In arbore autem scientiæ boni & mali inerant humani sensus, & prudentiæ significatio, quæ ipsa in magnis Dei beneficijs numeranda est: ad salutem enim concessa est, non ad perniciem. hæc enim res pestiferas arcemus, & salutes arripimus. Sed dum homines muneribus diuinis abutuntur, euenit, vt quæ sunt salutaria, ad hominum pestem & exitium conferantur, & quò quæque res præstantior est, eò est abusus illius calamitosior. Cum igitur nihil sit in hominis natura ratione præstantius, nihil est, quod maiorem vim malorum in res humanas importet, cum ea homines improbi vtuntur. Vnus autem solùm est rebus rationis vsus, vt nunquam in se, semper autem in diuinam mentem & voluntatem respiciat, vt minimè iudicio suo nitatur, sed ex diuino præscripto omnia moderetur; vt intelligat, esse se diuinæ voluntatis & rationis administram, neq; licere sibi in vita præcipue dominari, sed semper fide dirigi, diuinoque imperio gubernari debere;

aliter enim sese neque vitę cursum tenere, neq; ad beatitudinem vlllo modo, peruenire posse, sed in miseriam sempiternam impetu quodam cęco rueret. Vt autem hoc Deus homini magis imprimeret, & aliquo signo diligentius suę salutis admone-
ret, vetuit, ne fructũ arboris scientię comederet. Fore enim, si secus faceret, vt in mortem repentę incideret. Quod cũ sanxit, illud profectò sanxit, nè vitam propria prudentia alendam atq; sustentandam putaret, nè opinione proprię cognitionis insolesceret, nè acumine & ingenio suo niteretur; sed legem diuinã iudicio suo semper anteponeret, totumq; se diuino spiritui regendum traderet atque committeret. Illo primum foedere inter Deum & homines factò, fides sancita fuit. Eo namque Deus hominem astrinxit, vt diuinę moderationi rationem subderet, neque proprio ingenio; sed diuino ductu & imperio vitam institueret; ipsoq; vicissim homini immortalitatem, si à fide non discederet, pactus est. Fide itaque erat colendus & custodiendus hortus ille. Sic enim scriptum est: Tulit Dominus Deus hominem, & collocauit eum in paradiso, vt coleret & custodiret eum. Cultus autem & custodia omnium munerum diuinorum fide continetur. Cũ enim Deo paremus, & opera sancta molimur, & iustitię munus exequimur; & si quid se fundit, quod studio pietatis & honestatis officiat, amputamus, & succrescentes interdum vitiorum spinas, & vepres euellimus, & cupiditates edomitas atque compressas habemus, & virtutem diuinam benignitate haustam ad hominum vtilitatem dirigimus, atque postremo omnem vitam in diuinę legis

legis studio consumimus: tunc Dei hortum colimus. Hortus enim Dei est animus, conseptus & cōsitus diuinis iustitiæ plantis; odorum, qui è virtutum floribus afflantur, fragrantia, fructuumq; utilitate & copia mirificè delectans. Cùm rursus omnia optimo illi parèti accepta referimus, nihilque inest, in nobis boni, quod non ad immensam illius bonitatem reuocemus, cùm illū laude perpetua celebramus, omnemque vitam ad gloriam illius conferimus; cùm ingrati animi crimen & scelus exhorremus, & Deo gratias & gloriam tribuimus, eumque castissimis votis & precibus veneramur: tunc hortum custodimus. Vt enim ingratis omnia bona pereunt: sic grati atque memores diuinorum beneficiorū omnia conseruant. Fide igitur erat homini colenda atque conseruanda iustitia. Fidei autem pactio atque foedus sub illis arborum signis factum est, partim vt illarum admonitu fortius animo memoria illius infixā permaneret, & acrius, & attentius de illo noctes & dies mens humana cogitaret: partim vt haberet statim fidei ipsius exercendæ materiam. Cùm enim fides potissimum in obedientia cernatur, lege opus fuit, cui homo parere disceret, atque ita vitæ meritis in cœlestes sedes ascenderet. Hic erat status hominis felix & florens, omnibusque rebus opulentus, è quo fuit hostis importunissimi dolis exturbatus. Cùm enim videret ille perennis hostis generis humani, qui propter infidelitatē fuerat ex altissimo cæli domicilio deiectus, hominem esse in tanto honore, flagrauit inuidia, rationemque iniuit, quemadmodum illum eodem letho interimeret, quo ipse interiisset. Vt igitur dæmon violata

fide concidit, sic ad egreditur dolis hominem, ut violata fide concideret. Ad mulierem igitur primū in serpentis specie latens, machinas suas admouit, callidè enim vidit eam propter infirmiores naturā facilius labefactari posse, atq; per ruinas illius nō fore difficilem aditum ad viri ipsius exitium. Cū igitur primum legis diuinæ sensum calumniando peruertisset, inuidiamque in Deum ex præscriptione illa concitasset, mulierem cupiditate vetitæ arboris incendit. Non moriemini, inquit. Scit enim Deus, quod ubi primum ex eo fructu comederitis, aperientur oculi vestri, & eritis sicut dii, scientes bonum & malum. Hoc cū dixit hoc planè videtur dixisse: non est, cur vlllo metu impediti, vobis non amplissimum gradum glorię proponatis. Quid autem præstantius, quā nō habere aliudē suspensas viuendi rationes, sed in proprijs tantum animi præsidijs omnia bona collocare? Neq; enim est, cur vitę vestrę præsidium in Deo constitutum habeatis. Non enim alienis opibus ad status vestri custodiam indigetis: satis enim estis instructi ratione ad bona sequenda, malaque omnia repellenda. Vestrum igitur iudicium in cōsiliū adhibete, neque velitis numinis diuini moderationem expectare. Nec enim vobis decorum est, neque præstantia vestra dignum, aliundē pendere, sed alta quādam moliri, vobisque tantum ipsis innixos ad summum decus aspirare. Quod si Deus id vobis, nē faceretis, interdixit; callidè id excogitauit, nē illi similes essetis, qui non pendet aliundē, neque alicuius institutis viuit, sed suā tantum sapientia nixus, omnia moderatur. Sequitur autē: Et vidit mulier, quod esset arbor suavis gustui,

gustui, & ad aspectum venusta, & valdè expetenda, nempè, quæ intelligentes faceret. Iam hîc cernere licet, sensim labare fidem, excitari cupiditatem, illabi perniciem ad infausæ mulieris euerfionem. Quæ si cùm serpente sermonem minimè contulisset, sed, vbi primùm fidem suam tētari sensit, hostem à se repulisset; eas profectò calamitates quas hausit, facillimè vitasset. Cùm verò aures illi dedit, mortiferum illud venenum, quod ei truculēta belua porrexit, bibere confestim instituit. Quid enim? antè non licebat oculos in arborem conuertere, illiusque pulchritudinem & utilitatem notare? licebat sanè, sed illius cupiditatē fides facilè continebat. At post pestiferum illum teterrimæ serpentis asilatum, cùm simul & fides labefactari, & cupiditas vinculis laxari cœpisset, tum demum fuit mulieri ad eò iucundus arboris aspectus, tum illius fructum sic ardēter appetiuit, vt esse sibi vsum illius diuina lege interdictum, mortis instar putaret. Credidit enim esse præclarum arbitrato suo viuere: &, quantum per se ingenio valeret, experiri, omnesque benè atque beatè viuendi rationes in animo suo ponere. Decerpit igitur fructum, & comedit, illecebrisque suis maritum ad easdē mortiferas epulas inuitat. Hæc fuit stirps atque semen omnium malorum: hoc peccati funestum & calamitosum principium: hinc mortis imperium natum fuit, quod terrarum orbem violenter oppressit. Nam cùm primùm fuisset fœdus illud sanctissimum hominum scelere violatum, fuerunt statim ab ipsa vita distrahti, & mortis immanitati prædæ relictî. Vterque autem eorum se omni cultu, quo apteà splendebat,

bat, nudatum animaduertit; sequitur enim contumax: Et aperti sunt oculi amborum: cumque vidissent se esse nudos, consuerunt folia ficus, & fecerunt sibi subligacula. Antequam facinus illud capitale consciscerent; veste, qua corpora contegerent, haudquaquam indigebant. Nec enim ullam cæli intemperiem metuebant, neque ullam turpitudinem habebant, ad quam operiendam vestimenta requirerent. Animum verò gerebant diuinis iustitiæ ornamentis satis eleganter excultum. At post admissum scelus, cum animorum nuditatem vidissent, & quod in sceleris susceptione occæcati cupiditate cernere non poterant, turpitudinem quæ ex animorum confusione, in corpora etiam redundabat, animaduertissent: cum animos non possent, ut tegerent saltem corpora turpitudine affecta, curauerunt. Amissa enim iustitia, cum animus orbatus diuino præsidio, incitata libidinis impetu fuisset à gubernaculis deiectus, & miseris modis agitatus, exitit repente ex illa foeda animorum perturbatione, in corpore utriusque insigne dedecus & turpitudinis; cuius offensionem vitare cupientes, obscenas corporum partes folijs arborum contexere. O anxiam & inanem ambitionis humanæ curam, miserum & sollicitum occultandi atque celandi dedecoris studium. Cum enim veram honestatem retinere nequimus, illius fallacem imaginem consectamur; & omni cura prouidemus, ut dedecus nobis impressum ab omnium conspectu remoueamus. Sed quid prodest? quamuis enim oculos hominum vitemus, nostræ conscientiae testimonium effugere certè non possumus: & ita fit, ut in quamcunque regionem deferamur,

assiduo

affiduo semper angore & cruciatu conflictemur. Quod illi statim experti sunt. Tanto enim mentis errore affecti fuere ex sceleris consciētia, ut latebras omnes circumspicerent, quibus se à conspectu Dei omnia prouidentis, & animaduertentis, omnesque sensus animi perspicientis occultaret. Cum enim ex vehementi auræ spiritu, Deum aduentare suspicati essent, exanimati metu se confestim in densam & opacam syluam abdiderunt. In summi tamen iudicis conspectu, quem nihil latere potest, constituti, criminis sui poenas pendere coeperunt. Nam Paradisi finibus eiekti, multisque doloribus implicati, atque tandem morte circumuenti sunt. Nec enim eam tum solum vitam amisere, quæ diuini spiritus foedere & coniunctione continetur; sed illius etiam mortis acerbitati addicti fuere, quæ corpori interitum affert. Stultum enim est opinari, tum demum mortem vim suam adhibere, cum finem interimendi facit, cum autē interimit, vim illius non sentire. Vbi primū in hanc vitam ingredimur, statim nos mors penē à tergo insequens inuadit: ipsamque vitam quotidie cōficit, atque consumit, donec totam exhauriat. Nunquā enim in eodem statu manemus, sed per singula momenta labimur, & occidimus: ita, ut quidquid ætatis nostræ præterfuit, sit subito vi & atrocitate mortis extinctum. Sic igitur miseri homines, dum officium produnt, & à debita obedientia desciscunt, diuinamque legem negligunt, & suis cupiditatibus obsequuntur, à beatis sedibus exclusi, & ab ipsa vita segregati, violentiaque mortis oppressi, miseram & ærumnosam vitam in curis tristissimis, in laboribus immensis, in lachrimis & luctu

DE INIUSTITIA

Inſtu conſumpſerunt. Qui enim modò tãtas opes
 habebant, & in locis amœniſſimis inambulãtes,
 rebus omnibus ad vitæ cultum necèſſarijs abunda-
 bant, & diuino colloquio fruebantur, ad cœleſtem
 quæ dignitatem proximè accedebant: repentè ex
 tam alto gradu præcipitati, ornamentisquæ om-
 nibus exuti, in terram vaſtam, & incultam, ſeptam
 & veſtitam vepribus atque dumetis, multisquæ fe-
 rarum luſtris noxiam & infeſtam, eiecti ſunt, in
 qua multo ſudore atque labore victum ſibi quære-
 rent, amiſſasquæ diuitias lamentis aſſiduïs deplo-
 rarent. Vidimus, quibus dolis & machinis pri-
 mus homo ex ampliſſimo illo atque florentiſſimo
 iuſtitia ſtatu deciderit. Nunc conſequens eſt, vt
 videamus, quomodo morbi ſui vitium in om-
 nem poſteritatem infuderit. Locus planè obſcu-
 rus atque difficilis, in cuius tractatione tanta eſt
 doctorum hominum varietas & inconstantia, vt in
 nulla re ſit inter illos maior diſſenſio. Sed nè ali-
 quid, quod ad præſentem materiam pertinere vi-
 deatur, intactũ relinquamus, diuino freti auxilio
 explicare aggrediemur, quomodo genus humanũ
 crimine parentis fuerit in eiufdem peccati atque
 miſeriae ſimilitudinem deuolutum. Nec enim
 dubium eſſe poteſt homini ſanctarum literarum
 non ignaro, vniuerſum genus humanũ fuiſſe per
 crimen illud in peccato prolapſum, atque in do-
 minatum mortis incidiſſe. Eſt enim mors peccati
 ipſius ſtipendium. Sed, vt hoc intelligi rectè poſ-
 ſit, eſt nobis opus lectoris prudentia. Vt enim con-
 fitemur, inhærere omnibus, qui ſeminis propaga-
 tione ab Adamo orti ſunt, peccatum, iniquita-
 tem, & iniuſtitiam: ita crimen, aut ſcelus, aut deni-
que

que culpā vllam à primo parente in sobolem trāsmitti posse negamus, nisi ponatur culpa pro pœna, quo sensu nomen hoc ab antiquis vsurpatum aliquando fuisse non ambigimus. Vnde illud apud Plautū in Captiuis: Me hic valere, & tu te audacter dicito; Tyndare, inter nos fuisse ingenio haud discordabili; neque te commeruisse culpam, neq; me aduersatum tibi. Sed hoc minus ad rem. Satis enim nobis est, esse in cōsuetudine sermonis Latini, vt culpa vim criminis, quamuis leuis, obtineat. Hoc igitur sit in primis à nobis positū, in omnibus hominibus cōmuni conditione natis, antequam ad eam ætatem perueniant, in qua vti ratione possint, nullā omninò hærere singularem culpam, esse tamen quemlibet singulari peccato alligatum. Hoc mirum fortassè videbitur, qui fieri possit, vt quisquam non suo, sed alieno crimine sit iniustus, singularique peccato astrictus. Deinde, quomodo non pugnent hæc inter se; nempè vacare aliquem crimine, peccato autem non vacare. Sed hoc planum fiet, si de vtraque re separatim disputabimus. Primū igitur docebimus, crimen à primo parente conceptum, in sobolem deriuari minimè potuisse: deinde peccatum, ab illo in vniuersum genus hominum deductum fuisse. Atque imprimis ea opinio euellenda est, quæ in scholis inueterauit: nempè vniuersum genus humanum, illo crimine primi parentis sic obligatum fuisse, vt singulis hominibus singulare crimen adhæreat. Sic enim originis peccatum interpretantur, vt à crimine distingui non possit. Omne enim, quod vocatur in iudicium, crimen est. Qui igitur statuunt, hoc peccatum esse

diuino

diuino iudicio vindicandum, id certè crimen existimant. Afferunt igitur vniuersam naturam humanam in illo primo homine cōstitisse, ita vt peccatum & crimen, quod ille commisit, sit non tam hominis vnus, quàm vniuersæ naturæ crimen. Cū igitur naturæ peccatum sit, mirum nō esse, pestem illam esse ad omne genus humanum seminis corrupti propagatione transmissam. Quæ sit autem huius peccati ratio, nihil inter eos sanè constat. Sunt enim, qui insitam naturæ cupiditatem, ad flagitia propensam, in hominibus vsitata generandi ratione procreatis, peccati vim & rationem habere confirment: hanc autem criminis sacro fonte aboleri; ipsam verò cupiditatem relinqui. Hanc igitur cupiditatem, antequam ad baptismum perueniatur, esse id, quod omnibus crimini dandum sit. Et huius sententiæ Augustinum authorē habent. Sunt item, qui magis (meo quidem iudicio) ad veritatem accedunt, asseuerantes, ipsum carere iustitia, qua fuit præditus Adam, & quam, si ille non peccasset, omnes in matris etiam vtero à Deo assumpsissent, esse id, quod originale peccatum appellādum sit. Nec aliud apud illos est hoc peccatum, quàm priuatio iustitiæ, quæ debuerat innasci omnibus, si parentes in officio minimè deliquissent. Sunt, qui alia confingant in hac quæstione, minimè digna prudentium hominum approbatione: quare illorum commemoratione supersedendum statuo. Qui autem Luthero dediti sunt, meras Tragœdias loquuntur, & hoc peccatum habent incredibile furoris & amentię fundamentum. Huius enim peccati naturæ attribuūt necessariam quandā, quæ vitari nullo modo possit.

possit, malorum omnium pestem, flagitiorumque omnium sementem. Hinc inuictam illam flammam, & incendium cupiditatis erumpere, quæ nunquam, utasserunt, potest vlllo pietatis studio restingui; hæc fornacem appellant, perpetuò flammam euomentem, atque coniectis ignibus omnia populantem. Indè fieri necessariò dicunt, ut quidquid ex se hominis natura fundit, quidquid agitat, atque molitur; quamuis sit iam is, qui aliquid agere instituit, ad Christum fide adiunctus; etiam cum se excitat ad aliquod sanctum opus in Dei gloriam perficiendum, nihil aliud possit esse, quam dirum & capitale facinus, vi & natura sua nisi per diuinam clementiam stetisset, sempiternis ignibus vlciscendum. Sed communem horum omnium sententiam expendamus. Magna enim res est, & attenta consideratione dignissima. Si enim vniuersa natura astricta est eo peccato, quod in se admisit Adam; dubium non est, quin illud peccatum, quo natura alligati sumus vniuersi, non leue peccatum sit; sed scelus dirum atque facinus detestabile, & execrandum, & perpetuis cruciatibus, igneque sempiterno puniendum. Nam, si tunc omnes illo ipso peccato in parente damnati sumus, cum illud nefarium facinus extiterit: quomodo fieri potest, ut non simus in ipso statim ortu, infanda & incredibili atrocitate sceleris astricti; eaque de causa perpetuis poenis iure, atque merito cruciandi? Videndum igitur est, quam recte sit ea opinio constituta. Vniuersa, inuiunt, humana natura, in primi parentis persona constitit. Ergo, quidquid ille tunc in se admisit, omnes admisērunt. Fuit igitur illud, quod eis necessariò confitendum est, si sibi consentanea di-

cere volunt, commune crimen, commune scelus,
 commune flagitium. Sed velim intelligere, quid
 naturam vniuersam, cum hoc ita disputent, appel-
 lent. Num formam & speciem, ipsius humanæ na-
 turæ menti, & intelligentiæ primæ parentis infi-
 dentem? Nemo est adeò hebes ut ista sentiat. Seque-
 retur enim, ut quoties ego delinquo, similiter vni-
 uersum genus delinqueret. Habeo enim & ipse
 animo impressam communem humanæ naturæ no-
 tionem, formamque illius intelligentia compre-
 hendo. Quid igitur? num vniuersam rerum multi-
 tudinem, quæ in vnâ speciem cadunt? Ergò, cum
 hominis definitio nobis omnibus ex æquo con-
 ueniat; nemoque omnium, qui nunc viuunt, illic af-
 fuerit; nego vniuersam hominum naturam in homi-
 ne illo constitisse. Cum igitur vniuersam rei cui-
 usque naturam, vel vnâ rei cuiusque rationem
 mente comprehensam intelligamus, vel vniuersam
 rerum multitudinem eadem definitione contetam,
 quamuis nullius hominis mente percepta sit, neu-
 traque harum ratione fas sit asseuerare, vniuersam
 naturam in primo homine deliquisse; quomodo po-
 test affirmari, nos crimine illo fuisse contamina-
 tos; cum nemo nostrum illi assensum præbuerit?
 Omnes, inquit, tunc in persona primæ parentis
 tamquam in causa & semine, fuimus. Iam hoc quam
 inconsideratè dicitur? cum enim aliquid semine
 contineri dicimus, non propriè tunc esse dici-
 mus. Veluti, cum in arbore fronde omni spoliata
 fructum inesse asserimus, non eam tunc esse pomis
 onustam dicimus; sed vim habere, ad fructus
 ex se oportuno tempore gignendos. Ergò cum di-
 citur nos iam in pariete fuisse, parum propriè di-
 citur:

çitur: ipsi verò propriè volunt crimen illud omnibus adhærescere. Deinde, natura humana non corpore tantum, sed præcipuè animo constat. In animo autem, nõ in corpore est; cum delinquimus, ipsius suscepti criminis sedes atque quasi domicilium. Porro autè, animum nõ ex parentis illius femine qui peccauit, sed à Deo sumpsimus. Cum igitur illa tantum pars nostri, & ea non propriè, sed tanquam in causa fuerit, in Adamo, quæ peccare non potest: quam tandem ratione confirmant, illud crimen ab vniuersa natura susceptum fuisse? Minimè quidem dubium est, nõmen vniuersitatis esse multiplex: Abutimur enim illo interdum ad significandam non vniuersam multitudinem rerum, quæ in vnā definitionem cadūt, sed eam tantum, quæ tunc vnum in locum cogi potest veluti cum dicimus, vniuersos ciues aliquid sciuisse, non omnes intelligimus, quibus ciuis definitio potest accommodari, sed eos tantum, qui tunc adesse potuerunt. Si ad hunc modum vniuersi nõmen intelligis, fateor vniuersum genus hominum in duobus illis hominibus constitisse. Secundum hanc igitur sententiam dici potest vniuersam naturam tunc peccasse: sed, quemadmodum nos vniuersitatis ratione contineri minimè potuimus; ita par est, vt illius criminis culpam minimè suiteamus. Deinde, quomodo potest in alicuius mentem & sensum penitus intrare, cum natura criminis ea sit, vt nullo modo possit esse, nisi singulari atque libera voluntate susceptum, vniuersa natura crimine aliquo damnetur? Num crimen illud diuersi cuiusdam generis extitit? Num dissimili via atque ratione commissum ab ea, quæ

DE IUSTITIA

reliqua omnia committuntur? Quæro deinde, si, cum Adam peccauit, iã Cain & Abel in lucem editi fuisset, num dispar atq; dissimilis ob id, quod iã filios genuisset, fuisset illius peccati conditio? minimè profectò. Neque potest aliquid excogitari, cur non omnia peccatum illud consequerentur, quæ deinceps consecuta sunt. Tam enim fuisset procreatus Seth, ex quo genus omnes ducimus, ex sanguine illo corrupto, si ante illum fuissent fratres illius generati; quàm fuit, cum pater eorum, antequam filios gigneret, in scelus incurrit: tamen tunc falsum fuisset asserere vniuersam naturam in vno homine constituisse. Erant enim tunc Cain etiam & Abel in vniuersitate illa numerandi. Præterea si naturæ illud crimen fuit, & idcirco omnibus commune, non vnum crimen fuit, sed quàm plurima, atque propemodum infinita. Veluti cum vniuersa ciuium multitudo vim summis magistratibus infert, illud facinus, crimen vnum propriè appellari non potest: quilibet enim ciuis in ea sceleris consensione singulari se crimine obligat. Si igitur vniuersi in primi parentis impietate crimen admisimus, nõ fuit illud vnũ, sed innumerabilia. Illa igitur tam multa crimina quam sedē habuerunt, si nondum erant ij nati, quibus erant obijcienda? Num solus Adam crimina propè infinita sustinuit? Magnā profectò & incredibilem hominis infortūnitatem narras, si solus tam graui & intoleranda sarcina oppressus fuit. Quòd si ille crimine suo tantũ, nõ aliorũ culpis oneratus fuit, de reliquis omnibus criminibus quid factum est? fuerēne in aliquam cellam penariam congesta, vndè quisque, vbi primũ animũ hau-

hauriret, peculiare crimen promeret? An alicui megeræ credita, vt, vbi foetum in matris aluo animari sensisset, statim ei crimē quasi colubrum subderet? Quid præterea? eāne sceleris natura est, vt tanquam volucris nidum, sic sedem mutet, & à loco in locum migret? Quodd si hæc vehementer absurda sunt; & illa etiam, ex quibus hæc efficiuntur, absurda putanda sunt. Vnū igitur illud crimen fuit; non multa. Ergò, neque ab vniuersa natura susceptum est, neq; commune sed singulare tantum, & vnius tantum hominis existimandū. Nec enim dici potest, illud vnum in plura distributū, omnibus cōmunicari potuisse. nec enim corpus erat, vt infinitè secari atque diuidi posset. Quod si dicant appellari crimen illud commune, quod in omnes contagiōe peruaferit, vt pestem vnius ciuis, communem totius ciuitatis pestem licet appellare, quòd contagio suo totam ciuitatem inficiat: id planè doceri velim, quomodo crimen ab vno homine susceptum, totam illius posteritatem infecerit. Quæro enim, fueritne crimen illud in expiabile? an expiari potuit? Si dicis in expiabile, magnum & durum conuitium immensæ Dei potentix atque benignitati facis, cū statuis aliquod esse crimē, quod virtute & clementia illius deleri nequeat. Si verò expiari potuit, ergò Adam tot suspirijs atque lamentis, tam acerbo vulneris sui sensu, tam pijs precibus, in quibus illum versatum fuisse credendum est, veniam impetrauit. Crimen igitur illius euauit. Quomodo ergo ex crimine illo, quod extinctum atque sepultum erat, ista tā multa crimina nata sunt? Sed demus id, quod existimare nefas esse puto, primum parentē

veniam non obtinuiffe: quí potuit scelus suum ad posteros seminis propagatione transmittere? aut quando primum scelus in liberis inhæsit? Num statim, ut semen in locis infedit, ut ex eo homo fingetur, in eis criminis ipsius pestis inualuit? At fieri nequit, ut crimen hæreat in ea re, quæ sensu & ratione caret. Num postquam homo figuratus & animatus est? Magnum dicis facinus, si corpus, quod, dū erat informe, omni criminis vitio vacavit, scelestum esse repentē cœpit, cum primum imagine diuinæ mentis informatum fuit. Quod si corpus nec in primo conceptu, neque in vltima figuræ suæ perfectione, potuit vlllo modo scelere imbui; quomodo tādē animum cōtagio suo scelestum reddidit? Præterea, si a primi parentis stirpē nobis crimen ingeneratum fuit; cur non itidem ab alijs parentibus, & eò maxime, quod illos cognatione propius attingimus, criminum omnium turbam & collunionem assumeremus? Num quid minus fuimus in parentum reliquorum semine, quam in primi parentis natura? Immo multo magis, quò propius ab his absumus. Ergò; velimus, nolimus, est omnipò nobis omnium scelestum, quæ parentes nostri commisere, hæreditas adeunda. Ut enim te in omnia vertas, & multa diligenter excogites, nunquam rationem vllam reperies, quare reliqua peccata non possint ad filios seminis propagatione transmitti, illudque solum ad omnes transmissum sit. Ergò, quodcunque pater scelus in se cōcipit, est omnino posteritati luendum. Quod si tāta vis est in semine ad animos scelere imbuendos, quid esset infante puero detestabilius: siquidē omnibus sceleribus, quæ a primor-

dio generis humani parentes illius suscepere, miserandum in modum oppressus & contaminatus est? Nefas est igitur arbitrari, aliquod ex semine crimen in sobolem diffundi. Non enim, ut corporis morbus, sic animi vitium in filios ex stirpe redudat. Corpus enim, cum corporeo semine procreatum sit, quod quidem solum est à parentibus deductum; mirum non est, si naturam illius sequitur, à quo est generatum. Animum verò non à parentibus, sed à Deo ingeneratum habemus. Qui enim primo illi corpori manibus suis figurato mentem inspirauit: idem, postquam humana corpora illius beneficio in utero formantur, & ad animum capiendum omnibus membris apta sunt, animos imagine sua impressos eis statim inspirat. Quod si dicant, ex corrupta corporis affectione flagitium in mentem redundare; id credibile fuisset, si flagitiū esset naturalis tantū imbecillitas & ægritudo, quæ sæpenumero ex corpore ad animū permanat, Nō enim mediocrem vim habet ea cōiunctio, quæ est animo cum corpore ad ea, quæ possunt esse utriusque communia participanda. Ut enim dolor corporis animū affligit; ita corpus ipsum animi curis intabescit. Si crimē igitur & flagitiū esset vel in dolore per se, vel in voluptate, vel in alicuius naturæ imbecillitate constitutū; verisimile fuisset, ex ea corporis natura animū necessariò scelus & crimē contrahere: sed tantū adest, ut naturæ imbecillitas crimē sit ut insit etiā in ea sæpissimè amplissima laudis & gloriæ seges. Magnū enim laudis instrumentum est in hac naturæ imbecillitate, virtutem retinere, Ex his liquido perspicitur, nullum omnino crimē hominibus innasci. Nā si crimē aliquod esset

DE IUSTITIA

natura susceptum ante rationis usum, illud profecto aut à corpore aut ab animo proueniret. In corpore crimen insidere non potest: animo autem si in primo illius ortu crimen affinxeris, non tu primo parenti, sed ipsi Deo animi conditori dedecus inuris. Hoc igitur est constituendum, nullum scelus potuisse in genus humanum sanguinis propagatione transfundi. Nunc restat, ut illam alteram partem videamus, nempe quomodo peccatum ex primo parente ad omnem propaginem illius deductum sit, & ideò omnes homines iniustitiæ labe contaminatos nasci, & iure, quandiu iniustitia non liberantur, ab hæreditate cælesti penitus excludi. Quod ut rectius intelligi possit, animaduertendum est, inter culpam & peccatum interesse. Nam ubi culpa est, ibi peccatum necessariò existit non tamen contrà sequitur, ut, ubi peccatum sit, ibi continuò culpa sit. Peccatum enim propriè, est omnis error, & imprudens declinatio à recta via, quamuis id non culpa aberrantis eueniat, veluti cum is, qui Latine loqui studet, ignoratione Græmaticæ, cuius scientiam tenere non potuit, barbarè loquitur: aut cum is absurdè canit, qui nunquā artem Musicam didicit: aut cum is, qui aliquò festinat, locorum inscitia ex ea regione, quam cursu petit, se longè diuersum ducit. Ij quidem omnes peccant: peccati autem culpa carent. non enim voluntate suā peccant. Sic etiam, qui aliquid contra valetudinem suam facit, Medicinæ ignoratione, in culpa fortassè nō est. Hoc autē multò magis apparet in verbo Græco ἀμαρτάνειν, quod est peccare. Valet enim idē ἀμαρτάνειν, ὅτι ἀποτυγχάνειν, id est, aberrare, & propositū minimè cōsequi; siue

id in-

id insita, siue vi extrinsecus illata, siue imbecillitate, siue quauis alia ratione contingat. Velut, cū aliquis vi tempestatis iactatus ad eum portum appellere nequit, quem nauigando petebat, aut cū quis imbecillitate impeditus, non collineat, quauis totum diem iaculetur. Sic item ἀμαρτία apud Græcos, qua voce peccatum declaratur, omnem errorem significat, atque, vt paulò antè diximus, aberrationem ab eo fine, quem nobis proponimus. Indè fit, vt hoc commune peccati nomen præcipuè in crimen & scelus conueniat. In scelere enim est summa quædam aberratio, & extrema cæcitas atque dementia. Cū enim homines scelera committunt, longissimè se diuersos abducunt ab eo fine, in quem respiciunt. Illi enim, vt beati sint, flagitia suscipiunt; illis autem perditis conatibus, se ipsi in summam miseriam detrudunt. Cū igitur propriè peccare sit aberrare, propositumque minimè tenere, & ita voti compotem nunquā fieri; sequitur, vt in omni homine diuina gratia nudatò, quamuis nondum per ætatem possit voluntate sua delinquere, peccatum hæreat. Est enim omnis homo diuini status appetens, & ad similitudinem Dei arripiendam valdè propensus. Ed nanque conatus omnes comparat, vt Deo similis euadat: sed naturæ imbecillitate, insitoque furore & amentia fit; vt, quò magis ad diuinum statum aspirat, eò se longius à Dei similitudine disjungat, & beatæ vitæ cupiditate inflammatus, in pestem & exitium feratur. Cū igitur omnis hominum natura, quandiu est ope diuinæ gratiæ nudata, semper aberret à fine, & in summa quadam ignoratione versetur: peccatumque nihil sit aliud,

DE IUSTITIA

quàm summus error, atque dementia; rectè omnis status animi, diuina gratia destituti, peccatū nominatur. Deindè, peccatum, vt ait Ioannes, non est aliud, nisi iniquitas. Est enim in iniquitate error, omnium qui fingi mente & cogitatione possunt, maximè turbulentus & perniciosus. Iniquitas autem est ab æquitatis regula in alterutrâ partem declinatio, atque mentis inflexæ & obliquæ peruersio: æquitatis autem regula omnis est in diuina mente & descriptione constituta. In ea namque sola est sapiens rerum omnium moderatio: rectum & constans iudicium: fides atque veritas sempiterna. Omnis igitur animus à lege diuina dissidens, cum sit ab ipsa æquitate penitus auersus, iniquitati alligatus est. Ergo, & singulari peccato constrictus, siquidem valdè propriè peccatū appellatur, illud cum Dei lege dissidium. Omnis autem homo, qui Dei gratia fultus non est, à Dei lege, natura dissidet, & est à præscriptione diuinæ mentis auersus. Est enim corpori ita deuinctus, vt corporis ipsius cupiditate omnem vitam instituat. Corporis autem cupiditas cum diuina lege pugnat: & ita necessariò fit, vt omnis, in quo Dei gratia non viget, omni cupiditatis impetu in flagitia feratur; atque paratus sit ad Dei legem, quoties eâ infixæ libidini obstare viderit, nefariè conculcandam. Omnis igitur homo diuina gratia destitutus, est singulari peccato contaminatus. Est enim iniquus & iniustus. Omnis autem iniquitas, peccatum est. Est namque iustitia non tam egregium naturæ munus, quàm summum & amplissimum diuinæ elementæ beneficium. Ergo, cum puer infans, antequàm sacro fonte ablutus sit, Dei gratia careat.

careat; nempè, quæ non sit illius naturæ tributa, sed Christi meritis atque virtute concessa per fidem: restat, vt puer ille sit iniquus, & iniustus, & idcirco peccato proprio & peculiari cōtaminatus. Quamuis enim tunc nullum in se crimen posset admittere; sic affectus est, vt si tunc valeret ratione, totum se cupiditati daret, & instigante libidine Dei legem perfringeret. Ergò, tum quia propter errorem mentis & imbecillitatem nullo modo posset assequi finem, quem sibi proponeret: tum, quia cupiditate ductus cum Dei lege bellum gereret; peccato constat esse prorsus infectum. Satis enim est, vt sit ita animo & corpore cōstitutus; vt, cū adoleuerit, neq; sese ad veræ iustitiæ normam applicare possit, neque officium suum tueri; sed Dei legem auersetur, odiumque diuini numinis in se concitet. Iniustitia enim, quemadmodū & iustitia, non tam est ex actione; quàm ex animi habitu iudicanda. Nec refert, quod ad hanc disputationem attinet, vtrum hic habitus à natura sit, an studio comparatus. Sufficit enim, vt sit sic natura affectus animus, vt iustitiam oportuno tempore colere nequeat. Sic igitur fit, vt quilibet puer infans, antequā sit diuina gratia sanatus, proprio peccato alligatus sit, licet nihil omnino mali in vita gesserit. Siquidē peccatum, est omnis auersio à diuinæ equitatis norma. Sed quærendū est, num diuersa cōditio fuisset hominis absque gratia nati, si ex alio principio ortū habuisset; minimè certè. Mortalis. n. fuisset, eisdemq; morbis obnoxius, quæ mortalem naturam necessariò consequuntur. Ergò, eadem sollicitudine voluptatem appeteret, dolorem, formidaret, amore, odio, spe, metu, letitia,

colendi, protinus amisit. Ob id igitur dicimus, primum parentem nostro peccato, quo astricti nascimur, causam & principium attulisse, propagationeq; illius ad nos diffusum esse: quia dū peccauit, illud præsidium gratiæ diuinæ illius naturæ concessum amisit; per quod potuissimus à peccato hoc, quod nascendo cōtrahimus, immunes existere. Illius igitur crimine peccatum nascendo contraximus: illius scelere iniusti nati sumus; & ita ruina illius concidimus. Crimen igitur in illo hæsit: peccatum verò in omnes peruasit. Omnes siquidem illius crimine iustitia nudati sunt. Hoc igitur discrimen esset inter nostram conditionē, & illius, quem finximus aliundè oriri: quod hæc nostra labes est pœna quædam, sceleri & crimini primi parentis irrogata: illa naturalis fuisset, ipsamq; naturam gratia nudatam necessario consequens. Sed intelligendum etiam est, peccati nomē multifariam intelligi. Nam & fons, vndè flagitiorum omnium flumen erumpit, & omne id, quod à peccato manat & fluit, peccatum sæpè nominari solet. Ob hæc igitur omnia, rectè hæc animi praua constitutio peccatum appellatur, vel quia est mētis affectio diuinæ legi contraria; vel quia à peccato parentis ad nos vsque dimanauit; vel postremò quia nos ad omne tetrum & impurum facinus impellit. Cū enim libidinis intemperantia in homine dominatur; quod necesse est euenire omnibus, qui præsidio diuino septi non sunt; in omnem scelerum atque flagitiorum gurgitē cunctos mortales abripit. Potest igitur fortassè peccatum hoc omnibus innatum, ad hunc modum haud incommodè definiri; perturbatus animi status, ob defectum

Etum iustitiæ, crimine primi parentis amissæ, ad
 omnia flagitiorum genera sollicitans. Hæc enim
 definitio & vim ipsius peccati describit, quæ est in
 iniquitate, & perturbatione status humani sita; &
 originem peccati complectitur: Docet enim fuisse
 primi parentis rebellionem susceptum. Deinde,
 quid ex se signat, ostendit. Est enim malorum om-
 nium seminarium: Deinde eos à peccato liberat,
 qui sunt iam Dei gratia & benignitate iustitiam
 adepti. Illi enim quamvis eis interdum cupiditas
 molesta sit, à iustitia, si permanent in fide, minimè
 deseruntur. Deinde in eos minimè conuenit, qui
 semel expiati, iustitiam rursus & animi pacem a-
 mittunt. Illi enim iam non parentis crimine, sed
 proprio scelere opibus iustitiæ nudati, & expo-
 liati sunt. Præterea nihil absurdi continet. Nec e-
 nim ponit aliquid esse peccatum, quò non perem-
 pto, sed permanente, in eademque natura vigen-
 te, peccatum tamen perimatur: quemadmodum
 illis dicendum est, qui peccatum hoc innatum
 cupiditate definiunt. Neque crimini dat eis, qui
 nihil per ætatem committere potuerunt, quòd sint
 vitiato sanguine procreati. Præterea naturam nõ
 damnat, quod quidem non mediocriter scelus exi-
 stimo. id enim in Dei contumeliam redûdat; sed,
 quantum natura ope diuina indigeat, ostendit. Ne-
 que postremò cõtinet aliquid, quod sit cõtra diuini
 iuris æquitatẽ. Sed dicet fortassè aliquis, quid
 iuris habet, vt ego crimini alieni pœnas luam? Mi-
 nimè quidem, inquam, alieni, sed illius, quod spõ-
 re tua suscepisti. Immò, inquiet, alieni. Parentis e-
 nim crimine iustitia priuatus sum. Verum: sed illa
 iustitia nõ erat in natura tua; sed in diuina gratia
 consti-

constituta, ea lege generis tui principi concessa, ut
imperium illius, à quo tantum donum acceperat,
nullo modo cōtemneret. Ergò, cum ille fœdus rue-
perit, dono illo, quod sibi atq; liberis suis utendū
acceperat, meritò spoliatus fuit. Ut enim, si maxia-
mus quidē Rex infimæ conditionis hominem, nō
meritis illius, sed propria tantum liberalitate im-
pulsus opibus suminis afficeret, atq; maximis ho-
noribus augeret: isq;, in quem Rex tanta munera
cōgessisset, ab eo deficeret, eaque causa esset bonis
omnibus euersus, nulla fieret iniuria generi illi^o
in pristinis sordibus, & mendicitate relicto: ita ne-
que tibi sit iniuria, cum ea dignitate cares, quæ na-
turæ tuæ nō debetur; fuitque iure parenti tuo de-
tracta. Quid igitur plectuntur alieno crimine qui
nihil ipsi cōmisere? Non plectuntur quidem. Nul-
las. n. peccati huius poenas exoluent. A cæli aditu
arcetur? Si arcentur, meritò quidē arcetur. Ascen-
sio. n. in cælū, est gratiæ tributa, nō naturæ gratia de-
stituta. Atqui à cæli aditu prohiberi, summū sup-
pliciū est. Est quidem sentientib⁹: nō sentientibus
autem, nullū. Illi autē solum eam iacturā dolēter
patientur, qui, cū possent ad tantas opes perueni-
re, opē sibi à Deo clemēter oblatā repulēre; diui-
naq; iustitiæ munera animo ingrato & impio con-
tēpsere: non ij, qui id per atatē ne suspicari quidē
potuere. Satis explicatū arbitror, quomodo pecca-
tū à primo parente profluens, omnē illius poste-
ritatē infecerit: nunc consequens est, ut videamus,
quib. tandē gradibus idē peccatū hominum genus
in omnē pestem & exitiū deduxerit. Primò quidē
igitur, cū mēs humana, diuinę mentis abscessu, cę-
cis quibusdā tenebris inclusa sit, paulatim naturæ
suæ

suæ obliuiscitur, dignitatisque memoriam depo-
 nit: ita ut nihil cernat, nihil amet, nihil expetat,
 nihil ad se pertinere putet; nisi quod ad corporis
 naturam referatur. Corporis igitur cupiditati
 addicta, illi tantum ministrat, illi seruit, omnia
 vitæ consilia ad illius obsequium conferenda pu-
 tat: in quo quidem graues perfidiæ poenas luit.
 Nam qui vitam Deo non committit, eam deterri-
 mæ cupiditati lacerandam tradit: qui diuinū im-
 perium recusat, se reddit turpitudinis atque fla-
 gitij mancipium; eoq; tandem deducitur, ut om-
 nes truculentas belluas immanitate superet. Nam
 cum ratio & ingenium libidini, aut crudelitati;
 aut eiusmodi motibus ferinis seruit, atque ad om-
 nia flagitia industriam exacuit, tantum necesse
 est, omnes belluas feritate vincat, quantum cupi-
 ditas instructa & armata cupiditatem nudam &
 inermem ad facinus antecellit. Arma namque om-
 nia siue virtutis, siue cupiditatis; sunt in ratio-
 nis solertia, & ingenij acumine constituta. Idcir-
 cò, cum ingenium ad suscipiendum aliquod ne-
 farium facinus adhibetur, eò maiorem perniti-
 e infert, quò est ad excogitandum solertius. Ut igitur
 inter homines scelestos & improbos, qui ma-
 gis ingenio & industria valet, is est multò rebus
 humanis infestior: ita necesse est homines, naturæ
 importunitate feros & immanes, eò feris omnib.
 immaniores esse, quòd sunt rationis & cōsiliij par-
 ticipes. Sic igitur fit, ut nulla sus lutulentior, nul-
 la vulpes fraudulentior, nulla leena truculētior,
 nulla tigris immanior homine, cupiditati corpo-
 ris penitus addicto, queat vlllo modo reperiri.
 Atque primū quidem is, cum non in sempiter-
 num

hūm tempus spectet, sed tāquam brutum aliquod animans ad id tantum, quod præsens adest, & animū fallaci quadam specie suauitatis allectat, impellitur, neque cælum suspicit, neque diuina considerat. Nam, etsi metu numinis sæpè commouetur, & vexatus incommōdis diuinum in rebus, afflictis præsidium requirit; corporis tamen sensibus impeditus, quanta sit illius maiestas; suspicione minimè attingit. Indè igitur impura & omni scelere contaminata superstitiō exortā fuit; quæ fusa per omnes gentes, eos multò arctioribus facinorum omnium, vinculis astringit. Nam cū homines sint à natura ea religione imbuti, vt non credant vitam absque diuino præsidio sustentari; cū Deum inuestigarent, mentemque à sensibus auocare non possent, semper illis Deum quærentibus corporeæ species occurrebant: quibus tandem effectum est, vt Deo corpus atque membra tribuerent. Itaque principio, cū toto cælo diffusa, atq; clarissimo splendore micantia sydera viderent, illis honores diuinos instituerunt, gloriāque Deo debitā ad opéra illius transtulerunt. Deindè, cū terreni corporis grauitate depressi, non possent diu fulgorem astrorum contemplari, Deosq; sibi in terra quærent; tyrannis adulari, hominesq; scelestissimos in Deos reponere cœperunt. Indè etiam multi eò amentię proruperunt, vt amores atq; delicias suas religioni consecrarent: quin etiam multi dedecus atq; flagitium, flagitiorumque pœnas; nempè contumeliā & impudentiam, pauorem & pallōrem, atque adeò furias ipsas scelerum vltrices, demisso corporis habitu venerati sunt. Iam verò quanta religione quadrupe-

DE IUSTITIA

des & immanes quēdā belluæ cultu fuerint, est explicatu difficilē. Sic igitur factum est, ut animal illud regium & excelsum, ad imperium & gloriam natum, dum patris summi salutare imperium repudiat; dum sese per summum scelus ab illius cultu retrahit, atque libidinis & intēperantiæ seruus efficitur: eò tandem deducatur, ut non modò syderum atque impurorum hominum simulacris, verum etiam flagitiorum, & immanium belluarum signis supplicandum putet. Sic euenit, ut læta exultaret improbitas, & hostis humani generis erectus, & alacer toto orbe terrarū volitaret, vniuersumque genus hominum non modò cupiditatis indomitæ vinculis alligatum, verum etiam impurissima superstitione constrictum in perpetua seruitute cōtineret. Hanc autem teterrimæ superstitionis amentiam, similia sacra consecuta sunt. Tantus enim furor hominum mentes oppressit, ut non satis placari posse numen crederent, nisi dolubra omnia flagitio, dedecore, turpitudine, immanitate contaminarent. Quod quidem tamen non absque ratione fiebat. Qui enim flagitijs diuinitatē tribuebāt, quo alio cultu illa quàm flagitijs honorarent? Qui tyrannidi, qui feritati, qui furijs immolabant, quomodo nisi cum furore & immanitate illis satisfacerēt? Virgines itaq; in Deorum honorem prostituebant, humanoque sanguine aras aspergebant, filios etiam immanissime iugulabant: nullum deniq; erat tam dirū facinus, quod non in sacrorum illorum procurtione susciperent. Cū igitur religio, quæ si ritē fuisset instituta; potuisset facillimē frāgere libidinem, & omnes homines in humanitatis officio cōtinere;

sic

ſic inſtituta fuiſſet, vt non modò licentiam daret
omnium flagitiorum & ſclerum; verùm etiã ad
omnẽ nequitia atq; ſcel⁹ mortales incitaret: quòd-
nam tam ſceleſtum & immane facinus cõcipi mē-
te & cogitatione poteſt, in quod non humanum
genus effrenata mente prorumperet? Ergò, cùm
religio ſcelere ſuſcepta ſcelus augeret & ampli-
ficaret; neceſſe tandem erat exterminari pudorem,
leges atque iura perfringi, fidem extingui, hu-
manitatem ſepeliri, rationem obſcurari, omnia
tenebris circumfundì, ſolamq; in terris tetram
& impuram libidinem cum omnium rerum hu-
manarum incredibili vaſtitate dominari. Sic tan-
dem neceſſe erat; animum hominis, tantis mon-
ſtris obſeſſum, moleſtijs innumerabilibus impli-
cari, curis triſtiſſimis intabefcere, vitã in cruciatu
conſumere, atque tandem in ſempiternum exitiũ
amentia præcipitem ferri. Ab illo igitur peccati
principio omnis vitæ peſtis exitit, quæ tantũ ſce-
leribus multiplicatis inualuit, vt omnia pertur-
baret atq; commiſceret, rationisq; lumen extin-
gueret, hominesq; ſempiternis tenebris atque
ſempiterno cruciatu damnaret. Haſtenus vidi-
mus quomodo peccata omnia ab illo peccato,
quo ſe conſtrinxit primus illi noſtri generis au-
thor, extiterunt, in omneq; genus humanũ im-
petum fecerunt, eumq; conciſum vulneribus, &
confectũ ſupplicijs omnibus in ſempiternam mi-
ſeriam coniecerunt. Nunc par eſt vt animũ cõuer-
tamus ad aliũ generis principẽ & authorem, qui
nos iacentes excitauit, & carcere mortis conclu-
ſos in lucem atque libertatem reſtituit. Nec enim
elementiſſimus ille Dominus ita ſcelere hominũ

DE IUSTITIA

irritatus fuit, ut protinus humani generis sanādi atque liberandi curam abijceret. Aliud igitur esse nobis voluit nascendi principium, aliam generis stirpem, aliud nobilitatis exordium; ut tandē, quod fuerat culpa primi parentis amissum, esset alterius parentis meritis atque virtute recuperatum. Qui quidem non in mundi florentis integritate, non in horti vllius amœnitate, non in magna diuitiarum affluentia constitutus; sed contrā, in summa terrarum perturbatione, in rerum humanarum flāma & incendio, inopia premi, & labore vexari, & dolore cruciari, & morte exstingui sustinuit, ut hæc omnia incommoda pro omnium salute subeundo, nos ex incommodis omnibus eriperet, atq; secum in cælum elatos, in sempiterno regni cælestis patrimonio collocaret. Tanta enim caligo hominum mentes excæcauerat, humanosque sensus opprefferat, ut nisi ipse Dei filius in terris exorians radijs suis erroris caliginem discussisset, nullo modo humanum genus è tantis malis refici atq; recreari potuisset. Ut enim iniustitiæ & iniquitatis exemplo conciderat: ita opus erat, ut ipsius iustitiæ & æquitatis exemplo in oculis posito reuiuisceret. Ergò, ut idem ipse qui genus humanum condidit, in summam miseriam prolapsus erigeret (neque enim conueniebat, ut aliū libertatis atque salutis vindicem haberemus, quàm eundem ipsum, cuius benignitate conditi fuera-
mus) voluit vnicus Dei filius sanctissimæ virginis aluo contineri, humanamque formam induere, & in hominis habitu delitescens, cum hominibus viuere, nō modò ut pœnis, quas pro nobis excepit iram diuinā à nobis auerteret, suoq; sanguine pro-

fuso

fuso mentes nostras expiaret, sed vt exemplum nobis iustitiæ ad imitandum proponeret, vt vestigia illius persequentes, possemus illi coniungi, & munera atque beneficia sanguine illius parta retinere. Vtrunque enim opus erat, vt & nobis meritis excellentibus patrem conciliaret, & nos secum similitudine vitæ coniungeret. Nec enim potest ex illo in nos virtus influere, neque diuinæ gratiæ munus ab eo ad nos vsque permanare, nisi fuerimus vestigijs illius ingressi. Filijs enim suis, non extraneis, opes immensas in cælo comparauit. Filij autem illius sunt, qui diuini seminis propagatione ab illo gignuntur, & fidei ipsius studio in corpus illius inseruntur. Qui igitur fidem Christi, hoc est, admirabilem illius obedientiam intuetur, ad illiusque exemplum vitam dirigit, & quantum potest enititur, vt totum se ad illam accommodet; hic planè diuino semine procreatus est, & cum Christo cælesti agnatione, bonorumque omnium societate coniunctus. Sapienter igitur Paulus hoc vnum à nobis requirit, vt Christi obedientiam semper in oculis habeamus. Sic enim ad Hebræos scribens ait: Considerate Apostolum, & Pontificem confessionis nostræ Iesum, quòd fidelis est ei, qui ipsum constituit, quemadmodum & Moyse in vniuersa domo eius. Facit deindè vtriusque contentionem Paulus, vt ostendat quantis partibus Christi dignitas dignitati Moyse ipsius excellat. Moyse enim seruus erat, & tanquam seruus iurisdictionem in domo Domini brevis æui spacio definitam habebat: at Christus tanquam verus Dei filius sempiternam. Sed quo maior & amplior est Christi dignitas, eò est

obedientia illius admirabilior. Cū enim esset hæres & Dominus paternique splendoris imago, rerūque omnium moderator, serui formam gessit, eoque se demisit, vt non patri modò, sed hominibus etiam ministraret. Et Moyses quidem, & alij viri virtute excellentes, non ita rectum vitæ cursum perpetuò tenere potuerunt, vt non interdum de via deflesteret, & iram in se diuinam prouocarent. At solus Dei filius is fuit, quem nunquā vis vlla potueri tã patris voluntate deducere. Is solus igitur potuit obedientia rebellionis humanæ perfidiam compensare. Hoc enim est illud vnicum sacrificium, quod Deus respicit, cuius magnificentia flectitur, cuius suauitatem odoratur, cuius sanctitate propitius fit, quod à solo Christo potuit ritè procurari. Vndè obedientiæ huius salutaris amplissimum fructum legimus in Psalmis sub Iesu Christi persona luculenter explicitum: Sacrificium, inquit, & oblationem noluisti; aures autem perfodisti mihi, hoc est, non vllis legis sacris & institutis, sed obedientiæ fide atque sanctitate placaris. Frustra igitur homines, qui tibi parère recusant, sunt in sacris peragendis occupati. Vt igitur gratissimo tibi sacrificio numentum hominum generi infensum placari posset, in me summū perfectæ & absolutæ obedientiæ exemplum constitutū esse voluisti. Quod vt clariùs significaret, ostēdit, aures suas esse perfossas; quod quidem olim erat apud Hebræos sempiternæ seruitutis authoramentum. Addit deindè in eandem sententiam: Holocaustum & hostiam pro peccato non postulasti; tunc dixi, ecce venio. Quasi diceret, cū præsentirem te non operibus legis;

gis; sed fide delectari; nec sacrificia, sed obedientiam requirere; me repente ad obedientiam promptum atque paratum exhibui: & confestim accurre, ut te præstolarer, & quid mihi præscriberes, attentis auribus exciperem. Exaggerat deinde huius obedientiæ magnitudinem: In volumine libri scriptum est de me. Huc legis, inquit, volumen respicit, in hunc finem omnia sanctorum hominum scripta conferuntur, hoc vnum oracula diuinæ suspiciunt; ut obedientiam meam laude celebrēt, eamque omnibus conspiciendam & imitandam proponant. Vim autem obedientiæ continuo persequitur: Facere voluntatem tuam Deus meus volui: & lex tua in medio cordis mei. Docet, non auribus tantum corporis; sed multo etiam magis intimis animi sensibus imperium Dei accipi debere. Ita ut lex, menti penitus impressa & insculpta, mentem ipsam incendat, & incitet ad diuinæ voluntatis studium: usque adeo, ut nihil expectet ardentius, neque in realiqua se gerat vehementius; quam in ijs, quæ à Deo sunt imperata, faciendis. Deinde, studium suum esse valde ad obediendum incitatum, eo argumento probat; quod magnis vitæ periculis propositis, à diuina disciplina hominibus explicanda auerti, aut retardari minime potuisset; neque viam, quæ in cælum ferebat, occultasset. In hoc enim à patre missus fuerat, ut viam in cælum monstraret. Annunciaui, inquit, iustitiam tuam, in ecclesia magna, ecce labia mea non prohibebo, Domine tu scisti. In hac autem muneris sui explicatione commoratur, ut magis inobedientiæ suæ summam animis inculcet. Docet enim, omnia se præstitisse, nec aliquid prætermisisse, quod ad

DE IUSTITIA

veræ iustitiæ rationem, munere diuino ad salutē
 & immortalem gloriam hominum generi opera
 illius concessam, explicandam, atque in omnium
 conspectu proponendam, aliqua ex parte pertine
 ret, quamuis exploratum haberet, in ea tam clari
 & egregij muneris perfunctione, fuisse sibi ingen
 tes molestiarum atque dolorum tempestates om
 ninò subeundas. In eandem sententiam inquit a
 pud Isaiañ: Dominus aperuit mihi aurem, ego au
 tem imperium non recuso, neque refugio. Quā
 ta autem alacritate imperium patris exequeretur,
 ostendit in eo, quòd sese ad omnes ignominias
 & cruciatus inuictò animo perferendos obtulit,
 dum Dei iussis obediret. Corpus, inquit, meū ex
 hibui percutientibus, genas meas vellentibus, fa
 ciem meam non auerti ab increpantibus & con
 spuentibus. Hanc eandem obedientiam Paulus
 meritis in cælum laudibus extollit: Factus est, in
 quit, obediēs, vsq; ad mortē, mortem autē crucis.
 Clarum perfectæ obedientiæ argumentum, quæ
 non in rebus facillimis strenuè peragēdis sui spe
 cimē præbet; sed in horribilibus, atq; maximè me
 tuendis. Nemo igitur ynquam inuentus est, qui, si
 vtrumvis sibi liberum fuisset, mortem vellet op
 petere: sed, cū calamitate aliqua pressus in vitæ
 odium venisset, aut in summo rerum omnium
 discrimine popularis famæ præmium spectasset,
 aut morbo aliquo mentem amisisset; aduentan
 tiām mortī, quæ nunquam procul abest, pau
 lulū processisset obuiam: vt paucis antè diebus
 moreretur, quàm esset ei à natura definitum.
 At Dei filius, qui mortis atque vitæ potestatem
 habet, nulla alia necessitate compulsus, quàm
arden-

ardentissimo studio satisfaciendi patris voluntati; mortem, & cruciatum, & extremam ignominiam subiuit. Itaque multis in locis testatur, nullo modo suam sibi, hoc est, humanæ naturæ voluntatē, sed patris tantum esse sequendam, Et cum appropinquante morte vehemens ille timor esset iniectus (non enim satis habuit, si supplicia solum sibi constituta pateretur, nisi etiam eorum timore antequam torqueretur) Pater, inquit, non mea voluntas, sed tua fiat. Hoc erat illius votum, hoc desiderio flagrabat, hoc sitiēter appetebat; ut, dum patri obtemperaret, omnes dolores exciperet. Unde inquit alibi; Cibus meus est, ut faciam voluntatem patris mei, qui misit me, & perficiam opus eius. Omnis igitur Christi vita fuit in perfectissima obedientia consumpta. Hinc iam clarē liquet, quantum inter utriusque parentis vitam & studium intersit. Ille primus, cum esset naturæ opibus egregiè præmunitus, primum hostis congressum non sustinuit; sed statim illius importunitati cessit. Hic in summa naturæ imbecillitate, hostem latē dominantem, orbemque terrarum imperio continentem, vniuersumque genus hominum opibus suis obsidentem, inuicta virtute profligauit. Illū uxoris blanditiæ faciliē pellexerunt, atque in capitalem fraudem coniecerunt. Hic neque hostiū minis cedere, neque naturæ blandimentis deliniri, neque difficultatibus ullis impediri potuit; quò minus omni studio, alacritate, & cōtentione, quæ sibi fuerant à patre imperata, perficeret. Ille igitur rebellionē cunctā progeniem euertit; hic obedientia singulari statū vniuersi generis instaurauit. Et ille quidē naturam humanam ex amplissi-

mâ dignitate, in miseriam & ignominiosam seruitutem coniecit: hic contrâ, eandem naturam afflictam & oppressam, è tenebris & seruitute in clarissimam lucem atque libertatem vindicauit. Itaque seruus Domini imperiûm sceleratè contempsit: fili⁹ verò serui fidelissimi officio perfunctus, nihil nisi ex voluntate patris administrauit. Factû est igitur, vt, quæ fuerant propter rebellionem & impietatem collapsa; obediëntia atque pietate rursus instaurata, renouata, nouisq; luminibus illustrata fuissent. Sic enim se pro nobis ad mortê obtulit, vt nos è mortis ipsius faucib. ereptos, immortalitatis muneribus atque donis afficeret. O verè piacularem hostiam, salutare sacrificium, admirabilem placandi numinis rationem; quæ tam excellenti obedientia perfecit, vt ab exilio in cælestem patriam ipsius summi patris voce reuocati, laudes illius læti caneremus: & qui fueram⁹ rebellionē bonis omnibus euersi, essemus tandē obedientia restituti. Si igitur Abraham hoc per fidem assequutus est, vt pater multarum gentium fieret; quâtò magis ille, cuius obedientia aliorum omnium laudibus obscuritatem attulit; & cuius meritis atque virtute fuimus in diuinæ naturæ similitudinem atque formâ conuersi? Ille enim verè nos generat, qui nos similitudine suæ claritatis illustrat: qui suam formam animis nostris insculpsit: qui nos munerib. suis alit: qui mentes nostras ornamentis suis informat, & vestit: qui postremò nos secum bonorum omnium communione consociat. Si scitis, inquit Ioannes, quòd iustus est; scitote, quòd omnis, qui facit iustitiam, ex ipso natus est. Huius igitur sanctissimi patris semine procrea

ti, di-

ti, diuinam formam induimus, nobisq̃ue nominis & gloriæ immortalitatem pollicemur. Sic igitur, quæ à natura sumere minimè potuimus; ea facillimè ex Dei gratia & benignitate, Christi meritis atque virtute consecuti sumus. Nàm, qui tenebris inclusi, amentia oppressi, vi mortis extincti, in sordibus atque luctu iacebamus; repentè Christi beneficio in lucem respeximus, diuinisq̃ue sensibus excitati, in beatam & immortalè vitam omni munerum diuinorū copia cumulata ingressi sumus. Ex his, quæ hætenus adducta sunt, habem⁹ explicatam duplicè originis atque natalium rationem. Duplicem. n. parentem habemus: Vnum ex quo secundū naturam orti: Alterum, ex quo secundum spiritū generati sumus. Ille nobis rebellionis author extitit; hic obedientiæ & pietatis exemplū. Illius crimine in exiliū missi; huius sanctitate in patrias sedes reuocati sumus. Illius; nō nostro scelere, peccati labem nascendo contraximus: huius virtute, non meritis nostris, ad iustitiam peruenimus. Per illius peccatum mortis diritas inuecta fuit; huius officio immortalitatis opes inuectæ. Vt igitur primus homo nobis laborum, & dolorum, & ærumnarum, atque mortis causam attulit: sic hic generis diuini princeps pacem, & otium, & voluptatem, & immortalem vitam nobis attulit. Per hominem, inquit Paulus, mors; per hominem exsurrectio ex mortuis. Et paulò inferiùs; Primus homo de terra terrenus, secundus homo Dominus ipse de cælis. Deindè, nos ad illius obedientiæ exemplum adhortatur. inquit enim: Sicut gestauimus imaginem terreni, gestemus & imaginem cælestis.

Sed quorsum vtriusq; parentis exemplum in medium attulimus? vt videlicet vtriusque ratione, quantum ad iustitiæ tractationem conferre videbatur, explicata, melius cerneremus, quomodo diuinæ iustitiæ mûnera de manibus elabantur: quomodo rursus amissa recuperentur; quàm acri studio colenda, qua diligentia retinenda, quib. opibus sepienda, atque vallanda sint. Quod quidem totum in hoc positum est, vt, quidquid habemus à primo parente, penitus abdicemus atq; relinquamus, nosq;ue totos ad secundi parentis similitudinem & imitationem transferamus. Ex illo enim habemus insitam cupiditatis insaniam in exitium temerè præcipitantem: ex hoc autem fidei excellēris altitudinem, nos ad immortales opes euocantem. Illius non labe in terram demersit: huius verò exemplū in cælum euexit. Ab illo corpus mortale & caducum, terrenis rebus affixum, ad flagitia propensum, ad rebellionem concitatum habemus: ad hoc diuinam mentem, rerum cælestium cupiditate flagrantem, studioq;ue diuinæ legis atque sanctissimæ religionis incensam. Qui igitur vitam & salutem charam habet, qui gloriam immortalem spectat; qui stabiles atque sempiternas voluptates exquirat, opus est, vt, quantum possit, sese à terreni parentis imitatione seiungat, totumq;ue se ad cælestis exēplum formet, & fingat. Abstrahat igitur mentem à corporis impuritate, totumq;ue animum à sensibus terrenis abducatur; vt extincta corporis rebellionē, quàm habet à terreno principio hæreditariam, Christi obedientiam imitetur, illiusq;ue legibus vitam instituat. Obedientiæ verò specimen non in rebus facilis;

limis; sed in arduis & laboriosis, atque aded in cruce perspicitur. Cùm enim nobis imperatur aliquid, quod possit iucundo motu sensus nostros afficere, tunc nos non imperium ad laudem, sed cupiditas ad voluptatem allicit: vt magis sit illud opus cupiditati naturæ, quàm obedientiæ tribuendum. Quæ est igitur obedientia laudabilis atque prædicanda? ea, quæ sic animum ad parendum excitat, vt omnes labores contemnat, atque despiciat, & omnes contentiones ita pro iustitia suscipit, vt nulla pericula aut supplicia recuset: quæ denique illum sequitur, quem obediētia ad mortem & crucem vsque perduxit. Vt igitur fidei & obedientiæ documenta dare possimus; sunt excipiendi labores, adeunda pericula, perferendi dolores, perpetua dimicatio pro dignitate subeunda. Nunquàm enim insita penitus in natura cupiditas, quæ perpetuò nobiscum pugnât, otium ullū tribuit, aut inducias nobis esse patitur. Nūc enim vim intentat, nunc insidias comparat, aliquando autem simul vtrumque molitur. Quodam enim violento lenocinio vtrumque facit, vt & animum blanditijs emolliat, & labantem impellat, impetuque in terram deiiciat. Omnibus igitur, qui Christi obedientiam imitari cupiunt, est perpetua cum corpore suscipienda contentio. Hæc est enim illa crux, ad quam nos vocat Imperator noster, quam omnibus tollendam atque subeundā proponit, qui vestigijs illius insistere velint, atq; clarissimam iustitiæ coronam adipisci; aliter enim negat, sibi quidquam cum hominibus futurum. Nemo enim sub illius vexillis stipendium facere potest, nisi corporis in se rebellionem vi-

salu-

D E I V S T I T I A

salutaris crucis extinguat, & ita fidem, & obedientiam exsuscitet. cū enim effrenata cupiditas cum Deo sempiternas gerat inimicitias, nobisq; medijs esse non liceat (aut enim corporis factio sequenda, aut sub Christi spiritu militandum est) nullo modo possumus ad Christum adiungi, nisi corpus ipsum crucis studio confixerimus, atque à nobis omnes impuritatis labes forti & inuictō animo repulerimus. Sic autem iustitiæ fructum excipiemus, & præmium virtuti propositum cū laude sempiterna consequemur. Quod cū nisi magno & assiduo labore confici nulla ratione possit: sequitur, vt semper in iustitiā sit elaborandum, neque studium vnquā in illius cultu remittendum. Sic enim Christum sequimur, sic mortem illius exprimimus, sic vitam illius diuinam imitamur, sic denique in cælum, via nobis ab eodem Christo munita, contendimus: aliter enim ab illa hæreditate cælesti pœnitūs excludemur. Si enim, vt Paulus inquit, cum Christo labores pertulerimus, cum Christo etiam regnabimus. Erit igitur regni atque gloriæ prorsus expers, qui laboris particeps esse non vult. Quid, quod otium amplexari non licet? ita enim ad laborem nati sumus, vt nemo illum possit effugere. Quæ enim sollicitudo vexat auaros? in quærenda enim pecunia laboribus infinitis confecti, in custodienda tristissimis curis impliciti, in illius amissione grauiter afflictī atque moerentēs ita viuunt, vt nihil eorum vita possit acerbior excogitari. Quid, qui sunt amatorijs leuitatibus dediti? quibus attriti laboribus, exhausti vigilijs, confecti curis incedunt? Quid ambitiosi? quos labores excipiunt?

unt? quibus se periculis exponunt? quo æstu popularis insaniæ in diuersas sæpenuerò partes accipiti mente rapiuntur? atque, ne plura recenseâ, certè constat, omnem vitam hominum esse laboribus infinitis exercitam, atque turbulentissimis tempestatibus agitatam. Quodd si aliquis est, qui possit quietam vitam & ab omni strepitu populari remotam sequi, is tamè cessare non potest. Nam aut rebus rusticis intentus est, aut artem aliquam exercet, in qua labore assiduo conflictetur: & interim aliorum inuidia laborat, quos videt in insana hominum celebritate versari. Ergò, cum laborem nemo declinare possit, vtrum tandem melius est? inani spe rerum inanissimarum ad laborem infinitum, nulla veræ iucunditatis dulcedine temperatū incitari: an potius non dubia spe, sed planè explorata sempiternæ felicitatis laborem singulari suauitate refertum suscipere? Vtrum nefariâ cupiditatem, & popularem amentiam cum insigni flagitio & dedecore ducem habere: an potius Dei vnicum filium nostræ salutis parentem & authorem cum tanta dignitate proposita sequi, laboremque illius imitari? Atque postremò, vtrum fluxas & interituras opes, quæ momento temporis euanescent, intueri: an potius immortales atque sempiternas opes semper inspicere? Quod si homines amentissimi in rebus fluxis, & caducis sibi parandis tantum laborem plerumque sine vlllo fructu suscipiunt, vt defatigatione frangantur; quantum tandem studium est hominibus diuina fide cõcietatis adhibendum, vt immortales & diuinas opes, atque sempiternam gloriam sibi comparent?

Aliter

Aliter enim magnam infidelitatis significationē
 dabunt. Magnum enim argumentum est, eum, qui
 non omnem animi conatū comparat ad cēleste il-
 lud iustitiæ præmiū consequendū, minimē
 fidem Dei verbis adiunxisse. Quod certē si fecis-
 set, facilē diuinas opes vitæ huius ludibrijs ante-
 poneret; hisque neglectis, ad illas inflammato stu-
 dio semper aspiraret. Nemo enim magnificit eorum,
 quorum studium negligit. Qui igitur in iustitiæ
 studio non elaborat, satis ostendit, se neque iusti-
 tiæ pulchritudinem oculis aspexisse, neque coro-
 næ illius magnificentiam, quæ est iustitiæ propo-
 sita, animo considerasse. Nam si id fecisset, omne
 profectō vitæ studium in illius cultu posuisset.
 Neque solum nos præmiū iustitiæ debet incen-
 dere; verum etiam malorum recordatio, è quibus
 erepti sumus, in studium illius acriter incitare:
 aliter enim, ingrati animi crimen cum magna sa-
 lutis nostræ iactura sustinebimus. Vt igitur, qui
 magnum aliquod vitæ discrimen adierunt, & opē
 alicuius erepti sunt, discriminis illius recordatio
 ne perhorrescunt; eumque habent clarissimum;
 cuius opē liberati sunt: sic & nobis faciendū
 est, ut mortis acerbicatem; è qua fuimus erepti,
 formidemus, & nostræ salutis authorem ardentem
 amemus: atque ita tandem fiet, ut vel magnitudo pe-
 riculi, vel liberatoris nostri benignitas nos in stu-
 dio vigilantes efficiat. Non igitur vllō modo est
 otio diffuendū, sed acre studium adhibendū
 ad iustitiæ partē custodiam: secus enim, ut ingra-
 ti atque scelere nefario constricti, poenas acerbissi-
 mas luemus. Ingratus autē est is, qui neque beneficii
 magnitudinē ponderat; neque, è quantis malis ere-
 ptus

ptus sit, mente considerat; neque, quid suo conseruatori debeat, animo sæpè recogitat. Magnitudinem accepti beneficij non videt, qui in illo tuendo non omnem diligentiam adhibet: malorū, quæ perpeſſus fuit, obliuiſcitur is, qui ad eadē malā ſponte ſua recurrit; quid conſeruatori ſuo debeat, non reputat animo; qui voluntatē illius offēdit. Eſt igitur & negligentia in bonis, & temeritas in periculis, & obliuio in beneficijs ſcopulus execrandus, ad quē omnia bona franguntur. Atque haud ſcio, an ob eā ipſam cauſam fuerit vtilius nobis in peccati ſordibus, atque in naturæ mendicitate natos eſſe, quā in bonorū illorū, quæ primus parens amiſit, affluentia. Tunc enim fortasſe cuiuſuis animus in tantis vitæ præſidijs, quaſi in proprijs naturæ muneribus, inſoleſceret, neque in eorū authorem debito ſtudio atq; pietate reſpiceret. Nunc autem, dum priſtinas labeſ recordamur; & morbos, quibus eramus oppreſſi & impediti, memoria continemus: facilius in Deum, cuius gratiā ſanati ſumus, grati eſſe poſſumus. Sic igitur melius atque tutius opēs à Deo tributas conſeruabimus. Fides enim eſt, quæ munerā diuina conſeruāt & continet: obliuionis autem perfidia eſt, quæ omnia bona conuellit. Quandiū igitur grati ſumus, bonis partis euerſi non poſſumus: at cum mollitia languēſcimus, & quaſi ſomnō conſopiti memoriā diuini muneris atque beneficij deponimus; & antiquō ſerpenti nos ad rebellionem incitanti aures præbemus: extrudimur repentē; & in priſtinā miſeriam multō grauiore clade cumulatam recidimus: quod nē nobis eueniat, non aduigilabimus? non indu-

DE IUSTITIA

Striam acuemus? non in specula manebimus, & cōtra omnes hostium conatus armabimur? Neq; nos ipsius iustitiæ splendor, nec exemplum eorum, qui pro iustitia tuenda sanguinem profuderunt, incitabit? mirum enim est, quanto mentis ardore, & quā acri virtutis impetu incredibilis hominum multitudo per omnes flammās cucurrerit, & omnes cruciatus vltro atque libenter adierit, vt iustitiæ decus & gloriam retineret. Cernebant enim profectō illius splendorem & magnificentiā, & ea de causa sese pro Christo, cuius beneficio fuerāt in illius possessione locati, ad mortem incensis & inflammatis animis offerebant. neque solū homines sapientiæ gloria præstantes, neque viri fortes diuturna consuetudine pericula contemnentes; verū etiā pueri, atque virgines, crucis incredibili cupiditate flagrabāt. Tātus erat ardor mentis ad iustitiæ claritatem. Quæstiones vbiq; exercebantur, lictores, virgæ, secures, aliorum hominum oculos horrore perstringebāt: cruces, ignes, equulei, noua & exquisita supplicia parabantur, omnes orbis terrarum regiones piorum sanguine redundabant; nullis tamen terroribus, nullis minis atque supplicijs potuit sanctorum hominum natio debilitari metu, aut frangi dolore, atque à iustitiæ possessione depelli. Christum enim intuebantur, atque in iustitiæ illius amplitudine, vndē nostra omnis iustitia dimanat, defixos oculos habebant; & idē nec vulnera, neque ignes sentiebant. facile nanque dolores omnes amor Christi, atque iustitiæ dulcedo mitigabat, omnesq; illorum cogitationes à sensu doloris auerteat; maximē, cū in cælum
semper

semper respicerent, & de præmijs iustitiæ sempiternis perpetuò cogitarent. Quid igitur? statum illum, quem ut homines diuina virtute firmati tuerentur, cruciatus atrocissimos expetiuerunt, infinitasque procellas atque tempestates forti & innuicto animo subierunt; nos eisdem disciplinis instituti, & ad eandem gloriam cōuocati, eisdemque cincti præsidijs, ignauia nostra dilabi patiemur? Quòd si parum nos clarorum hominum decus ad virtutis studium accendit; non nos tandem truculenti hostis immanitas excitabit? Aestuat enim inuidia, ardet furore, & eximio dolore cōfiscitur, dū videt hominem iustitiæ munerib. ornatum, diuinæ formæ similitudine nitentem, ampliusq; in omni genere bonis affluentē. Quamuis igitur sit æterno supplicio mactatus, non tantum ex suis malis, quantum ex hominis amplitudine dolorem capit: ferendum enim non putat hominē esse locatum in ea dignitate, è qua se deiectum cōsiderat. Insidias igitur ponit, dolos machinatur, tela comparat, quibus hominem sauciet, omnibusque tandem bonis euertat. Idcirco Petrus magnis nos vocibus è somno suscitatur, atque admonet, ut vigilemus. Nam aduersarius, inquit, vester Diabolus tanquam leo rugiens circuit, quærens quem deuoret. His quidem ille verbis nos adhortatur ad nostræ salutis studium: & nos interim & vitæ nostræ periculum negligemus, & tanti monitoris auctoritatem repudiabimus? quæ hæc tantæ segnities est? quod tantum flagitium? Hostes vigilant, ut nobis pestem & exitium machinentur: nos, ut vitam atque salutem nostram tueamur, non excitabimur? illi nos armis adoriuntur;

DE IUSTITIA

nos ad eorum impetum reprimendum non arma
 tandem capiemus? illi nullum nobis à bello vacu-
 um & liberum spatium concedunt; nos quasi pace
 constituta copias dimitemus? interituque nostro
 spoliū illis dabimus? supplicioque nostro cru-
 delitatem eorum satiabimus? iucundiusque erit
 nostrum hostibus importunis exitium, quam no-
 bis nostri status incolumitas? Neque pulchritu-
 do iustitiæ, neque dignitatis amplitudo, neque
 virtutis præmium, neque fides Imperatori data,
 neque commilitonum exemplum, neque hostium
 immanitas, neque metus exitij nos tandem admo-
 nebit; ut alijs rebus neglectis, omni mente in iu-
 stitiæ studium incumbamus? Certè si dispulsis il-
 lis tenebris, quæ aspectum nostræ mentis impe-
 diunt, illius dignitatem clarè cerneremus; ea per
 se facilè posset nos ad se pellicere: cū omnia cō-
 plexu suo contineat, quorū cupiditate ducimur.
 Si enim lux est oculis iucunda, si grata libertas, si
 vires expetendæ, si dignitas consecranda, si gratiæ
 Regum maximorum acquirendæ sunt, si denique
 vita vacua dolore, referta voluptatibus optanda
 est: vna profectò iustitia nobis omni studio parā-
 da est; omniq; præsidio sepienda. Ea siquidem lucē
 porrigit, libertatem ostendit: ea vires inuictas, o-
 pes ingentes, decus eximiū, firma præsidia cōfert;
 summiq; Regis gratiam conciliat: ea postremò cū-
 ctam ex animo molestiā dimouet, illumq; perpe-
 tua voluptate perfundit: iustitiāq; tandem efficit,
 ut homines astrorum claritatē splendore virtutis
 expriment. Quod oraculo diuino legimus olim
 fuisse significatum. Hoc enim Deus Abrahamo
 pronunciauit: Suspice, inquit, cælum, & numera
stellas

stellas, si potes: sic erit semen tuum. Quod non solum ad multitudinem; sed multò etiam magis ad præstans illud, & eximium splendorem, & ordinem referendum est. Vt enim sydera admirabili splendore fulgentia, certo quodam numero & ratione conuersiones suas efficiunt, & inter se mirificè concinentia quasi choros agunt, rerum omnium parentem & Dominum suauissima naturæ symphonia celebrant: sic; qui fidem viri illius sanctissimi sequuntur, diuina quadam luce splendēt; ordinemque vitæ conseruant; & studiorum omnium mira consensione conspirantes exultant; omniaque illorum studia ad summi patris laudem & gloriam conferuntur. Contrà verò, cùm serpētis oratione persuasi, datam fidem violamus, & huius amplissimi status magnificentiam euertimus, nostramque salutem venalem habemus, eamque impuræ cupiditati, precio flagitiosissimæ voluptatis, vel inanissimæ vtilitatis addicimus: repente tenebris & caligine circumfusi, omnibus flagitiorum notis inurimur, & dolorib. infinitis, & assiduo animi cruciatu conficimur, atque postremò ad sempiternam pestem contento studio properamus. Si igitur nos satis fides erigit, & excitat ad tantas opes animo contuendas, si vitæ splendorem, si gloriam sempiternam, si regni cælestis hæreditatem expetendam ducimus; si pestem & exitiū sempiternum fugiendum esse decernimus: non est vnquam à iustitiæ studio & acerrima contentione vacandum: illiusque dignitas est nobis multo labore, atque sudore contra omnes hostium minas retinenda. Neque enim leuia aut ludicra petuntur præmia. Id enim agitur, vt aut semper beati simus, &

diuinitate quadam potiamur: aut in miseriâ sempiternam præcipientes exturbemur. Qui autem existimat ad diuinas illas opes absque labore perueniri posse, & mentis expertus est, & Christianæ pietatis ignarus. Qui enim diuinum statum per otium se assequi posse confidit, cum ne minima quidém emolumenta parari sine labore possint, est amentissimus. Qui verò cum Christi disciplina pugnat; est rerum diuinarum rudis, & impio scelere alligatus. Quid autem magis cum Christi disciplina pugnat, quàm otiosis spem gloriæ immortalis ostendit: cum Christus ipse non aliter, quàm cruce patere aditum ad illam denunciet? Nos igitur ad labores eximios, ad contentiones assiduas incitat: & ut semper in nostri custodia vigilemus, adhortatur. Vigilate, inquit. Et iterum dico, vigilate. Et, beati sunt serui illi, quos, cum venerit Dominus, inueniet vigilantes. Multisquæ in locis nos ad omne virtutis certamen accendit, atque studio charitatis inflamat: Otiosis verò atque dormientibus, interitum sempiternum denunciat. Idquæ multò magis exempla vitæ, quàm disciplina nobis demonstrauit. Non enim ut otio se traderet, & delicijs afflueret, nasci in terris voluit; sed ut vitam in summa laborum perfunctione consumeret, atque crucis acerbiteret. Ut igitur tandem hæc omnia concludamus; iustitia est hortus amoenissimus, spiritu diuino confusus atque dimensus, suauis atque sempiternos fructus proferens. In hoc autem horto sumus Christi beneficio locati, ut illum fide tueamur, atque assiduis pietatis operibus excolamus. Hinc nos hostis noster conatur eijcere: quod facit, dum nos impellit, ut relicto diuini mentis

mētis imperio, cupiditatem nostram sequamur, & officium pium atque debitum, ad nostram vitam tuendam maximè necessarium, negligamus: quod dum facimus, terreni parentis exemplum imitatur, & à Paradisi finibus extrudimur, & ingravissimam omnium calamitatem incidimus. Si verò serpentis congressum arcemus, fidemque datā omni studio conseruamus, neque vnquā ingenio nostro; semper autem spiritu diuino vitā instituimus, atque omnia studia nostra ad Dei numē & gloriam dirigimus, & in studio pietatis elaboramus: illius parentis diuini formam retinemus, qui saluari obedientia nos ab exilio reuocauit, & eò, vnde per rebellionem fueramus expulsi, pietate Deo gratissima reduxit. Quandiu igitur hunc ducem & magistrum sequimur, atque sub huius Imperatoris signo militamus, nullo modo pietatis studium remittimus. Claris autem pietatis operibus augefcit fides, amplificatur iustitia, mens diuino lumine splendet, & eam longè lateque diffundit. Contrā verò, in otio fides languescit, iustitiæ splendor amittitur: diuini spiritus lumen abscedit: & tetra nox confestim offunditur. Pio labore & industria cælestem parentem sequimur, & cum illo cæleste regnum adipiscimur: ignauia autem, & languore, terreni parentis vitam imitatur, & illius exemplo omnibus ruinis oppressi concidimus. Qui igitur, nescio quam fidē, suis inculcant, eamque solam ad salutem sufficere disputant; egregiam sanè operam antiquo illi serpenti nauant. Id enim eorum disputatione perficitur, vt operum studium penitus extinguatur. At, inquires, eos sæpenuerò suos auditores ad

charitatis studium cohortari. Non video, quid interdum invidiæ detestandæ causa se dicere simulent; sed quid ex eorum decretis necessario consequatur. Hoc autem planè consequens est; si sola fides sufficit, si omnis actio, quam suscipimus, non modò est inutilis, sed etiam necessaria quadam peccati contagione maculata; ut omnes istam fidem, quam commenti sunt; amplexi, operum studium penitus omittant. Est igitur eorum sententia non minùs, quàm teterrimi illius serpentis oratio, venenata, atque pestilens afflatus, execranda, auresque penitus, nè in se tam sceleratam vocem admittant, occludendæ. Aliter enim exterminabimur, omniumque malorum tempestatibus obruemur. Sed dicet aliquis, ecquis poterit contra tantas opes statum suum tueri? Nam, si naturam humanam respicias, nihil est in terris imbecillius; si hostium vires nihil est illis immanius. Nihil quidè facilius. Nec enim nostris copijs; sed diuinis firmati, bella omnia profligabimus. Diuina verò præsidia semper parata sunt, quoties ea nobis adesse cupimus, eaque fide imploramus. In nobis igitur est, vel hosti victoriam cedere; vel eius impetum inuicta virtute reprimere. Liberum, inquam, liberum nobis est, vel vinci turpissimè, vel cum insigni gloria superare: fremant, quântum volent, homines perditissimi; nosque omni libertate spoliatos esse contendant; retinendæque iustitiæ potestatem nobis diuina benignitate cõcessam impudentissima oratione conentur eripere; seseque furibunda contentione dirumpant, ut magistri omniũ, quos terra sustinuit,

amon-

amentissimi atque perditissimi placita tueantur,
nosque sempiterna quadam necessitate constri-
ctos esse contendant. Frustra enim litigabunt.
Non enim cum hominibus; sed cum diuina le-
ge & æquitate, cum sempiterna mente & ratio-
ne, cum Dei ipsius voce atque testimonio pug-
nam nefariè capeſſunt. His igitur diuinis ar-
mis est nobis eorum furori & audaciæ resi-
ſtendum, vt planius ſit, nihil peni-
tus eſſe poſſe, quod nos inui-
tos à iuſtitia ſtudio
deducat.

LIBRI SEPTIMI FINIS.

V

HIERO.



HIERONY- MI OSORII LVSI- TANI EPISCOPI SIL- VENSIS,

DE IUSTITIA

LIBER OCTAVVS.



Ostis ille perennis hominum, cuius fraude fuit homo in principio dignitate ōni deiectus; & in insigni miseria destitutus, cum multa semina peccati in terris sparsisset, ut scelerum omnium sylua succrescente, iustitiæ segetes interirent: tum in nulla re magis elaboravit, quàm ut pravam opinionem de numine atque mente diuina mētibus humanis infereret. Sic enim cernebat euenturum, ut religione vel extincta penitus, vel pessimis rationibus instituta, omnem iustitiæ fructum inuecta calamitate peruerteret: atque ita victor toto orbe terrarum impune volitaret; humanumq; genus immani tyrānide oppressum, & tetris tenebris inclusum, perpetuò cōtineret. Nam, cū religio sit iustitiæ fundamentum; euersa fide, & religione, necesse est omnem iustitiæ splendorem extinguī. Hoc autem vnum esse pestiferi Dæmonis studium, illa prima congressio facile declarat, qua
mise-

miseros homines oppugnavit . Cur, inquit, eripuit vobis Deus lege sua libertatem comedēdi ex omni fructu Paradisi? Nā potuisset, quod erat multò leuius, dicere: cur vnius tantum arboris liberū vsum vobis interdixit, cū reliquarum omnium potestatem concideret? Vt enim inuidiosam, atq; difficilem esse legem persuaderet, non eam vnius tantum arboris prohibitione definit; sed ipsius prohibitionis nomine generatim posito, qua videbatur hominis libertas impediri, vti primum voluit, vt mulieri molestè ferenti se fructu speciosæ arboris arceri, facilius fidem faceret, Deum illa lege non hominum saluti prospexisse, sed diuinam illis scientiam inuidisse . Quod quidem non modò tunc molitus est, sed quoties hominem in scelus instigat, toties illius animum ad odiū diuinæ legis accendit, atque persuadere nititur, legem esse odiosam, atque difficilem, minime quæ ferendam, quasi libertati contrariam, & utilitatis atque suauitatis inimicam. Nullum itaq; crimen suscipitur, nisi prius praua quædam opinio de mente diuina sit animis perditorum hominū opera & studio Dæmonis inculcata. Atque ea primum sensim irrepat: deindè, cū animo assentiente concipitur, atque penitus inhæret, adolescit, tū alias atq; alias ex se fundit opiniones, impias atque turbulentas, vt quidquid reliquum est religionis in vita, extirpet, & tollat funditus, omnēque viuendi rationem conturbet. Hinc enim impurus error inoleuit, atque nefaria superstitio orta fuit, qua homines non se ad naturam diuinam accommodare; sed Deum ad se transferre, atque ad impuræ cupiditatis obsequium traducere con-

nati sunt. Nō itaque solum humanam formam atque figuram; verum etiam humanos mores & flagitia diuinę naturę tribuebant. Hinc innumeralis extitit Deorum inter se nefarię dissidentium multitudo: hinc infinita crimina religione consecrata sunt: hinc honores diuini brutis etiā animātibz instituti: hinc denique incesta sacrificia, dirę preces, funestę ceremonię, vota nefaria, infinitęque scelera proruperūt, quę diuinam iram incitarent, vniuersasque terras supplicio diuino cōsumerent. Sic enim eueniebat; vt, cū homines Deo, quod eum non decebat, affingerēt, ipsi se dedecore omni corrumpērt, atque humanitate penitus exuti, & in feritatem conuersi, semetipsos in sempiternam miseriā præcipientes exturbarent. Sed ex omnibus prauis opinionibus quas de Deo hominum perditorum vita recepit, nulla tetrior & immanior, nulla pestilentior, nulla vel rebus humanis infestior, vel in Deum sceleratior extitit ea, quę tollit penitus omnem hominis libertatem & cunctas humanas assensiones & actiones sempiterna quadam necessitate deuincit. Tollit enim leges, euertit iudicia, eripit mentem, sensus extorquet, mores corrumpit, omnemque ordinem vitę perturbat. Tum Deo bonorum omnium auctori scelerum causas affingit, eumque iniquitatis, crudelitatis, & amentię condemnat. Vt autem melius, quantum sit in hac opinione sceleris possit existimari: animaduertendum est, non eam potuisse statim ab exordio generis humani in hominum nocentium mentes influere, sed post peccatum multis accessionibus progressu longissimi tēporis amplificatum, vt faciliē appareat in hac scelera-

lerata sententia summi atque extremi sceleris rationem, ad quam vix quidquam possit addi consistere. Vt enim in reliquis rebus nihil potest statim esse perfectum; sed necesse est, vt initium fiat ab aliquo rudimento, atque paulatim ad summum perueniat: ita neque scelus potuit statim ad summum fastigium impietatis euadere. Ille itaque cælumque parens, scelerumque omnium seminator, qui tantam statim in principio malorum semen-tem fecit, cum facilè genus hominum in omnes errores impulisset, hanc vnā scelestissimā opinionem ab initio suadere non potuit. Qui igitur homines cupiditate obcæcatos, eo amentia deduxit, vt honores Deo debitos ad bestiarum immanium simulacra deferrent, & in terram abiecti, à mutis signis veniam atque pacem postularent; nō tamen eos adducere in eam opinionem potuit; vt crederent, non esse sibi liberum aliquid in vira moliri, sed inuitos homines trahi, atque ad res omnes fatali quadam necessitate confringi. Nihil est enim, quod tam pugnet cū ratione, aut quod tam legib⁹ diuinis & humanis aduersetur. Nō tamen ea difficultate impeditus fuit, quo minus experiretur, priscis etiam temporibus, quid in ea re posset efficere, aut quousque progredi in ea sentētia suadenda. Et primò quidem imperitam multitudinē flagitijs corruptā, omniumque iudicio conuictā tentare cœpit. Cum enim natura quilibet studeat à se crimen remouere, omnes, quorum aliquot scelus erat manifestò deprehensum, cū in alios nō possēt, vt saltē in vni aliquam, aut necessitatē culpam omnē conijcerent, omni ratione pugnabant. Sic igitur & naturæ imbecillitatē & immanes cupid-

piditatis vires accusabāt. Eoq; tandē deuentū fuit, vt libidini etiā & impuritati diuinitatē tribuerēt; vt facilius probarent sibi ignosci oportere, si cupiditate victi, flagitium aliquod admisissent, quādo nemini concessum sit Deo repugnare. Hinc igitur Veneri atq; Cupidini, & reliquis flagitijs tēpla dedicatā sunt, eorumq; sacra incredibili superstitione constituta. Accessit ad hanc opinionē magis confirmandam Chaldæorum ars atque disciplina, quæ diuturna astrorum obseruatione sciētiā effecisse putabatur, qua ex ortu cuiusque hominis cum certa cæli affectione coniuncto, quid ei euenturum esset in vita, quo genere lethi esset moriturus, præsentiri atque prædici posset.

Cū igitur impuri atque scelerati homines vanissimam scientiam ostentarent, & ad suum quæstum abuterētur, multitudinis inscitia factum est, vt multitudo, partim quod esset imbuta ea superstitione, vt facilē quibusuis somnijs fidem adhiberet; partim quod conscientia sceleris oppressa libenter causam sui criminis in cælestem naturam conferret, Astrologos in summo honore haberet, ad eosq; de rebus omnibus referendum putaret. Hac itaque ratione persuaderi paulatim cœpit hominibus, nihil esse in hominis potestate, neque quidquam secus euenire, quā sit in cuiusq; ortu immutabili syderum lege, atque rata cæli conuersione definitum. Hunc errorem auxēre etiam Poëtæ Parcarum nomine, hanc eandem necessitatem exaggerantes, easq; tres sorores esse fingunt, nocte procreatas, quas interdum Fata appellant, interdum verò Fatorum administras faciūt. Illis autem hoc munus assignant, vt neant in cūiuf-

cuiuslibet natali die fatū, quod sit ei, qui est in eadem hora genitus, obeundum. Vndè Homerus sepenumerò, cū aliquē in prælio cecidisse memorat, ait eum nece Fatum expleuisse, quod ei Parcæ neuerāt eo tempore, quo illū mater pepereāt. Hoc enim illis tribuit, vt cuiuslibet vitam vel foelicem vel ærumnosam; immutabilibus decretis efficiāt. Vndè illud Maronis:

Talia sacra suis dixerunt, currite fufis,

Concordes stabili fatorum numine Parcæ.

Ipsi tamē Poëtæ vi naturę victi, cū multa præter Fatū fieri confitentur: tum nemo eorū fuit tam audax & immanis, vt noſtrorū ſclerum cauſam ad Deū apertè reuocaret. Quin etiā apud Homerum conqueritur Iupiter de hominum temeritate & amentia, qui mala, quæ ipſi ſibi per ſummum ſcelus arceſſunt, à Deo hominibus afferri dicunt. In quo planè docet, cauſam miſeriæ noſtræ in nobis eſſe, neque ad aliam cauſam vlllo pacto referendam. Subſequuti ſunt quidam Philoſophi vim Fati confirmantes, idque ſtatuere ſe ſempiternam ſeriē cauſarum omnia gignentium, & ea, quę in ſe ex æterno tempore continebant, ratis temporibus explicantium, quarum ignoratione fieri dicebant, vt multa fortuitò euenire putarētur, cū nihil omninò poſſit accidere, quod non eſſet certa lege fixū, & cauſis immutabilibus ab æternitate conſtitutum. Ij tamen, cū veritatis vim ſuſtinere non poſſent, cogebantur ſæpè fateri, hominum actiones atque conſilia eſſe in eorum poteſtate. Et, cū neceſſitatis illius vim diuinā eſſe dicerēt, nè impia fraude obligari viderentur, ſi Deo flagitia noſtra tribuerent, Fati nomen amplexi, Dei

nomen

nomen reticebant. Qui tamen aliorum Philosophorum disputatione vexati, atque tandem explorati & eiectioni sunt. Ergo neque inanis vulgi sollicitudo, nec Chaldaeorum praestigiae, neque Poëtarum concinnitas, neque Philosophorum argutiae potuerunt id penitus obtinere, ad quod Satanæ eos incitabat. In illorum enim operis Dæmonis infestissimi conatum, non perfectionem tanti sceleris intuemur. Alios igitur sibi proditores emendos esse putauit, quorum opera facilius hanc quasi rationis arcem occuparet, atque firmo praesidio vinciret. Hi autem fuerunt hæretici, genus hominum arrogans, elatum, durum, funestum, exitiosum, opinione doctrinae tumidum, multisque erroribus excæcatum, in simulatione pietatis sceleratum, in sanctitatis specie sacrilegum, obtentu benignitatis immane, pacem ostendens, bellum comparans, otij & tranquillitatis inimicum, ad turbulenta dissidia concitatum, honoris & lucri gratia nouis rebus studens, nullius iudicio cedens, et in instituto semel errore insigni contumacia persistens. Per Marcionem igitur per Valentinum, & Manichæum, & alios eiusmodi viros impios & sceleratos id maiore quodam apparatu tentauit, qui vim sempiternæ necessitatis assererent. Ij tamen eousque prouecti sunt, ut nihil esse in nostra potestate pertinacissime defenderent, non ut nostræ miseræ causam optimo rerum omnium conditori tribuerent. Quamuis enim essent flagitijs omnibus cooperti, & insigni scelere impietatis astricti; non tamen ausi sunt tantum & tam nefandum scelus suscipere. Hoc igitur impulit eos, ut ex cogitarent duo rerum principia: quorum vni

rerum

rerum omnium bonarum causam & originē assignabant: alteri autē malarū. Et cū in hominis natura duplicem vim atque mentē inesse dicerent; vna, qua ad honestatem & decus aspiramus: altera, qua in flagitium & turpitudinem prōni sumus: illam necessariō recta & laudabilia moliri statuebant: hanc verō in scelera omnia necessitate compellita vt tam bona, quā mala necessariō à nobis suscipi pertinaciter affirmarent. Hi tamen nec multos sectatores habuerunt, eorumq; disciplina breui spatio tēporis obsoleuit. Fuit post multa secula id cū maiore quodā in bonitatē diuinam cōuitio tentatum per Vuiclefum, & Abailardum, & alios eiusmodi Diaboli satellites, qui persuadere conati sunt, nihil omninō hominum facultati relictum esse; sed omnia à Deo tantum fieri: homines pati, nō agere; trahi, nō deliberare; esseque tātum instrumēta quādā, quæ Deus versat, vt vult; & quæ quocunq; ei libet, impellit, & vndē libet deducit; & pro arbitratu suo, quasi ferram aut securim, ita mouet, & agit, vt illi nihil omninō conferāt ad actionē, sed tantū vim extrinsecus illatam à Deo patiantur. Sed ij neque tanta impudentia & audacia id facinus aggressi sunt; neque tantō conatū discipulos sibi quęsierunt; neque eorum contagio ad tam multos emanauit. Ita igitur ignoti vulgo sunt, vt vix eorum nomen extet. Est igitur, quod gloriari possit Lutherus; sibi vni fuisse ab exordio generis humani palmam hanc sceleris impudentissimi reseruata; in eoque facinore, quo nūllum tetrius & immanius excogitari possit, ita se gessisse; vt post tantam impiorum hominum in varijs ætatibus multitudinem, post tam pestilen-

tes sectas ad hominum perniciem institutas, constet vnum Lutherum extitisse, per quem id, quod antiquus hostis frustra sæpè tentauit, tandem cum tanta multorum strage atque ruina perficeret. Neque enim in naturæ tantum imbecillitate, vt flagitiosæ; neque in astra, vt Babylonij; nec in Parcas, vt Poëtæ; nec in Fati nomen, vt Philosophi; neque in aliquam sempiternam vim noxiam atque pestiferam, vt Manichæi: sed in ipsum optimum atque sanctissimum rerum omnium parentem miseræ humanæ causam coniecit. Et hoc non obscure, vt plerique; nec cum mediocri perniciæ, vt magistri: sed cum proiecta audaciæ & impudentia, palàm: apertè, scriptis, & concionibus inculcauit, & innumerabilem hominum multitudinem mortifero veneno pestilentissimi erroris infecit. Et quo minus ferendus sit huius vesani hominis in maximo omnium scelere principatus, sic accedit ad euertendam pietatem, & veram animi religionem penitus exterminandam; vt interim diuinæ gratiæ, quam nefariè oppugnat, assertor & vindex haberi velit: & cum Dei gloriam, quantum potest, infringit; illius etiam se patronum impudentissimè profitetur. Sententiâ autem illius videamus. Ait itaque, post primi hominis peccatum humanam voluntatem sic impeditam & alligatam fuisse, vt nihil queat edere, præter iniquitatem, & scelus; adeò, vt etiam, cum se ad gratiam præparat, scelus in se capitale concipiat. Non esse in nobis quidquâ agere, aut moliri; ne cogitationes quidem nostras in nobis esse sitas: sed id tantum velle nobis, animo agitari necessariû, in quod nos vis diuina cõpellit, ita vt etiâ scelera, quæ machi-

hāmur & efficiamus, Deo nos commouente & agitate, faciamus. Illum solum omnia moderari, nos instrumenta tantum vel clementiæ vel seueritatis illius existere. Ad hanc autem sententiā confirmandam testimonia quædam è sacris literis ad libidinē suam à rectò sensu detorquet. Quale est illud Ieremiæ: Domine, nō est hominis via eius; neque viri, vt dirigat gressus suos. Item illud: Omnia propter se creauit Deus, etiam impium ad diē malum. Tum illud Pauli: Tradidit illos Deus in reprobū sensum; & cuius vult, miseretur, & quem vult, indurat. Et illud, quod scriptum est de Pharaone: In hoc ipsum excitauit te, vt ostendam in te virtutem meam. Tum illud, quod ait Ioseph fratribus suis: Vos cogitastis de me malū; et Deus vertit illud in bonum. Neque illud item prætermittit, quod Iacobus ait: nempè apud Deum nullam esse mutationem, aut vicissitudinis leuiter impressum uestigium. Illud etiā adducit, quod Dominus asserit, ne folium quidem arboris in terram absq; voluntate patris decidere, multa que alia colligit in hanc sententiam, è quibus astruere nititur, nihil in rebus humanis cōmutari; nihil variari posse; cū sint iam omnia ab æterno tempore Dei volūate fixa & constituta. ad quod etiā adducit illud: Certa stant omnia lege. Illudque præclarum, in quo sententiā suam corrigit, Malè, inquam, dixi, quòd liberum arbitrium ante gratiam sit res de solo titulo: sed simpliciter debui dicere; liberum arbitrium est figmentum in rebus, seu titulus sine re: quia nulli est in manu sua quidpiā cogitare, aut boni aut mali, sed omnia, vt Vult elei articulus habet, Constantiæ damnatus, de necessitate

DE IUSTITIA

cessitate absoluta eueniunt. Vt purè, vt Romanè loquitur? credas Ciceronis esse germanū. Sed quibus verbis sententia egregij hominis illuminata sit, minimi faciendum puto: ipsam sententiam expēdamus. Post peccatum, inquit, liberum arbitriū res est de solo titulo. Hoc, quod ait, post peccatum, quale tandem est? Num Deus, antequam Adā peccaret, nihil certi cōstituerat? nihil designarat? nihil omninò definierat? Postquàm igitur Adam deliquit, tum demum vti iure suo cœpit. Vbi est acumen tuum Luthere? vbi illa in differendo solertia, quam tibi multi concedunt? Velim enim mihi dicas argumenta illa quibus Deum omnia, tam bona, quàm mala in omnibꝯ operari dicis, non à sempiterna, vt asseris, lege depromuntur? Num diuina mens, antequam Adam rueret, mutari poterat, atque ab vna in alienam sententiam conuerti: post illud autem Adami facinus, tum demum firmum & stabile consilium de rebus humanis inire cœpit? Tum scientiā illam, quam necessariā causam rerum etiā pessimarum asseris, affectus est? Antea videlicet nihil prouiderat, nihil statuerat, nihil ad se pertinere putauerat. Non intelliges tandem, eadem argumenta, quibus vteris, eandē vim ante hominis casum habuisse? Si igitur illa vera sunt: necessariò peccauit Adam. Fuit enim instrumentum tantum diuinæ voluntatis, neque quidquam egit; sed motus à Deo, cui repugnare nō poterat, & impulsus & attractus est. Idem contra illos dici potest, qui nonnullam nobis libertatem, quasi præuaricatione concedunt: & dum sententiæ, quam tuentur, inuidiam extenuare volūt, paululū à magistro desciscunt. Aiunt enim, mini-

mè

mè verum esse, eripi omninò libertatem. Nam in communi vita, & in rebus ad ciuilem statum pertinentibus, se planè confiteri posse, quemlibet id, quod velit, eligere, atq; munus ciuile tueri: in rebus autem, quæ ad immortalem gloriam conferuntur, nihil omninò præstare posse. Quid enim? coetus hominum iure humano sociati, non fuerūt à Deo ab æterno tempore prouisi? Num possunt aliqua ratione vim illam sempiternâ, quæ cōtinet omnia, deuitare? An folium arboris, quod interram cadit, non absque illius volūtate & præscriptione cadit? hominum mores, instituta ciuilia, rerumque publicarum commoda, erunt ab illius rectione & voluntate segregata? An peccata & scelera in hominibus effici sine Deo non possunt; actiones verò ciuilem statum continētes, sine numine illi? administrari possunt? Et, qui in rebus pestiferis se præbet (vt ipsi dicant, opus est) inexorabilem, neque ab ijs efficiendis deduci potest; res honestas atq; salutare ad communem vitam spectantes hominum potestati reliquit? vbi illa igitur argumenta de immutabili vi atque sempiterna Dei voluntate ònia coercente, & continente, atq; pro arbitrato suo moderâte? Si igitur illa argumenta, quibus vtuntur, vera sunt; si decretis cōsentanea dicere student: necesse est, vt fateantur, non modò post peccatum, sed etiam ante peccatum; non in rebus tantum diuinis, sed etiam humanis: omni nos libertate penitus orbatos; ita, vt nihil neque ante Dei gratiam, neque post gratiam, neque in rebus terrenis, nec in cælestibus, possit aliquis quidpiam cogitare, vel assentiri, vel efficere, vel conari, vel quacunque ratiōe

ad aliquid agendum moueri, esseque semper mentem astrictam, voluntatem alligatam, sensus oppressos, omnemque penitus facultatem ereptam; usque adeò, ut neque ingredi, neque quiescere, neque dormire, neque vigilare, neque cibum sumere, neque à cibis abstinere, neque iocari, neque seridò loqui, neque denique nugarum aliquid meditari; nisi nos ad ea omnia diuina vis impellat & trahat. Omnia siquidem maxima, minima, mediocria à Deo prouisa sunt; ita, ut sempiterna illa lege solui non possint. Frustrà igitur Lutherus illam sibi latebram, in quam confugeret, cum vrgeretur, adhibuit, dicens, peccatum esse extinctam libertatem; quasi antè peccatum retineri potuisset. Stultè item illius sectatores ea necessitate, qua res etià minutissimas astrictas esse volunt, instituta ciuilia liberant. Nam velint nolint, fateantur necesse est, omnia sine vlla exceptione fatali necessitate contineri. Ea autem necessitate constituta, omnium rerum perturbatio consequetur, & magna vitæ confusio. Silebunt enim artes, iacebunt studia, omnisque vis animi penitus interibit. Neque enim pater liberos rectis disciplinis instituet, neque uxorem in officio continebit, neque lasciuientem familiam imperij seueritate deuinciet. Quid enim proficiet? si enim sic statutum est, ut ij officio fungantur, siue id curet, siue non curet; officio certè suo fungentur: sin aliter est ab æterno tempore designatum, id iam fixum atque ratum est, mutarique vlla ratione nō potest. In rebus autem rusticis, quid aratorem moneas, ut terram proscindat, iteret, atque molliat, in eademque iam benè subacta & stercoreata semen spargat,

gat; si nihil est in illius potestate? neque enim, si definitum est, ut ille esuriat, id industria cuiusquam immutari potest. Esuriet enim certè, quamvis se assiduo labore conficiat. Si verò statutum est, ut is frugibus abundet, siue terram colat, siue nò colat, frugibus abundabit. Quid, qui nauigare vult? num probum nauigium, bonum gubernatorem requireret, secundum ventum expectabit; si nulla industria potest id, quod semel statutum esse dicunt, euitare? Quid miles: num lorica induet? scutum geret: galea muniatur, si intellexerit arma sibi nulli vsui futura? si enim statutum est, ut ille in acie concisus intereat, siue armatus, siue intermis sit, prorsus interibit; si aliter est illa immutabili lege decisum, incolumis euadet. Noleat igitur armis inutilibus onerari. Quid Imperator? num exercitum in armis còtinebit: locum castris occupabit? hostium consilijs occurret? aciem scièter instruet? ad pugnam milites adhortabitur? si nihil se, neq; virtute, neq; còsilio; neq; vsu, neq; vigilàtia iuuari cognouerit: Iam verò Reipublicæ princeps quo animo Rempublicam capeffet? Si enim definitum est, ut ciuitas intereat; nullo consilio prouideri potest, quo minus intereat. Contrà verò, si status illius ciuitatis est immutabili lege fundatus; nullius scelere, nullius amentia, nullius desidia poterit vnquam dissipari. Quomodo autem supplicio nocètes afficiet, aut salutare ciues præmijs honorabit; si hoc semel in animum induxerit, neque improbum sponte sua crimen suscipere, neque bonum ciuem voluntate quenquam fieri? In quem igitur finem feruntur leges? exercentur iudicia? coercentur supplicio facinorosi vir-

tutes laudibus extolluntur; si nihil est in cuiusquæ voluntate situm? Nihil est igitur in vita laudandum, nihil vituperandum, nulla cautio, nulla provisio, nullum consilium, Omnes igitur, qui leges scripserunt, stulti atque dementes sunt existimandi: operam enim & studium sine vlllo fructu consumunt. Probè dicis, inquires, nemo enim ex illis magis videt, quid in vita gerendū sit, quàm talpæ terræ visceribus inclusæ. Sit ita sanè. Fateamur omnes illos vecordi mente concitatos, sese ad leges ferendas, atque Rempub. omni studio conseruandam dedisse. Etiamné istum cæcæ mentis errorem & inconsideratam temeritatem ad summam illam atque sempiternam sapientiam transferes? Deum etiam errare atque desipere dices, cū leges dedit? cū honestati præmia sempiterna constituit? cū violatam religionem extremo supplicio sanxit? cū metum hominibus incussit? cū ad studium pietatis incitauit? Quorsum enim legem tanta cura præscriberet, minis à flagitio detereret, præmijs ad honestatē alliceret; si nihil eorū, quæ lege sanciebat, erat in hominū potestate futurum? In quem finem volebat, vt in eorum animis, quos lege instituebat, lex semper inhæreret; si ab illis obseruari non poterat? Num, vt melius cernerent, & voluntatis humanæ seruitutem, & colendæ pietatis difficultatem, & ita spem omnem tuendi officij atque retinendæ honestatis amitterent? At nec id ipsum est in nostra manu positum; siquidem verum est, quod asserunt, ne cogitationes quidem, & animi inductiones, & assensiones esse liberas. Nihil igitur magis potuit humanum genus desperare, omnem prorsus honestatem post ac

cep-

ceptam legem; quam poterat ante legem, Temerè igitur Deus legem tulit, si ob eam causam tulit. Quid, quodd apertè multis in locis pronunciat, se idèò legem tulisse, vt eam homines seruarèt, eiusdemque decretis vitam instituerent? Quid, quodd signis & monumentis voluit eos esse legis semper admonitos, vt ea, quæ erant lege sancita, perficerent? Vndè & ex fimbrij vestium vittas appendi iussit, legis memoriam repræsentantes, quas cum viderint, inquit, recordentur omnium præceptorum Domini, vt faciant ea: neque sequantur cogitationes suas, & oculos, qui per res varias animos vitare solent; sed memores præceptorum Domini faciant ea, sintque sancti Deo suo. Quid igitur? Num Deus legem iocum putauit, humanumque genus lusit, ea facere præcipiens, quæ nullo modo possent homines exequi? Num ea causa Aegyptû afflixit atque vastauit, Pharaonem voraginib. maris rubri submersit, Hebræos à plagis innumerabilibus incolumes conseruauit, gentemque in summo vitæ discrimine constitutâ cælesti pabulo nutriuit, suamque præsentiam fulguribus, tonitruis, incendio, ingenti fragore, & strepitu horrifico, tubæ clangore declarauit, vt tandem, cum homines ea specie perterritos ad officium excitaret, ea faciendâ præscriberet, quæ ipsi nullo modo possent absoluere? O festiuium Deum, si ludendi generis humani causa tantam operam in gente illa tuenda & instituenda consumpsit. Hoc enim perindè esset, atque si quis hominem pedibus captum in stadio currere; aut cæcum ea, quæ in longinquis oris fierent, acriter speculari iussisset. Nunquid, vt risum captaret, atque vrbani & facetus haberetur,

tur, tam multa, atque tam admiranda opera molitus est? Quid, quod non risu, sed supplicio delinquentes in officio prosequitur? ita, ut, qui in hac opinione sunt, non modò leuitatem diuinæ maiestati, verùm etiam iniquitatem sempiternæ iustitiæ tribuant? Quid enim magis cum iustitiâ & æquitate pugnat, quàm dare aliquem pœnas eo nomine, quòd non perfecerit ea, quæ nullo modo poterat inchoare? Fingamus enim cogitatione (velint enim, nolint homines perditissimi, liberum nobis est cogitare quidquid velimus) fingamus igitur animis dominum lautum atque morosum ei seruo, quem habet manicis & compedibus ita deuinctum, ut se commouere loco nequeat, domo abeuntem præcepisse, ut ei prandium videret, cibos opiparè condiret, ædes mundaret, mensam insterneret, & aulea etiam intenderet: hunc, si hæc seriò homini constriçto præcepisset, non insanum atque demètem putaremus? Sed, si idem dominus domum postea reuertens, eundem seruum, qui se nullo pacto vinculis eximere potuit, ut ea, quæ iussus fuerat, pararet, flagris conscindat, & excruciet, eò, quòd imperium non fuerit exequutus: eum, qui tam crudeliter seruum miserum accipit, hominem putabimus, an potiùs truculentam belluam in humana specie latentem? Illum igitur furorem & immanitatem, qua nulla videtur esse truculentior, audebit quisquam summæ illi bonitati tribuere? Stupet animus, & eximio horrore còcutitur: corpus verò totis artibus contremescit, quoties venit in mentem nobis, fuisse aliquem, non dico sacris initiatùm, non sanctis literis institutùm, non denique Christianum appellatum;

sed

sed hominē certē rationis & ingenij participem,
tanto furore percitum, vt illi summo, & optimo,
& sapientissimo rerum omnium Domino, condi-
tori atque moderatori duplicē sceleris immanis-
simi rationem tam impudenter ascriberet: Vnū,
quod nobis vt instrumentis vtatur ad nefaria faci-
nora patranda: alterum, quod pœnas ab innoxijs
repetat: eosq; qui nihil ipsi commisere, sed vi tan-
tum illius ad scelus impulsī fuere, supplicijs æter-
nis excruciet. Vtrum autem sit cogitare scelestius,
explicare non possum. Tu in illum bonorum om-
nium principium sceleris nostri causam cōferes?
tu illum authorem omnium malorum esse ore im-
pio atque sacrilego confirmabis? & ea, quæ, cum
audimus esse ab homine nefario cōmissa, vix cre-
dimus, tu in illam summam benignitatem atque
immensam virtutem reijcies? Etiāne illa, quæ in
Tragœdijs, cum nō aguntur, sed per nuncios refe-
runtur, ita videntur horribilia, vt spectatores sce-
leris atrocissimi illata mentione perhorrescant,
tu in Deum referenda disputabis? Thyestes Atrei
fratris genialem lectum adulterio contaminauit,
Atreus ipsius Thyestis filios innoxios obtruncavit,
ipsique patri comedendos apposuit. Sol, nē tantū
scelus aspiceret, Orientem versus contrario cursu
equos incitauit. Si ea, quæ dicis vera sunt, nec Thy-
estes adulter, neq; Atreus vllō modo parricida no-
minandus est, nec vllum crimen in familia Pello-
pidarum inhæsit. Nec Clytemnestra quidē est ac-
cusāda, quod adultera fuit, quod viri interfecitrix,
quod filio necem machinata; neq; vlla causa fuit,
cur Orestem, postquam matrem exstinxit, fu-
riæ vexarent: siquidem omnia ista tetra facinora

ad Deum, authore Luthero, referenda sunt. Nihil enim egerunt, sed acti à Deo fuerunt. Medea, libidine furens, patriam, parentes, & propinquos deserit, vnicum fratrem dilacerat, mēbra illius dispergit, vt patrem insequentem luctu remoretur. Eadem post aliquot annos proprios natos interfecit, nouam mariti sponsam crudelissimè necat, regiam diris facibus inflamat, totamque Thessaliam cæde & incendio permiscet. Etiāne hæc tanta scelera, Deo ipso Medeam mouente, impellente, concitante, dices fuisse conflagrata? Fabulæ sūt, inquires? fabulæ quidē, sed quid refert: quasi minora his, quæ in theatris recensentur, sint ea scelera quæ furore hominum perfecta fuisse scimus. Cain ardens inuidia & scelere, fratrem vnicum pietate atque religione præcellentem, à quo verbo nunquā violatus fuerat, manu sua crudelissimè necauit. Qua cæde parentes miseros graui luctu afflixit; illo primum sanguine tellus imbuta fuit. Illudne etiam tam nefarium & crudele facinus Deo impellente commissum fuisse dices? Cū progressu temporis vitia quotidie magis ex libidinis stirpe pullularent, vniuersæque terræ fuissent omni scelere corruptæ; fuit tandem omne genus hominum, paucis exceptis, ingenti eluione consumptum. Hæc igitur flagitiōrum omniū coluies, quæ fuit aquis vlttricibus absumpta, ad Deum impulsorem (vt Lutherus asserit) & actorē reuocanda est. Quod etiam de quinque ciuitatibus, quæ cælesti incendio conflagrarunt, illi est asseuerandum. Possum hic Pharaonis immanitatem, Hebræorum impudentissimam rebellionem; possum multorum incesta, & sacrilegia nefanda

comme-

commemorare ; possum innumerabiles cædes & parricidia sceleratorum hominū recensere, qualis fuit Abimelech, qui dominandi cupiditate princeps septuaginta fratres vna die concidit : qualis fuit Iezabel, mulier omnium scelestissima; quæ, vt veram religionem ex animis hominū deleret, pro delectamento habuit, incredibile sanctorum hominum multitudinem trucidare, qualis itē Athalia, quæ, vt impunè regnare posset, omnem prole regiam interemit. Quid dicā de Manasse; qui vniuersam Hierosolymam sanctorum atque diuinorum hominum impia & nefanda cæde funestauit? Multos eiusmodi sceleribus teterrimis inquinatos prætereo. Quæ omnia facinora (si Lutherus vera prædicat) sunt illi sanctissimo Domino, qui ea perfecit, non hominibus, per quos illa perfecit, assignanda. Sed veniamus ad illam cædem omnium teterrimam, atque ad facinus dirissimum, omniumque maximè detestandum. Quod enim maius animo scelus excogitari poterat, quàm id, quod fuit à Iudæis in Christi nece commissum? Homines in diuina lege nutritos, & ad spem salutis per vnicum Dei filium constituendæ diuinis oraculis excitatos, in tantum furorem & insaniā prorupisse, vt in illius cædem conspirarent, quem excellenti vitæ sanctitate, diuinæ iustitiæ splendore, mirabilibus signis cum oraculis olim editis mirificè congruentibus, operibusq; planè diuinis, esse verum Dei filium poterant exploratè cognoscere? Illi igitur necem attulerunt; qui, vt hominibus vitam daret, sese à cæli fastigio in terras demisit, honestatis gloriæ totius architectum indignissimis contumelijs affecerunt, conciliūque plagis

in crucem immanissimè sustulerunt. Etiamne hoc
 tā dirum & inhumanum facinus, tam audax & im-
 mane scelus, tam atrox, tam detestabile & execra-
 dum furoris, amentiae, sceleris, impietatis exem-
 plum per homines, Deo impellente & instigāte,
 atque adeò facinus illud patrante, editum fuisse
 contendes? summamq; illam clementiā & æquita-
 tem ad perditorum hominum societatem aggre-
 gabis? neque solū in scelere immanissimo sociū
 & adiutorem; verū etiam principem, & cædis
 ipsius effectorem Deum extitisse confirmabis? &
 impiorum hominū nequitiam, impuritatem, in-
 vidiam, odium, furorem, audaciam, crudelitatem
 ad Deum transferes? neque interim numen illius
 extimesces? neque iudicium formidabis? neque
 sempiterna supplicia pauebis? Sed operam ludi-
 mus, cū, vt hominem impudentissimum tanti
 sceleris pudeat, laboramus, & omnium mortaliū
 audacissimum ab amentia deterrere conamur. id
 enim asserit, id prædicat, id audacissimè confir-
 mat, illud tantum scelus, quod est omnem impie-
 tatē complexum, ab ipso Deo fuisse conflatum.
 In qua quidem sententia confirmandā diuinorū
 hominum testimonijs abutitur. Quale est illud Pe-
 tri, quo dicit, Dei consilio decretum ita fuisse, vt
 Christus illa supplicia subiret. Alia item colligit,
 quibus sententiam suam conatur astruere. In quo
 nihil aliud agit, quā vt suis tenebras offundat:
 pijs autem, quanta sit oppressus amentia, demon-
 stret. Nec enim intelligit, alia quidem à Deo fieri;
 alia verò tolerari. Bona quidem tantum efficit; ma-
 la autē tolerat, atq; sustinet. Eorum autem, quæ fa-
 cit, alia certa quadā lege colligauit, vt semper vna
 ratio-

ratione fluerent. Sic omnis syderum cōuersio immutabili quadā ratione definita est: sic in reliquis naturæ partibus statutum est, vt antegressis causis, certi effectus necessariò consequantur. Alia verò libera esse voluit, qualia sunt omnia, quæ tam angelis, quàm hominibus imperauit. Diuinæ enim benignitatis & æquitatis ratio postulabat, vt omnes, qui essent mentis participes, essent in eligendi libertate cōstituti. Erant enim ad beatam vitam creati; beatam autem vitam fas non est eos adipisci, qui iustitiam non colunt, nec veræ virtutis laudibus abundāt. Virtus autem nulla esse potest, nisi liberè & spontè colatur. Sic fit, vt sublata rationis libertate, omnis Dei benignitas interclusa sit. Cui enim liberum non est, vel honestatem, vel flagitiū colere; sed vi tantum extrinsecus illata ad aliquid agendum trahitur; is iustus esse nequit; si non iustus, neque Deo similis esse potest. Ergò neque amicus vllō modo, neq; claritatis illius particeps existet. Nec enim fas est eum, in quo non similitudo diuinæ virtutis elucet, cum ipso Deo similitudine beatæ vitæ coniungi. Si igitur hominibus eligendi libertas eripitur, omnis beatæ vitæ spes eripitur. Deindè, quæ ratio diuinæ æquitatis extaret, si pro ijs, quæ non sponte nostra, sed extrinsecus agitati suscipimus, nos ipse Deus aut præmio afficeret, aut pœna? Si igitur eligendi libertatem non habemus; aut neque præmio, neq; pœna quenquā afficit, aut est iniustus? Præmia autem, atq; supplicia scimus esse à Deo constituta; & de iustitia & æquitate illius dubitare non licet; ex quo efficitur, omnium hominum voluntatem esse liberam. Qui igitur voluntatis humanæ libertatem tollit, Deo
beni-

benignitatem & iustitiam detrahit; atque, vt rectius dicam, Deo ipsi, quantum est in se, diuinitatem eripit. Siquidem benignitas & æquitas Dei, non Dei sunt accidentia (nulla enim esse possunt:) sed in naturam illius includuntur: ita, vt nihil sit aliud Dei virtus, quàm ipsemet Deus. Qui igitur Dei clementiam atque iustitiam impia oratione labefactat, Deum de mundo tollit: qui autem hominibus libertatem eripit, Dei clementiam & iustitiam labefactat; quo fit, vt Deum quodammodo diuinitate spoliet. Neque periculum est, nè continuò cum Pelagio faciamus, si libertatem nobis à Deo donatam defendimus. Neq; enim indè sequitur, nostris meritis, & non diuinæ clementiæ esse nostram salutem tribuendam. Is enim nos ab illo penitus auersos in viam reuocauit: is mentes nostras illustrauit: is ad fidem incitauit: is animos repente sanauit: is denique iacentes, atque in terra defixos excitauit, atque in cælum tandem euexit: Ita, vt, non solum iustitia; sed fides, atque mentis ipsius ad iustitiam accipiendam præparatio sit in illius munerib. habenda. Nec enim nos ad illum prius adiuimus, quàm ipse nobis accurreret, atq; ad societatem bonorum omnium conuocaret. Nō igitur meritis nostris obligatus; sed bonitate tantum sua ardens incitatus, nobiscum cælestia bona communicat: ita, vt, cū nobis promissa præmia persoluit, non tam officia nostra, quàm opera sua in nobis remuneret. Hoc tamen ab illo didicimus, esse in nobis situm, omnem illius beneficentiam aspernari, imperium repudiare, lucem repellere, opem reijcere. Ego, inquit, sto ad ostium, & pulso. Non ait, repagula conuello, fores effrin-

effringo, violenter irrumpo; sed pulso tantum affiduè, & ad aperiendum inuito. Si quis igitur aperuerit, Christi spiritum mentis hospitio recipiet, & cum illo epulabitur. Is igitur illius numine vitam diriget, voluntateque sua ductum illius & imperium sequetur, atque illius ope fultus, & præsidio munitus ad cælestes opes aspirabit. Hæc autem sunt, quæ Deus facit: quæ autem non facit, sed tollerat, peccata sunt. Ex ea enim libertate, quam didicimus, consequenter euenit, ut quidam Christi spiritum fidè amplexi, pietatis munus, ipsius Christi numine commoti, alacriter exequantur; alij verò benignitatem illius repudient, & in flagitijs omnibus spontè & voluntatè suà volutentur. Hæc igitur nullo modo possunt Deo impellente fieri. Sic enim Deus sibi ipsi repugnaret, & immensa bonitas flagitium & prauitatem subeundo à se dissideret. Tollerat tamen, ut dico, ut ex illis malis bona quædam eliceat: & ita rursus inordinata in ordinem reducat, atque ad legis sempiternæ rationem reuocet. Sic autem fit, ut nihil præter illius voluntatem possit accidere. Mala enim non facit; ea tamè in ordinem reducit, atque sibi tandem seruire compellit. Ordinatione, inquit, tua perseverat dies: quoniam omnia seruiunt tibi. Neque enim vlllo modo summa bonitas mala permetteret, nisi bona nosset ex nostris malis educere. Indè autem euenit, ut, cum omnium conatus liberos esse permittat, aliorum effectus prohibeat, alios exitum suum cōsequi patiatur; prout ordini ab eo cōstituto cōuenire perspicit. Multi enim multa conantur, quæ tamen nō possunt ad exitum deducere. Multi verò sce-

ra, quæ moliuntur animo, vt cogitauerant, ita perficiunt: atque vnum & eundem instituti facinoris effectum aliquando impediri, rursus autem permitti cernimus: veluti cùm Iudæi necem Christo machinarentur, multis in locis voluerunt illum ad mortem ducere: nemo tamen illum apprehendit, quia nondum venerat hora eius. Cùm autem fuit nostræ salutis rationi commodius; tum, quod iam pridem liberè destinârant, liberè etiâ exequuti sunt. Quocirca Dominus ipse ait: Hæc est hora vestra, & potestas tenebrarum. Et Pilato item dicit; Non haberes aduersum me potestatem vllâ, nisi tibi datum esset supernè. Cùm igitur vtilius fore vidit, & conuenientius, tum demum sceleris perficiendi potestatem impuro homini concessit. Non itaque Deus Pilatum in scelus induxit; sed scelus illud nefarium, gratia summi cuiusdam boni, tolerauit. Conatus igitur animi semper liber est, effectus autem non semper. Hæc autem tolerat Deus aut gratia illius, qui fraudem concipit; aut aliorum gratia. Si enim Deus statim, vbi quisque primùm scelus admitteret, de illo, qui delinquit, supplicium sumeret, neque ei pœnitendi spatium concederet: omnis profectò spes salutis fuisset hominibus interclusa. Omnes enim multis in locis deliquimus, multisque sceleribus astricti fuimus: quocirca omnibus fuisset supplicium sempiternum subeundum. Ideò igitur crimina nostra tolerat, vt sint, quibus aliquando possit ignoscere, atque iustitiæ munus impertire. Interim tamen nunquàm nostræ salutis studium intermitit, nunc minis absterrendo, nunc beneficijs alliciendo, nunc plagis impositis erudiendo, atque cre-

crebris vocibus mentem internè pulsantibus euo-
cando. Idcirco Paulus, cum de iustitia nobis per
Christi fidem concessa differit, ait nobis gratis es-
se donatam iustitiam per gratiam Dei, per redem-
ptionem, inquit, quæ est in Christo Iesu, quæ pro-
posuit Deus propitiatorium per fidem, in sangui-
ne ipsius, ad ostensionem iustitiæ suæ, per dimis-
sionem peccatorum, quæ Deus tolerauit, ad osten-
dendam iustitiam suam in hoc tempore. Vt igitur
Paulus ait, ideò multorum flagitia clementer
passus est, ut essent, quibus opportuno tempore
clementius ignosceret; atque, nè deinceps rueret,
firmiore quodam præsidio stabiliret. Quorum
autem communis boni gratia crimina toleran-
tur, ij sunt, qui ad extremum in scelere persistunt:
ita, ut neque monitis, neque minis, neque plagis,
neque ullis terroribus velint ad officium reuer-
ti; sed instituta contumacia perpetuò ad contem-
ptum diuinæ legis obdurescunt. Hi sunt, quos
Deus, ut Pauli verbis utar, ad poenitentiam vo-
cat; ij autem secundum animi duritiem & impœ-
nitens cor, iræ diuinæ thesauros sibi craccruant.
Et hoc est, quod alibi dicit, esse aliquem aded in-
duratum, hoc est, clementer ad poenitentiam vo-
catum; neque statim ad externum supplicium
adductum; qua clementia importunus homo ad
maiorē imperij diuini contemptū abutitur, ut ita
prorsus à clementia desertus, in grauissimam di-
uini iudicij seueritatem incurrat: quæ tamen per-
uicacia multis est utilis futura. Vt enim Reipubli-
cæ rectores, in eum, qui insanabili scelere cōstri-
ctus est, atrocissimi supplicij exemplū edunt; ut eo
perterriti ciues, manus à scelere omni contineāt,

DE IUSTITIA

vt sic vnus interitu salutem ciuitatis vniuersæ cōstituant: sic Deus, cū improbum hominem, & nimium in scelere pertinacem, cuius immanitas occasione diuinæ clementiæ magis atque magis aucta & amplificata fuit, insigni aliquo iudicio peruertit; omnem iram suam, vt ita dicā, in illius supplicio profundit: vt intelligant homines, esse numen cæleste, atque vim diuinam poenas ab improbis & sceleratis seuerissimè repetentem, iustissimoque supplicio facinora vindicantem; eoque metu à flagitio deterriti, sese ad studium pietatis applicare tandem incipiant. Fit etiam præterea, vt explicatis iustitiæ atque seueritatis opibus, magis ipsius Dei claritas elucescat; maioreque gloria triumphent ij, qui immensa illius benignitate perfruuntur. Sic igitur euenit, vt omnia in piorū hominum gloriam mirificè redundent. Hoc autem, vt Paulus ostendat, adducit illud, quod Deus de Pharaonis exitu prædixit: In hoc, inquit Dominus, excitauit te, vt ostendam in te potentiam meam, vt annuncietur nomen meū in vniuersa terra. Quo in loco animaduertendum est apud Hebræos, *Baabur zoth heematheiha*. quod est, idè te consistere feci, atque stare permisi. quod septuaginta ad hunc modū verterunt, *ἐνεκεν τούτῳ διέτηξ' ἡ δύς τῶς τῆς οὐ*. quod tantundè est, ac si diceret, Ad hunc vsq; diem te sustinui, meq; continui, nè te statim extinguerem. Ad hanc autem sententiā fuisse hūc locum à Paulo adductum; id, quod paucis interiectis exponitur, facillè declarat; nempè Deum, vt explicaret iustitiam suam, atque potentiam insignem redderet, admirabili quadā tolerātia sustinuisse vasa iræ, ad interitū reſeruata, vt ea ratione

aliorum salutem prospiceret, opesq; suæ clementiæ
vasis misericordiæ (sic enim appellat homines ad
gloriam destinatos) magnificè capiendas atque
fruēdas exhiberet. Nusquam igitur dicit Phara-
onem à Deo concitatum; sed clementissimè tolera-
tum, in eum finem, vt suæ iustitiæ magnitudine in
multorum oculis constituta, multū facilius à flagi-
tio reuocarentur, eisq; omni ex parte diuini nu-
minis maiestas clarius innotesceret. Neq; Paulus
igitur, neque quisquam alius vir diuino spiritu
motus vnquam dixit, Deum in improbis peccatū
& scelus efficere, sed peccati effectum non impe-
dire, multaq; diu pati atque singulari cōsilio su-
stinere. Quare non est, cur homines perdit, quo-
ties permissionis vocabulum audiunt, quasi impe-
ritia consiliorum diuinorum ab hominib. excogi-
tatum irrideant. Authore enim Paulo, atque aded
spiritu sancto in Pauli præcordijs incluso, vide-
mus scelus à Deo non effici, sed patrandi sceleris
facultatem singulari consilio permitti. Neque est,
quod hic inculcent aut Pharaonis cor induratum,
aut impios homines cupiditatis immanitati tra-
ditos, aut multorum mentes excæcatas, multosq;ue
mortales, quod etiam Prophetæ testificantur, in
errorem pestiferū inductos. Ad hæc enim omnia
vna responsio est, fieri non posse, vt sit ad iustitiæ
semen in se concipiendum cor alicuius emollitū,
aut animus contra vim cupiditatis armatus, aut
mens veritatis ipsius radijs illustrata, nisi spiritus
diuinus adsit, qui hæc omnia in nobis efficiat. Il-
lius enim appulsu mitescit animus, vt facilè pos-
sit in illo disciplina diuinæ legis insculpi: illius
præsidio cupiditatis impetū facillimè repellit: il-
lius

lius splendore illustratus omnia p̄spicit, quæ erant antea crassis tenebris occultata. Diuini igitur spiritus abscessu obdurefcit animus, & nudus atq; inermis cupiditati dilacerandus relinquitur, & tetrīs tenebris, atque atra caligine circumfunditur. Cū ergo Deus crebrò pulsāt animum, atque à vitæ prauitate ad se reuocare contendit, homoq̃ue, in instituto scelere persistens, inuitantis Domini clementiā repellit: euenit, vt quotidie magis ab ea Dei clementia deferatur, atque duritie, flagitio, cæcitate præceps in pestem multò effrenatius incitetur. Non igitur quòd Deus ea mala efficiat, sed quòd absentiam illius consequantur; ita, vt qui iustissimo illius iudicio sunt omni ei^o propemodum ope destituti, toti cōtinui sunt in corā malorū potestate futuri, dicūtur à Deo indurari, motib. turpissimis agitari, atque penitus excēcari. Quare definant homines amentes & perditī scelus institutum immani sacrilegio cumulare, & ad Dei gloriam impugnandam è sanctis literis perperam intellectis, tela corripere. Non igitur, vt eò reuertar, vnde sum digressus, Deus Pontifices incitauit, aut Iudam instigauit, aut milites & reliquos tanti sceleris ministros impulit; vt Christum crudelissimo mactarent supplicio, maledictisq̃ue omnibus atque conuitijs insectarentur: sed Sathanas, cui omnes illi homines impuri seruebāt. Sed illud tantum malum Deus ipse tolerauit, vt tantum ex eo fructum gloriæ Christi atq; communis salutis eliceret. Præclare enim Ioseph fratrib. suis ait: Vos cogitastis de me malum, Deus autem venit illud in bonū. Mala cogitatio non Dei, sed Dæmonis impulsu suscepta fuit: Deus autem, cui tandem

dem omnia seruiunt, ex illo malo salutem vniuer-
sæ illius gentis eduxit. Ideò non dicit: Eam men-
tem vobis iniecit Deus, vt mihi pestẽ moliremini;
sed dicit, nefariũ cõsiliũ, quod de mea pernicie,
non illius impulsu, sed improbitate vestra crude-
liter iniuistis, Deus ad omnium salutem transtu-
lit. Sic fit, vt Satanas etiam ea sponte sua moliatur,
quæ sint tandem ad Dei gloriam conferẽda. Plenũ
sceleris consiliũ, immane facinus & execran-
dum fuit in Christi nece & cruciatu susceptum:
at infinita Dei sapientia factum est, vt ex ea nece
vita nostra atque salus existeret. Non igitur, non,
inquam, effecit Deus, vt Iudas Christum prode-
ret, Pontifices accusarent, Pilatus iniustẽ condem-
naret, milites virgis cæsum, atque spinea corona
redimitum in crucem tollerent. Contineat se tan-
dem furor, & immanis audacia comprimatur, nu-
menque tandem extimescat, atque formidet tanti
sceleris affectionem ad summam illam puritatem
atque iustitiam trãsferre. hoc enim grauius esset,
quàm ipsum Dei filium cruci iterum affigere. Si e-
nim multò dirior est omni cruce sempiterni scẽ-
leris infamia; si multò grauius est, Deo criminis
maculam aspergere, quàm omnes mortales omni-
bus conuitijs infectari: multò profectò detestabi-
lius est, Deo notam iniquitatis inurere conari,
quàm illius filium in hominis specie latentem, in
crucem tollere. Qui enim Christum in crucem
egerunt, nomen illius tunc minimè cernebant:
at qui Deo maledicunt, immensum illius numen
atque potentiam negare non possunt. Quæ igi-
tur tanta dementia est? quis tantus animi stupor?
quæ tanta temeritas & audacia? quæ tam impu-

dens horrēdi & detestandi sceleris officina? Ideò ne ætatem in sanctis literis contriuiſti, vt Dei sanctitatem oppugnes? ideò religionem aliquando ſimulaſti, vt religionem funditus euerſas? ideò te ſtudioſum diuinæ gloriæ proſiteris, vt eam nefando conuitio deformes? Quid habes deindè, quo diuinum iudicium in improbis ſempiterna poena afficiendis ab iniquitate tuearis? Cùm enim conſtat hominem occiſum eſſe, quis in iudicium vocandus eſt? iſne, qui hominem interfecit? an gladius, quo interfecit? Fuitne vnquàm aliquis adeò mentis expers, vt gladium, aut ſiccam, aut quoduis aliud cædis instrumentum in crimē vocaret, eò, quòd illo quiſpiam ad hominis cædem vſus eſſet? Quis enim adeò demens eſt, vt ipſi, qui cædē fecit, ignoſcat, & ſupplicium in telum excogitet? Si igitur nos nihil agimus, nihil efficitur; ſed inſtrumenta tantum nuda ſumus, quibus Deus, vt ei libet, vel ad bonum, vel ad malū vritur; ita, vt nihilo plus ad actionē aliquam cōferamus, quàm aut ferra, aut ſecuris: iniuſtè hominibus irascitur; iniuſtè crimen vlciscitur, iniuſtè ſcelus hominū ſupplicio vindicat. Poſteſt enim Iudas, vt de hoc in primis loquamur, dicere: Non mea culpa eſt, quòd te prodidi, atque immaniſſimis hoſtib. triginta numis argenteis addixi; ſed tua Domine, cuius volūtati obſiſtere nequiuī. tu enim mihi humanitatē eripuīſti, tu me in ſcel⁹ impulīſti, tu me in illā fraudem coniecīſti; vt, amore pecuniæ occęcatus, vitam atque ſanguinem tuum venalem hoſtibus importunis proponerem, atq; tandem te illis ad necē traderem. Sic item Pilatus, ſic Scribæ & Phariſæi à te poſſunt arripere, quo cauſam ſuā facil-

facillimè tueantur. dicent enim: Tu nobis Domine tenebras offudisti; tu nos in eū errorē induxisti, vt in te pestem machinaremur, atq; in ipsam cædē vī tua atq; numine concitasti. Cur igitur in nobis opus tuum damnas, nosq;ue miseros nullo scelere obligatos, in perpetuum cruciatum abripis? Quid milites? si nos, inquit, in crimen vocamur, quòd te virgis cecidimus, quòd furēter illusimus, quòd te maledictis omnibus insequuti sumus, quòd tandem cruce confiximus; virgæ etiam, & spinea, corona, & crux denique ipsa, quæ tota sanguine tuo conspersa fuit, atque ad eò clauī, quibus fuisti confixus, accusandi sunt. Neque enim magis ista nostra culpa fuit, quàm virgarum, quàm spinarum, quàm clauorum, quàm crucis ipsius, quàm hastæ denique, quæ in sanctissimo latere tuo vulnus altè impressit. Nos enim nihil egimus, sed illius tantū cecidis instrumenta fuimus. Tu illam cecidem edidisti: tu nos ad furorem & insaniam redegisti: tu manus nostras sanguine tuo cruentasti. Hæc denique omnes impij atque scelerati possunt afferre, quibus crimen à se remoueant, illudq;ue in iudicē ipsum reiiciāt. Sic igitur nullus erit adulter, nullus homicida, nullus sacrilegus, nullus flagitio & scelere pollutus, præter eū, qui est de illorum vīta sententiā laturus; ita, vt is, qui mala omnia solus machinatus est, omniumq; scelerum causam sustinet, sibi parcat, & innoxia instrumenta supplicio sempiterno conficiat. Sed, inquit, quidā, non esse obscurum, esse hanc sententiam hominibus parum in rebus diuinis exercitatis inuidiosam: neque enim facilè posse quempiam rationem illius peruestigare: quin etiam rationē esse multis impe-

dimento, quo minùs homo doctrinæ huius in se lumen recipiat. Esse igitur opprimendam fide rationem, ut tum demum Euangelij huius lumen appareat. Optimè. nemo enim in vestram sententiã discedet, nisi priùs omnem mentem amiserit. Fitemur, inquiunt: est enim ratio vniuersa in cruce necanda, ut tum demum Euangelij lux possit exoriri. vigete enim ratione, vis Euangelij cõprehendi non potest. O Euangelium infaustum, ô lumen tenebricosum, ô crucem vitæ perturbatricem, ô remediũ, quod rebus communibus attulistis, pestilens atque mortiferum: siquidem illi locus esse non potest, nisi ratio, in qua viget diuinæ mentis imago, & quæ lege diuina impressa est, extincta atque deleta fuerit. Ista crux, quam in ore semper habetis, nõ Christi est, sed Satanæ. Christus enim in cruce non rationẽ extinxit, sed libidinem rationi repugnantem, ut ea deleta, ratio extincta reuiuisceret. Vestra autẽ crux rationem contra delet, ut rursus libidinẽ in dominatu constituat. Sed, ut sententiam inuidia liberetis, huius iudicij causam assignate. Quomodo iudex ille sanctissimus eos plectit, qui nihil egere, sed instrumẽta tantum diuinæ voluntatis exitere? Nulla, inquiunt, causa est diuinæ voluntatis assignanda. Cur ita tandem? quia causa necesse est, ut maiorẽ habeat vim, quam id, cuius causa est. Si igitur aliqua causa diuinam voluntatem antegredi potuisset; sequeretur, aliquid esse diuina volũtate præstantius. Quid dicam? contemnĩne nos, nempe quos existimẽt faciliẽ captiosis argumentis inductos à sententia depellĩan eos furere, qui facilibus rationibus se egregiẽ munitos esse confidũt? falsum enim est, om-

nem causam esse effectui suo potiore. Nam & materia rei cuiuslibet, & artificis instrumenta, & alia multa, sine quibus opus aliquod effici non potest, numerantur in causis, quæ nullo modo sunt cum operis absoluti præstantia conferenda. Si illam principem causam intelligis, quæ rem quamlibet efficienter antecedit; fateor eam esse præstantiorē effectui, & sic nulla est causa efficiens diuinæ voluntatis inuestiganda, cum nulla penitus esse possit. Est tamē causa mouens, ut ita dicam, & impellens Deū ad aliquid volendum. Ea autem est illius sapientia, atque rerum omnium prouidentia. Ut enim in nobis opus est, ut voluntatem iudicium mentis antecedit (nihil enim appetimus quod non prius appetendum esse iudicemus): ita & in Deo scientia voluntatem anteit, non tempore tamen, sed natura atque ratione. Nihil enim sine summa ratione vult: aliter enim sapiens non esset. Qui igitur dicunt, Deum aliquid sine causa moliri, Epicuri impietatem, & aliorum Physicorum similiter dilirantium errorem sequuntur, pro Deo enim temeritatem in naturam inducunt. Videte igitur, quantum inter piorum hominum sententiam, & istam sceleratam opinionem intersit. Vos voluntatis diuinæ causam nullam esse defenditis: nos contra Deum nihil sine causa, hoc est, sine summo consilio & ratione fecisse summa fiducia confitemur; & eos, qui secus statuunt, impios & sceleratos iure atque merito reputamus. Deo enim sapientiam detrahunt, qui enim sine causa vult, quod vult, nullo modo sapientia, sed temeritate & ameria ducitur. Ergo, qui sic omnia in diuina voluntate ponunt, ut eam rerum selectione spolient, sapientiam

entiam diuinam planè tollunt. Quibus autè gradibus potuisset authore Paulo, genus humanum ad Dei cognitionem ascendere, nisi causis rei cuiuslibet inuestigandis? ut videlicet, cum in singulis rebus admirabilem naturæ solertiam & artificium inspiceret, & totius mundi fabricam ratione comprehenderet, omniumque rerum ordinem, conuenientiam, vtilitatē, & pulchritudinem notaret; intelligeret tandem, omnia causa & consilio fuisse condita & constituta; vniuersamque naturam non temerè ferri, sed diuina mente & ratione gubernari. Tantum enim abest, ut Deus maiores res sine causa crearet; ut ne fornicas quidem sine admirabili ratione condiderit. Et tu interim, cum in formicæ corpore, victu, & incessu, causam & rationē solertiæ diuinæ liceat inspicere; in iudicio de homine, cuius causa Deus reliqua omnia finxit, Deum nullam vel illius in perpetuum euertēdi, vel opibus sempiternis egregiè cumulādi, causam subesse disputabis? eademque ratione, qua iniquitatem & immanitatē Deo tribuis, sapientiam & rationem illi totam in summis reb⁹ eripies? ita, ut non solum homines ratione orbare; verum etiam Deum mente & ratione spoliare coneris? Quid, quod tecū ipse pugnas? dicis enim, eos, quos Deus æterno decreto damnandos censuit, inexplicabili iudicio fuisse ex omni æternitate temporis improbatos? Vbi enim iudicium est, ibi nulla potest inesse temeritas. Ergo & ratio decreti extabit: aliter enim iudicium non esset iudicium. Quæ igitur causa esse potest vel aperta, vel occulta, cur ego damner eo nomine, quod Deus me fuerit ad meū interitū abusus: quodque me commouerit, & agitaue-

tauerit, & vi sua, quocunq; illi libitū fuit, vehemēter impulerit? Ede igitur causam, assigna rationē, quare Deus in homine, non hominis opus (neque enim homo aliquid, vt affirmas, gessit,) sed opus planē suum supplicijs eternis vindicādum putat: aut te prorsus amentem esse, confitere? Nam, cūm dicis, nihil omninō ab homine geri: omnem causam illius improbandi, quam subesse suspicari poteram, licet eam explicare nō possem, omninō tollis. Quare non est, cur eā inexplicabilem esse contendas, quando nulla prorsus esse potest. Si autem iudicij diuini causam extare nō censes, cur ratione conuictus, illius causam interdum explicas? Ac quam causam, & quantæ tandem æquitatis plenā assignant? Eam enim primū à stirpe criminis illius repetunt, quo se primus parēs obligauit, nosque secum in calamitatem impulit. Tunc enim a iunt libertatem penitus amissam, tunc opes euersas, tunc omne iustitiæ lumen extinctum, tunc animum dominatu cupiditatis oppressum, tunc omnem naturam humani generis immutatam, ita, vt, quæ primū bona fuerit, nunc nihil sit aliud, quā omnium flagitiorū & scelerum perennis quidam fons, & origo. Nūc igitur, quamuis peccatā vitare minimē possim, tamē, quia libertas culpa mea fuit amissa (omnes enim illo primo scelere alligati fuimus, idemque peccatum seminis propagatione cōtraximus,) meritō nunc poenas me daturum afferunt, non illius tantū criminis, sed aliorum etiā in quē necessariō deducor, quando in hanc necessitatem meo scelere incidi. Videamus quā acutē diuinam æquitatem hac ratione tueatur. Primū enim frustra causam nostræ prauitatis ab illo pec-

cati

tati seminario repetunt. Si enim vera Lutherus tra-
 dit; etiā illud scelus, Deo primū hominē ad facin⁹
 adigente, susceptū fuit. Non enim maiorē vim ha-
 bet nunc vis illa sempiterna, quā in primordio hu-
 mani generis habebat: neq; magis poterat ille vo-
 lūtati sempiterni numinis obistere, quā nūc pos-
 sumus. Quare tanta vi fuit Adā in peccatum illud
 copulsus, quanta nos sumus, cū peccamus. Frustra
 igitur sese in latebrā illius peccati conijciūt. Dein-
 de, crimē illud nō fuit nostra, sed primi parētis vo-
 lūtate susceptū: quare ius non est, vt nos id crimen
 perpetuo supplicio luamus. est. n. diuina lege san-
 citum; nē poenæ pro peccatis parentū ab eorum fi-
 lijs reposcantur. Postremò fas nō est, vt officij illi-
 rationem reddā, quod præstare non potui. Sū cæ-
 cus: & tu, vt videā postulas? Meritò, inquis: tuo nā-
 que vitio cæcus es. Rectē dicerēs, si illo tantū me
 crimine dānares, propter quod oculis priuat⁹ sum.
 Nūc, quādo eo supplicio minimē cōtentus, nouis
 me supplicijs laceras, quòd oculorū officio nō tū-
 gar, cū tu mihi iā primū oculos offodi iusseris
 te non modò iniquū, sed etiam sçuū, inhumanū &
 truculentum fateare necesse est. Finge me crimen
 cōmisisse, propter quod crura mihi lege suffracta
 sunt. Si mihi princeps, qui eo me supplicio affecit,
 imperet, vt in stadio curram, palmamq; omnibus
 præripiam: deindē me capite damnet; eò, quòd id
 non effecerim, hominē appellabi: an potius tyrā-
 nū immanem & importunū, diuturna consuetu-
 dine crudelitatis efferatū? Quid si, cū claudus,
 & viribus omninò destitutus, ad currendum tamē
 eniterer; magna quadam vi me tenuit, ne curre-
 rem: quid si etiam excogitauit, nē niti quidem ad cur-
 sum

sum possem? quid si à principio me coegit id crimen admittere, propter quod mihi postea crura fracta sunt? Si igitur Deus hominū naturā propter illud primū crimen luce destituit, viribus spoliavit, & in omnem fraudē coniecit? quomodo potest ab hominibus officij rationē exigere, maximè cū non solūm reliqua crimina, quæ postea in se humanū genus admisit, sed illud etiā, ex quo reliqua omnia nata sunt, violēto quodā numinis impulsu cōmissa sint? quid igitur toties illius peccati mentionem repetis? quid hominis illius miserij insultas? Cur humanæ naturæ scelus obiectas? cur non apertè optimū & sanctissimū Dominū, vt authorem illius etiā sceleris, & totius erroris humani, criminaris? Aut enim id tibi faciendū est, vt Deum iniquitatis insimules, aut alia diuini iudicij causa excogitanda. Sanè, inquit, alia siquidem potest assignari. Mirum quidem est, te, qui causam illius extare negabas, tam multas, repente causas in medium afferre. Effice igitur, vt eam nobis exponas. Deus, inquit, vt gloriæ suæ consuleret, atque iustitiæ suæ opes explicaret, cū ab omni æternitate quosdā ad gloriā sempiternā destinasset, alios absque vllō delectu à communi massa secreuit, quos peccati necessitate deuinciret, atque tandem æternis tormentis cruciaret. Hoc, per ipsum Deum, cuius immensa maiestas hoc tam execrando conuitio violatur, quale tandem est? Tu tibi in mea perniciē, absq; vllō meo scelere, gloriam quæres? meoq; sanguine, absque vlla graui causa, ludes? ob idque tantum, vt gloriam aucuperis, me sempiterno cruciatu conficies? Quis vnquam Epicurus tam ad se omnia retulit, vt sua causa

causa innumerabilem hominū multitudinē vellēt extinctam? Quid, quod non vlla vera gloria crudelitatem & immanitatē consequitur? Est enim gloria, fama celebris maximarum virtutū, meritis excellentibus excitata. Est igitur gloriā benignitatis atq; iustitiæ comes, non immanitatis & iniquitatis. Quas igitur opes iustitiæ Deus explicare posset, si tanto se ipsum iniustitiæ crimine colligaret? Iūstne est, vt, cū me ad facinus adegeris, atq; in omne flagitiū & scelus compuleris; eiusdem sceleris, quod tu perfecisti, ipse, qui nihil feci, sed tantu à te attractus sum; acerbissimas poenas exoluā? Carnificinā hęc quidem est, & immanitas, non iustitia, Luthere: & ea carnificina, qua nemo vnquam quāuis esset omni diritate teterrimus, se vllō pacto cruentauit. Memorię proditum ēst, cū Annibal fossam humano sanguine redundantem aspexisset, dixisse; ô pulchrū spectaculū. Volesius item qui sub Augusto proconsul Asiā prouinciā obtinuit, cū vna die trecentos homines securi percute iussisset, ô rem regiam exclamasse. Quis, cū hęc audit, non illos homines execratur? non eorū nomen odit? non eis perpetuū cruciatum apud inferos exoptat? Quod enim magis ferū & inhumanum facinus, qua hominū supplicio delectari? At ij neq; homines miseros in eam causam induxerāt, ob quam eos postea trucidarent: neque eos sempiternis supplicijs, si possent, affecissent. Illam igitur scēuitiam, cuius tenue vestigium cū in hominibus impuris intuemur, obstupeſcimus; in illā summā benignitatem conferes? eamq; illi crudelitatem attribues, quæ ne in homines quidem scelestissimos cadere vnquā potuit? Et tamen inquires, glorian

riam suam illustrat: quasi Dei gloria sit in scruitia constituta. Gloria extare non potest, vbi æquitatis lumen non lucet. Aequitas locum habere non potest, vbi quis pœna minimè dignus pœnâ extremo supplicio pendit. Pœna autè prorsus indignus est, qui aliud è actus, & attractus est. Imò, inquit Caluinus, pœna dignus est, quoties voluntas adest, quâvis ea volûtas necessaria sit. Multum enim interest, inquit, inter necessitatē & coactionē. Nemo enim volēs cogitur. Qui igitur vult peccare, quâvis necessario vellet, peccat: non is, qui cogitur & efficit, quod nō vult. Idcirco fit, vt merito puniatur à Deo qui peccant. Quâvis enim ad flagitiū compellantur, id tamen flagitium volentes admittūt. O acutū hominē, qui tam cōmodè excogitauit, quomodo sententiæ absurditatem defenderet. Itaq; breui distinctione totum negociū confectum putat. Sed libenter ex eo quærerem, quid appelleret coactionē. Equidē cogi hominē puto, quoties vis illi extrinsecus adhibetur, quæ illum aliquid facere, aut adire cogat. Veluti si aliquē imbecillum hominē rapia, & in ignem cōijcias. Hic tamen quī nolens ad exitiū rapitur, simplici tantū necessitate obstrictum video. Adhuc enim volûtas illius libera est. Sed si habēas eā vim, vt nōn modò corpus illi vexes, & raptes, & quocunq; velis, abducas, verū etiā volūtatē illius ita deuincias, vt nihil velle omnino possit, nisi quod tibi libuerit; ita, vt si tibi ita visum fuerit, in exitiū spōte sua ruat: tunc eū duplici modo cōligatū dicā. Siquidē, nō modò cōstrictū corpus, sed etiā mentē gerit. Multò igitur min⁹ ab illo officiū requirā, quā si libero illi⁹ animo corpus tantū haberet ferreis vīculis alligatū. duplici enim

ei enim necessitate cogitur. Duplici igitur coacti-
 one, ut tuo verbo utar, ut diq; teneatur astrictus. Si
 simplex igitur coactio satis est, ad reum omni cri-
 mine liberandum, multò æquius est, ut duplex ad-
 hibita omni scelere soluat. Quæ enim ratio est, ut
 ei, qui furès voluit aliquem violare, crimini des,
 si tu primum venenis mentē atq; sensum illi peni-
 tus eripueris? Si igitur Deus me cogit, ut velim ali-
 quid sceleris machinari: non ego vllō modo, sed
 ipse, qui me furere cogit, sceleris causam sustine-
 re debet. Mihi quidem, qui certum & constitutum
 id habeo, quod est in naturæ vniuscuiusque penit-
 incisum, nempe, liberā esse vniuscuiusq; volūtate;
 nihil est planius, quàm omnes qui volētes sunt sce-
 leris alicuius administri, iure atque merito crū-
 ciandos. Tibi verò, qui non modò voces diuinas
 audire contemnis, sed omne prorsus iudiciū na-
 turæ repudias, volūtatemq; asseris esse oppressam
 & impeditam; neque aliquid velle posse, nisi id tā-
 tum, ad quod eam diuinus quidam motus impel-
 lit: necessariò confitendum est, neminem esse no-
 centem, nisi eum solū, qui miseris hominibus, du-
 plici atque maximè miseranda necessitate colligat-
 tis, ad eorum perniciem abutitur. Nullę igitur ar-
 gutiæ possunt sceleratam hominis impuri senten-
 tiam tueri, nec eum testimonia illa subleuant, qui-
 bus utitur. Quale est illud Ieremiæ: Scio Domi-
 ne, quod non est hominis via eius; nec viri est, ut
 ambulet, & dirigat gressus suos. In quo quidem lo-
 co planè docet vir sanctus, non esse in hominis
 potestate positum, ut prosperos actionum suarum
 eventus consequatur. nisi enim DEVS nos
 singulari ope sua protexerit, spirituq; suo dedu-
 xerit,

ærit, nullo modo poterimus ad optatum finē peruenire. In eo verò, quod asserit Salomon, Deū omnia propter se creasse, etiam impiū in diē pessimū, ostēdit, impiorum hominum cruciatus esse ad Dei gloriam referendos: & Ita fieri, vt etiam ea quæ cū voluntate diuinā pugnant, ad voluntatem illius & gloriam reuocentur. Quod si improborum supplicium Dei gloriam illustrat, illius certē bonitatem & æquitatem illustrat, è qua gloria omnis emanat, quod fieri minimè potuisset, si homines necessitate sempiterna compulsi in sempiternam pestem & exitium raperentur. Iam verò in Pharaonis, & in aliorum hominū simili ratione furentium immanitate, siue cæcitate, siue duritia, iam vidimus, nullo modo fuisse vim perditis & profligatis hominibus illatā: quin potius Dei clemētiā multis in locis oblatam, quam illi ingrātē & impiē repulerūt: ita vt in eorum interitū, simul & illorū scelus horreamus; & iudiciij diuini æquitatē debita prædicatione celebremus. Quomodo autem hæc & alia quàm plurima testimonia, quibus aduersarij abutuntur, intelligenda sint, magna ex parte est iam à nobis superius explicatū. Ex quibus facilè apparēt quàm sint diuinarū rerum ignari ijs, qui sibi tātum arrogant, vt reliquos omnes intolerando fastidio contēnant. Sed libenter ab illis audierim, cur Christus hanc disciplinam ijs, quos diuinæ sapientie muneribus instruxit, quibus arcana sua patefecit, quos secum sanctissimo fœdere consociauit, quos denique ad orbem terrarum splendore veræ pietatis illustrandum spiritus sui facibus inflammauit, minimè tradiderit? Cur, quæso, hæc tantā mysteria discipulis suis sanctissimis, atque char-

DE IUSTITIA

rissimis, quibuscum omnia nostræ salutis consilia
 familiarissimè communicauit, cælata esse voluit?
 Num, vt ea Luthero homini scelestissimo & impu-
 rissimo, maturis temporibus explicanda reserua-
 ret, maioreque sapientia ministrum libidinis,
 quàm honestatis magistros erudiret? Nunquam e-
 nim Christus eas iudicij sui causas exposuit, quas
 homo ingeniosus post multa sæcula commentus
 fuit: sed alias multò certè magis æquitati suæ
 consentaneas. Illum igitur audiamus, non impli-
 catè & obscurè, sed planè atque dilucidè iudicij
 sui causas aperientem. Ait enim futurum, vt dicat
 improbis: Ite maledicti in ignem æternum. Plena
 horroris vox, grauis & dira sententia, terribile at-
 que tremendum supplicium. Sed tantæ seueritatis
 rationem videamus. Num eam causam affert,
 quod lues quædam tabifica naturali contagio ad
 eos permanarit, eaque de causa sint crimine pri-
 mi parentis infecti? minimè verò. Num illud for-
 tasse, eos fuisse iam inde ab omni æternitate sem-
 piterno exitio deuotos, vt essent videlicet, in quo-
 rum supplicio Deus sine vlla graui causa iram ef-
 funderet? nihil horum. Quid igitur dicit? Esuriui,
 & non dedistis mihi cibum: sitiui, & non dedistis
 mihi potum: peregrinus eram, & non hospitio re-
 cepistis me: nudus, & non operuistis me: infirmus
 & vinctus, & non visitastis me. Delinquere igitur
 in officio, charitatis studia contemnere, generis
 humani societatem violare, egentes & afflictos in
 calamitate despicere, est, quod homines in sempi-
 terna supplicia deducit, nò sempiterna necessitas.
 Hoc enim esse in nostra potestate situm, ipsius di-
 uini iudicij seueritas apertè declarat. Nunquam
 enim

omnium tam seuerè in crimina vindicasset summa illa sapientia, nisi vidisset homines nullo modo fuisse ad flagitium & impuritatem adactos, sed ipsos liberè & spontè flagitia suscepisse, atque in pestem voluntate sua irruisse. Aliter enim nunquam dixisset, interitum nostrum à nobis ipsis provenire. Nunquam item illud: *Ite in ignem, quem vobis ipsis incendistis. Nunquam tam crebrò nos ad resipiscendum inuitasset. Nunquam certam spem salutis ijs, qui vellent ad officium reuerti, tam multis in locis ostendisset. Neque enim: vt apud Ezechielem inquit, mortem expetit hominum; sed omnibus salutem offert, atque præsens auxilium pollicetur. Non delector, inquit, morientis interitum: reuertimini, & viuite. Nos igitur, nos ipsi exitium nobis afferimus: nos scelere & amentia nostra in pestem incurrimus, nec est, cur nostræ calamitatis causam ad Deum, non ad nos ipsos referamus. Nobis enim optio data est, vtrum velimus vel vita sempiterna frui, vel morte sempiterna deleri. Quocirca Moyses cælum atque terram inuocat, clarissimaque voce perditorum hominum impietatem refutat, atque vtrunque in potestate nostra situm demonstrat: Obtestor, inquit, hodiè cælum & terram, quòd proposuerim vobis vitam & mortem, benedictionem & maledictionem. Quid aliorum Prophetarum testimonia colligam, quibus deus testificatur, se omnium salutem procurare, nec se quidquam prætermittere, quod ad eorum vitam tuendam pertineret, sed homines perfidia & improbitate sua corrumpere? Quale est illud Isaïæ: Nunc, inquit, viri Ierusalem, & habitatores Iuda, estote iudices inter me & vineam*


meam, quid est, quod debui facere vineæ meæ,
& non feci ei? Non recusat, quò minus, si fuisset ab
illo quidquam in vineæ suæ, hoc est, in homi-
num cultura, prætermisum, inclementer agere
putetur, cum eos, qui peccauerunt, vlciscitur. Lon-
gum esset, si vellem reliqua omnia consuetari. Il-
lud igitur tantum adducam ipsius Christi testimo-
nium, quod de hominum improbitate, benignita-
tem illius ingrati repudiantium, cõqueritur: Quo-
ties, inquit, volui congregare filios tuos, sicut gal-
lina congregat pullos suos sub alas, & noluisti,
Cernis hic immensam Dei benignitatem, homi-
nes ad salutem euocantem? cernis rursus hominũ
scelus & improbitatem, cum diuina clementia
certantem? Et tamen alias humanæ ruinæ causas
inquires? & tamen scelere infando numen diui-
num violabis? & tamen omnia detestanda facinora
in summam illam æquitatem conijcies? & tamen
humanæ impuritatis labem, nequitiam, turpitudi-
nem ad illum sanctissimum Dominum reuocabis?
& tamen illi temeritatem, scruitiam, crudelitatem
immanem, importunamq; naturam affinges. Omõ-
strum, ò portentum, omnium, quæ vnquam inter-
ris extitẽre, truculentissimum & immanissimum.
Quæ te tanta amentia vexat, tantum scelus exa-
gitat, tantus morbus excruciat, vt tibi totam men-
tem & sensus eripias? Tunc sanctissimo numine
tam insigne conuiuium facere ausus es? Tu illi
totius æquitatis, salutis auctori, bonorum om-
nium principio, tantum dedecus iurere conatus
es? Non numen illius timebis? Non iudicium
illius horrebis? Non ad cæli conspectum tre-
pidabis? Sed primum quidem temeritas atque
libi-

libido te præcipitem egere, deinde impietatis scelus & audacia te concitauere, ut bellum contra cælum susciperes; omnia pudoris septa reuelles; diuina iura conculcares: pietatis ruinas ederes; diuinum numen, quod in te fuit, infando conuitio maculares. Quare minime mirandum est, quod accepimus, te etiam ante, quam è vitâ discederes, pestiferi Dæmonis incursum sæpenumero vexatum & excruciatum fuisse, atque terroribus obiectis frequenter exanimatum. Neque enim fieri potest, quin tantum scelus furor immanis & acerbum oppressæ conscientia supplicium repente consequatur. Nullum enim scelus fuit post homines natos atrocius, nullum dirius, nullum pestilentius. Simul enim omnem vitæ statum perturbat; & Deo scelus quæ omnium causas assignat. Et admiramur fuisse aliquem tanta stupiditate atque feritate præditum, qui Deum esse negaret, omnemque vim diuinam impia oratione conuelleret. At quâto impurior Lutherus, qui Deum fingit, non modo natura maleficum & iniustum; sed immanem etiam atque truculentum, poenas de sceleribus, quorum ipse molitor & effector fuit, ab alijs, qui nihil omnino commisere, nimis crudeliter exigentem. Multo enim tolerabilius est, Deum non putare; quàm iniquitati & scelere affinem putare. Si igitur summum illum Dominum, omnia potestate & numine suo continentem, colendum omni religione & sanctitate censemus; si rectissima atque sanctissima illius iudicia metuemus; si omnem sceleris & impietatis contagionem execramur; si pestem à nobis auertere, si cladem arcere, si sempiternum exitiû vitare cupimus: est omnis impu-

ri hominis amentia repellenda oratio illius deteg-
 standae, scelerisq; illius contagio summopere vitan-
 da, ne metes nostras veneno mortifero pestilentis-
 simi erroris inficiat, aut aliqua certe leuissima fla-
 gitij nota commaculet, idque statuendum, quod est
 Dei maiestati decorum, quod illius iustitiae & z-
 quitati consentaneum, quod etiam cum eiusdem
 sapientia congruens, & benignitati illius accom-
 modatum, quod denique omnes Dei leges & insti-
 tuta, omniaque oracula summa consensione te-
 stificantur, nempe, liberum esse nobis omnibus
 vel opera pia atque sancta moliri, vel flagi-
 tium & impuritatem suscipere, te-
 trisque criminibus
 alligari.

LIBRI OCTAVI FINIS.

HIERO-



181

HIERONY- MI OSORII LVSIT- TANI EPISCOPI SIL- VENSIS,

DE IVSTITIA LIBER NONVS.



Emeritatem & impudentiam eorum, qui libertatem humanæ voluntatis oppugnant, iam satis conuictam arbitror. Sed occurritur nobis à quibusdam, prædestinationis nomine: in cuius explicatione non tantum aduersarij, sed multi etiam ex nostris nobis molesti interdum sunt. Statuunt enim, esse iam ab æterno tempore definitum, ut alij perpetuò crucientur: alij verò ad immortalitatem atque beatam vitam deducantur. Cum autem decreta diuina non possint ullis rationibus immutari; esse iam ratum & fixum id, quod est cuilibet euenturum. Neque enim potest veritas sempiterna in falsum conuerti; neque diuina sapientia rebus ullis incidentibus variari. Esse igitur iam cuilibet id necessariò perferendum, quod est ex æternitate præfinitum. In quo quidem non video cur non sanctorum ferè omnium vestigia sequar, qui de hac quæstione copiosissimè disputauerunt. Ut enim à Clemente, & Origene, & Eusebio, ad

Hieronymum vsque peruenias; aut, vt verius dicam, ab Apostolorum temporibus ad Augustinũ vsque seriem hominum clarissimorum oratione recenseas, omnes videbis in hac sententia fuisse, vt Deus ab æterno tempore, secundum quod nouerat euenturũ, id, quod erat in hominum potestate relinquendum: ita de singulis hominum personis statuisset. Verbi gratia, prauidit Iudam esse Christum proditorum: & idcirco Iudam multo antea, quàm nasceretur, improbavit, & exitio sempiterno destinauit. Similiter prospexit in Petro fidẽ, ob quam illi misericordiam tribuere à tẽpore sempiterno cõstituit. In hac eadem sententia fuit Augustinus, vt illius scripta declarant: sed aliquando tandem à reliquis omnibus, atque à se ipso discessit. Cũ enim esset illi cum Pelagio acriter certamẽ institutum; qui hominum meritis tantum tribuebat, vt vix illum gratiæ diuinæ locum relinqueret: veritus est, nè, si fateretur, prænotionem rerum futurarum iudicijs diuinis causam attulisset, cogeretur fateri, præuisa merita causam diuinæ clementiæ dedisse. Vt igitur id vitaret incommodum, hæc inuertit, vt diceret, non quia fidelis erat futurus Petrus, electum fuisse, sed idcirco fidelẽ fuisse, quia fuit electus. Vndẽ sequitur, Iudam; verbi gratia, non ex æterno tempore improbatum fuisse, quod erat Christum nefariẽ proditurus: sed idcirco Christum prodidisse, quia decreto diuino fuerat improbatus. Cũ autem multi post illum nefas esse ducerent, à viro sanctissimo atque doctissimo dissentire: neque tam rationum momenta ponderarent, quàm auctoritatem sequerentur; neque, quid alij viri non minore doctri-

pa & auctoritate præditi dixissent, acutè antimadultererent: effectum tandem est, vt nulla sit in scholis sententia, neque maiore contentione, neque minore rationum præsidio defensa. In eo igitur perseverat, vt dicat: quia Iudas improbatus fuit, ideo nefarium fuisse: nõ contrà, quia nefarius erat futurus, antea improbatum fuisse. Si quæras, cur fuerit improbatus, non aliud dicunt, quàm id, quod ab aduersarijs etiam dicitur; nullam diuinæ voluntatis causam esse; callidè quidem, & nimis acutè. Dum enim leuem plagam repellunt, grauiusimum vulnus accipiunt: & dum suburbana tuguria defendunt, in arcem hostes admittunt. In eas enim difficultates delabuntur; vt eam necessitatè, quam negant, esse confirmant inuiti. Non vident enim, humani arbitrij libertatè tolli funditùs, si in ea sententia persistant. Nam si Iudas non propter suum scelus fuit improbatus, sed quia improbatu ante fuit, ideo sceleratus extitit: scelus & exitiù Iudæ non ex ipso, sed ex diuina voluntate fluxit. Nec enim Iudas id vitare potuit, quod erat ià diuina voluntate definitum. Ergo in fraudem illà necessariò incidit. Vt igitur omnia circumspicias, nullam rationè reperiès, qua possis vllò modo voluntatis humanæ libertatem tueri. In quo quidem valdè admirandum est, quid illis in mentem venerit vereri, nè cum Pelagio facerent, si cum Basilio, vel Ambrosio, vel Hieronymo, vel Chrysostomo, vel alijs viris sanctissimis atque doctrinæ gloriâ præstantibus idem sensissent. Num ex eorum sententijs efficitur, hominum meritis esse Dei gratiam tributam? nullo modo. Nec enim dicunt, Deum aliquid in hominibus prouidisse, propter

propter quod vllis eorum meritis, aut vlllo iuris
 p̄scripto cogeretur eos in gratiam suam recipere. Tunc enim gratia non esset gratia. Aliquid tamen in Paulo prouidit, quod in multis alijs minimè futurum prouidit: quod, vel aduersario teste, conuincam. Quid enim nonne fateris in explicabili iudicio Paulum electum fuisse, Phariseos autem reliquos improbatos? At, in iudicio ratio subit, opus est: & electionis nomen aliquid esse in re selecta declarat, propter quod electa sit. Vt igitur id non possim explicare, quid Deus in eligendo Paulo secutus sit: id tamen possum asserere, aliquid in Paulo p̄sensisse, quod in multis alijs non p̄sensit: & idè Paulo clemèter ignouit, reliquos autem Pauli dissimiles, iustissimo iudicio peruertit. Vt tamen aliquam rationem assignemus, statuendum in primis est, omnes improbos iusto iudicio dampnandos. Iustum autem iudiciũ de vnoquoq; fit, cùm id, quod est ab improbo liberè susceptum, iustitiæ ponderibus examinatur: non cùm illius crimen aliunde fluxisse perhibetur. Non igitur propter id, quod Deus hominem exitio destinauit: sed quia homo scelera exitio digna confluunt, iudicio capitis accersitur. Nam quæso, cùm extremo tempore Christus contra impios sententiam proferet, vtrũne censes illos propter impietatis scelus esse dampnandos? an propter iudicis sententiã scelere impietatis alligandos? Nõ puto te adeò amentem esse, vt statuas, nõ scelus cõmissum damnationis causam allaturũ sed potiùs ipsam sententiam scelus, quod nullum ante damnationem fuerat, effecturam. Scelus igitur antegressum est, iudicium deinde consequutũ.

Quod

Quod igitur de extremo iudicio statuis, idem de primo illo atque sempiterno iudicio est tibi necessario confitendum. Apud Deum enim nihil inter præteritum atque futurum interest, cum illi omnia præsentia sint, æuique totius æternitatem sit infinita mente complexus. Primum igitur vidit, impurum hominem obstinato animo in flagitio permanfurum, atque clementiam illius omnino repudiaturum, quam illum decreto suo improbare. aliter enim in hominis iudicio non de homine, sed de voluntate propria iudicaret. Quod si fieret, iniquitas in illius iudicio versaretur. Ergo futuri criminis prænotio iudicium illud Dei antecessit; quo sceleratos, antequam geniti essent, improbauit, atque sempiterno exitio deuouit: antecessit, inquam, non tempore, sed causa, ut ita dicam, & ratione. Quia igitur erant contumaciter scelus amplexuri, atque aures vocibus diuinis vsque ad extremum spiritum oclusuri; ideo fuerunt anticipato Dei iudicio damnati. Quamuis enim eorum peccatum ad futurum tempus pertineret; tamen quasi iam esset opere transactum; semper ad Dei iudiciũ reuocari potuit. Quia igitur, ut vno verbo dicam, erant infideles futuri, & Dei clementiã aspernaturi; ideo fuerunt ad sempiternum supplicium reservati: non tamen è contrario. Iuste igitur diuino iudicio improbat i sunt. Nouerat enim diuina mens, fore, ut hi mallent sempiternis tenebris sepeliri, quam intra mentem suam diuinum lumen admittere. Quod si fuerit nobis firmè constitutum, iam licebit intueri rationem, cur Deus aliquem ad gloriam, antequam aliquid, ut Paulus inquit, vel boni, vel mali possit efficere, clementissime

tissime destinaret. Prænouit enim eos non semper
 perfidiam suam, tanquam molē aliquam, oppositu-
 ros; sed tandē à se impedimēta omnia repulsuros,
 ut ita luce diffusa, quid sequendum esset, perspi-
 cuè cernerent; atque oblata opē cōfirmati, ad sem-
 pitemum decus aspirarent. Quia igitur futurum
 erat, ut non opem atque gratiam diuinā ad ex-
 tremum vsque repellerent, & diuinā clemētiā
 aspernarentur: ideo fuerunt à Deo digni repu-
 tati, in quos opes benignitatis suæ cōgereret. Om-
 nibus enim immensa illa benignitas consultum
 esse vult. Sed, cum neminem rationis participem
 cogat, sed tantum adimoneat, & inuitet; euenit, ut
 alijs benignitatem suam tribuat, ijs nempe, qui
 eam non aspernantur: ab alijs verò eā remoueat,
 qui videlicet eam à se sponte sua reiiciunt. Ut e-
 nim, cum sol omnia quæ sunt aperta, clarissima lu-
 ce collustrat, liberum est cui libet, vel radios il-
 lius intra ædes suas admittere, vel fenestris clau-
 sis, & omnibus rimis diligenter obstruētis, tene-
 bris immergi: ita, cum diuinus spiritus lumen il-
 lud gratiæ suæ diffundit, omnesque mortales ad
 salutem vocat; est in vniuscuiusque potestate, vel
 lumen illud mente recipere; vel obiectis perfidiæ
 molibus, omnes mentis aditus, hē ad se lumen il-
 lud perueniat, obturare. Qui igitur diuinis moni-
 tis assentitur, sequē illis audientem præbet; is est
 diuinæ clemētiæ participēs, illiusque radijs illu-
 stratur: qui verò ea contumaciter repudiat, quod
 etiam est in cuiuslibet potestate situm, is iuste dā-
 hatur. Cum autem vtrumque sit ab infinito tēpo-
 re prouisum, non sine causa alij sunt ad beatitudi-
 nem, alij ad miseriam designati. Vrgent tamen
 quidam;

quidam, & nihil remittunt. Id enim ipsum, quod asserimus, nempe, esse cuius liberum, diuinis monitis assentiri; non homini, sed Deo tantum esse tribuendum. Verbi gratia, si positum fuerit, eodem spiritus appulsu fuisse Iudam vocatum, quo Petrus; tum, quod Petrus se spiritu duci permiserit, Iudas autem spiritui restiterit, id à Deo tantum esse. Distinctionem itaque miram adhibent. Asserunt enim, alijs quidem auxilium à Deo sufficiens, illud quidem, sed minimè efficax affertur; alios autem efficaciter adiuuari. Ea igitur de causa fieri, vt electi quidem, diuino impulsu commoti, pietatem colant, improbi verò in impietate persistant. Quamuis enim improbi sufficiens auxilium habuerint; ita, vt, si vellent, absque vllò dubio seruarentur; tamen vim illam efficacem auxilio diuino defuisse; quæ si adfuisset, planè diuinæ vocatiõni assentirentur, atq; ita iustitiam obtinerent. Vocari igitur illos ad salutem, non negant: sed efficaciter vocari, id planè negant. Itaque concludunt, hoc totum, quod quidam Deo assentiatur, alius verò minimè assentiatur, à Deo effici; qui alium voluit efficaci ope stabilire, alium verò ope illa efficaci destituit. Quo quid dici potest absurdius? primum enim, si ita futurum est, vt nullo modo assentiar Deo, nisi Deus ipse, vt assentiar, efficiat; tota mihi ad eligendum libertas eripitur. aut enim hoc mihi liberum est, aut nihil omninò est. Deinde, quid appellent sufficiens auxilium, non prorsus intelligo. nam si hoc, quod vnus diuinæ vocatiõni assentiatur, alius non assentiatur, hoc nullo modo ex cuiusque electione prouenit, sed à Deo tantum, qui efficit, vt hic vellet assentiri, alius verò

verò nollet, fateantur necesse est, neminem assenti-
 tiri posse, animumque ad obediendum inducere,
 nisi Deus illius voluntatem omninò impellat, at-
 que obedire cogat. Ergò nisi mens mea ad assenti-
 dum efficaciter fuerit impulsà, auxilium mihi al-
 latum sufficiens non erit. Ridiculè igitur appel-
 lant auxilium sufficiens id, quo iuvari nullo mo-
 do possum. Si velis, inquiunt, iuuabit. Quid refert?
 velle enim nò possum, nisi Deus efficaciter, vt ve-
 lim, efficiat. Si igitur non facit, vt velim, cum ego
 sine ope illius velle non possim, auxilium illud
 nullo modo sufficiens est. Quorsum igitur attineat
 à Deo vocari, qui Deum non potest audire sine il-
 lius ope, eademque omninò opè destituitur? Hoc
 enim non esset miseròs homines ad salutem voca-
 re, sed eorum miserijs illudere. Quod si ita est,
 cur non Lutherum sequimur, libertatem humanæ
 voluntatis funditus euerterentem? cur non Calui-
 num audimus, discrimen illud inter necessitatem
 & coactionem inaniter afferentem? Qui .n. nobis
 Deo assentiendi, vel nò assentiendi libertatē tollit,
 libertatem omninò tollit, voluntatemq; ipsam ar-
 etissimis vinculis astringit. Qui rursus Dei auxiliū
 sufficiens, minimeque tamen efficacē inducūt, nos
 necessariò peccare, non tamen ad peccandum co-
 gi, quia non inuiti peccamus, affirmant. Fateantur
 enim necesse est, nos quidem posse, si velimus, of-
 ficiū tueri; non posse tamē velle vllò modo, nisi
 Deus efficaci, vt dicunt, ope ad volendum impel-
 lat. Quod cum nò facit, efficitur, vt necessariò pec-
 cent, qui peccant: quamuis non inuiti peccent;
 quia non possunt velle pietatis officio perfungi;
 eò, quòd efficaci ope deseruntur. Inconsideratè
 igitur

igitur homines minimè mali ea dicunt, quib. pofitis, atque conftitutis, hoftium impietas atq; perfidia confirmatur. Neque tamen illam vocatione, qua improbi atque in scelere obftinati, à Deo vocantur, efficacem dicimus; fed per impios fteriffè dicimus, quò minùs efficax effet. Certè enim potuiffent velle, potuiffent affentiri; potuiffent animum ad obediendum inducere: quod fi feciffent, iuftitiæ diuinæ abfque vllò dubio compotes exiffent. At Deus eft, qui dat velle; & perficere; vt Paulus affirmat. Optimè. Nifi enim me is fpiritus fuo impuliffet, nifi mentem meam crebris confilijs & monitis incitaffet, nunquam ego quidquam præclari voluiffem. is tamen benignitatis fuæ munerâ non contumacibus & obftinatis elargitur. Fecit igitur, vt vellem, qui fi mihi non opes fuas clementer obtuliffet, non potuiffem earum defiderio teneri: & tamen liberum & integrum mihi reliquit, vel illius benignitatem grata voluntatè profequi, vel contumaciter afpernari. Ergò, inquires, licet noftam falutem nobis ipsis adfcribere. Minimè, inquam, licet. Nec enim falutis noftre caufa fuit in nobis, fed in diuina clementia; quæ nullis noftis meritis, hos infinitis morbis oppreffos, maximisq; difficultatib; impeditos repente fanauit. Multum enim intereft, vtrum aliquid eiusmodi fit, quod vi fua quidquam efficiat; an eiusmodi, cum quo aliquid effici necesse fit. Deus autem folus efficit salutem noftam: eam tamen non abfque noftre voluntatis inductione vnquam efficiet. Causa autem propriè in eo tantum, qui efficit; non in eo, fine quo opus commodè fieri non potest, ponenda eft. Neque periculù eft, nè ftatim di-

vinum iustitiæ beneficium meritis humanis assignemus. Primum quidem fides illa, atque voluntatis inductio maxima ex parte ad Dei munus atque beneficium reuocanda est. Deinde nihil ex se meretur illa fides, nisi secundum Dei clementiam & benignitatem, quæ illam reputat ad iustitiam: non quod fides per se iustitiæ præmio digna sit, sed quia magnificentissimus ille rerum omnium Dominus, qui non secundum debitum, sed secundum gratiam fidem remunerat, fidem quasi dignam iustitiæ in gratiam recipit, eamque iustitiæ cultu cōfestim exornat. Non igitur dicendum, ut quidam olim asserabant, primam fidei inchoationem à nobis esse: stabilitatem verò & incrementum esse ad Dei benignitatem referendum: siquidem omne fidei principium fuit diuinis vocibus excitatum. fides enim ex auditu, auditus autem per verbum Dei. Nec dicendum rursus cum alijs, fidem à Deo sumi, illius verò firmitatem & amplificationem studio & industria nostra cōtineri. Deus enim est, cuius ope & benignitate fidem & officiū tuemur; & fidei muneribus atque beneficijs augemur, ita, ut neque qui plantat, sit aliquid, neque qui rigat, sed qui incrementum dat, Deus. Is igitur est, qui fidem non tantum à principio excitat, sed excitatam tueatur & amplificat. Hoc tamen dicimus, neque fidei initium, neque illius progressionem in nobis absque libero consensu voluntatis effici, aut effectum stabiliri. Possumus enim semper, ubi velimus, omnem Dei opem aspernari. Quod cum non facimus, cum opem à Deo oblatam grata voluntate prosequimur, nullo modo ea fide Deum nobis astringimus, ut ea ratione dicamus meritis nostris fuisse illius beneficia tributa. Neque ipsa fides sibi

quidquam assumit, neque se ipsa nititur atque confidit (sic enim fides non esset, sed temeritas & confidentia nominanda) sed omnia in Dei bonitate ponit; illius opē & grātia nititur, in illius mentem respicit, illius fiducia concitatur, atque diuino spiritu; tanquam alis subnixā, in cælum euolat. Itaque initium fidei atque progressio illius, & amplitudo, cum tota sit diuina grātia & ope firmata, Deum non astringit ipsa per se, quin potius ipsa diuinæ grātiæ est omnibus modis alligata. Fingamus enim cogitatione, hominem quendam in latrones incidisse, à quibus spoliatus, atque vulneribus concisus ita sit; vt vitam omnino desperet. Interueniat autem casu aliquis Medicinæ gloria præstans, qui remedijs salutaribus facile queat hominem saucium, & animam iam propemodum effrangentem; in pristinam sanitatem restituere, nihilque aliud ab illo requirat, quàm vt se curari permittat, multisque argumentis auctoritatem suam constituat, atque doceat; omnem spem recuperandæ sanitatis in illa arte, quam se tenere proficetur, esse reponendam: Id si aegroto persuaserit; atque confestim ei salutare remedium adhibeat: quo tandem beneficio Medicus ei astrictus est, qui sanari voluit? Nullo certè. Immo; qui fuit illius opē in sanitatē restitutus, illi vitam debet, eritque scelestissimus iudicandus, si in optimum Medicum ingratus extiterit. Quid; si princeps ditissimus hominē inopem & egentem opibus suis locupletare studeat; num dicemus; principē illum esse hominē illi obligatum, quod opes; quibus indigebat, minimè aspernatus sit? Minimè certè, quin potius egens homo omnia vitæ studia illi debet, cuius opē

DE IUSTITIA

bus indigentiam suam subleuatam cernit. Ergò, cum in nobis liberam assentiendi facultatem relictam dicimus, non continuò gloriam gratiæ diuinæ præripimus: siquidem omnes opes atque facultates, omnia bona, quibus affluimus; Deo nos ad salutem absque ullis nostris meritis clementissimè vocanti, lucemque suam porrigenti, & auxilium pollicenti, & magnificentissimè conferenti, accepta referimus. Itaque in nostra salute clementiam illius, non studium nostrum extollimus: in impiorum interitu nõ iudici iniquitatem affingimus, sed sanctissimi iudicij sanctitatem celebramus. Quid enim iustius, quàm homines, qui præ libidine salutem suam prodidère, Deum contempserè, aures suas vocibus illius occlusè, & cum benignitate summi illius Domini usque ad extremum certauère, tanti sceleris atque tantæ contumaciæ poenas expendere? Ergò hæc futura impiorum hominum in scelere pertinacia, omnibus antè seculis à Deo prouisa, fecit, vt Deus eos iustissimè multò antè, quàm nascerentur, improbaret. Contrà verò, huius impedimenti remotio Dei clementiam allexit, vt eos, qui non erant perpetuò contrà illius gratiam & benignitatem obstinatis animis pugnaturi, clementer eligeret. Non igitur dicimus Deum nobis aliquo iuris nexu obligatum fuisse. Quis enim dedit ei prior & retribuetur ei? Quibus igitur salutem confert, clementissimè confert. Hoc tamen dicimus, posse nos nobis ipsius deesse, posse inuitantis liberalitatem aspernari, posse vel oblatam gratiam repudiare, vel iam acquisitam abijcere. Quocirca Paulus ad Hebræos scribens admonet, ne desint ipsi gratiæ Dei. Vtrum au-

tem horum facturi sumus, fuit à Deo ab æterno tē-
pore prouisum. Id igitur eum impulit, vt alios à
principio beatos, alios miseros esse vellet: neque
ea diuinæ mentis prouisio, consilijs humanis vl-
lam necessitatem affert. Vt enim, cū video homi-
nem amentia præcipitem in exitium sponte sua
ferri; non idèò furit ille, quia furentem illum cer-
no, sed idèò cerno furentē, quia ante oculos meos
furit: ita, cū Deus hominem omnibus antè secu-
lis peccaturum nouit, nō idèò peccat homo, quia
fuit peccatum illius à Deo præuisum: sed idèò præ-
uidit Deus peccatum illius, quia is homo erat pec-
caturus. Quòd si dicas cum Caluino, Deum futu-
ra præuidere non posse, nisi quæ fuerint ab illo
designata; ita, vt, si peccata prænouit, sit asserendū,
peccata illius cōsilio designata fuisse, non solum
Deum iniquum facis, verū etiam diuinitate spo-
lias. Nihil enim tam videtur esse diuinum, quā
futura prænoscere. Vndè scriptum est apud Isaiā:
Annunciate, quæ ventura sunt in futurum, & scie-
mus quòd Dī estis vos. Ea autem, quæ causis ne-
cessarijs continentur, non tam futura, quā præ-
sentia sunt. Quocircà Astrologi cū defectus so-
lis atque lunæ multò antè prædicunt, non diuināt.
Si igitur Deum nihil aliud præuidere, quā qd
ipsius immutabili decreto cōtinetur, asseris: Deo
nihil plus tribuis, quā Astrologis: quo quid di-
ci potest amentius? Quòd si non intelligis, quo-
modo Deus immensa & infinita sapientia omnia,
quæ sunt euentura, siue illa sunt vi illius effici-
enda, siue benignitate illius toleranda, atque rur-
sus ad consilij ordinem reuocanda, præsentiat: mi-
rum non est, quando neque illius naturam potes

mente comprehendere, neque quanta sit illius maiestas, quanta vis atque prouidentia, suspicari. Sunt tamen, qui nimis imperitè rationem hanc totā exagitent. Hic enim sequi dicunt, vt Dei præscientia à rebus pendeat. Quid hic pendere appellept, nescio. Num vim illam intelligendi, atque omnia prouidendi, à reb. futuris sumi? nemo tam excors est, qui illud secum statuatur. Siquidem nè nos quidē ipsi, cum insitam intelligentiam in res aliquas oblatas intendimus, eam vim ab ipsis reb. sumimus: sed illam intelligentiam, quam habemus, in earum rerū explicatione exercemus. Si diuinā præscientiam dicimus, non à rebus futuris sumi; sed in ea tantum, quæ futura sunt, intendi: ita vt, si futura non sint, nullo modo ea futura prouideat? Quemadmodum neque quidquam iudicaret, nisi aliquid esset iudicio illius examinandum: neque aliquid denique prouideret, nisi futurum esset aliquid prouidentia illius dirigendum. Si hoc pendere aliundē appellant; appellent sanè, quo velint nomine: dummodò intelligant, nihil absurdi in hac sententia contineri. Fatemur enim, Deum futura non præuidere, nisi quia futura sint. Ergò inquires, id non potest non euenire: necessariò igitur eueniet: secus enim veritas illa sempiterna posset in falsum conuerti. Vidit, verbi gratia, Deus Iudā peccaturum: peccabit igitur Iudas necessariò. Pugnant enim hæc inter se, prænouit Deus Iudam peccaturū, & Iudas non necessariò peccabit. Si enim liberè peccabit, erit igitur in illo non peccare. Ponamus igitur nō peccare, cum vtrumuis illi liberū sit, si igitur non peccauerit, falli poterit diuina præscientia. Quod si fieri non potest, vt ali-

quid

quid Deum fallat, eueniat opus est omnino, quòd Deus futurum esse præsensit. Efficitur itaque omnia necessariò euenire. Hæc qui sic colligunt, minimè vident se contra Dialecticam disciplinam argumētari. Sic enim traditur, sublato eo, quod consequēs est, tolli etiam, quod antecedit. In reciprocis igitur enunciationibus cū altera alteram mutuo consequatur, vna perempta, & alteram perimi atque tolli necesse est. Veluti hominem esse, & rationis esse participem, reciproca sunt: mutuo enim se consequuntur. Si enim homo est, rationis particeps est. Si igitur è contrario rationis particeps non est, homo certè non est. Cū igitur Iudam peccaturum, & Deum id peccatum ex æternitate omni prouidisse, sint reciproca (si enim Iudas peccaturus erat, id peccatum fuit antè præuisum: & si fuit præuisum, erat peccaturus) efficitur, vt, si peccaturus non fuit, nec antè à Deo peccatū illius præuisum fuerit. Si liberè, inquis, peccauit Iudas, potuit non peccare. Rectè sanè. Ponamus non peccare. vt lubet, inquam, dummodò etiam id ponas, quod consequens necessariò est: nempè Deū minimè eum peccaturum prouidisse. At, inquit, iam inter nos erat constitutum, Deum id præuidisse? Erat quidem: sed ita, si ille esset peccaturus. Sunt enim hæc connexa, & ita copulata, vt se iungi nequeant: nempè, quod futurum est, esse prouisum: & quod prouisum antè fuit, esse futurum: ita tamen (quemadmodum antè disputauimus) vt illa prouisio non necessitatem inferat; sed, quorsum res casura sit, necessariò prænoscat. Quoties igitur aliquid futurum negas; toties id, quod est consequens, negare necesse est:

nempe id ipsum fuisse antè à Deo cognitum, nempe minimè futurum. Quod igitur tibi dabā, nempe Deum id antè cognovisse, ea lege dabam, vt tu etiam mihi cōcederes, fore, vt Iudas, cū vtrūque in illius potestate fuisset, mallet tamen officium prodere, quā debitam fidem tuori. Cū igitur statuis, Iudam maluisse permanere in fide; statuas etiam opus est, non in illo perfidiam, sed fidem fuisse præcognitam. Quod autem Dei præscientia, decretum illius sempiternum natura atque ratione semper antecedit, ita vt neque antè approbet, neque improbet quemquam vllō modo, quā aliquid in ijs, de quib⁹ statuit, antè prospiciat: non tantum sanctorum hominum auctoritate, sed sacrarum etiam literarum testimonio confirmari potest. Paulus enim, Quos præsciuit, inquit, & prædestinavit. Vides, quomodò præscientiam anteire, consequi autem prædestinationē demonstrat? In eadem verò Epistola ait: Vt secundum electionem Dei, propositum maneat, non ex operibus, sed ex vocante; dictum est ipsi, quòd maior seruiat minori. Loquitur autem de Rebecca, quæ geminos filios aluo continebat. Hic etiam electionem ostendit propositum, hoc est anticipatum illud Dei iudicium, quo aliquē destinat ad æternam gloriam, semper antegredi. Licet enim doceat, non meritis hominum gratiam Dei conciliari (non enim, quòd electi aliquid in vita præclari gessissent, fuerūt in gratiam Dei recepti, sed postquam recepti fuerunt, tunc multa præclara gesserunt) licet igitur doceat, omnia debere gratiæ diuinæ tribui: ostendit tamē, Deum elegisse, in quos gratiæ suæ opes conferret. Ea autem ratione interdum

terdum fidelium nationem electionem appellat, quod sint à communi hominum multitudine selecti. Quod, inquit ille, quærebat Israel, hoc non est consecutus: electio autem est consecuta. Vnde etiam passim omnes sanctos appellat electos. Qui electos esse dicit, aliquid profectò in illis fuisse statuit, quod in improbis non fuerit, ob quod facti sunt clementiæ diuinæ participes. Electio enim rei alicuius, absque aliquo discriminis in re ipsa consistentis iudicio, constare non potest. Quid autem **DEVS** in eligendis hominibus sequutus sit, idem Paulus aperit, dicens: Quid dicemus? quod gentes, quæ non sectabantur iustitiam, apprehenderunt iustitiam: iustitiam autem, quæ ex fide est. Israel verò sectando legem iustitiæ, in legem iustitiæ non peruenit. Quare? quia non ex fide, sed quasi ex operibus legis. Quo in loco planè videmus, **DEVM** in hominibus eligendis fidem præuidisse; in sceleratis autem perfidiam, arrogantiam, contumacisque animi peruicaciam. Petrus item, cum in principio Epistolæ suæ salutem adscribit fidelibus, eos electos esse dicit, secundum Dei præscientiam. In quo planè demonstrat, Dei prænotationem, ipsius præfinitionem, aut (vt iam trito more loquamur) prædestinationem anteire. Ideò enim decreto suo aliquid de hominibus, qui nondum nati sunt, antè definit: quia quid ab illis gerendum sit, antè cognoscit. Sed quid aliorum testimonia conquirimus, cum huius sententiæ auctorem ipsum Dei filium habeamus? Nunquid id obscure pronunciat? nunquid inuolucris & ambagibus obscuritatem rebus clarissimis affert aliquando, & non potius apertissime, quid de

hoc statuendum esset, exponit. Cùm enim in suorum conspectu futuri iudicii rationem constituit, futurum ait, vt mittat electos in sempiterni regni possessionem, quod paratum est, inquit, vobis à constitutione mundi. Per constitutionem mundi, non tam mundi huius nascentis exordium, quàm ipsius designatio, mente diuina concepta, intelligenda est. Quæ, cùm sempiterna sit, nihil aliud est, esse regnum alicui à constitutione mundi paratum, quàm à sempiterno tempore constitutum. Sed rationem, cur Deus ab æterno tempore quosdam elegerit, & ad regnum immortale destinaret, consequens est, vt ab eodem summo iudice attentissimis mentibus & auribus audiamus. Esuriui enim, inquit ille, & dedistis mihi cibum: sitiui, & dedistis mihi potum: hospes eram, & hospitio excepistis me: nudus, & operuistis me: infirmus, & visitastis me: carcere inclusus, & venistis ad me. Quia ergo pater vidit fore, vt hi Christum fide cõciperent, eaque fide tandem vehementius incitati, omnia benignitatis officia, cùm in omnes homines, tum vel maximè in Christi fratres atq; membra conferrent: idèd à sempiterno tempore regnũ illius sempiternum atque florentissimum designauit. Sequitur autè: Tũc dicet ijs, qui à sinistris eius erunt, discedite maledicti, in ignem æternum, qui paratus est Diabolo, & Angelis eius. Hic similiter videmus esse iniustis supplicia æterno Dei consilio definita, Si rationem exquiris, eam adducit, quòd fuerint in eum inclementes & inhumani; quòd nullum illius nomine in miseros & afflictos officium benignitates & clementiæ contulerint. Mentis igitur impiæ rebellio, duri & contumaciæ

animi peruicacia, cum diuina lege pugnans, & emittens inde crudelitas & immanitas, diuina mente præcognita, fuit in causa, cur iam ab æterno tempore Deus eos sempiterno exitio deuoueret.

Quid igitur? num grauiorem aliquem authorem desideras? audis diuinę vocis oraculum: audis veritatis ipsius sempiternę testimoniũ: audis ipsum Dei filium iudicij sui ratione suis discipulis aperientem: & tamen, hac disciplina relicta, alias rationes exquires? alias causas excogitabis? & ingenij tui acumen temerè iactabis? in eosque te laqueos indues, quibus expediri nullo modò possis? Cùm igitur hæc sententia non modo sit recta ratione, sanctorumq; hominum testimonio munita; cùm etiam sit nõ solum Apostolorũ authoritate comprobata; verũ etiam ipsius Christi clarissima voce atque sententia confirmata: ita tamen erimus imbecilli, vt propter inanes quosdam Pelagij timores, & laruarũ etiã formidines, illam tueri formidemus. Quid enim habet illa cõmune cum Pelagij impietate? Num asserit, hominem absq; Dei gratia posse vitam suam rectè constituere? Num in cælũ posse quenquã absque diuina ope conscendere? Num Deũ ad homines euocandos, clementissimè subleuandos, aliquot hominum meritis astringi potuisse? Minimè quidem. Quid igitur? nè ab ijs opinionibus, quę quasi dictata redduntur, discedamus, Christi sententiam sequi non audebimus? & hominum conscientias curis tristissimis afficiemus? perplexisq; opinionibus nullum exitum habentibus multorũ animos implicabimus? Quid enim magis possit mentem miseri hominis afficere, non reperiõ; quàm illa cura, quę sæpenumero

animos quorundam hominum peruagatur ; dum cogitant, sese, si iam sunt exitio destinati, non posse id effugere; sed velint, nolint, esse iam sibi subeundam pestem æterna necessitate definitam: cum facile sit hac communi sanctorum, atque adeò Christi sententia, posse quemlibet, si velit, sibi omnia de diuina benignitate & clementia polliceri? Omnes enim possumus, Dei ope premuniti, vitare scelus, et pietatem omni mente colere, & sic beatis annumerari. Obijciunt tamen quidam quæstiones innumerabiles, qualis illa est de Tyrijs, & Sidonijs, qui quidem, teste Christo, si diuina illius opera vidissent, vitæ flagitia multis lachrimis expiassent; Itè de pueris infantibus, qui sine lustratiõe à vita discedunt: de ijs etiam, qui in extremis atque vltimis gentibus positi sunt, ad quos nunquam Euangelium penetrauit. hos omnes disputant, non perfidia sua (neque enim vnquam Euangelium fama & auditiõe perceperunt; vt ea causa dicamus eos interijssè, quòd Euangelio restitissent) sed idèd tantum, quòd fuerint à Deo improbatì, perijsse. Quibus omnibus vt breuiter satisfaciam, ita respondebo. Tantànè estis confidentia, vt iam vobis omnia diuina consilia compræhensa putetis? Sic enim argumentamini, quasi sit necesse, si causæ vllò sint diuinorum consiliorum, eas vobis cognitæ esse. Ex eo enim, quod vobis cognitæ non sunt, causas subesse negatis. Nam quid hoc aliud est? multi sunt, qui intereunt: huius interitus causam non teneo: nulla igitur causa est, cur intereant. Est igitur eorum interitus ad æternum decretum absque vllà causa referendus. Sed libenter audierim, vtrùne sit æquius, ex illis diuini iudicij causis, quas mente cõ-

pro-

prehensas teneo, colligere ea etiam, quorum causas non assequor, non sine causa & ratione constitui? an potius ex eo, quod aliquam diuini iudicii rationem ignoro, eas etiam rationes, quas à Christo didici, vniuersas negare? Exempli gratia, corruit turris Siloë, atque ruinā suā sceleratos homines oppressit. Vt autem è Christo didicimus, turris illa non absque Dei consilio corruit, voluit enim Deus homines illos scelestos cōterere, vt illa sui iudicii significatione reliquos simili scelere coniunctos à flagitio reuocaret. Si modo corruat domus aliqua, quæ satis firma videatur, multosque mortales obruat, essetnet magis piæ rationi consentaneum, si alterutrum esset necesse, suspicari, has etiam ædes non absque diuino iudicio corruisse, quamuis iudicii diuini rationem nō teneā, an ex hac mea inscientia colligere, contra Christi testimonium, neque illam quidem turrim Siloë diuino iudicio cōcidisse? Hoc enim perindè esset, atque si aliquis, eò quòd vim herbæ vnius ignoret, concludat, neque in alijs herbis aliquam vim ad morbos hominum pellendos inesse. Quò quid fingi potest stultius? inscitiam tu pro argumento sumas, ad omnia, quæ sunt fortasse alijs comperta, omninò labefactanda? & quasi esset necesse, si aliqua causa subesset; eam tibi perceptam esse; ita omnia, quorum causam non vides, temerè & importunè negabis? Isto enim modo naturā propè vniuersam conuelles. Nec enim millesimam naturæ partem ex causis intelligis. Ergò, si earum rerum quas contrectas manib⁹, & oculis intueris, causas ignoras; me cōges, vt tibi omnium consiliorum diuinorum causas explanem? ita enim vrges, quasi
sic

fit mihi necesse confiteri, si rationem alicuius iudicij diuini reddere nō possim; eorum etiam, quorum rationem didici, causam nullam prorsus extare. Vide, quantum inter tuam & meam sententiā inter sit. Tu ex causis, quas ignoras, eas etiam, quas nosse facillimè potes, euertis. ego contrā ex ijs causis, quas noui, ea etiam, quæ non intelligo, non sine causa euenire confirmo. Nihil enim diuina sapientia molitur sine summo consilio, æquitate, ratione. Cū igitur aliquid à Deo geri perspicis, causam indagato, si potes: si non potes, ab eo tamen nihil sine causa fieri, tecum ipse constitue. Fateor igitur me nescire, quod nescis: neque sum curiosus in diuinis rebus temerè perscrutandis: video me certis finibus circumscriptum; quos transilire minimè liceat. Non eum sapientiæ gradum affecutus sum, ut cum Moyse possim in montem Dei conscendere. Terret me vox illa Domini, extremo supplicio sancietis, si qui iniussu illius ad verticem montis euadere nituntur. Hoc vnum tamen scio, nihil à Deo sine summa ratione fieri. Ut tamen aliquid dicam, Tyrij & Sidonij non fuerunt ope diuina destituti: potuissent enim naturæ operibus admoneri, & diuinis vocibus animum pulsantibus ad pietatis studium incitari. Si igitur damnati sunt, merito damnati sunt: Diuino siquidem spiritui, qui eos ad se vocabat, obstiterere. Certè inquires, si Christus apud eos versaretur, ope firmiore stabiliti, à vitijs omnibus emerisset. Fateor equidem. Cur igitur, inquis, eo tempore, quo gentes illi se ad eum ad illius disciplinam dociles præbuisent, non apud eas potius, quàm postea apud Iudæos, diuinam virtutem suam operibus

bus indicauit? Quia nondum maturum tempus aduenerat: & ratio diuini consilij postulabat, vt magis vniuerso generi humano, quàm paucis ciuitatibus esset Christi aduentu consultum. Eo igitur tempore aduenit Christus, in quo genus hominum erat maioribus malis impeditum, &, quod magis opportunum fuit ad vniuersum genus è Diaboli tyrannide liberandum. Nam de pueris primùm dicā, ignorare me, an diuina clementia valde eis prospexerit, cum eos immatura, vt videbatur, morte de medio sustulit. Deindè, nullum eis supplicium, vt iam superiùs diximus, irrogari. Illorum item salutem, quibus Euangelium enuntiātum non est, desperandam non arbitror. Si enim crediderint, Deum esse & se inquirentes remunerari, & hac fide vitam omnem direxerint: certè maiore quodam lumine illustrabuntur, & ad gloriam diuinam tandem Christi præsidio aspirabunt. Quomodo, inquires, absque Iesu nomine salutem poterunt adipisci? Nec enim est aliud nomen sub cælo, in quo oporteat nos saluos fieri. Rectè: omnes enim, qui à mundi primordio salutem sunt adepti; in quibus hi etiam annumerandi sunt, Christi meritis, atque virtute conseruati sunt, neq; sine illius illustratione ad beatam vitam peruenēre. At dices, si gentibus illis fuisset Christi mysteriū apertè nunciatum, floreret apud eos vera pietas, atque religio, multoq; plures ex illis seruariētur. Credibile quidem est: sed illam culpam tu in desidiā nostram potius quam in aliam superiorē causam conferto. Deindè statue, illos nō esse diuino auxilio penitus orbatos; ita vt, si velint, (velle aut eis liberū est) iustitiā tandem fide obtinere nō possint.

possint: Postremo, cum maturitas temporis, Dei consilio definita appropinquauerit; erit tunc fortasse melius vniuersi genti consultum, quod nunc iam fieri videmus. Cernimus enim Aethiopiam, Indiam vniuersam, Sinarum quas extremas, innumeralesque alias nationes, ad Christum studio inflammato confluere, omnesque regiones crucis insignibus illustrari. Hæc cum dico, non mihi videor oracula fundere, neque de Christi sententia omnia pronunciare. Quare omnes meos sensus Ecclesiæ submitto, quæ est firmamentum atque columna veritatis. Vt tamen hæc non sint, illud certe quod Christus ipse me docuit, ad extremum tenebo: nempe liberum esse mihi, dedecus vitare, præclara moliri, honestatem amplecti, studio pietatis & religionis inflammari. Neque, si omnia non assequor, continuo sequitur, Deum absque vlla causa, nisi tantum, quia libuit, aliquem perdere statuisse. Id enim de Deo suspicari, est impium facinus, & vehementer execrandum. Fieri quidem necesse est, ut multa in posterum spectet diuina sapientia; quare sic potius, quam alio modo res ipsas moderari statuatur; quæ tamen ingenio consequi minime valeamus. Fieri tamen non potest, ut aliquid is sine causa constituat. Nec enim habet vllum temeritas cum diuina mente commercium. Quare perditorum hominum contagium penitus arceamus; & libertatem, quam Deus est nobis elargitus, ita retineamus, ut nulla vnquam impia vox & oratio, nos ab eiusdem possessione depellat. Longius fortasse elatus sum in hac quaestione explicandâ, quâ muneris instituti ratio postulabat. Sed, cum iustitiæ colendæ facilitatem explanare voluissem, omnia

impe-

impedimenta, quæ mihi vel ab aduersarijs impiè, vel à nostris imperitè opponebantur, repellenda putari. Nunc restat, vt breuiter ostendam, quàm prompta & expedita sit iustitiæ disciplina; nec solùm esse in nobis, quod planè demonstratum arbitror, flagitia omnia vitare, libidinisquè ipsius impetum recta ratione comprimere; verùm etiam iustitiæ splendorem & dignitatem facillimè tueri. Immanis est & fera cupiditas: multùm valet ad conturbandos animos iracundiæ furor: voluptatis autem blanditiæ, mirum, quantum possunt ad mentis aciem obscurandam: doloris verò faces, totum animi statum excindunt. Infinita sunt vndique pericula miseris hominibus intenta, hominis autem natura est fragilis, & imbecilla, leuiq; flatu in varias partes iactata, minimis etiã malorum fluctibus frequenter obruitur. Quomodo igitur, inquires, in tanta virium humanarum imbecillitate, contra tantas & tam immanes opes poterimus diuinum iustitiæ statum adipisci, aut partem perpetuò retinere? Si vires tuas consideres, nullo modo: sed si diuinas opes, quæ, si velis, tibi semper aderunt, animo complectare, nihil erit facilius. Pone me, inquit ille, iuxta te; & cuiusuis manus pugnet contra me. Sit quantumuis immanis & fera libido, sint hostes crudeles & importuni, maximisque exercitibus constipati, bella vndique contra nos furibundi homines atque perditii moliantur, ipseque inferorum manuum princeps omnes copias suas educat: quid tandem poterunt ijs nocere, qui fuerint diuino auxilio premuniti? si dicas igitur, te non posse tuis viribus hostibus valentissimis obsistere, confitebor: si diuinis, non

solum negabo, sed te etiam impietatis simul & a-
 mentie conuincam. Etenim, si Rex quidam maxi-
 mus, cui ego subditus essem, mihi soli nudo & in-
 ermi praeceperet, ut urbem hostium munitissi-
 mam intra paucos dies expugnare: is certe furio-
 sus esset habendus, cum id mihi praecepisset, quod
 exequi nullo modo possem. Sed si is mihi machi-
 nas, tormeta, commeatum, vim; exercitum, copias
 assignasset, easque mihi opes tribuisset, quibus
 non vnam modò urbem, sed regna etiam, & im-
 peria, & nationes vniuersas possem, si liberet, ex-
 cindere: id si exequi neglexissem, non ille amens
 & iniquus vllò modo; sed ego ignauus & impro-
 bus essem meritò indicandus. Ita cum mihi Deus
 ea praeceperet, quae meis, hoc est, naturae tantum opi-
 bus praestare non possum, atque diuina praesidia
 pollicetur, fidemque dat, se praesentem fore, atque
 pro me certamen initurum; hostesque meos, si mi-
 hi deesse nolim, in fugam facile conuersurum: id
 si ego tantis opibus intructus facere recusarem; non
 ille iniquus, quasi difficilia praescripserit, sed
 ego nefarius sum existimandus, quod Domini im-
 perium contempserim. Hoc praecceptum, inquit
 Moyses, quod ego praecipio tibi hodiè, non supra
 te est, neque procul positum, neque in caelo si-
 tum; ut dicas, quis è nobis in caelum potest ascen-
 dere, ut deferat illud ad nos, ut audiamus, atque
 opere compleamus? neque ultra mare posi-
 tum, ut dicas, quis traiciet mare, ut illud ad nos
 usque deferat, ut possimus audire, & facere, quod
 praecceptum est? prope est verbum in ore tuo, &
 in corde tuo, ut facias illud. Hoc, quod ait prae-
 ceptum, esse cordi infixum, iam non est legis ip-
 sius

sius lapidibus incise; sed fidei præcordijs insculptæ officium & munus. Si enim fidem diuinis promissis adhibemus, præsidium repente diuinum consequimur, quo facillimè omnia, quæ sunt nobis imperata, faciamus, atque ita salui simus. Si cōfitearis, inquit Paulus, ore tuo Dominum Iesum, & corde tuo credideris, quòd Deus suscitauit illum à mortuis, saluus eris. Quomodo saluus? nūquid alia est ad salutem via munita, quàm ea quæ diuina lege continetur? nulla prorsus. Fremant, quantum velint, homines petulantes & improbi; atq; clamoribus etiam, si lubet, disrumpantur. Nemo enim, nemo inquam, mentis & rationis compos salutem consequetur, nisi legem seruauerit: aut certè, quòd idem valet, ad eam seruandam animo promptus atque paratus extiterit. Sed quia nemo potest sine Dei præsidio nefariam cupiditatem, quæ Dei legi est inimica, repellere, atque diuinis institutis obedire; præsidium verò diuinum fide tantum consequimur, atque ita facillimè præcepta legis obseruamus: ideo dicitur, nos fide saluos fieri. Fides enim facit, vt Dei legem in animo incisam habeamus, atque ita sempiternum salutis foedus cū Domino faciamus. Ergò, cū habemus Dei legem intimis animi sensibus inclusam, euenit, vt compressa cupiditate, extincta libidine, sublata cōtumacis animi prauitate, fiat repete animus ipse spiritus diuini sacrarjū, & omni mente in ipsius diuinæ legis studium incitetur; atque, vt vno verbo dicam, iustitiæ diuinæ magnificentiam & decus comprehensum animo contineat. Quid enim aliud est iustitia, quàm status animi ita lege diuina constitutus, vt nihil

DE IUSTITIA

inſit in illo Dei moderationi contrarium ? Fide
 igitur firmati & ſtabiliti, promiſſum à Deo auxi-
 lium obtinemus , quo facillimè Dei legem ſer-
 uamus , atque ita ſalutem conſequimur . Quo-
 circa rectè dicitur, fide tantum poſſe legem di-
 uinam impleri: non quòd inaniter credendo, ni-
 hilque honeſtum & præclarum animo moliendo,
 poſſit vlllo modo legi ſatiſſieri; ſed quia fide, pro-
 miſſi diuini compotes: illiusque præſentis auxi-
 lij participes efficimur; atque ita vires inuictas af-
 ſequimur, quibus omnia legi contraria repella-
 mus, & inflammatis animis ad ipſius legis diuinæ
 ſtudium rapiamur . Si igitur crediderimus, vt
 Paulus ait, ſalui proſectò erimus. Non enim cu-
 piditatem, non libidinem, non flagitia infinita
 venerabimur: non animum diuerſis & inter ſe re-
 pugnantibus curis diſtractum geremus: ſed vnum
 Deum intuebimur: illum amabimus: ad illius glo-
 riam omnia noſtra ſtudia dirigemus: opibusque
 illius quotidie magis inſtructi, & inuictis præſi-
 dijs ſtipati, omnes hoſtium arces munitiſſimas ex-
 pugnabimus . Eo namq; amoris ſœdere Deo con-
 iuncti ſumus, vt nullo pacto, quandiu in fide per-
 manemus, ſimus ab illo deferendi : ſed potius cæ-
 leſtibus copijs perpetuò firmandi, atq; ſempiternis
 bonis mirificè locupletandi. Cùm igitur in nobis
 iuſtitia ſit, & præter hoc ampliſſimum Dei munus,
 ſimus perpetuò Dei cuſtodia muniti, facile poſſu-
 mus hæc omnia munera indies amplificata tueri,
 atque conſeruare. Multò enim hæc magis in noſtra
 poteltate ſunt , quæ in Dei benignitate ſita ſunt,
 quàm ſi in nobis ſolum atque in natura fuiſſent.
 Nos enim, cū ſimus amentes & imbecilli, facile no-
 ſtra

stra bona profundimus: & semel amissa recuperare non possumus. At, quæ in Dei benignitate sunt posita, facile illius ope conseruamus; & elapsa de manibus facile benignitate illius recipimus. Ve enim patrimonium sapientissimi patris industria gubernatum, multò securius est, quàm si fuisset omnino in filij prodigi manibus atque consilio relictum (patris enim prudentia non modò retineri, sed etiam augeri potest: filij autem temeritate dissipari facillimè; atque in libidine & flagitio consumi necesse est:) sic magis nostra ducenda sunt ea, quæ sunt in Dei benignitate constituta, quàm si in nostra solùm industria & consilio posita fuissent. Nos enim nobis deesse possumus: ac Dei benignitas nobis, quoties fidem amplexabimur, deesse non poterit. Non enim tam communis est solis claritas oculis animantium, non tam latè patet aëris in omnes partes diffusi natura, nō aqua, non ignis denique tam est omnium mortalium vñibus expositus; quàm est gratia diuina omnibus qui illam adipisci & conseruare voluerint, parata. Cælum nanque citiùs euanescet, quàm possit gratiæ diuinæ fructus fidei denegari, aut splendor illius & dignitas aboleri. Si igitur frui lumine solis est magis in nostra manu, quàm his opibus uti, quæ aut à natura habemus, aut industriæ consecuti sumus: (illa enim aut morbo, aut aliqua vi nobis eripi possunt: sol autē viuus eripi non potest:) multò certè magis est in nostra manu ex gratia diuina sempiternos fructus excipere, quàm naturæ muneribus uti: adsit modò vera atque germana fides, nullum erit tantum malum, quod nō facile vitemus, nullum tantum bonum, quod non

adipiscamur, Si enim sumus morbis oppressi, sanabimur; si vincti, liberabimur; si merentes, exultabimus; si pauperes, abundabimus; si exules, restituemur; si mortui, reuiuiscemus; si notati ignominia, decus & gloriam consequemur; si versamur in bonis, in eorum tandem secunda possessione collocabimur. Quacunque tandem conditione simus, semper nobis Dei benignitas accurrit, si eam fide requiramus, & pia prece flagitamus; & ita aut amissam iustitiam recuperamus, aut munus illius quotidie magis augemur. Sic fit, ut nulla sit possessio firmior. Nititur enim diuina promissione, quæ neminem vnquam fefellit, neque fallere vnquam poterit. Hanc autem promissionem fides spectat, huius fiducia nititur, in ea cõquiescit. Ideo ex fide, inquit Paulus; ut secundum gratiam firma sit promissio. Qualis tandem est ista promissio? ut qui cum fide Christi ad Deum accesserint; & scelere soluantur, & execratione, qua fuerant deuincti, liberentur, & Dei legem habeant in animis inscriptam, & spiritus sancti numen comprehensum animo contineant, & vitam nullo flagitio contaminent: sed eam Dei lege moderentur; ut, quemadmodum est apud Ezechielem, in Dei præceptis ambulent, & opera sancta & præclara perficiant, ut denique iusti sint. Huc enim omnia diuina promissa referuntur, ut animos omnium hominum certa spe iustitiæ confirmet. Non sunt igitur iustitiæ parandæ causa terræ penitus eruendæ, maria omnia transmittenda, regiones vltimæ peragrandæ. Præstò enim est, quoties illius suauitate frui concupieris. Nec enim solum iustitiã, sed ipsius iustitiæ parentem tecum semper, si volueris, habere.

habebis. Nec enim nos ad illum prius accedimus, quàm ipse ad nos adueniat, in animisq; nostris ià gratia illius liberatis stabilem sedem sibi cōstituat. Cùm igitur immensa Dei potentia nullis finibus possit ratione aliqua circumscribi, cùm illius benignitas tam latè pateat, vt omnibus obuia sit, vniuersumq; genus hominū ad se alliciat & inuitet, omnibus denique clementiæ suæ fructū polliceatur; quis potest ambigere, quin sit iustitiam obtinere facillimum? Nō enim viribus humanis, sed diuinis ad eam enitimur: & quò natura est infirmior, eò facilius possumus ad iustitiam peruenire. Minus enim efferimur, & insolescimus: minus nos ipsos diligimus: minus nobis assumimus, quò magis nostræ naturæ imbecillitatē cognoscimus: & ita facilius nobis ipsi diffidentes, toti è diuina clementia pendemus, & multò constantius in fide permanemus. Quò autē fides est acrior & vehemētior, eò maius & amplius auxiliū nobis à Deo cōparamus. Habem⁹, vt, inquit Paulus, thesaurū istū in vasis fictilibus; vt hæc tā excellens vis sit Deo, & nō nobis, attributa. Est igitur nobis vtilis infirmitas naturæ: siquidē illius cognitiōe fides acrius excitatur; & animus ita fit indies ope diuina robustior. Quocirca idē Paulus ait, se tūc esse fortiorem, cū se infirmiolem agnoscit. Illud autem oraculū mirificè amplexatur, quo dicit, Dominum se his verbis alloquutum fuisse: Paule sufficit tibi gratia mea. Nam virtus mea in infirmitate perficitur. Magnis itaque vocibus testificatur Paulus se omnia posse, nō naturæ viribus, sed ope illius, qui mentes hominis fidelis inuicta virtute corroborat, atque confirmat. Quid illud?

pōne satis magno argumento est, esse nobis e-
 gregiam colendæ & exercendæ iustitiæ faculta-
 tem diuinæ gratia tributam; quòd nemo vnquam
 se totum ad illius studium applicuit, quin in-
 tra breue tempus & exiguum, ex illa maximos
 fructus assequeretur? Nullum enim studium, nul-
 la cura, nullus conatus exitus tam felices habet.
 Quot millia pecuniæ cupiditate flagrant, & il-
 lius causa immensos labores excipiunt? Quotus
 autem quisque diuitias assequitur? Quid, qui vo-
 luptatibus seruiunt? Quid, qui honores ambiunt?
 Quid, qui aliquid aliud in vita terrenum & cadu-
 cum sitienter appetunt? Quid illi etiam, qui ar-
 tium studia consecretantur? Nunquid alicui cona-
 tus adeò feliciter successit, vt ad id, quod vellet,
 quemadmodum vellet, aliquando tandem perue-
 niret? Imò, quò maioribus vigilijs, atque labore
 franguntur; minus sæpenumero votorum compo-
 tes euadant. Sic etiam sunt res humanæ; inani qua-
 dam specie homines impellunt, eis quæ falsa spe e-
 rectis & concitatis illudunt. Sic enim cupiditatē
 incendunt, vt incensam minimè restinguant; sic se
 hominibus offerunt, vt se sequentes effugiant; & cū
 maximè contingi manibus, atque apprehendi vi-
 dentur, elapsæ protinus euanesçūt; neque quid-
 quam aliud, quàm dolorem animis inultū relin-
 quūt. Cū igitur ex hominū infinito propè nume-
 ro, pauci admodum, id, quod vniuersi cupiūt, af-
 secuti videntur; & idcirco vulgò beati reputantur,
 ipsi tamen experiundo sentiunt, sese sine vllō
 fructu vitam in maximò & assiduo labore contri-
 uisse: omnium igitur hominum, qui rebus terre-
 nis addicti sunt, & cælestia non suscipiunt, labores

inanes existūt. At qui fluxis & interituris reb. abiectis, se totos conferūt ad iustitiæ cultum, inaneque iustitiæ simulacrum spernunt, vt veræ fructū consequantur, eaq; de causa, neglectis hominum studijs, diuinis tantum opib⁹ innituntur: mirū est, quàm subito commutentur; vt vno temporis momento, ex impuris casti, & ex sceleratis pij, ex avaris benigni, ex ferocibus mansueti, ex ignavis strenui fiant. Quantos autem progressus faciāt, quàm admirabiles fructus ex iustitiæ cultu percipiant, explicari non potest. In diuinæ nanque legis studium ingressi, non tam currunt, quàm aduolant, vt in cæli aditum intromissi, Dei suauitate perfruantur. Efferuntur, inquit Isaias, alis, vt aquilæ; neque in cursu aliqua ex parte debilitati frangūtur. Quid illud? nōne satis indicat, quàm sit facilis iustitiæ cultus, quòd neque teneræ puerorū ætati, neque infirmo virginum sexui sit aditus ad amplitudinē illius interclusus? Multos enim legimus in eunte ætate sic fuisse iustitiæ studio incensos, vt illius tuendæ gratia nullum cruciatum recusarent. Sic igitur efficitur, nihil esse iustitiæ facilius. Nā, qui in reb. alijs inanissimis parandis frustra sudamus, atque laboramus, & sine vllō fructu totā vitam consumimus: in re vna omnium maxima querenda, nunquā operam perdimus: sed, cū primum ad illam ritē aspiramus, statim nobis occurrat, mentesq; nostras opibus diuinis exornat. quod quidem minimē mirandum est. Nam ad reliqua omnia, quæ sunt fluxa, falsa, fallentia: proprijs viribus & industria nixi contēdimus: ad diuinę verò iustitiæ fructum, nullo modo, nisi diuino auxilio confidētes, enitimur. Quid autem de illius ampli-

ficatione dicendum? nullis enim finibus Dei clemencia terminatur: nullis spatijs benignitas illius includitur: nullū est vltimum, in quo multū in iustitiæ studio progressus, tandem possis infistere. Reliquum est igitur, vt quantū velis, exoptes; quātum optaueris, poscas: quantum poposceris, te impetraturum confidas: & cū magnū aliquem iustitiæ gradum adeptus fueris, ad altioreni repente contendas; neque vllis bonis contentus ad maiora & altiora nitare, & semper immensa & infinita concupiscas. Explebit enim cupiditatem tuā clementissimus ille Dominus, & quō ardentius fiteris, eō bibes affluentius. Dilata, inquit ille, os tuum, & implebo illud. Vndē Dauid mentē suam excitat ad tantæ magnificentiæ atque liberalitatis laudes egregiē cōcinendas: illumq; optimū parentem perpetuō celebrandum, qui desiderium, quātumuis magnum & infinitum, replet. Quamuis igitur aliquid amplū & magnificū consequare, cū semper aliquid in reb. diuinis ampli⁹ occurrat: (neq; enim fieri potest, vt in reb. infinitis finem aliquādo reperiās:) semper aliquid erit noui, quod optes, quod obsecres, quod adipiscare. Sic igitur eueniet, vt semper exoriāre, & alijs atq; alijs munerib. exornatus, nouis gaudijs exultes, & recenti voluptate quotidie cūmuleris. Quod adeō verum est, vt Paulus, in cuius mente Christus sanctissimum domicilium sibi constituit, fateatur, se nunquā in gradu aliquo iustitiæ conuiescere; sed muneribus partis minimē contentum ad maiora contēdere, atque nouis quotidie opibus illustrari; & cum magna quædam ornamenta fuisset consequutus, maiora statim cōcupiscere. Si igitur

nihil

nihil est iustitia præclarius, nihil utilius, nihil pulchrius, nihil iucundius, nihil in vniuersa natura magnificentius; si ea Deū hominibus coniungit, & homines splendore diuinæ pulchritudinis informat; si nō possumus ab illi^o studio segregari, quin in extremam miseriam & in hostium immanium tyrannidem incidamus; si postremo constat, nihil esse facilius, quàm illius utilitate, iucunditate, & amplitudine frui: quid obstat, quò minùs omnes nostras cogitationes, omnia studia, officia & consilia, omnes animi vires ad studium illius conferamus? Quid enim amentius, quàm in rebus inanissimis, ijsq; in casu & temeritate sitis, omne vitæ studium frustra ponere: in re autem omnium præclarissima, quæ prompta, atque parata est omnib. eam inuenire cupientibus, nullam operam nauare? Ut autem melius, quantus sit illius splendor, & quàm excellens decus, intelligi possit, atque mente cerni, nihil esse pulchrius & amabilius; deinceps, quod iam magna ex parte fecimus, de illius utilitate & amplitudine disseremus.

LIBRI NONI FINIS.

HIERO.

HIERONY- MI OSORII LVSI- TANI EPISCOPI SIL- VENSIS,

DE IUSTITIA

LIBER DECIMVS.



Vam sit iustitiæ studiū facile & ex-
 peditum omnibus, qui diuina cle-
 mentia nixi, toto animo sunt in di-
 uinam illius speciem cōuersi, sum-
 mumque illius splendorem & ma-
 gnificentiam admirantur; satis ex-
 plicatum arbitror. Vt autem magis nobis infixū
 sit, in nulla re esse flagrantiori studio, maioreque
 virium omnium contentione elaborandum; ope-
 ræ pretium arbitror, eius pulchritudinem clarius
 intueri, fructusque illius amplissimos memoria
 replicare. Iuuat enim, ea, quæ cælesti specie ante-
 cellunt, non semel tantum aspicere; sed mentis as-
 pectum identidem ad eorum considerationem re-
 uocare; mirabilemque illam formam & venusta-
 tem in mente defigere: vt de illa noctes atque dies
 acrius & attentius cogitantes, illius cupiditate ve-
 hementius inflammemur. Est igitur iustitiæ ratio
 nobis in primis oratione repetenda. Est autem iu-
 stitia nihil aliud, quàm status animi Dei lege con-
 stitu-

stitutus, atque ad numen illius expressus, diuinas opes conseruans, & continens. Lex autem ea est diuinæ mentis moderatio, & rationis omnia imperio sempiterno continentis æquabilitas, vno societatis & coniunctionis vinculo vniuersam naturam deuinciens. Huius autem moderationis & ordinis vestigia minimis etiam in rebus impressa cernimus: nihilq; omninò posse sine præscriptione illius statum suum incolumem ab interitu conseruare, perspicimus. Summa nanque vis est, & in omnes partes diffusa in ordine atque modo rerum omnium, incredibilis in numerorum ratione, & in naturæ ipsius æquabilitate concinnitas. Ea nanque efficit in corporis constitutione sanitatem, in membrorum apta compositione pulchritudinē, in modulatis vocibus harmoniam, in conuenienti corporis motu venustatem, in hominum coetu iure deuincto concordiam, in omnibus denique rebus, quoties adhibetur, insigne decus & elegantiam. Neque solum decus eximium numero, lege, & moderatione conficitur; verum etiam omnium rerum salus, naturæque totius stabilitas, ea tantum vna facillimè conseruatur: ita, vt non modò omnis dignitas, sed etiam vtilitas, vniuersæque naturæ constantia in rationis & legis æquabilitate consistat. Contrà verò, quæ ab ea lege deseruntur, omnia perturbata, & confusa sunt, sine lumine, sine ordine, sine venustate; fœda, turpia, flagitiosa, pestiferisq; morbis oppressa, & impedita. Illa igitur auribus, oculis, animis aspernamur; eorumq; tactum, & congressum refugimus. Eadem lex efficit vniuersi cæli ornatum, clarissimam syderum speciem & splendorem, & in dissimillimis atque

con-

contrarijs orbium caelestium conuersionibus, ad
 vnam tamē rationem & ordinem reuocatis, admi-
 rabile concentum & conuenientiam. Hæc eadē a-
 quas dimensa est: terramq; rationis ponderib. ita
 librauit, vt, modico calore tepesacta, & cum ani-
 ma & humore rata quadam portione confusa, her-
 bas, fruges, arbores, animantia cuncta profunderet.
 Hæc supera infimis, calida frigidis, lætia granib;
 humida siccis, & reliqua omnia, quæ sunt inter se
 pugnantia, medijs certa quadam ratione cum ex-
 tremis aptè conuenientibus, eo nōdo cōstrinxit, vt
 mirificè inter se, quæ sunt disiuncta, cōsentiant. Ea-
 dem postremò rationis temperatio cælū terræ cō-
 iungit; vniuersamque naturam admirabili amoris
 consensione conglutinat: Mundumque omnem va-
 rijs atque propemodum infinitis formis comple-
 tum ita connectit, vt vnam naturam, vnumque or-
 natum ex innumerabilibus formis & ornamentis
 efficiat. Hic igitur rerum omnium modus, hæc na-
 turæ consensio, quæ Dei lege perficitur, est, quæ
 res gignit, alit, anget, ornat, & vestit, atque conser-
 uat; ita, vt necesse sit, tam diu rem quamlibet in sta-
 tu suo permanere, quando eo legis vinculo cō-
 tinetur; cum autem id dissoluitur, interire. Sed;
 quò res præstantiorem locum obtinet in natura;
 eò est in illa vis legis ipsius illustrior. Cum igitur
 nihil sit in toto mundo, mente & ratione præstan-
 tius; eneniat op^o est, cum legem diuinam accipit;
 eaque statim suum regit & temperat, vt nihil pos-
 sit illa cogitari præclarius. Ea nanque omnia, quæ
 singulis in rebus dispersa vi ipsius legis efficiun-
 tur, in hominis mente, cum ea legi diuinæ paret;
 coniunguntur; & summa atque perfecta sunt. eff-
 enim

enim tunc & valetudine firma, & viribus inuicta,
& specie præcellens, & claritate splendida, & gloria
florentissima, tantaq; sibi ipsi conspiratione cõ-
sentiens, vt ex omnibus animi partibus modulatè
sonantibus suauissimum cõcentum efficiat. Nul-
la enim symphonia est cùm iustitiæ cõcentu vl-
la ex partè comparanda. Iustitia verò tunc existit
in nobis, cùm lex est in mentibus nostris diuinitus
impressa. Quamuis enim lex cõmuni bus omni-
um sensib. infixæ sit (nemo enim est tam ferus & im-
manis, qui non turpitudinem odio, & honestatem
amore dignam existimet) cùm tamen animus in-
fana cupiditate corporis inflammatus, ipsius infi-
tæ legis imperium recusat, non ita propriè dici-
tur, in eo legem inscriptam esse; sed in illo tãtum;
qui non modò cõmuni sensu legis afficitur, sed
qui eam omni studio sequitur, neque ab illius præ-
scriptione deflectit. Parùm enim iuuat cõmunis
ille sensus naturæ, qui prorsus cõuelli non po-
test; si, quoties ad actionem ventum est, mens cupi-
ditatis immanitate victa, iudicium suum seruare
nequit, seque statim libidini cõstringendam dat;
& contra legis ipsius imperium, flagitio & turpi-
tudine succumbit. Tunc igitur valdè propriè le-
gem animis nostris impressam & insculptam esse
dicimus, cùm tanta lux est in mente, tantaque vis,
vt totum animum faciliè imperio contineat: cū vi-
delicet non modò ratio clarè cernit, quid in vitæ
sequendū sit: verum etiam voluntas veræ dulcedi-
nis suauitate vehementer illecta, rationi paret, eã-
que sequitur, & corporis voluptate cõtempta
in sempiternæ voluptatis studium acriter incita-
tur. Tunc enim temeritate vinculis legis alligata, &
omni

omni custodia septa, nihil insurget in animo, quod
 menti tenebras offundat, eamque ab attentissima
 cæli consideratione deductam, in terram deprimat.
 Ergo, cum lex diuina ita collustrat animum,
 ut non modò mentem erudiat, sed etiam totā vol-
 untatem ad se rapiat, omnesque partes animi sibi
 consentientes efficiat; tunc verissimè dicitur, Dei
 legem esse in mentibus humanis inscriptam. Hoc
 est autem, quod Deus apud Ieremiam se effecturū
 pollicetur: futurum nanque ait, ut foedus sempiternum
 cum hominibus feriat, idque in eorum animis ad
 sempiternam memoriam consignet. Ponam, inquit,
 legem meam in visceribus eorum, & in cordibus
 eorum scribam eam. In cuius igitur animo lex
 diuina ita fuerit spiritu illius incisa, ut omnes
 animi partes sui studio incendat; hic demū iustus
 est, spirituque diuino fruitur. Solus enim poterit
 omnia iustitiæ munera prosequi, & ita Deo
 semper amore coniungi. Quod ut rectius intueri
 possimus, par est, ut iustitiæ munera persequamur,
 aliud rursus exordium ab illius definitione capi-
 entes. Est igitur iustitia, constans & equabilis ani-
 mi prudentis affectio, ex diuina mente apta, suam
 cuique dignitatem tribuens. Qui igitur id, quod
 ius & æquum postulat, unicuique dissoluit, & re-
 bus singulis id, quod illis debetur, attribuit, neminem
 defraudat; is planè veris iustitiæ ornamento præditus
 est. Est igitur animaduertendū, quid Deo, quid nobis
 ipsis, postremò quid hominibus debeamus: ut
 clarius possit intelligi, omnem vni iustitiæ perfectæ
 functione officiorum omnium contineri. Omnia autem
 officia sunt in tres partes distributa. alia nanque ad
 Dei cultum, alia deinde

ad animi ornatum, alia postremo ad hominum societatem conferuntur. Primum igitur Deo debetur integra fides, deinde metus & reuerentia; postremo singulare quoddam amoris & pietatis studium. Vt autem de fide primum loquamur: cui vitam credere, cuius auctoritate confidere mens humana poterit, nisi tantum illius, qui solus natura verus, & immutabilis est, ex cuius immensitate nihil potuit vnquam decerpi; ad cuius maiestatem nihil potest accedere, cum semper immensus, semper omnipotens, semper bonus, semper idem, sibi-que similis in omni æternitate permaneat, nullum principium, neque finem habens, cum sit omnium rerum principium & finis, mutationis totius expers; & omnia commutans; semper immobilis & quietus, & omnia mouens, atq; versans, in sempiterna nature constantia beatissimus. Cum igitur omnis aliarum rerum natura continenter labatur, & fluat; ita, vt propriè nunquam sit; cum semper versetur in motu: solus Deus natura semper est. Neque enim quidquam ex illo præteritum tempus exhausit; neque ad illum quidquam futurum tempus apponet; neque tempus præsens illi fuit: neque denique spatio vllò concludi potest; cum omnium seculorum æternitatem ipse contineat. Ego, inquit ille, sum, qui sum. Vt igitur illius natura est expers totius varietatis & incōstantiæ: ita solus est in omni sermone verissimus, in fidei conseruatione sanctissimus. Humanum ingenium à diuina mente segregatum, est fallax & fraudulentum. Angelus ille rebellis, cum primū sese à Deo distinxit, in veritate non permansit, sed ipsius mēdaci pater extitit. Ex quo sequitur, omnia, quæ sunt

fatē illius non metuit, aut à fide penitus abhorret,
aut mentis expers est. Qui. n. Deum præsentem esse
non cernit, rerumq; omnium prouidentē, iustissi-
moq; iudicio singula ponderantē; hic à debita fi-
de prorsus alienus est. Qui verò hæc ita esse iudi-
cat, non tamen Dei numen exhorret; & cū minima
metuat, diuina iudicia, quæ sunt omnium maximè
pertimescenda, nō formidat; neq; sentit denique,
quàm horrēdū sit, vt Paulus ait, incidere in manus
Domini: hic est certè summo stupore & immani-
tate mētis oppressus. Vt igitur ytrunque malū de-
clinemus, est à nobis Deus sanctissimi timoris reli-
gione colēdus. Apud Moysen. n. hoc à nobis affla-
gitat, vt illū perpetuò metuamus, illiusq; timore
ita deuincti simus, legeq; illius, quasi compedibus
& manicis alligati, vt ne tātulum quidem vnquā
ad suscipiendū aliquod flagitium moueamur. Vti-
nam, inquit, talē mentē habeant, vt timeant me, &
custodiant præcepta mea in omni tēpore, vt benè
sit eis, & eorū filijs in perpetuū. Cū igitur Deus
ostēdat, se id magnoperè velle, vt timor illius sit
semper animis nostris iniectus: nū obscurū est, ma-
gnā religiōis partē in metu numinis illius esse cō-
stitutam? Iā verò, quanta charitas illi debeat, est
explicata difficillimū. si. n. bonitatem, & honesta-
tē, omnemque virtutis excellentiam per se dilige-
dā & amandā arbitramur; si accepta munera & be-
neficia multū valent ad amorē alliciendū: quo-
modo non amore illius inflammabimur, totūque
nos ad cultum illius omni impetu animi confere-
mur? Est. n. ille bonitas & pulchritudo sempiterna,
perēnis virtutis fōs, laudis & honestatis origo, o-
mnē dignitatis excellentiā numine suo cōtinens;

DE IUSTITIA

ita, ut quælibet res tantum habeat bonitatis & venustatis, quantum ex fonte illius benignitatis haurire potuit. Si igitur, qui lumen aliquod venustatis, quantumvis exiguum, ab illo summo & immenso splendore dignitatis acceperunt; sunt propter illam tenuem & obscuram similitudinem diuinæ pulchritudinis, quæ lucet in illis, amabiles atque iucundi: quo tandem amore est illa præcellentissima virtutis & honestatis pulchritudo complectenda? Porro autem beneficia, quæ in nos contulit, nemo, quamuis excellenti ingenio, memoriaque diuina præditus existat, poterit villo modo enumerando percensere. Quoties enim cælum astris distinctum & ornatum aspicimus, quoties terram vestitam arboribus & frugibus intuemur, quoties multitudinem & varietatem bestiarum animaduertimus, quoties denique totam naturam tantâ cōsensione ad cōseruationem salutis & utilitatis nostræ conspirantē mente concipimus; toties opus est illius summæ bonitatis recordemur, quæ nos tantis opib. in omni genere locupletauit. Nobis enim, nostrisque; vñsibus cælū, terras, maria & omnia, quæ cæli cōplexu continētur, effinxit. Nostrū verò corpus aptū & habile formauit, ad rationis obsequium; acutisque; sensibus instruxit; omniq; rationē munivit ad salutis nostræ custodiā. Animis enim nostris ingenium, & solertiam, & acumen attribuit, in illis denique similitudinem & imaginē suam impressit, mentesq; nostras ad rerum diuinarum studium excitauit, ut tandem aliquādo illius aspectu iucundissimo æuo sempiterno fruēremur. Quid hic commemorē, quomodo nos sceleris tyrannide oppressos in libertatem vindicārit, filijq;

Iui

fui sanguine animos nostros expiârit, omnibusq; spiritus sui muneribus illustrauerit, diuinaque in nos ornamenta congefferit? Adde, si lubet, sanctissimum adoptionis ius, adde cælestis illius hæreditatis amplitudinem; adde spiritus diuini, quo nos regit, moderationem, & inuictum illud præsidium, quo à nobis omnia capitis, nostris impendētia mala propulsat. Hunc igitur summū cōditorem, & Dominum, & optimū parentem, qui nos tāta bonorum diuinorum copia cumulauit, non ardentè amabimus? non in animis semper habebimus? Non laudes illius perpetuò concinemus? nō omnes curas & cogitationes, non omnia vitæ consilia ad cultum illius conferemus? non deniq; præ amore illius vitam negligemus, & aspernabimur? Capitale profectò, dirissimūq; in nos scelus admittimus, & iniquitatis impia fraude obligamur, cū hoc maximè debitum officium, quod Deus à nobis præcipuè requirit, ipsi non præstamus. Omnis enim pietas, omnis sanctitas, omnis religio, hac numinis sempiterni charitate cōtinetur, ita, vt qui Deum non amat, summæ impietatis & sceleris vinculis astringatur. Si enim qui homines fraudat, se scelere alligat, quantū tandem iniustitiæ scelus cōcipietis, qui Deum debito cultu honoris spoliât? Spoliât autem Deum honore debito, qui neq; illi fidem adhibet, neque numen illius extimescit, neque postremò, quod omnium officiorū caput est, amore summo benignitatem illius amplectitur. Triplicem enim hanc à nobis pensionem exigit, vt illi cōfidamus, illum metuamus, illū amemus. Vt enim triplicem in Deo rationē mente cōcipimus; nam & beatissimę illius naturæ æternitatē, deinde

numen cum imperandi & regendi scientia cōiun-
ctum, postremo summā illius benignitatem ratio-
ne complectimur: ita fuit consentaneum, vt eū tri-
plici munerū ratione colerem⁹. Sic enim fide præ-
cellentem illius naturā, metu numen illius & im-
perium, amore bonitatem & beneficentiam vene-
ramur. Hæc igitur tria nobis imperat, hæc requi-
rit, hæc eslagitat, ad hunc sanctissimum cultum o-
mnes illius leges & instituta referuntur. Quod vt
melius possit intelligi, primum diuinæ legis ca-
put audiamus. Ego, inquit, sum Dominus Deus tu-
us, qui eduxi de terra Aegypti, & è domo seruitu-
tis. His quidem ille verbis, cū & naturā, & impe-
rium suum referat, beneficiumque libertatis à se
tributum commemoret, nihil agit aliud, quàm vt
admoneat atque præscribat, se solum esse fide co-
lendum; &, vt sanctissimum iudicem, metuendum;
&, vt liberatorem & conseruatorē, amandum. Le-
gis igitur exordium ita fidē sancit, vt metum in-
cutiat; & amorē, beneficii illata mētiōe, cōciliet.
Quæ verò sequuntur, partim ad timorē proponun-
tur, partim ad excitandū amorē conferuntur. Pro-
hibet enim, nè quisquā sibi Deos fingat, aut vlla fi-
derum, vel animantium signa consecret, honori-
busq; diuinis afficiat. Neque enim honorē sibi de-
bitum ad vllam cælestē formam transferri permit-
tit; tantum abest, vt muta signa cōsecrari, diuinof-
que illis honores institui patiatur. Quod si quisq;
secus fecerit, se sceleris vindicē, & ultorem fore
pronunciat. Ego enim, inquit, sum Dñs Deus tuus
fortis, & improbis infensus, qui poenas de paren-
tum scelerib. à filiis expeto, in tertiā & quartā eta-
tē, eorum nempe hominum, qui me odio perse-
quuntur.

quantur. Docet, eos tantum fore ob parentum scelera poena diuina cruciandos, qui paternorum scelerum imitatore extiterint. Par enim est, ut, qui parentum sceleratorum vestigijs insistant, eadem supplicia subeant, tantoq; acrius puniantur, quanto magis hæreditariam illam improbitatē sceleris accessione cumulauerint. Fit enim plerunque, ut impiorum hominū posteritas semper aliquid addat ad maiorū suorum impietatē, in eoq; laboret, ut parentes suos sceleris immanitate longè superet. Tertia autē, & quarta ætate poenam circumscribit, partim ut doceat, se multò magis ad misericordiam tribuendam, quàm ad poenam inferendam esse propensum, eaque de causa, cum poenam ætate quarta terminet, misericordiam in multa seculorum millia diffundi testificatur: partim ut ostendat, genus eorum, qui scelera sceleribus accumulunt, tandem fore penitus extirpandū, eorumque nomen de hominum memoria tollendū. Cum enim parentum scelerib. minimè contenti ad tetriora indies facinora concitētur, eisdemque improbitatis vestigijs ad sceleris summum tandem perueniant; iuris diuini ratio flagitat, ut illud genus extinguatur, & deleatur, neque vltra quartā, verbi gratia, hominū ætatē duret; nè exemplo suo totum humanum genus contamineat; atque, quasi quadam pestifera cōtagione, corrumpat. Hoc quidem igitur ad metum numinis impietate offensi proponitur. quod autem cōtinuò sequitur, ad excitandum illius amorem pertinet. Dicit enim, misericordiam suam erga piorum hominū nationē fore sempiternam. Sequuntur dux leges, quarū vna à periurio deterret, sequē tanti sceleris vindicem

fore profitetur: altera ad pietatis officium, & diuini amoris studium adhortatur. Nè assumes, inquit, nomen Dei tui vanè, hoc est, nè periurio nomen illius violato. Addit deinde, neque enim ille tantum scelus dimittet impunitum. Lex autem, quæ sequitur, tanta fuit religione perscripta, tantisque in locis atq; tam sæpè repetita, vt facile appareat, in ea esse aliarum legum robur atque firmamentum. Quenam tandem ea est? illa nempe, quæ sabbathi otium sanxit, nullumque opus, nè à seruis quidem & ancillis, illa die patrari permisit. Quid igitur? adeone est Deo cessatio iucunda, vt ea de causa noluerit quidquam aliud esse tanta diligentia præscriptum, & tam sæpè in sanctis literis vlturpatum? cessatio quidem minimè Deo grata est: illud tamen munus est illi omnium gratissimum, quod sine aliorum vacatione commodè obiri non potest. Quod nam tandem illud est? acceptorum beneficiorum recordatio, frequens & assidua diuinæ beneficentiæ commemoratio, ingenium ad ea munera, quæ accepimus, animo recolenda, alacriter incitatum, totus denique animus ad Dei laudes referendas, omni que mente celebrandas incensus. Hoc namque nostrum potissimum munus & officium est, vt nunquam memoriam tantæ benignitatis intermittamus; Deoque, qui tantis nos donis ornauit, immortales gratias habeamus, & debitam gloriam tribuamus. Sic enim & accepta beneficia tuebimur, & amplioribus muneribus & donis augebimur. Vtenim diuinæ opes ingratis elabuntur, & excidunt: ita grati atque memores eas facillimè conseruant, maioraque indies & ampliora virtutis ornamenta consequuntur. Nihil igitur est nobis

nobis tanta cura & studio prouidendum, quàm vt diuina beneficia semper in memoria nostra penitus infideant, neque ea vnquam ex animis nostris effluere patiamur, omneque vitæ studium in diuinæ bonitatis prædicatione ponamus. Sed quia vitæ curis distentus animus & infinitis occupationibus impeditus, ab hoc diuinæ laudis studio sæpè deducitur, neque facilè in tanta rerum humanarum turba & colluione hoc officium tueri, atq; sustinere potest: nè paulatim eos Dei obliuio caperet, & negligentia religionis omnibus simul bonis euerteret, commodum fuit, septimo quoq; die instaurari atque renouari numinis memoriam, Dei que summi benignitatem illius mentione crebrius repetita, vehementius animis insculpi. Vt igitur hoc fieri commodè posset, opus erat, vt illo die ab omnibus curis & publicis & domesticis vacarent, vt tota mēte in studium religionis & sanctitatis incumberent. Idcirco fuit olim capite sancitum, si quis ex Hebræis sabbatho aliquod opus efficeret, nisi quod ad religionis cultum pertineret. In vnū autem locum omnes conueniebant; vt, cum omnes in Dei bonitate debitis laudibus celebranda, vna mēte atque vna voce conspirarent, quilibet eorum multitudinis ipsius consentientis oratione concitatus; ipsius Dei amore vehementius incēderetur. Triplicis autem beneficii memoriam necesse erat illa die replicari. Primum erat rerum omniū procreatio: alterum deindè gentis vniuersę liberatio: tertium postremò sanctitatis & religionis institutio. Vt igitur agitarent animis, quàm admirabili vi, sapientia, & bonitate Deus cælum, terram, & maria, & vniuersam denique naturam effecерit; quan-

sa deindè benignitate gentè illius fidei cōmissam
 è durissima seruitute liberârît; quibus postremò
 sacris illam sibi deuinxerit, & ad omnia munera
 sanctitatis instruxerit: sabbathū, hoc est, quietè &
 otium, (id enim hæc vox apud Hebræos sonat)
 die septimo consecratum fuit. Et quia primūm be-
 neficium, quod animis occurrebat, illo præser-
 tim tempore, quo nondum homines maius vllum
 facilè cogitare poterant, erat vniuersę naturę cō-
 stitutio; cōsentaneum rationi fuit, vt illum potis-
 simūm diem festum agerent, quo primūm natura
 perfectā, suisq; numeris absoluta, omnibus mune-
 ribus suis perfectè fungi cœpit. Ob id igitur, cūm
 Deus septimæ diei otium sanciret, eam rationē ap-
 posuit, quod sex diebus cælum, & terram, & om-
 nia, quæ cæli ambitu coercētur, effecisset; & septi-
 mo tandē die ab illa prima rerum omnium moliti-
 one conquieuisse, quasi admonens, vt parētī &
 cōditori rerū omnium gratias agerent; illumq; ob
 tam admirandā fabricam assidua prædicatione ce-
 lebrarēt. Alibi verò iubet eos esse memores liber-
 tatis, quam fuerant ope diuina cōsequuti; in cuius
 beneficij memoriam præscribit, vt omnibus sabba-
 this ferias agant. neque ipsi solum, verū & serui &
 ancillæ, atque adeò boues & iumenta, summo otio
 fruantur, neq; aliquid deniq; eo die seruiat. Parū
 enim conueniat, vt eo die, qui erat libertatis me-
 moriæ consecratus, aliquid sibi seruire sinerent.
 Memento, inquit, quòd & ipse serueris in Aegyp-
 to, atq; inde eduxerit te Dominus præsentī numi-
 ne suo, firmoq; præsidio & inuictō. Adiungit au-
 tem continuò: Idcirco præcepit tibi, vt obseruares
 diē sabbathi. Quomodo autē eo etiam die sanctita-
 tis &

tis & religionis beneficium erat animo retractan-
dum, alio capite legis fuit diligentissimè præscri-
ptum. Videte, inquit, vt sabbathum meum custo-
diatis. Signum enim est inter me & vos, vt sciatis,
quòd ego sum Dominus, qui sanctos efficio vos.
Cum igitur sabbathū ob eam causam otio sancto
consecrare præcipiebat, vt naturæ operibus admo-
niti, & partæ libertatis monimentis quàm pluri-
mis excitati, & sacris sanctissimis incredibili reli-
gione procuratis instituti, intelligerent illū sum-
mum Dominum esse naturæ totius opificem, gene-
ris humani liberatorem, totiusq; puritatis & san-
ctitatis authorem, eum, laudibus summis efferrēt
nōne liquet sabbathi legem summum studiū pie-
tatis, amorisque diuini fuisse complexam? Non
is igitur sabbathū ritè colit, qui vnum diem nimis
superstitiosè colendo, pietatis maxima munera
& officia negligit: sed qui totam ætatem in di-
uina bonitate celebranda consumit. Neque enim
solum est septimo quoq; die laudibus diuinis va-
candū; sed omnis vita ad hoc vnū sanctissimum stu-
diū conferenda. Semper enim sabbathū obseruat,
qui fidem ritè colit, quemadmodum Isaias ait:
Custodiens sabbathū, nè polluat illud, custodiens
manus suas, nè quidquam mali faciat. Hinc certè
planum fit, Isaiæ mente & sententia verum sabba-
thum innocētia contineri, quod alibi multò vbe-
riū explanat. Sic enim inducit Deum cum po-
pulo suo loquentem: Si auerteris pedem tuum
sabbatho, ne obsequaris voluntati tuæ, in die san-
cto meo, illumque iucundum & sanctum habue-
ris, & ita Dominum colueris, vt nullo modo vijs
tuis ingrediaris, neq; tuæ ipsi⁹ cupiditati obsequa-

ris, neque verba tua pronuncies, tunc percipies voluptatem à Domino. Locabo enim te in summo dignitatis fastigio, & in patriæ hæreditatis possessione constituam. Hætenus quidem ille, è cuius sententia poterit exploratè cognosci, omnem sabbathi sanctitatem esse in vna fide collocandam. Qui enim vacat à scelere, cui est otium à libidine; qui cupiditate suâ resistit, vt Dei iussis obtemperet; qui sensus suos repudiat vt Dei mentem inspiciat; qui seipsum deserit, vt Deo coniungatur: is sabbathum sanctissimè colit. Quod quoniam fidei munus & officium est; sequitur, vt omnes, qui Christi fidem sanctissimam habent, ipsiusque Domini vestigia persequuntur; sabbathum ritè custodiant. Cùm autem fides perpetuò retinenda sit, necessariò colligitur, omnem fidelis hominis vitam esse sabbathū nominandam. Cùm igitur priscum illud sabbathum, quod perpetuitatem fidei, & summam iustitiæ pacem adumbrabat; fuerit totum Dei gloriæ consecratum: restat, vt nō septimū quemque diem tantum, sed omnem vitam ad illius gloriam destinemus; & quantum coniti animo, labore contendere, industria consequi, atque, vt rectius dicā, quantum fidei excellentis viribus excitati poterimus; tantum ad bonitatem illius celebrandam conferamus, & sic tandem fiet, vt amoris diuini facibus inflammemur. Hæc igitur prima diuinæ legis capita ad summam iustitiæ partem, quæ tota in religione consistit, conferuntur. His cùm paremus, debitum honorem Deo persoluimus. Quanquam enim Deo nemo potest gratiam referre, eum tamē illi gratiam debitam ob accepta beneficia persolvere dicimus, qui ea præstat, quæ Deus à nobis

exigit. Id autem solum exigit, quod pro nostra tenuitate & imbecillitate efficere possumus. Possumus autem, illius ope firmati, primum quidem fidem omnibus illius dictis & promissis adiungeret deinde sanctissima illius iudicia pertimescere: postremo, quod omnem rationem beatę vitę completur, amore illius incendi & incitari. Hęc autem illa sunt tria munera, quę Deo debita esse diximus, quibus à nobis perpetuò colendus & obseruandus est, si volumus iustitię decus & amplitudinem retinere. Nunc autem, quid nobis ipsi debeamus, explicandum est. Hoc autem totum est à primo illò pietatis & iustitię munere colligatum. Necessarium enim est, ut, qui semper in Deum intuctur, illius in se lumen recipiat, seque totum ad illius similitudinem accommodet. Etenim, si tales plerunque euadimus, quales ij sunt, ad quorum nos studium adiungimus (fieri enim vix potest, ut eorum mores & studia non imitemur, quos laude dignos existimamus:) multò certè magis, qui sese ad Dei studium & amorem applicant, similitudinem illius arripiunt. Multò enim maiore motu animi concitantur, qui se ad Deum amandum, quàm qui ad homines obseruandos conferunt. Qui enim in Dei studium incitati sunt, tota mente in amorem virtutis summę atque sempiternę rapiuntur: qui verò hominibus dediti sunt, instabili & incerto iudicio plerumque simulachrum inane virtutis ipsius admirantur. Et homines quidē, quantumvis clari & spectati, nullam vim ad se sequendos & imitandos suppeditare possunt: at Deus mentē illustrat, ingenium acuit, animum roborat, eumque format & fingit, usque eò, dum formę suę similitudi-

tudinem in illo non squalore & illuie foedatâ,
 aut aliqua flagitij contagione maculatam; sed
 claram & nitidam, & diuino quodam splendore
 fulgētem, imprimat. Hinc igitur existit illa diui-
 na vitæ constantia, ille cultus animi, illa morum
 grauitas, illud honestatis decus, illa mentis altitu-
 do, rerumque humanarum contemptio, illaque
 postremò totius virtutis concinnitas & pulchritu-
 do, quæ sui admiratione defixos eorum oculos te-
 net, qui illam aspiciunt. In hoc igitur ornatu ani-
 mi conseruando officium nostrum collocari de-
 bet, si cupimus nobis ipsis, quod nobis debemus,
 exoluere. Aliter enim nos ipsi animi nostri statu
 nefariè prodimus: neque solum in nos ipsos in-
 iusti, sed in Deum scelerati sumus. Vt enim si sum-
 mus quidâ princeps villam magnis sumptibus æ-
 dificaret, marmore parietes, auro laquearia, & o-
 nes fores obduceret, pulcherrimisque pauimen-
 tis atria, cellas, intercolumnia, & ædes denique v-
 niuersas cōsterneret, si hortos etiâ, & pomaria sin-
 gulari ordine & diligētia cōsereret, in quibus se,
 quoties commodū esset, oblectaret, eaque omnia
 villico suo colenda & custodienda cōmitteret, si
 villicus Domini imperium contemnens, non mo-
 dō hortum succrescentibus spinis vastari sineret,
 verum etiam septa renelleret, & feras etiam im-
 manes ad omnia proculcanda immitteret, & inci-
 taret, ædes etiam illas magnificas inflammaret:
 quæ nā tandem satis digna pœna posset à Domino
 in serui illius vel desidiam, vel scelus & immani-
 tatē constitui? Sic & nos, cū ad Dei sedem & do-
 micilium, manibus illius ædificati simus, & quasi
 consepiti agri, diuinis virtutū omnium plantis ad-
 mira-

mirabili ratione & diligentia confiti, & in nostris
ipforum custodia constituti; si desidia, & scelere
nostro Dei ipsius viridarium & hortum flagitiorum
spinis & vepribus obrui sinimus, neque statim, quod
illius amoenitati & fertilitati officit, amputamus:
si legis diuinæ metum, quo quidem, quasi sepimen-
to, vallati sumus, sensim labare, atque tandem ruer-
e patimur; si cupiditatis immanitatem ad omnem
virtutis cultum vastandum in animos nostros im-
mittimus; si postremo regie diuinæ magnificentiam
summumque diuini operis artificium, quod in flo-
renti animi statu perspicitur, furore nostro con-
uellimus, atque coniectis vitiorum facibus inuolam-
amus: quo tandem exhausto supplicio, poenas tanto
sceleri debitas persoluemus? Cum igitur honesta-
tem, cum dignitatem, cum animi moderationem, cum
omnium virtutum decus, & ornamentum retine-
mus, & florentem animi nostri statum summa dili-
gentia conseruamus: non modò nobis ipsi consuli-
mus, sed etiam ipsi Domino operam damus. Mu-
nus enim nobis assignatum, ut fideles serui, diligenter
exequimur. Quam diu verò homo statum suum
tuetur, & omnia virtutis ornamenta, diuina benig-
nitate parca conseruat; cum sit Dei hortus iucundus,
& amoenus, sanumque sanctissimum, mentisque diuinæ
sacrarium; nullis scriptis legibus indiget; cum sum-
mam illam legem pectore inclusam contineat. Fa-
cillimè igitur videbit (quod erat in tripartita of-
ficiorum diuisione postremum) quid homini-
bus debeat: idque benignè & non grauatè presta-
bit. Primum quidem igitur in parentes suos, quo-
rum opera fuit in vitam ingressus, nunquam ingra-
tus existet; sed eos præcipuo quodam studio colet, &
obler-

obseruabit, & omni pietate prosequetur. Deinde
 eos in parētum numero habebit, qui præsunt Rei-
 pub. animoque patrio omnium salutē & incolu-
 mitatē prospiciunt. Tum illis etiam, quasi paren-
 tibus; pietatē pręstabit, à quibus magnum al-
 liquod beneficium accepit: & quod beneficium am-
 plius est, eò magis elaborabit, vt gratiam referat;
 atque vicem eò maiore cumulo rependat, quod ma-
 gis in æqualibus donis beneficis existimādus est;
 qui primum contulit beneficium, eo, qui alterius
 benignitate prouocatus, acceptum donū pari & æ-
 quali donō remunerat. Benignitate igitur certat,
 & nē in hoc præclaro certamine vincatur, ob-
 nixē contendet. Nullum enim maius est cōcordiæ
 vinculum gratiā atque remunerationē. Id autem
 impulit olim Atheniēses, vt fanum Gratijs in me-
 dia vrbe dedicarent. In quo significabant, omnem
 ciuilis societatis rationem Gratiarum quasi quo-
 dam numine contineri: Gratiā nanque parit gra-
 tiā, & animos alios ex alijs necit, & vniuersos de-
 niq̃ue ciues, cum optima fide tribuitur, beneuolē-
 tia non mediocri conglutinat. Est igitur in gratis
 animis magnum quoddam iustitię munus, & sum-
 mum totius Reipublicę firmamentum: Idcirco
 Deus in primo legis capite, quod ad hominū in-
 ter homines conuictū & societatem pertinet, pro-
 posito præmio, mortales ad remunerationē alli-
 cit, & inuitat. Parentes, inquit, colito, vt diu viuas
 in terra, quam Dominus Deus dabit tibi. Consen-
 taneū rationi videbatur, vt, qui gratus esset in eos;
 per quos vitā communi frueretur, in ea ipsa vitā
 diutissimē pmaneret, & ad immortalis vitę præ-
 mium fieret plerunque etiam hæc vitę mortis ac-
 cessio:

cessio. Vndè colligitur, nūquam memorem & gratum animum præmio carere, sed eodem genere bonorum à Deo augeri, & cumulari, quorum memoriam conseruat. Hæc igitur dum ille, qui Dei legem non modò mente & ratione, sed etiam summo studio & volūtate complectitur, animaduertit; non tantum parentes, verùm & Reipub. tutores & conseruatores, & eos, quorū vel disciplinis excultus, vel præsidio & vigilātia defensus fuit, vel à quibus denique magnum aliquod beneficiū accepit, libenter & studiosè venerabitur. Deindè, quod est consequens, patrio animo vxorem, liberos, & familiam vniuersam, suæ fidei & patrocini commissam tuebitur. Tum cognatos & propinquos, & ciues, quib⁹ se necessitudine sanguinis & communione iuris implicatum esse considerat, charos habebit. Excurret deindè lōgius; & cū in generis humani principiū intuebitur, & animaduertit vnā esse omnibus stirpem, vnā & eandem naturæ rationem, vnum denique omnibus conditorem, & Dominum, omnibus ex æquo consulentem, & prouidentem, & cunctos homines ad præmium immortalitatis euocantem: non dubitabit quemlibet hominem, quamuis externum & peregrinum, & plurimum à suis moribus abhorrentem, ciuem tamen, & propinquum, atque adeò fratrem appellare. Qui autem hoc animo est in externos; quā tādē charitate eos prosequetur, cū quibus est sacrorū religione, fidei sanctitate, diuinæque agnationis iure coniūctus? Nihil enim potest excogitari, quod fortiori vinculo constringat animos, quàm eisdem sanctissimæ religionis sacris initiari, eiusdem spiritus affratu concitari, eisdem

bonis affluere, eundem parentem & conseruator
rem agnoscere, & vna denique sempiterni iuris
societate contineri. Cum verò quilibet Christia-
nus, si verè hoc nomen vsurpat, neque diuinū ge-
nus e mentitur, tanto amore singulos Christia-
nos complectitur: quanto tandem studio pro vni-
uersis laborabit? Quàm libenter pro Christi
Ecclesia capitis certamen adibit? quanta ani-
mi magnitudine vitam, cum opus ita fuerit, pro
illius salute profundet? Hęc enim nobis patria est,
hęc ciuitas, hoc natale solum, pro cuius defensio-
ne est nobis perpetuò dimicandū, si cupimus huic
sanctissimæ matri debitam pietatem prestare, illius-
que vestigia persequi, qui pro Ecclesiæ sanctitate
mortem ardentè expetiuit. Sed non est miran-
dum, eum esse amore totius Christianæ Reipub-
licæ, quæ omnes omnium necessitudinum san-
ctitates complexa est, vehementer inflammatum,
qui nullum hominem alienum putat, omnium-
que mortalium propter naturæ vinculum se de-
bitorem esse profitetur. Qui autem sic in singulos
homines animatus est, quomodo tandem adduci
poterit, vt alicuius sanguinem, & vitam petat? vt
alterius pudicitia labein inferat? vt pecunia ali-
quem defraudet? vt denique nomen cuiusdam fa-
la infamia deformet? Facillimè igitur ijs præcep-
tis, quæ continuò sequuntur, obtemperabit, nem-
pè: Nè occiditor: nè mœchus esto: nè uè a senum
in rem tuam nefariè conuertito: neque fratris tui
nomen falsa infamia maculato. Intelligendum au-
tem est, hæc lege non solum facinoris effectū pro-
hiberi, verum etiam facinoris initia rescari. Hęc
enim est, vt ipse Legislator apud Matthæum inter-
preta-

pretatur, legis mēs & sentētia, vt ita se quisq; a cē-
dā contineat, vt odium & iracundiam refrenet;
ita libidini obſiſtat, vt oculorū etiā petulantiam
coerceat: ita manus ab opibus alienis abſtineat, vt
ſua potiūs ad aliorum fructum conferat. Neque
enim illud eſt ſilentio prætereundū, ea lege quā
prohibetur crudelitas; humanitatem & clemen-
tiā præſcribi: quā verò iubetur obulā ire libidini,
caſtitatem & puritatem ſanciri: quā verò deterre-
mur à furto & latrociniō, ad liberalitatem & be-
neficiū omnes incitari. cū lex vetat, nè labem
aliorum nomini falſo testimonio inferamus, id
etiā præcipere, quantum poſſimus, hominū fa-
mæ & dignitati conſulamus. Et, quia omne ſcele-
ris & iniuriæ ſeminarium, in heſariæ cupiditatis
impetu conſiſtit; poſtremo loco iubemur omnes
libidines compreſſas & edomitas habere, vimq;
ipſius effrenatę cupiditatis extingüere, omnesq;
iniuriarum radices extirpare. Idcirco ad maio-
rem legis explicationem additū eſt: Nè proximi
tui domum; nec uxorem, neq; ſeruū, neque ancillā;
neque bouem; aut aſinum, aut aliquid aliud ne-
ſarię concupiſcito. Nullo igitur modo eſt ceden-
dū libidini, ſi legem ſeruare cupimus, ſed eſt om-
nis illi⁹ impetus & inconfiderata temeritas ratio-
nis imperio cōſtringenda: nè ſimul & noſtri animi
ſtatum perturbet, & in aliorum perniciem erūpat.
Omnis autē legis ſumma, quod ad iūs humanę ſo-
cietatis attinet, in hoc conſiſtit, vt ea hominib. tri-
buamus, quæ nobis ab ipſis tribui cupimus. Hanc
eſſe legis mentem, hūc Prophetarum omniū ſcrip-
ta dirigi, Chriſtus ipſe, qui legem dedit, & Prophe-
tas erudiuit, affirmat. Charitate igitur, quæ ad mo-

dum Paulus ait, omnis legis perfectio continetur. Reddite, inquit, omnibus quod eis debetur; cui tributum, tributum; cui vectigal, vectigal; cui timorem, timorem; cui honorem, honorem. Nemi-
 ni quidquam debeatis, nisi ut inuicem diligatis. Ostendit reliqua omnia debita eiusmodi esse, quæ possint facillimè dissolui: solam charitatē ita semper nos omnes astringere, ut nequeamus ullo modo vinculis illi^o iucundissimis expediri. Qui enim pecuniā soluit, eā minimè debet: charitatem verò quāvis omnibus impēdamus, eā nihilominus debemus. Nā eam ad tribuendam non tam singulariū hominum meritis, quā naturæ necessitudine sempiternoque legis diuinæ iure sumus astricti. Nul-
 lum igitur tempus est, in quo possimus hoc sempiterni iuris nexu solui, atque quasi ære alieno liberari. Ut autem magis doceat, quomodo lex omnis sit in charitate collocanda, consequenter adiungit: Qui enim alterū diligit, perfectè legē seruauit, siquidem illud: Nō mœchaberis, non occides, non furaberis, non falsum testimonium dices, nō concupisces, & si quod aliud præceptum est, hac oratione in summa comprehenditur: Diliges proximum tuū, sicut te ipsum. Dilectio proximi malū non operatur. Perfectio itaque legis, est dilectio. His quidem verbis Paulus admodum luculenter explicat, quod sit illud officium, quod omnibus hominibus debeamus, cuius egregia functione, iustitiæ vis & ratio cōtinetur. Tria sunt igitur ea, ad quæ sunt omnia iustitię munera reuocāda, pietas, honestas, & humanitas. Pietate Deū veneramur: honestate animum excolimus: charitate & humanitate genus humanum nobis iure deuincimus. Is i-
 gitur

gitur est iustus, qui religione pius, virtute honestus, charitate benignus est. Is enim sol^o omnia vitæ munera diuina lege moderatur, & suâ rei cuique dignitatē tribuit; in quo est, vt ante diximus, omnis iustitiæ ratio constituta. Itaque colligitur, omnem iustitiam religionis, & dignitatis, & humanitatis studio contineri. Vt autem ex pietate in Deum omnis animi dignitas exoritur: (omnis enim recta animi constitutio ope diuina cōficitur: hanc autem pij tantum, qui se ad Dei imitationem conferunt, assequuntur:) ita ex animo benè constituto, benignitas atque iustitia in homines existit. Neq; enim quisquā potest malum alteri machinari, nisi sit ipse prius bonis omnibus euersus. Omnis enim iniuria, siue vi, siue fraude comparata sit, nascitur ex impetu & commotione animi nefariæ cupiditatis magnitudine perturbati, & ab omni constantia deducti, pestiferisq; morbis perculsi & abiecti. Quandiu igitur animus statum suū tenuerit, tantum abest, vt alicui nocere velit, vt potius omnibus prodesse studeat, vt hac benignitate Deum maximè veneretur. Est enim charitas & beneficentia sacrificium sanctissimum, Deoq; gratissimum. Omnia igitur iustitiæ munera à pietate in Deum, quasi à capite fluūt: & ad eam rursus admirabili cōuersione referūtur. Cū autem, vt dictum est, tres sint iustitiæ partes; nempe, religionis sanctitas, animi dignitas, & ea, quæ sola plerunque commune iustitiæ nomen assumit, quæ videlicet iuris æquabilitate, atque morum benignitate, hominum inter homines societatem continet: prima sacerdotes facit, postrema verò Reges. Qui igitur animum gerit moribus egregiè constitu-

tum; & sanctus quidā sacerdos, & magnus Rex estimandus est. Prīmū enim, si is sacerdos est, qui sciēter rem diuinam facit, & hostijs Deū placat, numēque illius purē & castē veneratur; cur eum sacerdotem minimē appellabimus, qui Deum fide colit, qui sacrificia laudis immolat, qui vitæ sanctimonia litat, qui denique sese hostiā ad aram statuit? Se enim ipsum immolat, atque in Dei honorem cedit, dum cupiditatem refecat, & corporis petulantia comprimit, omnesque peccati sensus extinguit, animūque a corporis contagio, quantum potest auocat, vt nihil eum impediat, quò minus in terris manens cælestem vitam incenso mentis studio meditetur. Hæc autē sunt sacrificia diuinæ maiestati decorā; hæc munera diuinæ menti gratissima, nempe, quæ nixa Christi meritis & sanctitate, pacem a Deo facillimē consequuntur. Sacrificiū inquit, laudis honorabit me. Tū alibi: Inuoca me in die afflictionis & exaudiā te, & honorabis me. Tum etiam: Sacrificate sacrificiū iustitiæ. Illud itē in quo vir sanctus docet, suffimēta fragrantissima, quorum odor in intimum cæli aditum penetrat, esse in iustorum hominum precibus assiduis constituta. Dirigatur, inquit, oratio mea, sicut incensum munus in conspectu tuo. Eleuatio manuum mearū sacrificium vespertinum. Hæc igitur sacrificia sanctissima qui procurant, & in eo laborant, vt Deū fidei donis & muneribus, veræque religionis sanctitate, non sibi tantū, sed etiam vniuerso generi humano propiciū efficiant, ij profectò casti & religiosi sacerdotes habendi sunt. Si verò Rex is magis censendus est, qui regio animo & disciplina præditus est, eo, qui seruit libidini & impuritati, quā-

uis multisrationib. imperet: certè multò magis regis nomē in quemlibet hominem iustū conuenit, quàm in principem maleficum, & iniustum, potentia sua ad suorum pestem & exitiū intemperanter abutentem. Vt enim fas non est, eum Musicum nominari, qui totum diem canit, si absurdè canit; sed eum, qui canēdi artem tenet, quamuis tacitus sedeat: ita neque rex appellādus est, qui stultè nimis imperādo Reipublicæ statum labefactat, sed is, qui regnandi scientiam adeptus est, quamuis nullo publico munere fungi videatur. Est autem omnis regia disciplina in vna iustitia collocanda: ex quo efficitur, eum, qui iustitiam colit, esse in dignitate regia locatum, diuinam itaq; mentem & rationem semper intuetur, omnia vitæ cōsilia ad legem illam sempiternā dirigat: officiorum omnium momenta æquitatis diuinæ trutina perpendit: atque postremò nihil nisi de supremi Regis sententia sancit atque præscribit. Sibi igitur pro dignitate imperat, omnes affectiones suas regit & temperat; & alias quidam partes animi continendo, alias verò sapienter excitando, totum animum sibi inter se consentientem efficit, & florentem opibus, omniumque diuinorum bonorū affluentia beatum. Hic igitur, qui animi sui statū diuina lege componit, est, qui alios potest legitimo imperio moderari: non is, qui, quantum id minus esset, ne suspicari quidem potuit, & quasi ad ludum, ita ad tractandam Rempublicā accessit. Qui enim sibi ipsi nō imperat, quomodo alijs imperabit? qui suam cupiditatem minimè coercet, quomodo aliorum intemperantiam refecabit? qui bellis intestinis agitur, quomodo ciuitatis

pacem & otium constituet? qui est libidinis effre-
 natae mancipium, quomodo libertatem aliorum
 defendet? qui nunquam è mendicitatis sordibus
 emerfit, quomodo ciues suos opibus locuple-
 tabit? qui curis anxius, infelix, & ærumnosus
 qui denique (vt vno verbo dicam) miserrimus
 est, quomodo ciues florentes ac beatos efficiet?
 Cum igitur ciuitatis otium, libertas, dignitas, o-
 pulentia, securitas, atque beatus denique ciuita-
 tis status Regi propositus esse debeat: liquet certè,
 cum regnū administrari non posse, qui neque pa-
 cem, neque libertatem, neque honestatem, nec o-
 pes vllas animi possidet, estque omnibus simul
 malis implicatus. Quod si nequam homo & iniu-
 stus, est regio nomine indignus; sequitur, vt iustus
 eo iudicetur esse dignissimus. Licet enim sit ab om-
 ni publici muneris functione remotus; id tamen,
 quod ad regium officium pertinet, diligenter ex-
 equitur. Quantum nanque animo contendere, stu-
 dio niti, diligentia consequi potest: tantum in
 omnium fructum & vtilitatem confert, omnemque
 mentem in publica salute defigit, eaque tandē cha-
 ritate vniuersum genus amplectitur, vt pro salu-
 te omnium mori cupiat. Nullum igitur locum, cū
 adest opportunitas, vel accusandi, vel castigādi,
 vel admonendi, prætermittit: nullumque pro iusti-
 tiæ defensione periculū recusat; sanguineque suo
 cupit omnium salutem constitui. Sic enim sequi-
 tur maximi illius Regis exemplum; qui, vt suos è
 mortis ipsius faucibus eriperet, crucem sponte sua
 subiuit. Cum autem ad hanc laudē Reges spectare
 debeāt; vt, commodorum suorum, cū opus ita fue-
 rit, oblitī; vniuersæ Reipublicę incolumitati pro-
 spi-

spiciant: qui tandem erunt Reges existimandi? Illine, qui commodorum suorum causa ciues euerunt? an qui vitā negligunt, vt omnium vitam tueantur? qui scelerum exemplis ciues suos corrumpunt? an qui virtutis exemplis eos ad omne genus honestatis erudiunt? qui miseros homines ab humanitate ad feritatem transferunt? an qui studio diuinæ virtutis imitandæ multos mortales incendunt? qui postremò homines à Deo alienāt? an qui homines cum Deo coniungunt? omnis enim beatæ vitæ ratio in hac coniunctione, quæ nobis est cum Deo, continetur. Rex autem, si verè Regis nomen obtinet, cū id spectare debeat, vt ciues beati sint: sequitur, vt nihil sit tāta cura & studio prouidendum, quàm vt omnes ciues, Deo pietatis cultu, fideique sanctitate deuinciat. Nihil igitur tam pertinet ad Regis officium, quàm instaurandæ sanctissimæ religionis studium. Non igitur hi sunt habendi Reges, qui religionem negligunt; sed qui religionem sanctissimè colunt. Illi enim perimūt, hi conseruant: illi à Deo diuellunt, hi Deo adglutinant: illi in sempiternam miseriam detrudunt, hi ad sempiternam gloriam deducunt. Illi igitur, quos iustitiæ furor exagitat, tyranni truculentissimi sunt existimandi: hi verò, qui iustitia florent, Reges optimi iudicandi. Semper enim erunt ciuibz suis salutare, maximè autem, cū tam præclarè cum hominibz actum fuerit, vt perindè, atque digni sunt, in Reipublicæ administratione collocentur. Nacti enim materiam animorū suorum prudentiæ & magnitudini cōsentaneum, diuitias suas explicabunt, regiamque virtutem multò, quàm antea magnificentius in publicam

salutem conferent. Tunc igitur reuiuifcet innocentia, emerget libertas, virtus excitabitur, omnes opes auctæ & amplificatæ summam communibus rebus tranquillitatem afferent. Quod si aliquid fuerit aut intestino scelere intra ciuitatem tumultuatum, aut aliqua vis externa muris appropinquauerit, ipsæ armis tecti erunt, vt à suis facillimè perniciem depellant. Nam, cùm multùm possit hominum consensus & conspiratio in communi salute defendenda, tum contra opes, diuinæ voluntatis consensione stabilitas, sempiternoque diuini amoris foedere cōfirmatas, quis poterit in acie stare? Sic igitur eueniet, vt nūquàm possit illis afferri pernicies, qui sese totos iustorum hominū moderationi commiserunt, eisque fidem præstāt, quam à principio dederunt. Hi enim & sacerdotij religione Deum hominibus placant: & rursus homines ad Deum sanctis institutis & legibus adiungunt. Hac autem Dei cum hominibus coniunctione permanente, necesse est, vt omnes sint & à malis tuti, & bonis omnibus aduentes. Verissimè quidem fuit olim dictum à Stoicis, solum sapientem esse liberum, regem, pulchrum, lautum, copiosum, & opulentum: quamuis, quis esset ille sapiens, minimè vidissent. Sapiens enim est is, qui non humanis disciplinis, sed diuinis instructus est. Is enim solus summam & altissimā bonorū omnium causam videt, & viam beatæ vitæ non ignorat, & omnes rationes immortalis gloriæ consequendæ tenet, & in diuinam mentem semper intuetur, & ad sempiternam legem officia omnia dirigit. Cùm igitur mentem diuino lumine illustratam gerat, res pestiferas arceat, salutarem

Iutare accersit, infima despicit, supera concupiscit, tenebras odit, lucem amat, in illamque curis omnibus intētus nunquam à iustitiæ via defleſcit, Is igitur solus liber est, cupiditatis enim tyrannide liberatus, nihil agit, nihil molitur, nihil decernit inuitus; sed cum summa iucunditate omnia facinora præclara suscipit. Rex item solus cœsendus est. solus enim tum se, tum alios regere potest; & communem salutem, cum ei commissa fuerit; imperio & moderatione sua stabilire. Pulcher etiam is solus est, in cuius animo nihil discrepans & dissentaneum inueniri potest: sed admirabilis omnium partium inter se conueniētiæ; cuius oratio cum mente, cum oratione verò vita consentit; qui diuino lumine splendet, & clarioribus indies ornamentis afficitur; cuius denique tam honesta & liberalis species est, vt animi decore & dignitate, diuinę pulchritudinis speciem representet. Quid autem de gaza dicam, quam iusti non habent in arca, sed in animo, & in cœlo cōditā? Nullo igitur modo potest aut latrocinij diripi, aut calumnijs auerti, aut fluctib. obrui, aut tempestate corrumpi, aut infidelitate comminui, aut vetustate consumi. Quid denique vel ad emolumentum, & fructum, vel ad vitę decus & ornamentum illis deesse potest, qui sunt ipsi bonorum omnium auctori, totiusq; honestatis principio, sempiterno fœdere copulati? In hoc autē fœdere, quo mentes puræ & castæ cum diuina mente coniunguntur, omnis iustitiæ ratio cōsistit ita, vt nihil sit aliud iustitia, quàm Deo coniungi; nihil aliud iniustitia, quàm ab illius cōiunctione diuelli. Vnum siquidem est totius iuris initium, vnus æquitatis

DE IUSTITIA

& iustitiæ fons, vnus denique rerum modus atque mensura, qua cuncta formanda, & metienda sunt, & ad quam omnia, quæ in aliquam ordinis rationem includuntur, sunt necessariò reuocanda; nempe, mens illa beatissima, quam eandem legem sempiternam appellare licet, omnia imperio sempiterno deuinciens. Non igitur potest alia iustitiæ regula, legumque omnium principium assignari, quàm illud præcellentissimum Dei numen, natura simplex, virtute multiplex, virib. infinitum; quod omnia coerces, & continet, admirabilique ratione regit atque moderatur. Vndè colligitur, omne iniustitiæ fundamentum esse in superbia, & infidelis animi contumacia ponendum. Nec enim aliud est iniustitia, quàm rebellis animi distractio, qua sese ab illo iuris fonte dissiungit, tantaque dementia deprauatur, vt existimet posse se absq; Dei gratia & singulari illius ope consistere. Omnia igitur mala mentem illius hominis miseri, qui sese à diuina gratia detrahit, protinus insequuntur. Lux enim eripitur; nox offunditur; cupiditas incitatur; furor inuadit; amentia vexat; & animum curis cōfectum, dilacerat; & pro decore & dignitate, flagitium, dedecus & turpitudine dominatur. Nec enim est interim, cur in tantis malis quisquā naturæ imbecillitatem accuset. quamuis enim nulla esset nobis cum corpore societas, nullum cum terrestri natura commercium, quamuis humana mens esset ab omni concretionē mortali secreta & libera, ita vt nullis morbis corporis impediri posset, quò minus verum inquireret; nullo tamē modo per se posset officio fungi, statumq; suum tueri, & incolumem à clade & interitu conseruare.

Nulla

Nulla enim erat mentibus illis, quæ à cœli fastigio deciderunt, cum corporea aliqua mole cōiunctio: quæ tamen, cū primum in se ipsis omnia posuerunt, vanissimisque cogitationibus inflatæ suspicatz sunt, sese ope diuina minimè indigere, naturæque præsidij innixæ, Dei præsidium neglexere; confestim corruerunt, atque supernè cadentes, multò sese grauius affligerunt, quàm si ex minore dignitatis gradu concidissent. quò enim mens acrior est, & maiores à natura opes habet: eò, cū est singulari Dei ope & patrocinio destituta, maiore quadam ruina opprimitur, & grauiores amētiæ poenas exoluit. Vt enim in fabulis Polyphenū ab Ulyssæ excacatum cernimus, multò grauius offendere & ad rupes allidi, quàm si natura fuisset imbecillior: sic mens & ratio, quò est altior, atque natura vehementior; eò, cū est lumine diuinæ mentis orbata, impetu magis furibundo fertur, multoque vehementius ad facinus incitatur, maioremque sibi pestem comparat. Quò eò magis de mentis cæcitate asserendum est, quòd corporis cæcitas mente iudicatur: mentis verò cæcitas nullo sensu ab eadem mente percipitur. Est enim creptum illud ipsum iudicium, quo erat illi de sua ipsius cæcitate iudicandum: sic fit, vt, quò magis quisque mentis cæcitate laborat; eò magis sibi sapientiam arroget, & prudentiæ nomine insolentius efferatur. Vt igitur, si fieri posset, vt aliquis orbatus oculis, id non sentiret, & ea de causa ducem, à quo regeretur, minimè flagitaret, quò esset natura robustior, seque vehementius incitaret, eò maiore impetu præceptum in exitium raperetur: sic mens orbata diuino præsidio, cū cæcitate

tem suam non consideret, sibi que acumen & solertia insolenter assumat, quod est illius natura prestantior, eò est impetus illius ametior, & calamitosior. Hoc in omnibus euenire cernimus, vt quod quisque magis valet ingenio, & industria, eò, cum se ad flagitium applicat, est amentior, & improbius, & communib. rebus infestior. Quod igitur magis Angeli natura humanæ antecellit, eò furor illius immanior extitit, & casus; & ruina grauior; & exitium dirius atq; funestius. Parum igitur iuuat præstans vis naturæ, si Dei præsidium absit, diuinumque lumen deficiat. Abest autem ab omnibus, qui non in Deo, sed in se præsidia vitæ constituunt, eaque confidentia præcipientes sese ab illius inoderatione remouent, existimantes, esse se naturæ opibus satis instructos, ad suum statum conseruandum. Nō est igitur naturæ fragilitas nobis exitiosa, sed nimius amor nostri, quo nos ipsos amplectimur, vsque eò, dum à Deo desciscamus; gloriamq; illi debitā ad nos ipsos impudenter & impie transferamus. Vt enim Angelis, qui præcipientes amentia conciderunt, naturæ præstantia salutem afferre non potuit, cum primum sese à Deo disiunxerunt: ita neque nobis naturæ imbecillitas perniciem afferre poterit, si Dei voluntati fuerimus affixi, neque vnquam nos ab illius ductu & imperio scijunxerimus. Inuictum enim robur assequemur, quo facillimè cuncta nobis obstantia repellamus; & officijs omnibus cum laude perfungamur. Nō est igitur vllō modo cunctandum, profiteri, nullam mentem & rationem, quamuis vegetam, & ætalem, omnibusque naturæ præsidijs instructissimam, luce tamen & gratia diuina vacuam, posse

officium suum tueri, & veræ iustitiæ munus exequi, & statum animi conseruare. Cum enim Deus sit mentium lux; cum sit veritas sempiterna, cum denique sit iustitiæ fons, totiusque vitæ modus atque moderatio, sequitur, vt, qui se ab illo segregant, sint continuò tenebris oppleti, falsis opinionibus inflati, immoderatè in omnes partes agitari, & plurimum ab omnibus iustitiæ laudibus abhorrentes. Vnde concluditur, omnem iustitiæ vim in eo positam esse, vt Deo semper adglutinemur; neque aliquid in vita sequamur, quod non sit illius voluntate & imperio comprobatum. Constat enim, eum, qui in se ponit aliquid, quod ad summam beatæ vitæ pertineat: qui disciplinam aliquā proficitur, quæ non à diuina mente hausta, & delibata sit, qui denique humanis prædijs se egrogè munitum fore confidit, aliundeque omnia vitæ subsidia comparat, esse nefarium & iniustum. Quod vt rectius possit intelligi, ipsius iustitiæ magistrum in medium afferamus. Vide, quo argumento iusticiam suam confirmat. Non possum, inquit, ego à me facere quidquam, hoc est, non possum ego ius & fas omne delere; iustitiæ sanctitatē violare, quidquam contra iuris diuini præscripta moliri: atque (vt vno verbo sensum illius explanem) non possum, inquit, ego iniquitatem vllam suscipere: suscipere porro, si aliquid facerem, quod non esset patris mente, voluntate, numine, sententia constitutum. Ex quo quidem loco sanè liquet, eum, qui à se promit aliquid, hoc est, qui sensum suum, non patris illius optimi voluntatem sequitur, esse iniustitiæ scelere contaminatum. Adiungit deinde: Sicut audio, iudico, & iudicium

eium meum verum est, quia non quæro voluntatem meam, sed voluntatem eius, qui misit me. Hic planè docet, id esse verum iudiciũ; quod patris mente & sententia continetur: illud verissimum iustitiæ munus, quod ad voluntatem illius dirigitur; ita, ut, qui id, quod à Deo non accepere, temerè pronunciant, aut proprium ingenium sequuntur, neque in Dei mentem & voluntatem respiciunt; sint omnes mendaces, & fraudulentissimi, omnibusque iniustitiæ sceleribus alligati. Tum addit: Si ego testimonium perhibeo mihi ipsi, testimonium meum non est verum. Docet omne maximarum rerum testimonium, quod non est patris auctoritate confirmatum, esse fallax, & inane, ex mendacio & fraude compositum. Paucis deinde interiectis, inter verum Regem, atque Tyrannum importunum insigne discriminè apponit. Ego, inquit, veni in nomine patris mei, & non accepistis me: si alius venerit in nomine suo, hunc accipietis. Cõarguit eorum furorem & amentiam, qui verò Rege neglecto & repudiato, immanem Tyrannum ceruicibus suis imponent. Rex autem verus, & in omni genere regis virtutis excellens, is est, qui nunquam sese iniuriæ ullius contagio maculavit, sed omnia iustitiæ munera semper obiuit. Nunquam enim oculos à patris mente deiecit, & leges omnes de sententia illius sanxit; & ex voluntate illius regnum semper administravit; omniaque munera & officia ad illius voluntatem direxit. Contrà verò Antichristus, qui est scelere & immanitate sua exitium multis mortalibus allaturus; erit totus ex omnium scelerum colluione, & ex iniustitiæ importunitate concretus: quod quidem ex

eo cognoscitur, quod à se sumet omnia, mentem suam consulat: ingenio & opibus suis fretus tyrannidem occupabit; & omnia, quaecunq; faciet; ad gloriam suam referet, atq; ut nomen suum clarum & illustre reddat, scelera infinita suscipiet; in eoque vehementer elaborabit, ut se Deo anteponat. Illum igitur iam studio & voluntate sequuntur, & imaginem illius gerunt; qui suam inconsideratam temeritate, diuinis institutis anteferunt; neque in Dei nomen; sed in suam ipsorum gloriam intuentur: qui omnes, quantum in illis est; improbi Tyranni, humanoque generi pestilentes, & perniciosi sunt. Contra verò, illi solum benefici & salutare sunt existimandi; qui omnia præclara facinora, ut Deo obediant, moliuntur; ad illiusque gloriam dirigunt omnia vitæ consilia. In quo Regem illum imitantur, qui venit, ut ille ait; in nomine Domini. Ecce, inquit alibi, relinquitur vobis domus vestra deserta: dico enim vobis; quod me non videbitis posthac, donec dicatis: Benedictus; qui venit in nomine Domini: Denunciat illis exitium & vastitatem; qui imperium illius detrectarunt; eosque tantisper ait ab ope diuina deferendos esse, dum in ea improbitate permanserint. Neque enim, inquit, me, in quo solo est omnis vestræ salutis ratio constituta; præsentem habebitis; donec fateamini; esse me Regem illum; quem Dauid diuino instinctu & afflatu venturum prænuñciauit: non, ut contra patris imperium in principatu locaret; sed ut omnia ad patrem; tanquam ad summum bonorum omnium principium & causam; dirigeret. Idem inquit alibi; Eum, qui venit ad me, non eijciam foras:

Ec

quia

se loqueretur, neque aliquid enūciaret, nisi quod sibi esset à patre & filio, è quibus ex omni æternitate temporis emanat, inexplicabili ratione communicatum. Vt igitur filij iustitia ex eo perspicitur, quòd nihil possit assumere, quod non sit patris sententià definitum, vt spiritus diuini veritas & sanctitas, eo testimonio confirmatur, quòd nihil hominibus explanet, nisi quod ab ipso sapientia & bonitatis fonte perceperit: ita nostra iustitia & sanctitas, in eo toto consistit, vt nihil in vita, nisi de illius summi Domini sententià, statuamus. Quidquid enim ille non præcipit, quidquid non est illius voluntate constitutum, scelus est, quamuis sit interdum populari fama gloriosum. Contrà verò, quidquid ille statuit, quamuis primo aspectu, tetrum & inhumanum facinus esse videatur: est tamen officium iustum, & debitum, & necessarium, in sempiternaque laude & gloria ponendum. Quid enim videtur esse ad laudem præclariùs, quam eos, quos vi belli subegeris, misericordia conseruare? At Saul, cùm Amalecitarum Regem, quem prælio fuderat, supplicem & abiectum excitauit, scelus nefarium commisit: quia contra Dei imperium se benignum videri voluit. Quid contrà videtur immanius, quàm filium nullo crimine infamem iugulare? At Abraham, cùm, vt Deo obediret, vnicum filium animi sui effigiem, in quo spem posteritatis suæ collocarat, manibus suis immolandum suscepit, iustitiæ laudem sempiternam consequutus est. Hic igitur vnus tantum est habendus officiorum omnium delectus, hoc notandum iuris & iniuriæ discrimen: hæc iustitiæ & æquitatis regula seruanda: vt quid-

quid intellexerimus esse diuina mente & ratione
 sancitum, quamuis illius causam minimè tenea-
 mus, iustum & sanctū, & pium existimemus. Quid-
 quid verò cum illius mente & sententia pugnat,
 licet videatur esse iustum, & pium, scelestum ta-
 men & immane facinus arbitremur: ita semper in
 omnib. vitæ consilijs & legē & numen illius sum-
 mo studio consulamus: quemadmodum vir ille
 sanctissimus ait: Consilium meum sanctiones tuæ.
 Quocircà Deus apud Prophetas sæpè cum impijs
 hominibus expostulat, quòd non Domini mentē
 inquirerent, quòd spiritum illius minimè con-
 sulerent, quòd ingenium suum, quòd cogitatio-
 nes & consilia sua sequerentur, nec in Dei volun-
 tatem respicerent, neque illius opem implorarēt.
 Itaque summum iustitiæ facinus in hac amentia &
 improbitate ponit, qua homines, non quid Deus
 præscripserit; sed, quod illis rectum esse videtur,
 operibus exequuntur. At verò apud Isaiam, cū
 illius iustitiæ sanctitatem, qua erat ecclesiæ exor-
 nanda, prædiceret, nomen illi imponit *hebsiba*, hoc
 est, voluntas mea in ea, vt doceat omnem ecclesiæ
 sanctitatem in eo sitam esse, vt in ea nihil aliud,
 quàm Dei ipsius voluntas dominetur. Vtenim om-
 nīs iniquitas & iniustitia, ex voluntate nostra
 fluit (tunc enim scelere iniquitatis alligamur,
 cū ipsi nobis obsequimur): sic iustitia tunc in
 nobis efflorescit, cū nostra voluntate neglecta,
 omnem vitam ad Dei voluntatem accommoda-
 mus, neque sensus nostros, sed spiritum Christi
 sequimur, ita, vt possit quilibet cum Paulo di-
 cere: Viuo ego, iam non ego, viuit verò in me
 Christus. Hoc autem fit, cū oppressis huma-
 nis

nis sensibus, & extincta cupiditate, sensibus diuinis afficimur, & incitatione quadam mētis ad cœlum aspiramus. Omnis igitur iustitia, in fidei perfectione consistit. Fides enim hoc vnum munus in vita suscipit, vt cupiditati interitum afferat, vt spiritus tantum Christi in animo dominetur, atque ita tandem animus ipse cum Deo arctissimo vinculo coniungatur, vsque adeo, vt ex animis humanis atque diuina mente fiat vna voluntas, & studiorum omnium summa consensus. In hac autem animorum nostrorum cum Deo coniunctione, omnem iustitiæ sanctitatem, omnemque beatæ vitæ rationem cōtineri, sanctissima illa Christi præcatio declarat, qua pridie illius diei, quo erat morte afficiendus, pro fructu mortis suæ patrem veneratus est, Pater, inquit, sancte, serua eos, quos dedisti mihi, vt sint vnum, sicut & nos. Quàm cupiat nos esse Deo coniunctos, & nobiscum inter nos amore cōsentientes; satis hac oratione perspicitur. Idcirco à patre contendit, vt nostri amoris coniunctio, diuinæ naturæ coniunctionem, quoad eius fieri potest, imitetur. Deinde post pauca, docet, illud ardentissimum charitatis suæ desiderium, non esse tantum Apostolorum, cum quibus vixerat, amore & studio definitum, sed in nos omnes extendi. Non pro eis rogo tantum, sed & pro eis, qui credituri sunt per sermonem eorum in me, vt omnes vnum sint, sicut tu pater in me, & ego in te, vt & ipsi in nobis vnum sint. Vt autem magis ostendat, omnem rationem nostræ dignitatis, cuius constituendæ gratia in crucem sublatus fuit, hoc animorum nostrorum vinculo contineri: in eadem sententia perseverat.

Ait enim: Ego claritatem, quā tu dedisti mihi, dedit eis,
 vt sint vnum, sicut & nos vnū sumus, ego in eis, & tu in
 me, vt sint consummati in vnum: & cognoscat mundus,
 quod tu misisti me, & dilexisti eos, sicut & tu me dilexi-
 sti. Vtrūq; simul docet, & eos, qui Deo sunt pietate cō-
 iūcti, esse iā ornamenta diuina cōsequutos, & nihil al-
 liud esse, quod dei gloriā apud homines clariū illustret,
 q̄ omniū sanctorum hominū in amore cōsensu & cōspi-
 ratio. Cū n. quilibet eorū sit Deo eximio quodā amo-
 re deuinctus, necessariū fit, vt sint inter se illo cōmuni a-
 moris diuini vinculo colligati, tantoq; fœdere cōsenti-
 entes, vt nihil cogitari possit in vita copulatiū. Ex ea au-
 tem animorū cum mente diuina consensione omnis di-
 uinæ virtutis claritas emanat, & bonorū omnium afflu-
 entia, quam intuentes homines obstupescūt. Deumq; de-
 bita laude venerātur. Cū igitur, vt iā huic vltimę par-
 ti finem imponamus, omnia Christi vota cōpertinerēt,
 vt ē corpore excedentes, ad Deū adiungeremur, omnesq;
 que ab eo suscepti labores ad eum finē spectarent, vt no-
 iustos efficeret: satis constat, omnē iustitiam in hoc san-
 ctissimo vinculo cōsistere, quo summo illi Domino, op-
 timoq; parenti deuincti sumus, atque nōdo sanctissimo
 colligati. Ex hac autē animorum cū diuina mente col-
 ligatione, summa tranquillitas & quies repente nasci-
 tur, omniumq; curarū laxamentum. Vt enim, cū
 variā & infinitā, eandēq; immanem & impor-
 tunā cupiditatem sequimur, quieti esse nō possumus:
 sic, cū corporis cupiditate liberati, in vnum illud tan-
 tū studiū incumbimus, vt Deo coniungamur; feli-
 cissima laborū omnium requiete perfrui. omni-
 bus enim bonis, quorū cupiditate incendimur, & in-
 finitos labores excipimus, & vitam in discrimen addu-
 cimus, & cum assiduis molestiis constamur; tū de-
 mū circumfluimus. Lucē nanque diuinā aspiciamus:
 opes ingentes habemus: eximijs voluptatibus abunda-
 mus: excellenti specie & forma præcellimus: regiam po-
 strēmō dignitatē aduiscimus, ita: vt nullum bono-
 rum genus sit, quod homo præterea in hac vita deside-
 ret; maxime, cū eos, quos eximie diligit, eisdem bonis
 affluere conspiciat, & ea de causa multis partibus am-
 plicato gaudio triumphet. Recte igitur in sanctis lite-

ris requietis nomine, iustitia declaratur. In ea nanq; operis diuini perfectio, atque summa consistit, ita vt in ea Deus ipse quasi conquiescat. Non quidem ita, vt iusti ab illius procuratore deferantur, aut aliquid in vita absq; illius ope moliantur: sed quemadmodum septimo ab orbo condito die quiescere dicitur Deus, non quòd ullam instituti muneris vacationem habuerit, sed, quòd nihil illis diebus prætermisisset, quòd ad mundi perfectionē & ornatum pertineret, ita, vt nihil aliud quies illa designet, quam operis absolutionem: ita post iustitiam in animis informatam, quiescere Deum non incommodè dici potest, eo, quòd opus omnium pulcherrimum, in quo reliqua omnia conferuntur, admirabili quodam artificio, & excellenti opere fecerit, & expolierit. Vt enim post sex illos dies nullum opus, quòd ad corpoream naturā pertinet, nouum instituit, nec ullam formam finxit, cuius non antè causas atq; semina creauisset, cum nihil ad mundi vel stabilitatem vel ornatum desiderari posset: sic post iustitiam in animis effectam, nō opus est, vt Deus nouam aliquam speciem ingereret, sed, vt eam, quā formauit, tueatur atque conseruet, maioribusq; indies ornamentis afficiat. Vt igitur artifices excellentes, cum opus, in quòd plurimum operæ & studij contulerūt, absolutum vident, relaxantur animis, & cura omni atque sollicitudine liberati quiescunt, eximiamque voluptatem percipiunt: sic, cum Deus in hominis mente iustitiæ formam perficit & absoluit, ab illa molitione (vt ita dicam) operis conquiescit, & perfectione illius mirificè delectatur. Est enim illa requies, animique remissio, nihil aliud, nisi operis absoluti comprobatio. Si igitur quieuit die septimo, quòd mundum à se perfectè conditum animaduernerit: multò profectò magis quiescit, pleniorēque voluptate perfunditur, cum opus omnium maximū, cuius causa reliqua omnia molitus est, expletum considerat. Si enim rationem inquiras, cur cælum astris distinxerit, & ornauerit, cur terrā aquis cinxerit, omniq; genere arborum & frugum cōseuerit, cur aerem terris & aquis circumfuderit, & animantia cuncta creauerit, & totum hoc denique admirandum opus fabricatus sit; non aliam reperiēs, quam bonitatem illam eximiam, atque præcellentem, quæ illum

DE IUSTITIA

impulit, vt iustitiæ fructum hominibus impertiret. Vt igitur essent in terris homines, qui iustitiā colerent, mundum ædificauit, non modò, vt haberent aptissimum vitæ domiciliū, verū etiam in ipsa natura clarum iustitiæ specimen atque documentum, in quod intuentes, sese in iustitiæ studium incitarēt. Quid legis diuinæ promulgatio? Quid sanctæ religionis institutio? Quid Reipublicæ vniuersæ descriptio? Quid præmia bonis a lege proposita? Quid supplicia nocentibus & facinorosis constituta? Nonne hæc omnia iustitiæ causa fuerunt sancita, sacrisque monumentis ad hominum sempiternam memoriam consignata? Quid de illa diuinæ clementiæ & benignitatis magnitudine dicendum, qua Deus hominum peccata tolerat; neque cū primū scelus aliquod immane suscipiunt, meritum sumit de illorum improbitate supplicium: quò spectat aliò, nisi, vt vel improbos ad iustitiā a prauitate vitæ conuertat, vel eorum improbitate iustorum hominum virtutem exerceat: vt & improbos seuerius vlcisatur, & probos præmio ampliore remuneret? Sed, vt tandem ad id, quod est omnium maximum, veniamus; quid aliud gessit Christus in vitæ cuius rei gratia tantos labores suscepit? cur denique necem & cruciatum expetiuit, nisi vt hominum mentes iustitiæ diuinis ornamentis excoleret? Itaque ait, se cruciari vehementissimè desiderio balnei illius perficiendi, quo erant omnes hominum sordes eluendæ. Adiungit deindè, se nihil aliud in vita moliri, quàm vt ignem cœlestem in hominum visceribus implicaret. Ignem appellat illud studium pietatis, ardore iustitiæ

vehe-

vehementer inflammatum. Dicit itaque adeò sibi gratum esse hoc incensum & incitatu iustitiæ studiũ, vt nihil sit sibi præterea postulandũ. Si igitur hoc vnum opus egit, hoc ardēter appetiuit, & hui⁹ vnus muneris efficiēdi gratia labores immensos pertulit: quānā tandem erit alia requies illius existimanda, quā iustitiæ perfectio, & tanti tamq; diuini operis absolutio? Sic enim inquit apud Isaia: Propter Sion non tacebo, & propter Hierusalem non quiescā, donec egrediatur, vt splendor, iustitia eius, & salus eius, vt lampas, accendatur. Quo in loco planē demonstrat, requietē illius esse in iustitia nostra constitutā. Vt enim olim Iosue cū multis nationib⁹ signa cōtulit, atq; confluxit, ingentes exercitus ad interuersionē deleuit, quā plurimas ciuitates expugnauit, vt tandē populum sibi commissum in quietis sedib⁹ locaret, atq; laborib⁹ summis cū amplissima laude perfunctus à bello gerēdo cōquiesceret: sic & Christus, postquā humani generis hostes inuicta virtute repressit, proūgauit & extinxit: eos oēs, qui sub illius imperio militāt, in ipsius iustitiæ possessione cōstituit: vt ipse laboris sui fructũ quietē percipiat, & qui in illius fide permanēt, quietis & tranquillis animis diuinæ gratiæ fructu cum summa vitæ iucunditate potiatur. Quòd non solũ vniuersè in omnib⁹, sed in singulis etiā hominib⁹ exploratē perspicitur. Cū. n. Deus hominē aut minis exterret, aut præmijs inuitat, cū motũ affert animo, eūq; futuri iudicii cogitatione sollicitat, cū suorũ opera eū erudit, & admonet et infectatur: in iustitia cōstituenda laborat. Cū verò hominē in pietatis studiũ fide cōcitato iustitiæ possessionē cōfirmat: tūc ipse quodāmodo ces-

fat à labore, quē in iustitia inducēda susceperat, & animo corū, qui tātis opib, exculsi sunt, quietos atq; trāquillos efficit. Nō igitur immeritō iustitia diuino beneficio cōcessa, in sanctis literis requies Dñi nūcupatur. Idcirco Dauid ait: Surge, Domine, in requiē tuā, tu & arca sanctitatis tuę. Nec n. tam laborabat Rex ille sanctissimus, vt arca fœderis, quę stabilē sedē nō habebat, in tēplo, quod animo designarat, tandē locaretur; quā vt ipse Dñs sibi stabilē sedē & domiciliū in animis collocaret: q̄ qui dē erat iustitię munere perficiendū. Adiungit. n. Sacerdotes tui induant iustitiā, & sancti tui exultent. Videbat enim vir diuinus omnem lēgitimę causam in iustitię fructu cōsistere. Idē alibi, exemplo eorum, qui perfidia sua conciderunt in solitudine, neq; sunt in regionē illam à Deo promissam ingressi: vehementer homines exterret, atq; ad fidei studiū exhortatur. Sic enim Deus apud illū loquitur: Quadraginta annis pertuli gentē illā: & dixi, hi errant corde, & nō cognouerūt vias meas: quib. iratus iuraui, eos minimē ingressuros in requiem meam. Quē locum Paulus in epistola, quā scripsit ad Hebręos, diuinitus explanans, argumēto necessario concludit, quietis nomē neq; tam in septimum à natura condita diem cōuenire: neq; tā in illud otium, Iosue opēra in Syrię regione constitutū, quadrare, quā in iustitię fructū & possessionē. Nec enim Dauid, cū metum proponit hominib. ne scelere suo à requie Dñi penitus excludantur, sabbathū illud intelligit, q̄ oēs tam pijs quā sceleratjs septimo quoq; die incredibili cæremonia celebrabāt, neq; religionē illā intelligit, in qua multi etiā perditī atq; prodigati sedes habuerūt, sed beatissimam

nam illā iustitiæ hæreditatē & possessionē, in qua quidē omnes, qui diuino munere & beneficio locati sunt, in summa bonorū omniū abundantia requiescunt, & tranquillissima pace & otio perfruuntur. Relinquitur igitur, vt inquit Paul⁹, sabbatism⁹ populo Dei. Sic enim appellat, nomine ab Hebræa voce deducto, illam animi quietē, & otium iucundissimum iustitia partum. Tūc addit; Qui enim ingressus est in requiē ipsius, & ipse cessauit ab operib. suis, quemadmodū à suis Deus. Assignat rationem, quare iustitia nobis à Deo concessa per fidē, non modò requies Domini, sed nostra etiā requies, appellanda sit. Deus enim antea magnam (vt ita dicā) molestiā capiebat, humanæq; perfidiæ & improbitatis acerbitatem perferebat, multumq; in efficiēda iustitia laborabat: à quibus curis omnibus. requiescit, cū iustitiam in nobis absoluit. Nec. n. iā auocat à flagitijs animū, in quo nullū refidet flagitij vestigiū, nec iā à scelere deterret eum quem videt studio probitatis incensum: nec cōminatur exitiū hominib. omni iā crimine solutis: nec molestiā vllam capit ex vllius vita, quæ tota ex ipsius volūtate gubernatur: neq; postremò nouæ alicui⁹ formę dignitatē efficit in eo, quē iā pulchritudine & claritate suę virtutis illustrauit. Cessat igitur ab his operibus, neq; aliud opus suscipit, quā vt eadē ipsā iustitię formā, quā genuit, numine suo tueatur, clarioribusq; & ampliorib. indies ornamentis afficiat. Sic etiā & nos tūc ab operib. nostris omninò cessamus. Nec. n. sensus nostros in consilium adhibemus: neque ingenio nostro confidimus: neque diuinæ præscriptioni iudicium nostræ mentis anteponim⁹: nec in vias nostras ingredimur: ne

DE IUSTITIA

que vi & impetu multiplicis & infinitæ cupiditatis in varias partes diducimur: neq; postremò diuini numinis metu & ancipiti cura cōficimur. Qui .n. totam suā vitam & dignitatē habet in diuina benignitate repositā, illudq; tantū summū bonum in tuetur, & respicit; facile animū ab illa nefariæ cupiditatis infinitate retractū, ad illā vnā curā traducit: vt illi Dño, cuius cōplexu omnia sūma, & sempiterna bona continētur, amoris eximij indissolubili vinculo copuletur. Hęc est igitur illa requies quæ sola est salutaris atq; iucūda, diuinisq; voluptatib⁹ in omni genere referta, ipsiq; Deo gratissima. Quod quidē, vt olim lex designaret, in sacrificijs maiore quadā religione & sanctitate procuratis, dicit Deū fuisse odoratum odorē suauitatis, aut (vt verbū ē verbo Hebręo vertamus) odorē requietis. Sacrificiū autē Dño gratissimum, & acceptissimū odorisq; suauitate fragrantissimum, est iustitiæ sanctitas atq; religio: qua quidē requies Dei & hominum cōtinetur. Vt enim Deus molestissimis curis leuatur (nec .n. irascitur, neq; minas proponit, nec suppliciū irrogat) ita homines metu, cura & angore, egritudine, tabe, & cruciatu liberātur, & omni bonorum copia cumulati incredibiliter exultāt. Nostri .n. vijs ingressi, in sempiternā pestē ruimus: Dñi verò vijs ingressi, omnia repētē bona cōsequimur. & ita fit, vt quietē cū summa iucunditate, & otium cū dignitate, nobis ipsi pariamus. Quid .n. expetit animus? Quæ eum cupiditas tenet? Quæ mentē humanā cura sollicitat? Cui⁹ rei gratia veriat in oēs partes ingenium? In quē finē laborē iminēsum suscipit nōne, vt aliquādo à laboribus omnib⁹ requiescat. Quiescere autē non potest, nisi

prius

prius omnib. veris bonis expletus & cumulatus extiterit, vt nulla eum cupiditas deinceps exagitet. Veris autē bonis afcūere nō possunt, nisi fuerint ad illū bonorum omnium fontē applicati. Deo autē coniungi nequeunt, nisi qui iustitiā sanctē colunt. Sic igitur fit, vt nemo quiet⁹ esse possit, nisi cū iustitia vixerit. In iustitiæ igitur cultu omnis beatæ vitæ ratio & summa cōsistit. Si igitur id præstat animo iustitia quod nullæ diuitiæ, nullæ facultates, nulla imperia præstare possunt; nempe vt animus ab omni cura & sollicitudine cōquiescat, idq; tandē obtineat, in q̄ omnia vitæ consilia ab omnibus mortalibus conferuntur: cur non alijs rebus omnibus contemptis & abiectis, omnes curas & cogitationes, omniaq; vitæ studia vni iustitiæ dicamus? Quid enim illa clarius? Quid illustrius & magnificentius? Quid bonis diuinis afcūeti⁹? Qui enim illa potiuntur, nō modò diuina luce fruuntur, nec solum sacerdotij sanctitate, regiēq; dignitatis amplitudine præditi sunt: verū etiā diuino motu animi sapenūerò futura præsentit: & res summa obscuritate inuolutas, & ab omni humano sensu remotas, clarissimè cernunt: ita vt Dij quidā sint inter hominē existimandi. Sed quid mirum eos tantis in ōni genere laudib. circūfluere, qui ex hominib⁹ exierūt, & ab ipso Deo adoptati, in diuinā quodāmodo naturā cōuersi sunt? Qui igitur tā multis bonis referti sunt, quāto gaudio cumulabūtur? Quāta lætitia efferētur? Quos cantus & carmina perionabunt? Quāta deniq; inuoluptate perpetuò versabūtur. Quid autē de sempiternis illis præmijs, post hāc vitam iustitiæ cōstitutis, differā? Nūquid aliquē Pamphiliz militē ob Remp. interfe-

ctum

Quā ab inferis excitabimus, & Socrates apud Plato-
 nē facit: qui nobis fabulas suas exponat, iustitiæ
 præmiū circūscribat? Num Africanum illū, quem
 Cicero somnia sua narrante inducit, admonēbim?
 ut quæ sibi per quietē visa sunt de futura bonorū
 gloria, nobis explanet? Minimè gentium. Nō enim
 figmentis hominum aut somnijs ullis indigemus;
 eum ipsius sempiternæ veritatis voces intinuis sen-
 sibus audiamus, cælestibusq; disciplinis instructi;
 perfectè cognoscamus, esse omnibus, qui cum iu-
 stitiavixerint, definitū in cælō locū, in quo summis
 bonis expleti, & Christo gloriæ cōmunionē coniū-
 cti, sempiterna gloria, cum immensa & inexpli-
 cabili voluptatē perfruātur. Illic igitur nec egri-
 tudo gaudiū contaminabit: neq; decus vlla conta-
 gio turpitudinis inquinabit: neq; opes calamitas
 vlla peruertet: nec statum illū florentissimum ve-
 rustas vlla consumet. Absterfurus enim est Domi-
 nus, ut inquit Ioannes, omnem lachrymam ab ocu-
 lis eorum; & mors ultra non erit, neq; luctus neq;
 clamor, nec dolor erit ultra. Quas lachrymas nar-
 rat? Nonne demonstratū est superius, omnem iusti-
 vitā in voluptate versari? optimè. Sed illa volup-
 tas atq; lētitia, quādiu hac cōpage corporis inclu-
 si, quasi ferro vincti, detinēmur; non potest non ef-
 se cum insigni aliqua molestia coniuncta. Primū
 enim cū corpus sit innumerabilib. morbis obno-
 xium; fieri non potest, quin animum, cū corpus ip-
 sum morbo vexatur, aut vulnere sauciatur, aliquis
 sensus doloris afficiat. Deindē cū recogitat, se a-
 liquando officio functum nō fuisse; sed multis se-
 se olim flagitiorum maculis inquinasse; necesse
 profectō est, ut eā tēporis iacturā dolēter patiatur.

Tum illa cura animū iusti sæpè sollicitat, verentē,
nè quidquā imprudēs admittat, quod Dei volūta-
tem, cui maximè plātere studet, offēdat. Charitas
etiam interdum illum vehementer excruciat, dū
cernit, legem diuinam hominum improbitate cō-
culcari, multosq; mortales amentia præcipites ad
supplicii sempiternū trudi. Postremò, vt nihil sit
aliud, quod illius angat animū; certè illud futuræ
gloriæ desiderium, de qua noctes & dies cogitat,
eum in mœrore atque luctu sæpenuerò versari
cogit. Est ille quidem summis opibus præditus, nō
nego: maximis præsidijs est instructus, confiteor:
habet egregiā gloriandi materiā, benè narras: vo-
luptatem eximiā ex spiritus diuini suauissimā con-
iunctione & familiaritate capit, verissimè dictum
est. Cū tamen animo reputat præmij illius sempi-
terni magnitudinē, & intelligit, ea bona quib. af-
fuit, nullo modo esse cū illis futuris bonis, quæ
si erat, vlla ex parte cōparāda, se planè relegatū pu-
tat: atq; quasi in graui exilio cōstitutus, gemitu, fle-
tu, & singultu, cupiditatē suā patriæ illi⁹ sempitēr-
næ potiūda sæpè significat. Hęc tamen molestiæ vo-
luptatis eximiæ cōpensatione mitigātūr, & iustiti-
æ ipsius dulcedine facillimè leniūtur: ita, vt ni-
hil possit in vita cogitari illis lachrymis & fletu
iucundius. Esse tamen in ea voluptate aliquid do-
loris admixtum, eadē ipsę lachrymæ declarāt. Eas
igitur omnes clementissimus ille pater absterget,
cū filios suos mortali corpore exutos, immortalē
cultu vestiet, diuinisq; opib. atq; sempiternis ex-
ornabit. Accedit ad maiorem gloriæ cumulum,
quod, cū extremo tempore corpora nunc sepul-
ta reuixerint, diuina quædam claritas ex animis
in iu-

in iustorum corpora redundabit: ita; ut quæ erant
 crassa; caliginosa; caduca; fragilia, sint repente ad-
 mirabili luce collucetia, cælesti virtute firmata, in-
 uicta; robore munita. Sed de præmijs illis sem-
 piternis quid attinet disputare, cum ea neq; verbis
 explicari, nec oculis usurpari, nec cogitatione cõ-
 prehendi possint? Maiora namq; sunt, quã ut ea in-
 genium aliquod, quantumuis magni & excel-
 lens, diuinisq; disciplinis instructissimum, aliqua
 tandem ratione consequatur. Cum enim iusti Deũ
 intuebuntur, cum illius splendore collucebunt,
 cum totam mentẽ habebunt in illa summa atque
 præcellenti specie defixã, erunt ipsi Deo vitæ splẽ-
 dore & claritate simillimi. Ex quo fit, ut nemo pos-
 sit eorum diuinam gloriam, non dico oratione &
 stylo consequi, sed neque mente & cogitatione
 complecti. Ea igitur, quæ præstare non possumus,
 omittamus: quæ autem Dei præsidio firmati pos-
 sumus, id suscipiamus: ut assiduis precibus ab illo
 summo iustitię magistro, qui, ut nobis iustitię dis-
 ciplinam traderet, humanam formam induit, con-
 tendamus, ut nos iustitię regio cultu ornatu-
 que vestiat: gloriãq; tandem sempiter-
 nã atque adeo diuinitatis ipsi-
 us compotes ef-
 ficiat:

1006585

INDEX

INDEX COPIOSISSI- MVS IN DECEM LIBROS HI E- RONYMI OSORII LV SITANI, D E

iustitia celesti; omnia, quæ scitu digna sunt,
complectens. Quem quò lector faci-
lius assequatur, nouerit priorem
paginae faciem a. alteram b.
designare.

A.

A Bimelech 167. a.	æquitatis regula in quo consti- tuta. 241. b.
Abrahâ omnia sua bona cur reliquerit. 42. a. b.	ætate tertiâ & quarta pænati Deus tur circûscribat. 264. a.
& seq.	æthër in suprema mûdi regio- ne firmatus. 94. a.
Abrahami fides. 42. a	Ακολάσους Aristoteles quos appellet. 20. b.
Abrahâmi filij qui nuineren- tûr. 43. b	Ακρατῆς Aristoteles quos ap- pellet. 20. b.
Abraham quid significet 44. a	ἀμαρτάνειν idem valet, quod ἀποτυγχάνειν. i. aberrare 146. b.
Abram cur postea Abraham vo- catus. 44. a.	ἀμαρτία apud Græcos quid significet. 141. a.
Abram quid significet. 44. a	anientes qui dicebdi. 41. a.
Abraham qua ratione assen- sus sit, vt pater multarû ge- ntium diceretur. 149. b.	amici fideles qui appellâdi 17. b.
Academicorum opinio de ve- ritate. 15. a.	amicitia quid sit 120. b. & seq. 117. b.
actio omnis alicuius boni gra- tia sumitur. 16. a.	amicitiâ à quib. colatur. 118. b.
actionis rerum humanarû prin- cipium quòd 16. a.	amicitiæ leges quid præscribâr. 124. a. b.
actionum humanarum genera quæ gens Hebræa suscipie- bat, ad quòt principia referē- da. 12. a. b.	amicitia omnis vitæ iucundi- tatis continetur. 119. a.
æquitatē extincta, gloria extra- re non potest 177. a.	amicitia vera quâ sit rara. 119. a.
æquitatis lex, Deus est. 34. a.	amore diuino nihil ardētior. 1. a.

F f

amot

I N D E X.

amor perfectus quis existiman-	19. b	animus , propter criminis	
dus.		admissi conscientiam in-	
amor plus valet apud animos,		sto uerore doctus, Deo	
quam motus	35. a	sacrificium est gratissimum.	
amor quando exciteretur.	17. b		36 b 37. a
animantibus Deus quid largi-		animus quando potissimum re-	
tus.	12. a	ste valeat.	116. b
animantium cunctorum impe-		animus quanto studio enitatur	
rium cui sit commissum.		ut quod sibi ut summum bo-	
	95.	nu proponit allequatur.	35.
Animarum origo celestis est.			a. b
	142. b	Annibal.	176. b
animi conatus ad liberl.	169 b	annum Hebræi ab initio veris	
animi confirmatio, qua Moyses		numerabat.	128. a
serpentis caudam apprehen-		antichristum qui sequantur.	
dit, quid designet.	47 b		21. 7a
animi cruciatus, iniustitiæ co-		antichristus ex quibus rebus cō-	
munes est.	126. b	cretus.	216. b
omnis Animi nostri conatus ad		Appetitionē alicui consequitur	
fidei amplificationem cōse-			16. a
rendus.	84. a	in Arbore scientiæ boni & ma-	
animi cultus quis sit.	79. a	li quid inerit	132. a
animi dignitas quæ sit.	65 a 66. b	arboris scientiæ fructu homi-	
animi dignitas unde exorta-		nes Deus cur prohibuerit.	
tur.	207. b		132. b
animi durities quid sit.	12 b	arbor vitæ quid sit.	132. a
animi fide stabiliti quanta sibi		Aethalia	167. a
luce circumfusi.	49 b	Athenienses sanū Gratijs quā-	
animi recta constitutio qua in		obrem dedicantur.	208. b
re sita.	70. b	Atræus	166. a
animi recte cōstituendi viā Pla-		auari quæ pœna torqueantur	2. b
to ibi Philosophia ponit.	71. a	auaros D. Paulus à fide pœni-	
omnis animi talis ad iustitiam		tus auersos esse dicit.	23 a
referenda.	114. a	auarus semper indiget.	10. b
animo ægri qui sit.	71. a	augustini sententia de perdesti-	
animū à Deo sumplimus.	138 a	natione.	181. b
	140. a	Authoritas quor, & quibus re-	
animus gratus nunquam pri-		bus efficiatur.	39 b
mo caret.	209 a	Auxilium mentis diuinæ fide	
animus humanus quando qui-		comparatur.	81. a. b
escat.	212. a. b. & seq.	Auxilium sufficiens quid.	
animus generis humani primi			184. a. b
parentis quanto ingenij acu-		Azimi panes quid designent.	
mine præcelluerit.	131. a		52 a 5

B

B Eati qui sint. 38. b 65. a
 Beatitudinem apperere
 quid sit. 9 b
 benefici qui ex stimandi. 217 b
 beneficiorum acceptorū reuer-
 datio Deo gratissima est. 204. a
 Benignitas Dei nullis spatijs
 includitur. 197. b
 Benignitate diuina nulla pos-
 seſſio firmior. 191 b
 benignitatem ſuā Deus quibus
 tribuat. 183. b
 Benignitatem ſuam Deus à qui-
 bus remoueat. ibidem.
 Benignitatis ſtudium quis ex-
 tinguat. 33 b
 Bona Deus efficit. 167. b
 vera Bona vnde pendeant. 4 a
 Boni à bonis quare diligantur. 212. b
 Boni ſpecie ſublata, omnis a-
 ctio tollitur. 16 a
 Bonum Plato quid appellet. 71 a

C

C Aelum, hominis gratia
 condicūm. 9. a
 à Cæli aditu prohiberi,
 quib. ſic ſupplicium. 144. a
 Cain. 166. b
 Calorem vnde ſumpſerimus. 97 a
 Caluini hæreſis. 187. a
 Caluini diſcrimen inter neceſ-
 ſitatem & coactionem. 184. b
 Caluinus quem poenā dignum
 iudicet. 177. a
 Chaldeeorum ars. 159 b
 charitas à diuina gratia profe-
 cta eſt. 89 a
 charitas cū peccato ſimul habi-

tare non poteſt. 19. b.
 charitas ignauis & inertia ini-
 micitia. 18. a.
 charitas omnis cū fide eſt cō-
 iuncta. 73. a.
 charitas impetra: veniam om-
 niū peccatorum. 19 b.
 charitas vna ex alia quomodo
 diſtinguendā. 74 b.
 charitate nihil Deo gratius &
 magiſi enim. 99 a 211. a.
 charitatis actiōes, nō legis, ſed
 fidei opera appellādx. 60. a.
 charitatis officium in quo po-
 ſitum. 99 a
 charitatis officijs meus expia-
 tur. 37. b
 charitatis ſtudio noſtra ſalu-
 conſeruetur. 38. a
 charitatis ſtudio quando ex-
 iſtat. 26. a
 Chriſtiāi nominis dignitas. 4 b
 Chriſtianum quid efficiat. 4. b
 Chriſti corpus quomodo com-
 edendum. 31. b
 Chriſti cupiditate quando non
 ſumus incenſi. 31. b
 Chriſti dignitas dignitati Moy-
 ſis quantum excellat. 147. a
 Chriſti exemplum quādo per-
 ſequamur. 47. b
 Chriſti humilitas. 147 b
 ſine Chriſti præſidio nemo ſa-
 lutem adeptus. 192. a
 Chriſti virtus non poteſt in-
 ſtingi. 51. b
 Chriſti vita in obedientia con-
 ſumpta fuit. 149 a
 Chriſtus in cruce non ratione;
 (quod Lutherus vult) ſed li-
 bidinem, rationi repugnans
 tem, extinxit. 173. b
 Chriſtus mortem cur poſſus.
 220 b

F f a

Chriſtus

consequamur.	4. a	Deo quod munus gratissimum	
Dei benignitas quanta.	220. b		204. b
Dei charitas quantis partib. ex-		in Deo triplex ratio.	203. a
cellat hominū pietati.	120. a	Deum cognoscere vita æterna	
Dei clemētia infinita est.	197. b	est.	6. b
Dei clementia Moses quibus		Deum debitis honoribus quā-	
polliceatur.	34. b & seq.	do afficiamus.	6. a b
Dei filij qui sint :	53. a 147. a	Deum debito honore qui spo-	
Dei filiū audire quid sit.	7. a	lient.	203. a
Dei filius à patre quamobrem		Deum nemo amare potest abs-	
missus.	148. a	que fide.	73. a
Dei gloria fide illustratur.	6. b	Deum præeuntem quando se-	
Dei gratia in quo cernatur.	37. a	quamur	12. a
Dei hortum quando colamus.		Deum præuidere quid sit.	
	132. b & b. seq.		187. a
Dei hortum quando custodia-		Deum quiescere quomodo di-	
mus.	133. a	camus.	219. b
Dei hortus quid sit.	131. b	Deum suis operibus delectari	
	133. a	quid sit.	131. b
Dei imperiū intimis animi sen-		Deum supra omnia diligere	
sibus accipiendum est.	148. a	quid sit.	74. b
Dei nomen clarum reddere a-		Deum toto corde qui querat.	
pud homines quid sit.	6. b		34. b
Dei proprium quid sit.	69. a	Deus à nobis quid exigit	35. b
Dei requies in quo constituta.			203. a & 206. b & seq.
	221. a	Deus à nobis non sacrificia, sed	
Dei virtus est ipse Deus.		obedientiam requirit.	147. b
	168. b	Deus bona efficit, mala verò to-	
Deo debita officia quis persol-		lerat.	167. b
uere dicatur.	206. b	Deus clementiam suam quib.	
Deo gloriam quando tribua-		polliceatur.	35. a
mus.	50. a	Deus crimina nostra cur tole-	
Deo gratias quando agamus.		rat.	169. a
	ibid.	Deus est mens pura, ab omni	
Deo omnia sunt præsentia.		corporis concretione segre-	
	183. a	gata	33. b 73. a
Deo quanta charitas debeatur.		Deus fallere non potest.	14. b
	203. a	Deus futura quomodo præui-	
Deo quanto fœdere amoris si-		deat.	188. a b
mus coniuncti.	203. a	Deus in dandis beneficijs quid	
Deo quid debeatur	201. a	respiciat.	125. b
Deo qui circuncidantur.	47. a	Deus in eligendo Paulo quid	
Deo qui coniungantur	223. a	secutus.	182. b
à Deo quid petendum.	103. b	Deus in eligendis hominibus	
		quid	

quid securus.	189. a	prolequitur.	185. b
Deus in terris nasci cur volue- rit	115. b	Dignitas vera in quo posita.	66. b 68. a
Deus iustitiz luce quos circum fundat.	37. b	Dignitas sempiterna in quo posita.	66. b 68. a
Deus quid iustis promiserit.	125. b	Dignitatem verā qui appetūt, Deum appetunt.	66. b. 68. a
Deus mortem cur subierit.	142. b. 149. a	dignitatis participes qui sunt.	66. b
Deus naturā sempiternus est.	201. a	diffensiones inter homines ex citatz vnde oriantur.	115. a
Deus nihil sine ratione facit.	191. b	dissimilitudo animos disun- git.	118. a
Deus nihil sine causa creavit.	174. a	dolor quando existat.	2. a
Deus nobis quid sit.	45. a	E.	
Deus Patri gloriam quomodo tribuerit.	6. b		
Deus, patris gloria dicitur	111. a	E cclesia quid sit.	19. b
Deus qualis sit, neque sensu à nobis informari potest, neque ratione.	73. a	E cclēsia Christi patria no- stra est.	209. b
Deus quamobrem aliquem ad gloriam destinārit, antequā quidquam vel boni, vel ma- li posset committere.	183. a. b	E cclēsia columna veritatis est	192. b
Deus quibus se propitium fore confirmet.	38. a	E cclēsię sanctitas in quo sita.	213. b
Deus quid approbet.	131. b	In Enuntiationibus reciprocia vna perempta, tollitur & al- tera.	188. a
Deus quosdam ab æterno tem- pore cur elegerit.	189. a	Eusebij sententia de prædesti- natione.	181. a. b
Deus quos sanct.	101. b	exemplar, quod Moysi in monte monstrabatur, Christus erat.	54. b
Deus sanctissimi timoris reli- gione colendus.	202. a	exilio nihil gravius.	42. b
Deus septimo ab orbe die cur deatur quieuisset.	219. b.	F.	
& seq.			
Deus solus naturā sapiēs.	40. a	F atū mūnus	159. b 160. a
Deus solus est finis naturę hu- manę aptissimus.	68. b	F atum quid.	166. a
Deus quibus veniam pollicea- tur.	24. b	F ide ad iustitiā perueni- tur.	34. a
Delinquentes Deus supplicio		F idei amplificationem om- nis animi nostri conatus con- ferendus est.	84. a
		fide custodia omnium diuino-	14. b

rum munerū cōtinetur. 21 b	cultus continetur. 7. b
fidei complexu omne veraz pie	fidei summa in quo consistat. 82. b
ratis studium cōtinetur. 60 a	fide variz significationes. 7 a. b.
fide Dei benignitatem conse-	fidei vis ad <u>curus disciplinam</u>
quimur. 4 a	<u>referenda.</u> 14 b
fide Dei gloria illustratur 6 a	fidei vis in qua alacritate cer-
absq; fide Deum nemo potest	natur. 53. a
amore complecti. 71 a 74 b	fidei vis in quo consistat. 39 b
fidei effectus. 46. b. & seq.	fidei vis qua in re collocata.
85. b. 39 b	14. a. 53. a
fidei excellentia. 83. b 87 a	fidei vis quz sit. 33. a
fidei incendio committenda	Fideles, etiam in <u>maximis</u>
sunt, quaz mentis nostrz ca-	rerum humanarum diffi-
tum superant 51. b	cultatibus, omnibus bonis
fide incensa, & in Dei studium	affluunt. 51. a. b
incitata nihil salutaris.	fideles qui sint. 7. b. & 73.
6. a	a. b
fidei in Christum effectus. 62. a	fideles vitam suam <u>diuina lege</u>
fidei monumentum in qua po-	moderantur. 16 b
tissimum corporis parte in-	fidelibus tantum iustitiā Deus
cisum. 46. a. & seq.	largitur. 101 b. 102. a
fidei munera quz sint, & in	fidelium nationem Deus cur
quot tempora <u>distributa</u> 52 a	electionem appellet. 188. b.
fidei munere qz sūgatur. 41. a. b	189. a
fidei munus quod. 219 a	fidem Deus quomodo remun-
fidei munus quod sit. 45 b. 53. a	neret. 185. b
quod fidei munus Deus à no-	fidem deserere quid sit. 7 a
bis exigit. 35. b	fidem Paulus quomodo descri-
fidei naufragium fecisse qui di-	bat. 14 a
centur. 23. a	fidem quando adhibeamus. 39. b
fidei opera æterna gloria cumu-	Fidem quando deseramus. 7. a
landa. 61. a	fidem quis colat. 12. a. 38. b
fidei opera, cuius ope perfici-	73. b
antur. 63. a	fidem quis frangat. 18. a.
Fidei opera quid efficiantur. 63. b	29 a
81 b	fidem qui colit, is sabba-
fidei opera quotuplicia sint. 81 b	thum semper obseruare di-
fidei opus solum perfectum	citur. 206. b
officium dicendum est. ibi-	fidem solā ad salutem suffice-
dem	re Lutherus contendit. 24. a
fidei passio sub quibus signis	fidem suam Deus quando libe-
facta. 133 a	ret.
fidei studia omnis diuinæ legis	

ret,	125. b	da.	85. a 84. a
fide natura firmatur & consti-	78. b	fides in officio cernitur.	71. a
tuitur.		fides in otio languescit.	156. a
absque Fide nemo prudens ef-	10. a	fides in quo praeipue studio	
se potest.		posita.	11. b
absque fide nemo virtutem co-	64. b	fides, iustitiae fundamentum	
sequi potest.		est.	102. b
fide, non lege, salutem conse-	60. a	fides iustitiam antecedit.	102. b
quimur.			
fide nullum sacrificium magni	13. a	fides, nisi Dei verbum antece-	
ficientius.		dat, existere non potest.	84. a
in Fide omnis recte viuendi ra-	8. b	fides piorum, Dei fide subnix	
tio posita est.		est.	87. a
in Fide qui permaneant.	7. b	fides primam iustitiae institutio-	
ex Fide quomodo iustitia oria-	88. b	nem continet.	102. b
tur.		fides quae laudanda.	40. b
fides ad diuinam opem compa-	78. b	fides qua in re constituta.	23. a
randam maxime necessaria			
est.		fides quibus in rebus maxime	
Fides ad iustitiam dux est.	4. a	cernatur. 7. b. 21. a. 49. a. 88.	133. a
fides apud Hebraeos quid sig-	7. b	fides quid contineat.	17. b
nificet.		fides quid doceat.	39. a
fides & Obedientia apud Paulu	18. b	fides quid praestet.	14. a
idem significant.		fides quid significet.	7. a
fides a recta ratione diuelli no	21. a	fides quid sit. 7. b 3. a. 39. b	64. a
potest.			
fides a scientia quid differat.	3. a	fides sine Dei praesentis ope &	
fides auctoritate continetur.	ibidem	auxilio consistere non potest.	84. a
fides cum charitate semper co-	17. b	fide tantum posse diuinam le-	
iuncta est.		gem impleri, quomodo in-	194. b
fides cum opinione & scientia	3. a	telligendum.	
an conveniat.		fides temporibus praeis etiam	
fides, Dei donum est.	85. a	apud Hebraeos floruit.	81. b
fides est iustitia quaedam incho-	103. a	fides vnde.	185
ata.		filiij Dei ex immortali semine	
fides in cuius animo cernatur	12. b	nati sunt.	124. a
fides in Deum, Christianum ef-	4. b	filiij iustitia vnde perspicia-	
ficit.		tur.	218. a
fides hominis est officium	85. a	filiij pro parentum peccatis pec-	
fides in Dei muneribus habet.		nas non dabunt.	175. b
		finis humanae naturae vnus est.	69. a
			finis

<p>finis humanæ vitæ in solo Deo consistit. ibid. finis vitæ humanæ in adum brata dignitatis imagi- ne non ponendus. 68.a foedus, quod Deus cū Abra- hamo percussit, quò per- tineat, & quid designet. 45.a foedus, quod Deus cū Abra- hamo percussit, cur sem- piternū appelletur: 45.b formæ diuinæ similitudo in quo posita. 107.b furiosi qui dicendi. 41.a</p> <p style="text-align: center;">G.</p>	<p>hebræi annum ab initio ve- ris numerabant. 128.a herbarum agrestis amari- tudo quid sit. 52.a homine nullum animal ca- lamitosius. 2.a homines à natura qua reli- gione sint imbuti. 145.a homines ad laborem nati, 152.a homines ad miseriam an nati. 1.a homines in sempiterna sup- plicia quid deducat. 178.b homines non suo, sed alic- no crimine, sint iniusti. 136.b homines qua lege nati. 161.a homines quando cogan- tur. 177.a homines sapientiæ studiosi, num sapientes appellan- di. 15.b homines sibi ipsis quid de- beant. 20.b hominibus fides non adhi- benda. 40.a homini, Deo conjuncto, ni- hil deesse potest. 5.b homini Deus quid sit largi- tus. 79.a hominis finis solus Deus est. 107.a hominis officium quib. re- bus contineatur. 8.b hominis <u>ultimus finis</u> quo- tuplex sit. 65.a hominis summum bonum vnum est. ibid. hominum crimina Deus cū</p>
--	--

Generis humani pri-
mus parens quātis
opibus ornatus ex-
titerit. 130.b.
gloria quid. 176.b
gloria, iustitiæ comes est.
ibid.
gloriam Deo quando tri-
buamus. 50.b.
gratia Dei in quo cerna-
tur. 31.a
gratia diuina omnib. quā
sit parata. 195.a
gratiæ nomen quid signifi-
cet. 104.b. 105.a
gratiæ proprium quid sit.
108.a
gratia gratiam parit. 208.b
gratia quid sit. 108.a.b
gratias Deo quando aga-
mus. 50.b

H.

Heretici, quale hominū
genus. 160.b

ff § cū

cur toleret.	170. a	est.	65. b
hominum inconstantia.	40. a	humanæ naturæ cupiditas.	ibid.
hominum meritis Dei nu- men non obligatur. 124. b		humorem vnde sumpteri- mus.	97. a
hominum piorum sanctitas apud Deum quantum va- leat.	98. b	I.	
hominum sanctorum scri- pta quò cōferantur. 148. a		Ezabel.	167. a
hominum spes fallaces.	3. a	Ignem Deus quid appel- let.	220. b. & seq.
homo ad imperium natus.	95. b	imperium, ad quod homo natus, iustitiæ tantum mu- dere administrari potest.	95. b
homo corpore & anima cō- stat.	138. a	imperium cunctorum ani- mantium homini cōmis- sum est.	95. b
homo, corporis cupiditati penitus addictus, oēs bel- luas feritate vincit. 144. b		impij cur damnandi.	132. a
homo Dei similitudinē in- contaminatā quando re- tineat.	96. a	improbi quanta sollicitu- dine & cruciatur conici- antur.	126. b
homo diuinæ mentis ima- go est.	107. a	improbis cum diuina boni- tate nullū consortiū. 34. a	
homo, humanis opibus con- fidens, similis est myricæ arido in loco natæ.	5. a	improbi quantis perturba- tionib. agitentur.	126. b
homo in quem finem à Deo creatus.	8. b	inanimis rebus Deus quid largitus.	79. a
honestas vera, ex diuinæ ho- nestatis splendore ducta est.	80. a	incommoda, quibus in hac vita affligimur, cum eter- nis supplicijs collata, qua- si quædā somnia reputan- da sunt.	11. a
honestatis origo, Deus est.	202. a	infideles, etiam cum omni- bus rebus abundare vidē- tur, omnium rerū indigē- tiā cruciantur.	53. b
honores, inanes sunt.	10. b	infideles Paulus quos ap- pellet.	23. a
hortum Dei quando cola- mus.	132. b	infidelitas & contumacia a- nimi prauitas nihil disse- runt.	18. b
hortum Dei quando custo- diamus.	133. a	infidelitas in sacris literis quid	
hortus Dei quid sit.	131. b		
humanæ naturæ finis, Deus	133. a		

- quid appelletur. 18. a
 infidelitatis ratio q̄ sit. 13. b
 ingrati qui. 50. b. 105. a. 152. b
 ingratis bona omnia pere-
 unt. 133. a
 omnis Iniquitas peccatum
 est. 141. b
 iniquitas quid sit. 141. b
 iniucundum quid sit. 117. a
 iniuria vnde nascatur. 211. a
 iniusti à nemine amantur.
 117. b
 iniusti Deum sibi aduersa-
 rium constituunt. 115. b
 iniustis ab æterno Dei con-
 silio supplicia quare defi-
 nita. 189. b. 190. a
 iniusti quantis perturbati-
 onibus agitentur. 117. b
 & seq. 129. b
 iniusti quantis bellis exagi-
 tentur. 115. a
 iniusti quanto metu cruci-
 entur. 129. b
 iniustis nemo inferior. 4. a
 iniustitiæ comes, est asidus
 animi cruciat. 126. b & se.
 iniustitię fundamentum in
 quo collocandum. 214. b
 iniustitiæ turpitudine quan-
 ta. 118. a
 iniustitia ex animi habitu
 iudicanda. 142. a
 iniustitia omnes belli acer-
 birates cōplectitur. 115. b
 iniustitia omnibus odiosa
 est. 117. b
 iniustitia quid sit. 115. a.
 117. b. 214. b.
 intelligentia recta, sapien-
 tia est. 107. a
 interitus noster vnde pro-
 ueniat. 179. a
 Iosue. 221. a
 iracundiæ furor quantum
 valeat ad animos contur-
 bandos. 193. a
 iucundum quid sit. 117. a
 Iudas à Deo cur improba-
 tus. 182. a
 Iudæorum cæcitas. 48. b
 Iudæorum insania. 167. a
 Iudicium cur institutū. 31. a
 Iudicium de vnoquoq; quā-
 do fiat. 182. b
 Iudicium semper volunta-
 tem antecedit. 40. b
 Iudicium verū quod. 216. b
 Ius agnationis diuinæ pie-
 tate continetur. 124. a
 Ius hæreditatis æternæ, ad
 Dei benignitatem, & fi-
 dem referendum est. 126. a
 Iusti ab omnibus malis im-
 munes. 121. a. b
 Iusti, Dei hæredes sūt. 124. a
 Iusti, diuini cōsiliij fiunt par-
 ticipes. 122. b
 Iusti filij Dei nominantur.
 123. a
 Iusti hominis florens status
 in quo cōsistat. 121. b. & se.
 Iusti inter homines Dij qui
 dam existimandi. 223. a
 Iusti inuicti sunt, & sempi-
 terno robore muniti. 116. b
 Iusti nullis malis sunt expo-
 siti. 123. b
 Iusti quanta pace fruuntur.
 115. b & seq.
 Iusti quanta sint luce cōpleti.
 110. b
 Iustitia

- iustis à Deo quid promissum. 125.b 223. a
iusti semper in voluptate versantur. 129.b iustitia nostra quò reuocanda. 98. a
iusti sempiternis opib. sunt firmati. 127. a, b iustitiâ nullum diuinum opus in nobis est illustrius. 30. a
iusti soli sapientes existimâ di. 116. a iustitiâ nullum donû à spiritu sancto maius accepimus 105. a
iustis, regnum cælorû vt legitimum patrimoniu debetur. 124. a iustitiâ nullum sacrificium Deo gratius. 222. b
iustitia animo quid præstet. 223. a iustitiâ nullum donum diuinus. 97. b
iustitia à quo manet. 4. a iustitia nunquam suâ gloriam amittit. 3. b
iustitia, Dei similitudo est. 97. a iustitia operib. pietatis amplificatur. 156. a
iustitia hominibus fide colenda. 133. a iustitia, perfecta fides est. 103. a
iustitia hominum mentes cuius opera illustrare posset. 98. a b. & seq. iustitia quàm faciliè adipiscatur. 193. a. 195. b & 197. a
iustitia in Dei clemētia collocanda. 98. a iustitia quando existat. 102. b
iustitia in Dei gratia & benignitate collocanda. 4. a iustitia quibus rebus continetur. 211. a
iustitia in homines vnde existat. 211. a iustitia quid. 3. a. 71. b 96. a 117. b. 194. a. b. 198. b. 199. a. 200. b. 211. a
iustitia in nobis quando efflorescat. 200. a. & 218. b iustitia, requies nostra cur appellanda. 222. a
iustitia in qua charitate sita 108. a in iustitia semper elaborandum. 152. a. b
iustitia in quo consistat. 75. a iustitia sine fide constare non potest. 102. b
iustitia in quo constituta. 97. a. 219. a iustitia sempiterna. 121. a
iustitia in sacris literis re quietis nomine appellatur. 219. b. & seq. iustitiæ comes, gloria est. 176. b
iustitia nos Deo similes efficit. 97. ab iustitiæ cōplexu omnes virtutes continentur. 97. a
iustitiæ concentus omnes sym.

symphonias antecellit. non possumus consequi.

200. a

31. a

iustitiæ dignitas & præstā. præter iustitiam, Dei ocu-
tia. 96. b & seq. 154. b lis nihil gratum esse po-
test.

iustitiæ donum, Dei operā, 105. b

hominibus impertitū fu- iustitiā Deus in nobis quā-
it. 101. b do inchoet. 102. b

iustitiæ fons, Deus. 97. a. iustitiam Deus quando ab-
214. b soluat. 102. b

iustitiæ fructus quis. 119. a iustitiam Deus quibus dēde
iustitiæ fructus ad diuinā rit. 101. b

benignitatem reuocan- iustitiam fide cōsequimur.
di. 89. a 102. a

iustitiæ fructus sempiternus est. iustitiam fides antecedit.
108. a 102. b

iustitiæ fundamentū quod. iustitia vndē emanet. 131. b
102. b iustorum animi, quāta pul-
chritudine splendeant.

iustitiæ luce Deus quos cir- cūfundat. 117. a
37. b

iustitiæ munera ad quot re- iustorum status perpetuus.
uocanda. 210. b 123. b

iustitiæ munera vndē fluāt. iustorum vita quā sit se-
cura. 211. a 115. b 127. a. b

iustitiæ munus quod. 116. iustos nullum malū attin-
b. 216. b gere potest. 127. a

iustitiæ ornatus in nobis iustos quando violēmus.
quando existat. 95. a 121. b

iustitiæ partes quot sint. iustum quid sit. 93. a
211. a iustum qui lædit, is Deū ip-
sum lædit. 121. b

iustitiæ pars prima quid fa- ciat. ibid. iustus quis. 200. b. 210. b
& seq.

iustitiæ pars postrema quid faciāt. ibid.

iustitiæ præstantia. 154. b

iustitiæ splendorē Deus qui bus largiatur. 34. a. 96. b 38. a

iustitia vis in quo posita. sequi potest. 155. b

iustitiam absque Dei gratia tendenda. 216. a 217. b 64. b
leges

L.

L Egem Deus cur tulerit. 164. b. 165. a
sinelabore, nihil consequi potest. 155. b
Veræ Laudis ratio vndē petenda. 64. b
leges

- leges à quo datae. 164. b lex æquitatis, Deus est. 24. a
 legis cultus in quo consi- lex animis nostris impressa
 stat. 61. b & inscripta quando pro-
 legis diuine vis humanâ pru- priè dicatur. 200. a
 dentia continetur. 78. b lex Dei sitne perpetua. 61. a
 legis diuinæ scientia, in no- lex diuina quid sit. 61. a
 bis impressa & insculpta, 199. a
 à nobis seruari nō potest, lex diuina in fide sita. 6. b
 quandiu sumus in cupidi lex diuina & moderatio qd
 tatis dominatu. 71. a efficiant. 199. a
 in Legis & rationis æqua- lex diuina quid sibi habeat
 bilitate, vniuersæ naturæ propositum. 5. a
 constantia consistit. 199. a lex in quo inscripta. 200. a
 legis finis quis sit. 62. a lex naturæ quæ sit. 76. b
 108. a lex necem infert. 61. b
 legis munera (si per se lex lex perfectissima quæ sit
 spectetur) quot sint. 61. b 93. a
 legis inunus. 61. b lex quæ officia sanxerit.
 legis officia vi perficiuntur. 39. b
 59. b. 61. b lex vmbra rerum celestium
 legis opera quæ sint. 60. b tantum continebat. 60. b
 legis operibus Deus non de- libero hominis arbitrio sub
 lectatur, sed fide. 147. b lato, omnis vitæ confusio
 legis operibus nemo iustus consequitur 163. b
 fieri potest. 59. a. 60. b. liber quis existimandus. 213.
 61. a b. & seq.
 legis summa in quo sita. libertas vera quæ sit. 116. a. b
 210. a liberum arbitrium tollere
 legis perfectio qua re conti- Satanas per quos sit con-
 neatur. 210. b tus. 136. b 137. a. & seq.
 legis sententia quæ sit. 209. libido, Christi numine co-
 b. & seq. ercetur. 30. b
 legis scriptæ vis in quo po- literam Paulus quid appel-
 sita 62. a let. 30. b
 legis vis, quam Paulus ex- luminis diuini decoris dig-
 terminatā esse dicit, quæ nitas. 17. b
 sit. 61. b Lutheri argumenta resus-
 Lentitudo in Christi cultu tantur, quibus persuade-
 & imitatione, quasi quæ re conabatur, non esset li-
 dam animi labes, fugien- berum arbitrium. 162.
 da. 51. b b. & seq.
 ad

- ad Lutheri disciplinam cur
tam multi dociles se pre-
buerint. 25. b
Lutheri fidei genus, est im-
mane flagitium. 27. a
Luthero qui dicantur nocē-
tes. 177. b
Lutherus humanæ miserie
causam in Deū coniecit. 161. b
Luther⁹ libertatē humanæ
voluntatis euertit. 182. a
Lutherus, non esse liberum
arbitrium, quib. argumē-
tis prober. 162. a
Lutherus non modō men-
tis expers, sed etiā scelerā-
tus existimāndus est. 27. b
Lutherus quodnam fidei
genus in medium attule-
rit. 23. b. 24. a
Lux mentis humanę, Deus
est. 69. b

M.

- M**ala Deus tolerat. 167. b. 169. a
Manasses. 167. a
Manichæi hæresis. 160. b
Marcionis hæresis. ibid.
Maria, hominis gratia affe-
cta. 9. a
Medea. 166. b
Mens officijs charitatis ex-
piatur. 17. b
mens humana quanta fla-
gret cupiditate vera cer-
nendi. 111. b
mens quādo se deserat. 118. b
mente iusti hominis nihil

- magnificentius. 117. a. b
mentem diuinā contempla-
ri, nihil magis humanæ
naturæ magnificentie ac-
commodatum. 65. a
mentes humanę non homi-
nū meritis, sed diuina cle-
mentia sanantur. 97. b
mentis cæcitas nullo sensu
ab eadem mente percipi
potest. 215. a
mentis humanæ dignitas. 65. a
mentis nostræ lux, Deus est. 69. b. 216. a
miserie humanæ causa ad
quem referenda. 160. a
misericordia quibus tribu-
enda. 24. b
Mors, peccati stipendium
est. 135. b
per Mundi constitutiones
quid intelligendū. 189. b
vniuersi Mundi natura cui⁹
causa fabricata. 130. b
mundum Deus cur edifica-
uerit. 220. a. b
mundum, & omnia quę mū-
di ambitu continentur,
De⁹ quare effinxerit. 201. b
musæus quis appellandus. 212. a

N.

- N**atura fide firmatur
& cōstituitur. 78. b. & seq.
Naturæ conseruatio appe-
tenda. 20. a
naturæ humanæ imbecillia-
tas. 9. b. 156. b. 191. a. b
naturæ lex quæ sit. 76. b
naturæ

naturæ nostræ infirmitatis officium nostrum potissimum quod sit. 204. b
 cognitione fides acrius officium qua in re sit. 8. b
 excitatur. 196. a
 naturæ nostræ infirmitas ὁλόκως à quo primum procurata. 56. a
 nobis utilis est. ibid.
 naturæ nostræ perfectio nobis vnde sit petenda. 110. a
 nemo beatus præter Deum. 9. b
 nocentes Luthero qui dicantur. 177. b
 nominis vis omnis multiplex distinguenda est. 190. a

O.

Obedientia circumcissione denotatur. 46. b

Obedientia ex firma mentis assensione nexa & apta est. 41. a

obedientia quid sit. 73. a

obedientiæ specimen quibus in rebus perspiciatur. 150. b. 151. a

obedientiâ sanitas comparatur. 102. a

obliuionis perfidia omnia bona conuellit. 153. a

officia diuini amoris qua in re collocanda. 73. a

officia in quot partes distributa. 200. b. & seq.

officijs charitatis mens expiatur. 57. b

in officijs quid præcipue spectandum. 59. b

efficiunt illud, quod legis metus exprimit, legis opus appellandum. 63. a

officium nostrum potissimum quod sit. 204. b
 officium qua in re sit. 8. b
 ὁλόκως à quo primum procurata. 56. a
 opem diuinam qui consequantur. 211. a
 operis diuini perfectio in quod consistat. 220. a
 opinio quid sit. 8. a
 opus nefarium, quando scelus existimandum. 39. b
 B. Origenis sententiâ de prædestinatione. 181. a. b
 ornatus quâdo existat. 93. a
 otiosus Deus sempiternum interitum denunciat. 155. b

P.

Paradisi significatio. 131. b

primus Parens humani generis quibus dolus Paradisi finibus eiectus. 133. a. b. & seq.

Parentes primi generis humani quantis opibus ornati extiterint. 130. b. & seq.

primo Parenti humani generis quodnam munus assignatum. 131. b

primi nostri Parentis morbi vitium in omnem posteritatem quomodo infusum. 135. b

Parentum benignitate nihil amabilius. 42. b

ob Parentum scelera, poena qui cruciandi. 204. a

Paschæ mysterij declaratio.

- tio. 30. a Plato, animi rectè constitutè
 Pater quis appellāus. 43. b di viam in Philosophia
 Pater quis habendus. 123. a ponit. 71. a
 Patria in hac vita nihil dūl Plato quos appellet stultos. 71. b
 cius. 42. b
 Patrimonij amplificādi ra- Plato vitam beatam in vir-
 tio quæ præclarissima. tute collocat. ibid.
 17. a poena indigni qui sint. 177. a
 in Paulo eligendo Deus qd Prædestinatio. 183. a. b
 secutus. 182. b præscientia diuina vnde su-
 peccare propriè quid sit. 142. matur. 187. a
 a. 143. a. b. præsidium diuinum quo pa-
 peccata, Christi numine sto consequamur. 194. a
 extirpantur. 30. b præsidium diuinum à qui-
 peccati cognitio, peccatum bus absit. 215. b
 amplificat. 60. b preces sanctorum hominū
 peccati nomē multifariam apud Deum quantum va-
 intelligitur. 143. a leant. 98. b. & seq.
 peccatores, miseri sunt. promissa diuina quò refe-
 29. b rantur. 195. b
 peccatum quid sit. 140. b propitiatoriū quid sit. 54. b
 141. a. b. 143. a. b prudentia, bonorum & ma-
 peccatum & culpa quomo- lorum est scientia. 70. a
 do differant. 140. b pulcher quis censend⁹. 214. a
 peccatum in nobis triplici pulchritudinis ratio qua in
 ratione inest. 89. b re constituta. 117. a
 peccatum semper fugien-
 dum. 52. a
 Pelagij error. 181. b
 Petrus cur electus. ibid.
 Phæsaeh quid sit. 30. a
 Pharaonem Deus cur susti-
 nuerit. 170. b
 Philosophi qua in re sapien-
 tiam constituent. 39. b
 pietate omnis sanctitas &
 religio continetur. 73. a
 Pilatum Deus in scelus nū
 induxerit. 169. b
 plantis Deus quid largitus. 79. a

Q Væ causis necessarijs
 continētur, præsen-
 tia sunt nō futura.

Quæ maximè nostra dicen-
 da. 195. a

Quærere deum toto corde
 quid sit. 34. b

Quiescere Deum quomodo
 dicamus. 220. a

Qui libertatem homini-
 bus eripit, Dei iustitiam
 labefactat. 168. b

Quodnam iustitiæ donum 198 b
maximè optandum. 104. b

R.

Ratio, impuritati & 198 b
omni flagitio fer-
uies sanitatē quādo
recuperet. 114. a

Ratio quid præscribat. 114. b

ratioe in homine nihil præ-
stantius. 132. a

rationis abusus quanta ma-
la in res humanas inue-
hāt. ibidem.

rationis vsus quis sit. ibid.

rationis lumen à virtute
naturā non seperandum. 107. a

rationis lumen quod sit. 106 b. 107. a

reges sceptrum gestare o-
lim cur soliti. 48. a

regia disciplina qua in col-
locanda. 212. a

regnum esse alicui à consti-
tutione mundi paratum,
quid sit. 189 b

regum officiū quod sit. 48. a

religio iustitiæ fundamen-
tum est. 157. b

religio pietate continetur. 73. a

remuneratione nullum cō-
cordiæ vinculum maius
est. 208. b

requiem inuenire quid sit. 12. b

requies Dei & hominum,
iustitiā continetur. 222. b

scelus humanarum fallaci salutē nemo potest adipisc-
ci, ni-

S.

Sabbathum apud Hebre-
os quid sonet. 203. b

Sabbathum septimo die
cur consecratum. 205. b

Sabbathum otio sancto cō-
secrare Deus cur præcepe-
rit. 206. a

Sabbathum quis ritè colat. 206. b

Sabbathum verum innocen-
tia continetur. 206. a

Sabbathi sãctitas qua in re
collocanda. 206. b

sacerdotes veri qui habent
di. 211. b

sacrificantium fidem, non
sacrificia Deus requirit. 36. b

salus nostra charitatis stu-
dio continetur. 37. b

salutares qui existimandi. 217. a

salutem non potest conse-
qui, qui legem nō seruat. 194. a

ci, nisi disciplina diuina fit instructus.	84. b	<u>tuenda</u> , quam scelus ipsa sum.	29. b
salutem nō lege, sed fide cō sequimur.	60. b. 61. a	sceptrum in terram proie- ctum quid sit.	47. a
salutem nostram quis effi- ciat.	185. a	scientia religionis colendæ in quo posita.	105. a
salutis nostræ causa in quo posita.	ibid.	semine diuino qui procrea- ti.	147. a
salutis ratio in qua lege po- sita.	16. b	sensus acerb' in morbi gra- uitate inflicta vulnera sa- nat.	37. b
salutis spes quibus ostenda- tur.	36. a	septenarius numerus totū vitæ spatiū designat.	52. a
Sācti, electi appellātur.	189. a	serui natura sumus.	124. b
Sācti nullis peccatis alliga- ti sunt.	30. a	Sidonij cur damnati.	190. b.
Sāctitas absque fide extare non potest.	73. a		191. b
Sāctitas in quo constituta	103. a	Siloe turris diuino iudicio concidit.	191. a
Sāctitas quid sit.	101. a	similitudo animos coniun- git.	118. a
Sanitas in iustitia constitu- ta est.	102. a	similitudo in quo cōsistat.	118. b
sanitas obedientia compa- ratur.	ibid.	similitudo diuina in quo cō- stituta.	81. b
sapiēs quis censendus.	14. b.	similitudo diuine formæ in quo posita.	107. b
	15. b. 41. a	Socrates quem dicat sapien- tem.	15. b
sapientis officium quod.	15. b. & seq.	Sol viuus eripi non potest.	195. a
sapientia diuina variari nō potest.	224. b.	spes animum ad res geren- das quomodo exacuat.	17. b
sapientiam Philosophi qua in re constituent.	40. b.	spes salutis quibus ostenda- tur.	36. a
sapientiam Plato in cogni- tione boni constituit.	71. a. b	Spes vitæ beatæ in Deo col- locanda.	5. a
sapientia virtutum guber- natrix est.	107. a	spiritu diuino nihil iucun- dus.	39. a
Saul.	218. a	spiritum vnde sumpserim.	97. a
sceleris odiū quādo existat.	26. a	Spiritus Sāctus, veritatis ma- gister.	217. b. & seq.
sceleris poena non tam me-			status

status diuinus quomodo ad- virtus nulla est, nisi volunta
dipiscatur, 9. b ria. 81. b

virtutes à quò fluxerint, 106. b

T.

virtutes ex fide nexæ sunt, 4. b

T Emeritas cum diuina
mēte nullum habet
commercium. 192. b

Virtutes recta ratio guber-
nat. 79. b

Terra, hominis gratiā effe-
cta. 9. a

virtutis arma ingenij acu-
mine cōstituta sunt. 144. b

Terra in medio mundi sta-
bilita. 95. a

virtutis diuinæ claritas vna
de emanet, 219. b

Thyestes. 166. a

virtutis munus quod sit. 106. a

Tyrificur damnati. 190. b

& seq.

191. b

vita æterna in fide cōstitit, 6. b

Tyranni omnium seruorū
contemptissimi sunt. 45. a

vita beata in quo posita. 81. b

vitæ beatæ via in quo cō-
stituta. 3. a

V.

vitæ extremum vnde peten-
dum, 65. b

V Alētinij heresis. 160. b
vanos B. Ioānes quos
appellet. 31. a

vitæ humanæ breuitas. 135. a

venter quorū Deus sit. 45. b

omnis vitæ iucunditas ami-
citia continetur, 119. a

venustas omnis in iustitia
collocanda, 105. a

vitæ modus, Deus est, 70. b

verbum Dei perpetuū. 62. b

vitæ nostræ rationes cui cō-
mittendæ, 11. a

verbū dei omnipotēs est. 85. b

vitæ optimus finis in quo
collocandus, 64. b

verbū Domini quid sit. 41. a

vitæ hominis fidelis, sabba-
thum est nominanda, 206. b

in Via Domini ambulare
quit sit. 12. b

vitæ hominis vmbraē fini-
lis, 2. b

via, quā Deus monstrat, quæ
sit, 11. b. 12. a

vitæ hominū quantis curis
sit implicita, 4. a

via vitæ beatæ vna est. 3. a

vitam beatam Plato in vir-
tute locat, 71. b

virga quid significet. 48. a

vitam beatam qui adipiscā-
tur, 168. a

viribus diuinis qui fulcian-
tur, 9. b

ad Vitam beatam quibus
studij

virtus diuina quò vehemen-
tius oppugnatur, cō ma-
iore præsidio est munita.

123. b


Studijs & rationibus con-	malorum efca.	129. a
tendamus.	10. b	
Vita noſtra cui credēdazor. a	voluptas, quam iuſtitia	
geſtē viuendī ratio in fide	efficit, omnia bona con-	
poſita eſt.	129. a. b	
47. a	voluptas venerca quorū ſit	
Vniuerſitatis nomen multi	Deus.	45. b
plex eſt.	138. a	
Volcſius.	176. b	2. a
Voluntatem ad ſtudiū im-	voluptatem aſpernari quis	
mortalitatis fides rapit.	poſſit.	129. a
41. a	voluptates hominum futi-	
Voluntatem iudiciū ſem-	les & breues ſunt.	10. b
per antecedit.	40. b	
<u>Voluptas corporis omnium</u>	<u>Vuikleſi hæreſis.</u>	161. 2.
		162. a

F I N I S

fine

2 3 4 5 6

234



R. SALVAREZZA
RESTAURO

Via Val S. Anna, 58
Tel. 043.223

972

